



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

KC

16160



HN 5XVU A

KC

16160

ORIC  
BATES



EX LIBRIS


LEGE












C. VALERIUS  
CATULLUS.

21 JUL 1940







*Sic Feram Tener aeneas est Catullus  
Magne mittere puerum Maronē.*

0  
C A T U L L U S ,  
T I B U L L U S

E T

P R O P E R T I U S ,

Pristino nitori restituti , & ad optima  
Exemplaria emendati,

*Cum Fragmentis C. GALLO inscriptis.*



P A R I S I I S ,

Typis J. BARBOU, viâ San - Jacobea.

---

M. D C C. L I V.

KC 16180

~~LC 29.144~~

v

HARVARD COLLEGE LIBRARY  
FROM THE LIBRARY OF ORIC BATES  
MARCH 26, 1938

c



## TYPOGRAPHUS LECTORIS.



**A** M D U D U M expetitam Catulli ,  
Tibulli & Propertii Editionem ele-  
ganti caractere , cartha pura & nitida  
offerimus tibi , Lector benevole. Ne  
mireris , si dicam venustos Scriptores  
illos pristino nitore hic esse restitutos.

Hud saltem ausim de CATULLO affirmare ,  
cujus Editio princeps prodit Venetiis , in-folio par-  
vo , non ita pridem elapso anno M DCC XXXVIII.  
ex verustissimo , atque huc usque ignoto , nuper ta-  
men Romæ reperto codice. Hiatus ferè omnes ope  
hujus codicis restituuntur ; unicus tantum superest ,  
carmine scilicet LXXXVII. pag. 78. qui refarciri non  
potuit. Hæc Venetiana Editio , quæ debetur doc-  
tissimo Joanni Franciscò CORRADINO de Allio ,  
accurata quidem est , quamvis parùm elegans. At  
notæ textui Catulliano subjunctæ eruditissimæ sunt ,  
& varia , sed exquisita , doctrina refertæ ; mirorque  
eas denuò editas non fuisse à doctioribus Belgii nos-  
tri Criticis.

Mirum est quantum lucis Catullo nostro affe-  
rat hæc Venetiana Editio , quam summa fide tibi  
exhibemus. Non solum quorundam carminum  
ordinem inversum videbis ; sed agnosces insuper  
ope immutatorum quorundam verborum , quæ  
ex Codice Romano Venetiana habet Editio , ob-  
scuritatem Catullianam multis ex locis esse aman-

datam. Nusquam igitur deinceps curandum erit de alijs Catulli Editionibus huc usque vulgaris; immorandumque erit huic nostræ, aut Venetianæ Editioni.

Meum non est dicere quanti hunc nostrum Poëtam fecerint elegantiores veteris eloquii Latini auctores. Eorum testimonia congesserunt docti Catullianorum carminum Interpretes. At ne obsoletis, & parùm tritis vocabulis remorentur Lectores, illa explicata, & Litterarum ordine digesta, ad ultimas hujusce nostræ Editionis paginas amandavimus, atque notarum vices gerere possunt.

Ne tamen aliquid desideres, ad calcem Catulli nostri adjecimus teia ex Priapeis epigrammata, quæ huic nostro Poëtæ tribuunt quamplures eruditi; necnon carmen illud falsò Catullo à quibusdam olim attributum, atque dicatum verno tempori, quo Veneris reflorescit imperium. Hoc igitur, quod PERVIGILIUM VENERIS inscribitur, non ex vulgatis, ac proinde mendosis tibi damus editionibus, sed ex illa quam eximia cura, summoque animi affectu emendavit clarissimus atque doctissimus elegantiorum Litterarum cultor N. S. Sanado instituti Jesuitici alumnus. Hæc tamen carmina non agnoscit Codex Romanus, neque proinde Venetianæ Editio.

Comites, ut mos est, Catullo adjungimus Tibullum & Propertium. Hos ad præclarissimas, doctisque probatas contulimus editiones, non equidem omnino ad Brouckhusianam, in qua multa sunt ex ingenio immutata potius quam emendata; neque ad Cantabrigiensem anni 1702. aut Londinensem Maitterianam anni 1715. Istæ quanquam nitorem suum habeant, non tamen illum habent qui doctioribus placeat.

Nōrunt eruditi quam feliciter medicam manum his Poëtis sanandis adhiberit vir acri judicio &

exquisita cujuscunque generis doctrina præditus Josephus Scaliger. Hic siquidem non temerè, non inconsulrò, aut ex ingenio quædam mutavit & suis locis restituit, quæ priùs confusa erant & perturbata; sed fretus manuscriptis optimæ notæ, quorum, ubi opus est, verba refert, & emendationes suo probat suffragio.

Facem igitur nobis prætulit Scaliger, cujus vestigiis insistere non indecorum nobis visum est; nec tamen negleximus alios quosdam eruditiores & emunctiores Criticos, qui suas curas adhibuerunt, ut Achilles Stadius in Tibullo interpretando, atque in Propertio Guillelmus Canterus, sicuti in isto nostrorum Poëtarum Triumviratu Janus Douza uterque, pater & filius.

At si lauream suavitatis & amœnitatis surripuerit aliis Catullus, manet tamen Tibullo & Propertio miræ elegantiae præmium, quod non immeritò illis debetur. Canterus tamen Propertio Elegiæ tribuit principatum. Sive, inquit, insignem & perfectam à Poëta doctrinam, sive versus omnis venustatis plenissimos, sive dictionem purissimam ac tersissimam requiras, unus tibi abundè satisfaciet Propertius; & quo numero apud Græcos esset Callimachus, eo hic apud nostros & habitus fuit, & haberi ipse voluit.

Damus insuper Maximiani Elegiarum libellum, ad plures collatum editiones, præcipuè ad eam quæ anno 1569. ex officina prodiit Plantiniana, secundis Theodori Pulmanni curis. At quorsum, inquires, ad calcem tam elegantiorum carminum, tam delicatiorum Poëtarum addas fragmenta nonnulla, quæ quamvis sub Cornelii Galli nomine quandoque legantur, ea tamen indigna, quæ vel Gallo tribuantur, judicarunt eruditiores? Verùm id non nostro tantum, sed doctiorum factum est consilio, qui probarunt iteratam hanc Editionem, quòd ea legerint



sive in Plantinianis annorum 1560. & 1569. sive in Lugdunensi Gryphiana anni 1573. tum etiam in Amstelodamensibus plurimis, nec non in Trajectensi, quæ Variorum vocitatur, anni 1669. ubi multò perfectiora sunt edita: hæc igitur in nostra Editione describi curavimus.

Quandòquidem multa sunt in Editione nostra, quæ à vulgatis impressis differunt, ne putes, Lector benevole, hæc esse errata, quæ nostram curam, aut Editoris oculos fugerint; immò scias, velim, tot esse emendationes, has maximi, illas non minimi momenti, quæ ex Codice Romano in Venetianam, & ex ista in nostram Editionem fuerunt transmissa. Numerus enim earum in solo Catullo minor non est ducentis septuaginta octo, quarum ope sensus & elegantia Catulliana restituuntur. Editionem porro nostram ita curavimus prælo subjici, ut eam doctis & delicatis oculis offeramus omni errore typographico vacuum.

Non te moramur, Lector erudite, in enarrandis variis nostrorum Poëtarum Editionibus; illas si non omnes, præcipuas saltem dabit tibi Joannes Albertus Fabricius, cujus Bibliotheca Latina post sextam Editionem præsto est omnibus.

Ea sunt, Lector benevole, quæ præloqui censuimus: si autem ceptis nostris faveas, quamprimum properabimus ad cæteros Poëtas edendos, eos præcipuè quos non ediderunt Elzevirii. Hos etenim, non verò vulgares illos chartarum maculatores, atque characterum corruptores imitari mens nostra semper fuit, & erit. Vale. Kalendis Octobris 1743.



## CAII VALERII CATULLI

## VITA

JOANNE FRANCISCO CORRADINO


DE ALIO AUCTORE.

**C**AIVS Valerius Catullus natus est Olympiade 171. fortasse C. Cælio, & L. Domitio Coss. in Sirmione peninsula ad lacum Benacum, ex familia nobili quidem, ac quondam divite Valeria. Pauper tamen erat, & sanè pauperes amicos habebat, puta Furium, Aurelium, Fabullum, Veranatum, & alios: nihilominus beneficio nobilissimorum Romanorum locuples factus est. Nam Sirmionem vel in ditione porro habuit sua, vel ejus majores olim habuerunt, & Phaselum, quem de pena in Bithynia ædificavit, & domum Veronæ, & villam, & Fundum Tiburtem. Patrem etiam habuit Cæsaris amicum, & fratrem sæpe comitem Prætorum, quem in Troade mortuum lamentatur, & ad Hortatium, & ad Manlium scribens. Fuit autem facie honesta, colore bono, naso mediocri, ore bellulo, ac dentibus albis; fuit & natura vegeti. Itinera enim maritima semel, iterum, ac tertio confecit, ac rursus gravissimam expulit urtica tantum, & otio sine medici opella; ac Venerem maximè exercebat. Erat enim subobscurus. Nam puellas sectatus est, præcipuè Lesbiam amicam; tamen bonus homo videbatur, qui à multis deceptus fuit, Silone, Asinio, Thallo, Alphenio, Aufilena, Furio, Lesbia, amica Mamurræ, à Contubernalibus, pessimis hominibus,

puellulisque. In tenera ætate Romam profectus est , ubi ingenio clarere cœpit. Anno enim ferè decimo sexto multa scribebat amatoria ad Lesbiam , & alias : anno verò ætatis fortasse vigesimo primo in Bithyniam cum Memmio Prætore navigavit , & ineunte vere ex Bithynia Troadem ivit ad fratrem , tunc comitem nescio cujus Prætoris sanum & incolumem ; ex Troade iterum ad Prætorem , quocum tandem rediit Romam , hinc ad Patriam , ex qua , nuncio de morte fratris accepto , rursus Troadem petiit phælo ad eundem fratrem patrio more sepeliendum , parentandumque ; ex Troade iterum ad patriam , hinc Veronam , ubi janua domus quondam Lesbiæ allocutus est , ibique mœstissimus fratris obitu hymnavit. Tandem Verona Romam profectus , ubi facultatibus , & amicis floruit. Amicum enim habuit in primis Manlium , à quo beneficia maxima reportavit ; quapropter ejusdem nuptias elegantissimè cecinit : amicum & Ciceronem habuit , & Calvum Licinium , Cornificium , Verannium , Flavium , Furium , Aurelium , Varium , & alios , præsertim Cornelium Nepotem , cui libellum dedicavit suum ; inimicos etiam Nonium Strumam , Cominium , Gellium , Vestium , filium P. Clodii , quem vocat Lesbium , Mamurram , quem vocat Mentulam , & Cæsarem , quocum tamen licet iambis sæpissimè lacerato cœnavit. Postremò sciendum , nihil aliud composuisse Catullum præter hunc libellum , quem non mutilum , sed absolutum præ manibus habemus. Non enim *de incantamentis* , non *in Priapum* , non *Pervigilium Veneris* , non *Ver* , non alia ; hinc ait meritò de se : *Parva mei mihi sunt cordi monumenta laboris*. Cæterum Catullus fuit Poëta Poëtarum nobilissimus , latinitate quidem cum Plauto ac Terentio comparandus , facetiarum verò unus , & unicus pater ; eruditissimus quoque , atque in Græcis litteris versatissimus. Nam præter alia Callimachi elegiam

*De Coma Berenices* in latinis versus feliciter traductam Hortalo misit, ita ut omnium voto *doctus* appellaretur; de cuius quidem dicendi elegantia, doctrinaque habentur amplissima testimonia, Cornelius Nepos, Horatius, Tibullus, Propertius, Ovidius, Juvenalis, Corn. Tacitus, Paterculus, Seneca, Plinius, Martialis, Quintilianus, Suetonius, Apuleius, Eusebius, Ausonius, Macrobius, & A. Gellius, à quo ut Poëta elegantissimus maximopere laudatur. Mortuus est Romæ Olympiade 184. fortasse C. Cæfare, & M. Antonio Coss. annum agens ætatis quinquagesimum primum, quo tempore Virgilius Maro florere cœperat, de quibus natum est illud distichon:

*Tantum parva suo debet Verona Catullo,  
Quantum magna suo Mantua Virgilio.*



## SPECIMEN

Eorum Carminum , quæ vel immutata , vel  
inversa fuerunt , at ex Codice Romano  
suo loco restituuntur.

**M**IRUM est quantis in locis immutatus fuerit  
Catulli nostri textus , atque depravatus à Cri-  
ticis. Unusquisque enim versus corruptos restituit ,  
prout quisque erat affectus , aut ex ingenio ; pauci  
verò , si tamen Muretum , Achillem Statium & Jo-  
sephum Scaligerum excipias , Catullum ad manuscrip-  
tos Codices ediderunt. At feliciter reporto Romæ  
uno Codice antiquissimo , hunc lepidissimum Poëtam  
J. Franc. Corradinus de Allio emendavit. Rem tæ-  
diosam facerem exhibere tibi infinita propè loca ope  
hujus Codicis emendata. Id faciant Interpretes &  
Critici. Attamen cùm Editoris locum hîc tantum  
habeam , pauca ex hoc numero seligam , quæ tuis  
oculis subjiciam ; hinc conjicies quantum lucis Ca-  
tullo iste Codex attulerit.



CARMINE VI. Pagina nobis 5.

Nam mi ista ipsa valet, nihil tacere.

*Versus mirè corruptus in vulgatis Editionibus : hunc tibi damus ex Codice Romano. Muretus hunc ex conjectura restituerat, eo modo, scilicet :*

Nam ista in parte, valet nihil tacere.

*Alii verò legebant :*

Nam nil prævalet ista, nihil tacere.

*Scaliger autem sic reposuit :*

Nam ni stupra, valet nihil tacere.

*Incausum igitur hunc locum torquent ; jam ex veteri Codice illum (recto ordine) legere datur.*

CARMINE XVII. Pag. 12.

*Crura Ponticuli affulis stantis, inredivivus, &c. Sic Codex Romanus atque etiam alii. Mirum est quantum hunc versum corruerint Interpretes ; ad Corradinum lectionem Codicis Romani optime stabilit ac tueretur.*

EODEM CARMINE. Pag. 13.

In quo vel salis, subtilis ; sarta suscipiantur.

*Versus aequè corruptus in editis, in quibus legebatur :*

In quo vel salisubfili sacra suscipiunt.

*Sed Codicis Romani sensus omnibus est probandus Interpretibus.*

CARMINE XVIII. Pag. 14.

Meusmet puer, & sitire discet.

*Sic Veneta Editio ex Codice Romano ; alie enim vulgate legebant :*

Ne meus puer & sitire discet.

*Scaliger verò sic emendavit :*

Ah me me puer, & sitire discet.

*Alii autem Editores sic legunt :*

Me me jam puer & sitire discet.



## CARMINE XXVI. Pag. 19.

Hibera, quam se amnis aurifer Tagus;  
Quid hunc malum fovetis? &c.

*Editiones autem vulgatæ habent:*

Hibera, quam scit amnis aurifer Tagus,  
Hunc Galliæ timent, timent Britannia.  
Quid hunc malum fovetis? &c.

*Itaque non legitur in Codice Romano iste versus:*  
Hunc Galliæ timent, timent Britannia.

## CARMINE XXXV. Pag. 24.

Iraſcor tibi. Sic meos amotes?

*Versus ille qui quartus est in Codice Romano, sextus erat in vulgatis Editionibus, legebaturque post hunc:*  
Qua solatus es allocutione.

## CARMINE LI. Pag. 32.

Vetti, Rustice, semilauta crura.

*Versus iste qui in Codice Romano est tertio loco, antea sic legebatur secundo loco:*

Peri, rustice. semilauta crura.

## CARMINE LII. Pag. 33.

Vers. 3. Te in Campo quæſivimus minore.

*Ita Codex Romanus; at antea legebatur:*

Te quæſivimus in minore Campo.

## EODEM CARMINE. Ibidem.

Vers. 24. & 25. Non si Pegaseo ferar volatu.

Non Ladas si ego, pennipes-ve Perseus.

*Ita Codex Romanus; antea vero legebatur:*

Non Lada si ego, pennipes-ve Perseus:

Non si Pegaseo forar volatu.

## CARMINE LVII. Pag. 35.

Vesper adest, &c. Inversum est istud carmen in

*Codice Romano. In vulgatis Editionibus: Collis ô Heliconii, infra pagina 38. primo loco erat, atque omninò separatim legebatur, tanquam poëma diversum ab isto, quod nunc est LVII. At Codex Romanus ex duobus unicum facit, ac primo loco ponit Vesper adest, &c. quod antea legebatur post Collis ô Heliconii.*

EODEM CARMINE. Pag. 36.

Verf. 12. Adspicite, innuptæ, quæso, ut meditarie quærunt.

Nos aliò menteis, aliò divisimus aureis.

*Ita Codex Romanus; at in vulgatis antea legebatur:*

Adspicite, innuptæ, secum ut meditata requirunt.

Non frustra meditantur: habent memorabile quod sit.

Nos aliò mentes, aliò divisimus aures.

*Secundus versus non legitur in Codice Romano, neque in aliis manuscriptis; igitur commentitius est.*

EODEM CARMINE. Pag. 37.

Hesperus, &c. Post hunc versum lacuna erat in vulgatis; at nihil deest in Codice Romano, qui sub finem hujus commatis legit:

Hymen ô Hymenæe, Hymen ades, ô Hymenæe,  
Qui versus deest in vulgatis Editionibus.

EODEM CARMINE. Pag. 41.

*Commate: O beata, nec atra nox!*

O cubile, quot omnibus

Candido pede lectulis!

Sed moraris: abit dies;

Prodeas, nova nupta.

*Ita Codex Romanus: hic verò deficiebant vulgares Editiones; atque incerto animo erant doctiores. Quidam solum duos istos legebant versus, ceteri deficiebant.*

O cubile, quot (ô nimis  
Candido pede lecti.)

*Alia verò Editiones:*

O cubile, quot omine  
Candido pede lectuli.

*At deinde tres deficiebant versiculi. Verùm Muretus  
hos quinque versus ita ex ingenio restituebat:*

O cubile, quot omina  
Candido pede lectulis,  
Quæ tibi veniunt bona?  
Gaudeas. Sed abit dies  
Prodeas nova nupta.

*Sed controversiam omnem dirimit Codex Romanus.*

CARMINE LVIII. Pag. 45.

Vers. 14. *Alienæque, exules, ite pede loca celeri.*  
*Ita Codex Romanus; antè verò in Ediris legebatur:*  
*Aliena quæ petentes, velut exules loca.*

EODEM CARMINE. Pag. 47.

Ego viridis Algida Idæ Neamica loca colam?  
Ego vitam agam sub altis Phrygiæ columinibus?  
Jam jam dolet, quod egi, jam jamque pœnitet.  
Roseis ut huic labellis palans sonitus abiit,  
Ibi juncta juga resolvens Cybele leonibus,  
Geminas Deorum ad aureis nova nuncia referens,  
Lævumque pecoris, &c.

*Sic habet Codex Romanus; at vulgatæ Editiones  
aliter legunt, scilicet:*

Ego viridis Algida Idæ nive amicta loca colam?  
Ubi cerva silvicultrix, ubi aper nemorivagus?  
Ego vitam agam sub altis Phrygiæ columinibus?  
Jam jam dolet, quod egi, jam jamque pœnitet.  
Roseis ut huic labellis palans sonitus abiit,  
Geminas Deorum ad aureis nova nuntia referens;  
Ibi juncta juga resolvens Cybele leonibus,  
Lævumque pecoris, &c.

*Fides igitur in vulgatis versum ignotum Codici Romano, alterumque in versum & alio loco positum; sicut & verba quadam mutata, qua restituta Poëta lucem afferunt.*

CARMINE LIX. Pag. 49.

Nec dum etiam sese, quo sit visit, sibi credit.  
*Ita Codex Romanus; vulgari tamen legunt:*  
 Nec dum etiam seseque sui tum credidit esse.

EODEM CARMINE. Pag. 54.

Lucida qua splendent summi. Carchesia mali.  
*Ita Codex Romanus; versus tamen ille deest in vulgatis: at Muræus ex Nonio suspicatus erat versum hunc deesse, atque eo loci esse reponendum.*

EODEM CARMINE. Pag. 55.

Vinosus linquens Doris celebranda choreis  
 Nonacrios. Nam, quæ ille tulit radicibus altas.  
*Sic Romanus Codex scribit; verum in vulgatis legatur:*

Nereidum linquens claris celebranda choreis,  
 Non vacuus; namque ille tulit radicibus altas.

EODEM CARMINE. Pag. 57.

Nulla domus, &c. Hunc versum & tres qui sequuntur agnoscit Codex Romanus: hos tamen expunxerat Josephus Scaliger; sed male.

CARMINE LX. Pag. 59.

Ergo te ego audiero nunquam tua dicta loquentem.  
*Versus iste deest in vulgatis; agnoscitur tamen à Codice Romano: alium tamen addiderant Editiones quadam, scilicet:*

Adloquar? audiero ne nunquam tua verba loquentem.

xv] SPECIMEN EMENDAT.

*Hic tamen abest à manuscriptis , quæ eo loci lacunam habent , teste Scaligero.*

CARMINE LXI. Pag. 61.

Obtulit Arfinoes Locricos alis equos.  
*Sic Codex Romanus ; alia tamen Editiones habent :*  
Obtulit Arfinoes Chloridos ales equus.

CARMINE LXIII. Pag. 66.

Vivat in ore hominum plus uno clarior ævo.  
*Versum illum suppledit Codex Romanus : at in aliis manuscriptis hic erat lacuna ; sed in quibusdam editis hic versus aderat :*

Omni bus inque locis celebretur fama sepulti.  
*Sed Scaliger aliique Docti rectè suspicati sunt hunc esse notum & subditivum ab aliquo sciolo,*

CARMINE LXXXIV. Pag. 77.

Sed nunc id docto , &c.  
*Hunc versum & tres alios sequentes hic legit Codex Romanus ; antea tamen à suo loco divulsi in vulgatis ad finem carminis LXXII. legebantur : at Scaliger reposuerat ad finem carminis LXXI. sed utrique non bene.*

CARMINE LXXXV. Pag. 78.

Odi & amo , &c.  
*Huncce versum atque sequentem hic apponit Romanus Codex ; antea tamen legebatur uterque separatim , tanquam unum Epigramma ; sed hic rectè suo loco reponitur.*



C. VALERII




C. VALERII  
CATULLI  
VERONENSIS  
LIBER,

---

I.

AD CORNELIUM NEPOTEM.



QUI dono lepidum novum libellum,  
Arido modo pumice expolitum?  
Corneli, tibi; namque tu solebas  
Meas esse aliquid putare nugas  
Jam tum, quom ausus es unus Italorum  
Omne ævum tribus explicare chartis,  
Poësis, Juppiter! & laboriosis,

A



2. CATULLI LIBER.

Quare habe tibi quicquid hoc libelli est,  
Qualecunque; quod, ô patrona Virgo,  
Plus uno maneat perenne seclø.

---

I I.

AD PASSEREM LEBBIE.

PASSER deliciæ meæ puellæ,  
Quicum ludere, quem in sinu tenere,  
Quoi primum digitum dare adpetenti,  
Et acreis solet incitare morsus,  
Cum desiderio meo nitenti  
Carum nescio quid lubet jocari,  
Et solatiolum sui doloris;  
Credo, ut, quom gravis acquiescet ardor,  
Tecum ludere, sicut ipsa, possem,  
Et tristes animi levare curas!  
Tam gratum est mihi, quam ferunt puellæ  
Pernici aureolum fuisse malum,  
Quod zonam soluit diu ligatam.

---

I I I.

FUNUS PASSERIS.

LUGETE, ô Veneres, Cupidinesque,  
Et quantum est hominum venustiorum,  
Passer mortuus est meæ puellæ,  
Passer deliciæ meæ puellæ,  
Quem plus illa oculis suis amabat.  
Nam mellitus erat, suamque norat  
Ipsam tam bene, quam puella matrem;

Nec sese à gremio illius movebat ;  
 Sed circumfiliens modo huc , modo illuc ,  
 Ad solam dominam usque pipilabat :  
 Qui nunc it per iter tenebricosum  
 Illud , unde negant redire quenquam.  
 At vobis male sit , malæ tenebræ  
 Orci , quæ omnia bella devoratis ,  
 Tam bellum mihi passerem abstulistis.  
 Oh factum male ! oh miselle passer !  
 Tua nunc opera meæ puellæ  
 Flendo turgiduli rubent ocelli.

## I V.

## AD HOSPITES.

**P**HASELUS ille , quem videtis , hospites ,  
 Ait fuisse navium celerrimus ,  
 Neque ullius natantis impetum trabis  
 Nequisse præterire , sive palmulis  
 Opus foret volare , sive linteo.  
 Et hoc negat minacis Hadriatici  
 Negare litus , insulasque Cycladas ,  
 Rhodumque nobilem , horridamque Thraciam ,  
 Propontida , trucemque Ponticum sinum ,  
 Ubi iste , post phaselus , antea fuit  
 Comata silva. Nam Cythorio in jugo  
 Loquente sæpe sibilum edidit coma.  
 Amastris Pontica , & Cythore buxifer ,  
 Tibi hæc fuisse , & esse cognitissima  
 Ait phaselus ; ultima ex origine  
 Tuo stetisse dicit in cacumine ;  
 Tuo imbuisse palmulas in æquore ;  
 Et inde tot per impotentia freta  
 Hæc tulisse , læva , sive dextera

4 CATULLI LIBER.

Vocaret aura, five utrumque Juppiter  
 Simul secundus incidisset in pedem;  
 Neque ulla vota litoralibus Diis  
 Sibi esse facta, quom veniret à mari  
 Novissimo hunc ad usque limpidum lacum,  
 Sed hæc prius fuere; nunc recundita  
 Senet quiete, seque dedicat tibi,  
 Gemelle Castor, & gemelle Castoris.

---

V.

AD LESBIAM.

**V**IVAMUS, mea Lesbia, atque amemus,  
 Rumoresque senum severiorum  
 Omneis unius æstimemus assis.  
 Soles occidere, & redire possunt;  
 Nobis, quom semel occidit brevis lux,  
 Nox est perpetua una dormienda.  
 Da mi basia mille, deinde centum,  
 Dein mille altera, dein secunda centum,  
 Deinde usque altera mille, deinde centum.  
 Dein, quom millia multa fecerimus,  
 Conturbabimus illa, ne sciamus,  
 Aut ne quis malus invidere possit,  
 Quom tantum sciat esse basiorum,

---

VI.

AD FLAVIUM.

**F**LAVI, delicias tuas Catullo,  
 Ni sint inlepidæ, atque inelegantes,  
 Velles dicere, nec tacere posses.  
 Verum nescio quid febriculosi

# CATULLI LIBER.

5

Scorti diligis ; hoc pudet fateri.  
 Nam te non viduas jacerē noctes,  
 Nequicquam tacitum cubile clamat,  
 Sertis, ac Syrio flagrans olivo ;  
 Pulvinusque, peræque & hic, & ille  
 Attritus, tremulique quassa lecti  
 Argutatio, inambulatioque.  
 Nam mī ista ipsa valet, nihil tacere.  
 Cur non tam latera exfututa pandas,  
 Nec tu quid facias ineptiarum ?  
 Quare quicquid habes boni, malique,  
 Dic nobis ; volo te, ac tuos amores  
 Ad cœlum lepidō vocare versu.

## V I I.

### AD LESBIAM

**Q**UÆRIS quot mihi basiationes  
 Tuz, Lesbia, sint satis, superque ?  
 Quam magnus numerus Libiſſæ arenæ  
 Laſerpiciſeris jacet Cyrenis,  
 Oraclum Jovis inter æſtuoſi,  
 Et Batti veteris ſacrum ſepulcrum ;  
 Aut quam ſidera multa, quom tacet nox,  
 Furtivos hominum vident amores :  
 Tam te baſia multa baſiare,  
 Veſano ſatis, & ſuper Catullo eſt ;  
 Quæ nec pernumerare curioſi  
 Poſſint, nec mala ſaſcinate lingua.



Ailj

VIII.

AD SE IPSUM.

**M**ISER Catulle, desinas ineptire,  
 Et quod vides perisse, perditum ducas.  
 Fulsere quondam candidi tibi soles,  
 Quom ventitabas, quo puella ducebat  
 Amata nobis, quantum amabitur nulla.  
 Ibi illa multa tam jocosa fiebant,  
 Quæ tu volebas, nec puella nolebat.  
 Fulsere verè candidi tibi soles.  
 Nunc jam illa non volt, tu æque, inepte, sis, noli;  
 Nec, quæ fugit, sectare, nec miser vive;  
 Sed obstinata mente perfer, obdura.  
 Vale puella, jam Catullus obdurat;  
 Nec te requireret, nec rogabit invitam;  
 At tu dolebis, quom rogaberis nulla.  
 Scelesta, rere, quæ tibi manet vita?  
 Quis nunc te adibit? quoi videberis bella?  
 Quem nunc amabis? quojus esse diceris?  
 Quem basiabis? quoi labella mordebis?  
 At tu, Catulle, obstinatus obdura.

---

IX.

AD VERANNIUM.

**V**ERANNI, omnibus è meis amicis  
 Antistes mihi millibus trecentis,  
 Venistine domum ad tuos penateis,  
 Fratresque unanimos, tuamque matrem?

Venisti? ô mihi nuncii beati!  
 Visam te incolumem, audiamque Hiberum  
 Narrantem loca, facta, nationes,  
 Ut mos est tuus; applicansque collum  
 Jucundum, os, oculosque suaviabor.  
 O, quantum est hominum beatorum,  
 Quid me lætius est, beatiusve?

---

## X.

## DE VARO ET EIUS AMICA.

**V**ARUS me meus ad suos amores  
 Visum duxerat, è foro otiosum:  
 Scortillum, ut mihi tum repente visum est,  
 Non sanè inlepidum, nec inuenustum.  
 Huc ut venimus, incidere nobis  
 Sermones varii: in quibus, quid esset  
 Jam Bithynia? quomodo se haberet?  
 Et quonam mihi profuisset ære?  
 Respondi id, quod erat; nihil, neque ipsis  
 Met Prætoribus esse, nec cohorti,  
 Cur quisquam caput unctius referret;  
 Præsertim, quibus esset intûmator  
 Prætor, non facerent pili cohortem.  
 At certe tamen, inquiunt, quod illic  
 Natum dicitur esse, comparasti  
 Ad lecticam homines. Ego, ut puellæ  
 Unum me facerem beatiorem,  
 Non, inquam, mihi tam fuit malignè,  
 Ut, provincia qui mala incidisset,  
 Non possem octo homines parare rectos.  
 At mi nullus erat, nec hic, nec illic,  
 Fractum qui veteris pedem grabati  
 In cello sibi conlocare posset.

A liij

# 8 CATULLI LIBER

Hic illa, ut decuit cinædiorem,  
 Quæso, inquit mihi, mi Catulle, paulum  
 Istos commoda; nam volo ad Serapin  
 Deferri. Manē, inquit puellæ:  
 Istud, quod modò dixeram me habere;  
 Fugit me ratio; meus sodalis  
 Cinna est Caius, is sibi paravit:  
 Verum utrum illius, an mei, quid ad me?  
 Utor tam bene, quam mihi pararim.  
 Sed tu insulsa male, & molesta vivis,  
 Per quam non licet esse negligentem.

---

## XI.

### AD FURIUM ET AURELIUM.

**F**URI, & Aureli, cōmites Catulli,  
 Sive in extremos penetrabit Indos,  
 Litus ut longe resonante Eoa  
 Tunditur unda:

Sive in Hircanos, Arabasque molleis,  
 Seu Sacas, sagittiferosque Parthos,  
 Sive qua septemgeminus colorat  
 Æquora Nilus:

Sive trans altas gradietur Alpeis,  
 Cæsaris visens monumenta magni,  
 Gallicum Rhenum, horribileisque, ulti-  
 mosque Britannos:

Omnia hæc, quæcunque feret voluntas  
 Cœlitum, tentare simul parati,  
 Pauca nuntiāte meæ puellæ  
 Non bona dicta;

Cum suis vivat, valeatque morchis,

Quos simul complexa tenet trecentos,  
Nullum amans verè, sed identidem omnium  
Ilia rumpens.

Nec meum respectet, ut ante, amorem,  
Qui illius culpa cecidit, velut prati  
Ultimi flos, prætereunte postquam  
Tactus aratro est.

## XII.

## AD ASINIUM.

**M**ARRUCINE Asini, manu sinistra  
Non belle uteris in joco, atque vino;  
Tollis linthea negligentiorum.  
Hoc falsum esse putas? fugit te, inepte:  
Quamvis sordida res, & invenusta est.  
Non credis mihi? crede Pollioni  
Fratri, qui tua furta vel talento  
Mutari velit: est enim leporum  
Disertus pater, ac facetiarum.  
Quare aut hendecasyllabos trecentos  
Expecta, aut mihi lintheum remitte,  
Quod me non movet æstimatione,  
Verum est *μημεβουνοι* mei sodalis.  
Nam sudaria Setaba ex Hiberis  
Miserunt mihi muneri Fabullus,  
Et Verannius: hæc amem necesse est,  
Ut Veranniolum meum, & Fabullum.





## XIII.

## AD FABULUM.

**C**ENABIS bene, mi Fabulle, apud me,  
 Paucis, si tibi Dî favent, diebus;  
 Si tecum attuleris bonam, atque magnam  
 Cœnam, non sine candida puella,  
 Et vino, & sale, & omnibus cachinnis.  
 Hæc si, inquam, attuleris, venuste noster,  
 Cœnabis bene: nam tui Catulli  
 Plenus sacculus est araneorum.  
 Sed contra accipies meros amores,  
 Seu quid suavius, elegantiusve est:  
 Nam unguentum dabo, quod mææ puellæ  
 Donarunt Veneres, Cupidinesque;  
 Quod tu quom olfacies, Deos rogabis,  
 Totum ut te faciant, Fabulle, nasum.

## XIV.

## AD CALVUM.

**N**I te plus oculis meis amarem,  
 Jucundissime Calve, munere isto  
 Odissẽm te odio Vatiniano.  
 Nam quid feci ego, quidve sum locutus,  
 Cur me tot male perderes poëtis?  
 Isti Dii mala multa dent clienti,  
 Qui tantum tibi misit impiorum.  
 Quod si (ut suspicor) hoc novum, ac repertum  
 Munus dat tibi Sulla litterator,

Non est, mi, male, sed bene, ac beate,  
Quod non dispereunt tui labores.  
Dii magni, horribilem & sacrum libellum!  
Quem tu scilicet ad tuum Catullum  
Misti, continuo ut die periret  
Saturnalibus optimo dierum.  
Non, non hoc tibi, false, sic abibit:  
Nam si luxerit, ad librariorum  
Curram scrinia: Cæsios, Aquinos,  
Suffena omnia colligam venena,  
Ac te his suppliciis remunerabor.  
Vos hinc interea valete, abite  
Illuc, unde malum pedem tulistis,  
Seculi incommoda, pessimi poetæ.

---

## XV.

## AD AURELIUM.

COMMEMENDO tibi me, ac meos amores,  
Aureli; veniam peto pudentem,  
Ut, si quicquam animo tuo cupisti,  
Quod castum expeteres, & integellum,  
Conserve puerum mihi pudice:  
Non dico à populo; nihil veremur  
Istos, qui in platea modo huc, modo illuc  
In re prætereunt sua occupati;  
Verùm à te metuo, tuoque pene,  
Infesto pueris bonis, malisque,  
Quem tu, quâ lubet, ut lubet, moveto  
Quantum vis, ubi erit foris paratum.  
Hunc unum excipio, ut puto, pudenter.  
Quod si te mala mens, furorque vecors  
In tantam impulerit, sceleste, culpam,  
Ut nostrum insidiis caput laceffas;

Ah te tum miseri, malique fati,  
 Quem attractis pedibus, patente porta,  
 Percurrent raphanique, mugilesque.

---

## X V I.

## AD AURELIUM ET FURIUM.

**P**ÆDICABO ego vos, & inrumabo,  
 Aureli pathice, & cinæde Furi;  
 Qui me ex versiculis meis putastis,  
 Quod sint molliculi, parum pudicum.  
 Nam castum esse decet pium poëtam  
 Ipsum; versiculos nihil necesse est;  
 Qui tum denique habent salem, ac leporem,  
 Si sunt molliculi, ac parum pudici,  
 Et, quod pruriat, incitare possunt,  
 Non dico pueris, sed his pilosis,  
 Qui duros nequeunt movere lumbos.  
 Vos, quod millia multa basiorum  
 Legistis, male me marem putatis?  
 Si qui forte mearum ineptiarum  
 Lectores eritis, manusque vestras  
 Non horrebitis admovere nobis,  
 Pædicabo ego vos, & inrumabo.

---

## X V I I.

## AD COLONIAM.

**O** COLONIA, quæ cupis ponte ludere longo,  
 Et salire, paratum habes; sed veteris inepta  
 Crura ponticuli assulis stantis, inredivivus  
 Ne supinus eat, cavaque in palude recumbat:

Sic tibi bonus ex tua pons libidine fiat,  
 In quo vel salis, subtilis; sarta suscipiantur;  
 Munus hoc mihi maximi da, Colonia, risus.  
 Quemdam municipem meum de tuo volo ponte  
 Ire præcipitem in lutum, per caputque, pedesque;  
 Verum totius ut lacus, putidæque paludis  
 Lividissima, maximeque est profunda vorago.  
 Insulsiſſimus est homo, nec sapit pueri instar  
 Bimuli, tremula patris dormientis in ulna:  
 Quoi quom sit viridissimo nupta flore puella,  
 Et puella tenellulo delicatior hordo,  
 Asservanda nigerrimis diligentius uvis;  
 Ludere hanc sinit, ut lubet, nec pili facit uni,  
 Nec se subleuat ex sua parte, sed velut alnus  
 In fossa Liguri jacet subpernata securi,  
 Tantundem omnia sentiens, quasi nulla sit unquam.  
 Talis iste meus stupor nil videt, nihil audit,  
 Ipse qui sit, utrum sit, annon sit, id quoque nescit.  
 Nunc eum volo me è tuo ponte mittere pronum,  
 Si pote stolidum repente excitare veternum,  
 Et supinum animum in gravi derelinquere corno,  
 Ferream ut soleam tenaci in voragine mula.

---

## XVIII.

## AD AURELIUM.

**A**URELI, pater esuritionum,  
 Non harum modo, sed quot aut fuerunt,  
 Aut sunt, aut aliis erunt in annis,  
 Pædicare cupis meos amores?  
 Nec clam: nam simul es, jocularis una,  
 Hæres ad latus, omnia experiris.  
 Frustra; nam insidias mihi instructem

Tangam te prior inrumatione.  
 Atqui, id si faceres satur, tacerem.  
 Nunc ipsum id doleo, quod esurire  
 Meus-met puer, & sitire discet.  
 Quare desine, dum licet pudico,  
 Ne finem facias, sed inrumatus.

---

## XIX.

## AD V A R U M.

SUFFENUS iste, Vare, quem probe nosti,  
 Homo est venustus, & dicax, & urbanus,  
 Idemque longe plurimos facit versus.  
 Puto esse ego illi millia, aut decem, aut plura  
 Perscripta; nec sic, ut fit, in palimpsesto  
 Relata; chartæ regiæ, novi libri,  
 Novi umbilici, lora rubra, membrana  
 Derecta plumbo, & pumice omnia æquata,  
 Hæc quom legas tu, bellus ille, & urbanus  
 Suffenus, unus caprimulgus, aut fossor  
 Rarsus videtur: tantum abhorret, ac mutat,  
 Hoc quid putemus esse? qui modo scurra,  
 Aut, si quid hac re tristius videbatur,  
 Idem inficeto est inficetior rure,  
 Simul poemata attigit: neque idem unquam  
 Æque est beatus, ac poema quom scribit,  
 Tam gaudet in se, tamque se ipse miratur,  
 Nimirum omnes fallimur; neque est quisquam,  
 Quem non in aliqua re videre Suffenum  
 Possis. SUUS quoique attributus est error;  
 Sed non videmus manticæ quid in tergo est.



## X X.

## A D F U R I U M.

**F**URI, quoi neque servos est, neque arca,  
Nec cimex, nec araneus, nec ignis;  
Verum est & pater, & noverca, quorum  
Dentes vel silicem comesse possunt;  
Est pulchre tibi cum tuo parente,  
Et cum conjuge lignea parentis:  
Nec mirum; bene nam valetis omnes:  
Pulchre concoquitis, nihil timetis,  
Non incendia, non graveis ruinas,  
Non facta impia, non dolos veneni,  
Non casus alios periculorum;  
Ut qui corpora sicciora cornu,  
Aut si quid magis aridum est, habetis,  
Sole, & frigore, & esuritione.  
Quare non tibi sit bene, ac beate?  
A te sudor abest, abest saliva,  
Mucosque, & mala pituita nasi.  
Hanc ad mundiciem adde mundiorem,  
Quod culus tibi purior salkillo est,  
Nec toto decies cacas in anno;  
Atque id durius est faba, & lapillis:  
Quod tu si manibus teras, fricesque,  
Non unquam digitorum inquinare possis.  
Hæc tu commoda tam beata, Furi,  
Noli spernere, nec putare parvi;  
Et festertia, quæ soles, precari  
Centum desine: nam sat es beatus.



## XXI.

## AD JUVENTIUM.

**O** QUI flosculus es Juventiorum,  
 Non horum modo, sed quot aut fuerunt,  
 Aut posthac aliis erunt in annis;  
 Mallem divitias mihi dedisses  
 Isti, quoi neque servos est, neque arca;  
 Quam sic te sineres ab illo amari.  
 Qui? non est homo bellus, inquires? Est:  
 Sed bello huic neque servos est, neque arca,  
 Hoc tu, quam lubet, abjice, elevaque:  
 Nec servum tamen ille habet, neque arcam.

## XXII.

## AD THALLUM.

**C**INÆDE Thalle, mollior cuniculi capillo,  
 Vel anseris medullula, vel imula oricilla,  
 Vel pene languido senis, situque araneo;  
 Idemque Thalle, turbida rapacior procella,  
 Quom diva mulier aves ostendit oscitantes:  
 Remitte pallium mihi meum, quod involasti,  
 Sudariumque Setabum, catagraphosque Thynos,  
 Inepte, quæ palam soles habere tanquam avita:  
 Quæ nunc tuis ab unguibus reglutina, & remitte,  
 Ne laneum latrisculum, nateisque mollicellas,  
 Insulsa turpiter tibi flagella contribillent;  
 Et insolenter æstues, velut minuta magno  
 Deprensa navis in mari, vesaniente vento.

XXIII.

## XXIII.

## AD FURIUM.

**F**URI, villula nostra non ad Austri  
Flatus opposita est, nec ad Favoni,  
Nec sævi Boreæ, aut Apeliotæ;  
Verùm ad millia quindecim, & ducentos.  
O ventum horribilem, atque pestilentem?

## XXIV.

## AD PUERUM.

**M**INISTER vetuli puer Falerni,  
Inger mi calices amariores,  
Ut lex Posthumix jubet magistræ,  
Ebriosa acina ebriosioris.  
At vos, quo lubet, hinc abite lymphæ,  
Vini pernicies, & ad severos  
Migrate: hic merus est Thyonianus.

## XXV.

## AD VERANNIUM ET FABULLUM.

**P**ISONIS comites, cohors inanis,  
Aptis sarcinulis, & expeditis,  
Veranni optime, tuque mi Fabulle,  
Quid rerum geritis? satisne cum isto

B



Vappa, frigoraque, & famem tulistis?  
 Ecquidnam in tabulis patet lucelli  
 Expensum? ut mihi, qui meum secutus  
 Prætozem, refero datum lucello.  
 O Memmi, bene me, ac diu supinum  
 Tota ista trabe tentus inrumasti.  
 Sed, quantum video, pari fuisti  
 Casu; nam nihilo minore verpa  
 Farti estis. Pete nobiles amicos.  
 At vobis mala multa Dii, Deæque  
 Dent, opprobria Romuli, Remique.

---

## XXVI.

IN CÆSAREM, DE MAMURRA.

**Q**UIS hoc potest videre, quis potest pati,  
 Nisi impudicus, & vorax, & aleo,  
 Mamurram habere, quod comata Gallia  
 Habebat unctū, & ultima Britannia?  
 Cinæde Romule, hæc videbis, & feres?  
 Es impudicus, & vorax, & aleo.  
 Et ille nunc superbus, & superfluens  
 Perambulabit omnium cubilia,  
 Ut Albulus columbus, aut Adoneus?  
 Cinæde Romule, hæc videbis, & feres?  
 Es impudicus, & vorax, & aleo.  
 Eone nomine, Imperator unice,  
 Fuiſti in ultima Occidentis insula,  
 Ut ista voſtra diſſuruta mentula  
 Ducenties comesset, aut trecenties?  
 Quid est, ait? sinistra liberalitas  
 Parum expatrat, an parum helluatus est?  
 Paterna prima lancinata sunt bona;  
 Secunda præda Pontica; inde tertia

Hibera; quam se amnis aurifer Tagus.  
 Quid hunc malum fovetis? aut quid hic potest,  
 Nisi uncta devorare patrimonia?  
 Eone nomine, Imperator unice,  
 Socer, generque perdidistis omnia?

---

## XXVII.

## AD ALPHENUM.

**A**LPHENE immemor, atque unanimis false so-  
 dalibus,  
 Jam te nil miseret, dure, tui dulcis amiculi;  
 Jam me prodere, jam non dubitas fallere, perfide?  
 Nec facta impia fallacum hominum cœlicolis placent,  
 Quos tu negligis, ac me miserum deferis in malis.  
 Eheu quid faciant, dic, homines, quoive habeant  
 fidem?

Certe tute jubebas animam tradere, inique, me  
 Inducens in amorem, quasi tuta omnia mî forent.  
 Idem nunc retrahis te, ac tua dicta omnia, factaque  
 Ventos inrita ferre, & nebulas aereas sinis.  
 Si tu oblitus es: at Dî meminerunt, meminit Fides,  
 Quæ, te ut pœniteat postmodo facti, faciet, tui.

---

## XXVIII.

## AD SIRMIONEM PENINSULAM.

**P**ENINSULARUM, Sirmio, insularumque  
 Ocelle, quascunque in liquentibus stagnis,  
 Marique vasto fert uterque Neptunus;  
 Quam te libenter, quamque lætus invito,

B ij

Vix me ipse credens Thyniam, atque Bithynos  
 Liquisse campos, & videre te in tuto.  
 O quid solutis est beatius curis?  
 Quom mens onus reponit, ac peregrino  
 Labore fessi venimus larem ad nostrum,  
 Desideratoque acquiescimus lecto.  
 Hoc est, quod unum est, pro laboribus tantis.  
 Salve, ô venusta Sirmið, atque hero gaude;  
 Gaudete, vosque Lydiæ lacus undæ;  
 Ridete quicquid est domi cachinnorum.

---

## XXIX.

## AD HYP SITHILLAM.

**A**MABO, mea dulcis Hypsithilla,  
 Mez deliciæ, mei lepores,  
 Jube ad te veniam meridiatum.  
 Quod si jusseris, illud adjuvato,  
 Ne quis liminis obferet tabellam,  
 Neu tibi lubeat foras abire;  
 Sed domi maneat, paresque nobis  
 Novem continuas fututiones.  
 Verum, si quid ages, statim jubeto:  
 Nam pransus jaceo, & satur supinus  
 Pertundo tunicamque, palliumque.

---

## XXX.

## AD VIBENNIOS.

**O**FURUM optime balneariorum,  
 Vibenni pater, & cinæde fili:  
 Nam dextra pater inquinatioe,  
 Culo filius est voracior:

Cat non in exilium, malasque in oras  
Ris? quandoquidem patris rapinæ  
Notæ sunt populo, & nateis pilosas,  
Fili, non potes asse venditare.

---

## XXXI.

## SECULARE CARMEN AD DIANAM.

**D**IANÆ sumus in fide,  
Puellæ, & pueri integri:  
Dianam, pueri integri,  
Puellæque canamus.

O Latonia, maximi  
Magna progenies Jovis,  
Quam mater prope Deliam  
Deposivit olivam;

Montium domina ut fores,  
Silvarumque vireptium,  
Saltuumque reconditorum,  
Amniumque sonantium.

Tu Lucina dolentibus  
Juno dicta puerperis;  
Tu potens Trivia, & notho es  
Dicta lumine Luna.

Tu cursu, Dea, menstruo  
Metiens iter annuum,  
Rustica agricolæ bonis  
Tecta frugibus explēs.

Sis quocumque placet tibi  
Sancta nomine, Romulique,  
Ancique, ut solita es, bona  
Sospites ope gentem.

## XXXII.

## AD PAPHUM.

**P**ORTE tenero meo sodali  
 Velim Cæcilio, papyre, dicas,  
 Veronam veniat, Novi relinquens  
 Comi mœnia, Lariumque litus.  
 Nam quasdam volo cogitationes  
 Amici accipiat sui, meique.  
 Quare, si sapiet, viam vorabit;  
 Quamvis candida millies puella  
 Euntem revocet, manusque collo  
 Ambas injiciens roget morari;  
 Quæ nunc, si mihi vera nunciantur,  
 Illum deperit impotente amore.  
 Nam, quo tempore legit inchoatam  
 Dindymi dominam, ex eo misellæ  
 Ignes interiorem edunt medullam.  
 Ignosco tibi, Sapphica puella  
 Musa doctior; est enim venuste  
 Magna à Cæcilio inchoata mater.

## XXXIII.

## IN ANNALES VOLUSIÆ.

**A**NNALES Volusi, cacata charta,  
 Votum solvite pro mea puella.  
 Nam sanctæ Veneri, Cupidinique  
 Vovit, si sibi restitutus essem,  
 Desissemque truceis vibrare iambos,

Electissima pessimi poetæ  
Scripta tardipedi Deo daturam  
Infelicibus ustulanda lignis :  
Et hoc pessima se puella vidit  
Joco se lepide vovere Divis.  
Nunc ô cæruleo creata ponto ,  
Quæ sanctum Idalium , Erycosque apertos ,  
Quæque Ancona , Cnidumque arundinosam  
Colis , quæque Amathunta , quæque Golgos ,  
Quæque Dyrrachium Hadriæ tabernam ,  
Acceptum face , redditumque votum ,  
Si non inlepidum , neque invenustum est.  
At vos interea venite in ignem  
Pleni ruris , & inficetiarum ,  
Annales Volusi , cacata charta.

---

## XXXIV.

## AD CONTUBERNALES.

**S**ALAX taberna , vosque contubernales ,  
SA pileatis nona fratribus pile ,  
Solis putatis esse mentulas vobis ?  
Solis licere , quicquid est puellarum  
Confutuere , & putare cæteros hircos ?  
An continenter quod sedetis insulsi  
Centum , aut ducenti , non putatis ausurum  
Me una ducentos inrumare sessores ?  
Atqui putate : namque totius vobis  
Frontem tabernæ scipionibus scribam.  
Puella nam mea , quæ è meo sinu fugit ,  
Amata tantum , quantum amabitur nulla ,  
Pro qua mihi sunt magna bella pugnata ,  
Confedit istic : hanc boni , beatique  
Omnes amatis ; & quidem , quod indignum est ,

Omnes pusilli, & semitarii morchi:  
 Tu præter omneis une de capillatis  
 Cuniculosæ Celtiberiæ, fili  
 Egnati, opaca quem bonum facit barba,  
 Et dens Hibera defricatus urina.

XXXV.

AD CORNIFICIUM.

**M**ALE est, Cornifici, tuo Catullo,  
 Male est, m'hercule, & laboriose,  
 Et magis magis in dies, & horas  
 Irascor tibi: sic meos amores?  
 Quem tu, quod minimum, facillimumque est,  
 Qua solatus es adlocutione?  
 Paulum quid lubet adlocutionis  
 Mœstius lacrymis Simonideis.

XXXVI.

AD EGNATIUM.

**E**GNATIUS quod candidos habet denteis,  
 Renidet usquequaque; seu ad rei ventum est  
 Subsellium, quum orator excitat fletum,  
 Renidet ille; seu pii ad rogum filii  
 Lugetur, orba cum flet unicum mater,  
 Renidet ille: quicquid est, ubicunque est,  
 Quodcumque agit, renidet: hunc habet morbum,  
 Neque elegantem, ut arbitror, neque urbanum.  
 Quare monendus es mihi, bone Egnati,  
 Si urbanus esses, aut Sabinus, aut Tiburs,

Aut

Aur porcus UMBER, aut obesus Etruscus,  
 Aut Lanuvinus ater, atque dentatus,  
 Aut Transpadanus, (ut meos quoque attingam)  
 Aut quilubet, qui puriter lavit denteis;  
 Tamen renidere usquequaque te nollem.  
 Nam risu inepto res ineptior nulla est.  
 Nunc Celtiber es: Celtiberia in terra  
 Quod quisque minxit, hoc solet sibi mane  
 Dentem, atque rufam defricare gingivam;  
 Ut, quo iste vester expolitor dens est,  
 Hoc te amplius bibisse prædicet lori,

---

XXXVII.

AD RAYIDUM.

**Q**UÆNAM te mala mens, miselle Ravidè,  
 Agit præcipitem in meos iambos?  
 Quis Deus tibi non bene advocatus  
 Vecordem parat excitare rixam?  
 An ut pervenias in ora volgi?  
 Quid vis? qualubet esse notus optas?  
 Eris: quandoquidem meos amores  
 Cum longa voluisti amare pœna,

---

XXXVIII.

DE AMICA MAMURÆ.

**A**NNE sana puella defututa  
 Tota? millia me decem poposcit;  
 Ista turpiculo puella naso,  
 Decostoris amica Formiani.



Propinqui, quibus est puella curæ,  
 Amicos, medicosque convocate.  
 Non est sana puella, nec rogare  
 Qualis sit, solet, en imago, nasum.

---

## XXXIX.

AD MŒCHAM.

**A**D ESTE hendecasyllabi, quot estis,  
 Omnes undique, quotquot estis omnes;  
 Jocum me putat esse mœcha turpis,  
 Et negat mihi vestra reddituram  
 Pugillaria. Si pati potestis,  
 Persequamur eam, & reflagitemus.  
 Quæ sit, quæritis? illa, quam videtis  
 Turpe incedere murice, ac moleste  
 Ridentem catuli ore Gallicani.  
 Circumsistite eam, & reflagitate;  
 Mœcha putida, redde codicillos,  
 Redde, putida mœcha, codicillos.  
 Non assis facis? o lutum, lupanar!  
 Aut si perditius potest quid esse!  
 Sed non est tamen hoc satis putandum,  
 Quod si non aliud potest, ruborem  
 Ferreo canis exprimamus ore.  
 Conclamate iterum altiore voce;  
 Mœcha putida, redde codicillos,  
 Redde, putida mœcha, codicillos,  
 Sed nil proficimus; nihil movetur.  
 Mutanda est ratio, modusque vobis,  
 Si quid proficere amplius potestis.  
 Pudica & proba, redde codicillos,

## XL.

## IN AMICAM FORMIANÆ.

**S**ALVE, nec minimo puella naso,  
Nec bello pede, nec nigris ocellis,  
Nec longis digitis, nec ore sicco,  
Nec sane nimis elegante lingua,  
Decoctoris amica Formiani.  
Ten' provincia narrat esse bellam?  
Tecum Lesbia nostra comparatur?  
O seclum insapiens, & inficetum!

## XLI.

## AD FUNDUM.

**O**FUNDE noster, seu Sabine, seu Tiburs;  
Nam te esse Tiburtem autumant, quibus non  
est  
Cordi Catullum lædere: at quibus cordi est,  
Quovis Sabinum pignore esse contendunt.  
Sed seu Sabine, seu verius Tiburs,  
Fui libenter in tua suburbana  
Villa, malamque pectore expuli tussim;  
Non immerenti quam mihi meus venter,  
Dum sumptuosas adpeto, dedit, cornas,  
Nam Sestianus dum volo esse conviva,  
Orationem in Antium petito rem  
Plenam veneni, & pestilentia, legit:  
Hic me gravedo frigida, & frequens tussis  
Quassavit, usquedum in tuum sinum fugi,  
C ij

Et me recuravi ocioque, & urtica.  
 Quare refectus maximas tibi grates  
 Ago, meum quod nos es ulta peccatum.  
 Nec deprecor jam, si nefaria scripta  
 Sesti recepto, quin gravedinem, ac tussim,  
 Non mi, sed ipsi Sestio ferat frigus,  
 Qui tunc vocat me, quom malum legit librum.

---

## X L I I.

## DE ACME ET SEPTIMIO.

**A**CMEN Septimius, suos amores,  
 Tenens in gremio, Mea, inquit, Acme,  
 Ni te perdis amo, atque amare porro  
 Omnes sum assidue paratus annos,  
 Quantum qui pote plurimum perire;  
 Solus in Libya, Indiave tosta,  
 Cæso veniam obvius leoni.  
 Hoc ut dixit, Amor sinistram, ut ante,  
 Dextram sternuit adprobationem.  
 At Acme leviter caput reflectens,  
 Et dulcis pueri ebrios ocellos  
 Illo purpureo ore suaviata,  
 Sic, inquit, Mea vita, Septimille,  
 Huic uno domino usque serviamus;  
 Ut multo mihi major, acriorque  
 Ignis mollibus ardet in medullis.  
 Hoc ut dixit, Amor sinistram, ut ante,  
 Dextram sternuit adprobationem.  
 Nunc ab auspicio bono profecti,  
 Mutuis animis amant, amantur:  
 Unam Septimius miscellus Acmen  
 Mavolt, quam Syrias, Britanniasque;  
 Uno in Septimio fidelis Acme

Facit delicias, libidinesque.  
Quis ullos homines beatiores  
Vidit? quis Venerem auspiciorem?

---

## XLIII.

## AD SEIPSUM, DE ADVENTU VERIS.

JAM ver egelidos refert tepores,  
Jam cœli furor æquinoctialis  
Jucundis Zephyri fiescit auris:  
Linguntur Phrygii, Catulle, campi,  
Niceæque ager uber æstuosæ:  
Ad claras Asiæ volemus urbes.  
Jam mens prætrepidans avet vagari;  
Jam læti studio pedes vigescunt.  
O dulcis Comitum valete cœtus,  
Longe quos simul à domo profectos  
Diverse variæ viæ reportant.

---

## XLIV.

## AD PORCIUM ET SOCRATIONEM.

PORCI, & Socratio, duæ sinistræ  
Pisonis scabies, famesque mundi:  
Vos Verannio!o meo, & Fabullo  
Verpus præposuit Priapus ille?  
Vos convivia lauta sumptuose  
De die facitis; mei sodales  
Querunt in triviis vocationes.



## XLV.

AD JUVENTIUM.

---

**M**ELLITOS oculos tuos, Juventi,  
Si quis me finat usque basiare,  
Usque ad millia basiem trecenta,  
Nec unquam inde coram satur futurus:  
Non si densior aridis aristis  
Sit nostræ seges osculationis.

---

## XLVI.

AD MARCUM TULLIUM.

---

**D**ISERTISSIME Romuli nepotum,  
Quot sunt, quotque fuere, Marce Tulli,  
Quotque post aliis erunt in annis:  
Gratias tibi maximas Catullus  
Agit pessimus omnium poeta;  
Tanto pessimus omnium poeta;  
Quanto tu optimus omnium patronus.

---

## XLVII.

AD LICINIUM.

---

**H**ESTERNO, Licini, die otiosi  
Multum lusimus in meis tabellis,  
Ut convenerat esse delicatos.  
Scribens versiculos uterque nostrum,

Ludebat número modo hoc, modo illoc,  
Reddens muta per jocum, atque vinum.  
Atque illinc abii, tuo lepore  
Incensus, Licini, facetiisque,  
Ut nec me miserum cibus juvaret,  
Nec somnus tegeret quiete ocellos,  
Sed toto, indomitus furore, lecto  
Versarer, cupiens videre lucem,  
Ut tecum loquerer, simulque ut essem.  
At defessa labore membra postquam  
Semimortua lectulo jacebant,  
Hoc, jucunde, tibi poema feci,  
Ex quo perspiceres meum dolorem.  
Nunc audax cave sis, precesque nostras,  
Oramus, cave despuas, ocello,  
Ne poenas Nemesis reposcat à te.  
Est vehemens Dea, lædere hanc caveto.

---

## XLVIII.

## AD LEBBIAM.

**I**LLE mi par esse Deo videtur,  
Ille, si fas est, superare Divos,  
Qui sedens adversus identidem te  
Spectat, & audit

Dulce ridentem, misero quod omneis  
Eripit sensus mihi: nam simul te,  
Lesbia, adspexi, nihil est super mi  
Voce loquendum.

Lingua sed torpet, tenuis sub artus  
Flamma demanat, sonitu suo pte  
Tintinant aures, gemina teguntur  
Lumina nocte.

Otium, Catulle, tibi molestum est;  
 Otio exultas, nimiumque gestis;  
 Otium & reges prius, & beatas  
 Perdidit urbes.

---

## XLIX.

AD SEIPSUM, DE STRUMA ET VATINIO.

**Q**UID est, Catulle, quid moraris emori?  
 Sella in curuli Struma Nonius sedet;  
 Per Consulatum pejerat Vatinius.  
 Quid est, Catulle, quid moraris emori?

---

## L.

DE QUODAM HOMINE ET CALVO.

**R**ISI nescio quem modo in corona,  
 Qui quum mirifice Vatiniana  
 Meus crimina Calvus explicasset,  
 Admirans ait hæc, manusque tollens;  
 Dî magni! salaputium disertum!

---

## LI.

IN CÆSAREM.

**O**THONIS caput oppido pusillum,  
 Subtile, & lève peditum. Libonis:  
 Vetti, rustice, semilauta crura,  
 Si non omnia, displicere vellem

Tibi, & Suffitio feni recocto.  
Irafcere iterum meis iambis  
Immerentibus, unice Imperator.

---

## LII.

## A D C A M E R I U M.

**O** R A M U S, ſi forte non moleſtum eſt,  
Demonſtres, ubi ſint tuæ tenebræ.  
Te in campo quæſivimus minore,  
Te in circo, te in omnibus tabellis,  
Te in templo ſuperi Jovis ſacrato,  
In Magni ſimul ambulatione.  
Femellas omneis, amice, prendi,  
Quas voltu vidi tamen ſereno.  
Ah, vel te ſic ipſe ſagittabam:  
Camerium mihi, peſſimæ puellæ.  
Quædam, inquit, nudum ſinum reducens,  
En hic in roſeis latet papillis.  
Sed te jam ferre Herculei labos eſt,  
Tanto te in faſtu negas, amice.  
Dic nobis, ubi ſis futurus, ede,  
Audacter committe, crede, Luci.  
Num te lacteolæ tenent papillæ?  
Si linguam claſo tenes in ore,  
Fructus projicies amoris omneis:  
Verbosa gaudet Venus loquela.  
Vel, ſi vis, licet obſeres palatum,  
Dum noſtri ſis particeps amoris.  
Non cuſtos ſi fingar ille Cretum,  
Non ſi Pegafeo ferar volatu,  
Non Ladas ſi ego, pennipeſve Perſeus,  
Non Rheſi niveæ, citæque bigæ:  
Adde huc plumipedas, volatilesque,



Ventorumque simul require cursum,  
 Quos junctos, Cameri, mihi dicares:  
 Defessus tamen omnibus medullis,  
 Et multis languoribus peresus  
 Essem, te, mi amice, queritando.

---

## L I I I.

AD M. CATONEM PORCIUM.

**O**REM ridiculam, Cato, & jocosam,  
 Dignamque auribus, & tuo cachinno?  
 Ride, quicquid amas, Cato, Catullum:  
 Res est ridicula, & nimis jocosa.  
 Deprendi modo pupulum puellæ  
 Trufantem; hunc ego, si placet Dionæ,  
 Pro telo rigida mea cecidi.

---

## L I V.

IN MAMURRAM ET CÆSAREM.

**P**ULCHRE convenit improbis cinædis  
 Mamurræ pathicoque, Cæsarique:  
 Nec mirum; maculæ pares utrisque.  
 Urbana altera, & illa Formiana,  
 Impressæ resident, nec eluentur.  
 Morbosi pariter, gemelli utrique;  
 Uno in lectulo, erudituli ambo:  
 Non hic, quam ille, magis vorax adulter;  
 Rivales, socii & puellularum:  
 Pulchre convenit improbis cinædis.

## L V.

## AD CÆLIUM, DE LESBIA.

**C**ÆLI, Lesbia nostra, Lesbia illa,  
 Illa Lesbia, quam Catullus unam  
 Plus, quam se, atque suos amavit omneis:  
 Nunc in quadriuiis, & angiportis,  
 Glubit magnanimos Remi nepotes.

## L V I.

## IN RUFAM.

**B**ONONIENSEM Rufa Rufulum fallat  
 Uxor Nemeni: sæpe quam in sepulchretis  
 Vidistis ipso rapere de rogo cornam,  
 Quom devolutum ex igne prosequens panem,  
 Ab semiraso tunderetur ultore?  
 Num te læna montibus Libyffinis,  
 Aut Scylla latrans infima inguinum parte,  
 Tam mente dura procreavit, ac tetra,  
 Ut supplicis vocem in novissimo casu  
 Contemptam haberes? ô nimis fero corde!

## L V I I.

## EPITHALAMIUM MANLI ET JUNIÆ.

## JUVENES.

**V**ESPER adest, juvenes, consurgite; vespere  
 Olympo  
 Expectata diu vix tandem lûmina tollit.

Surgere jam tempus, jam pingueis linquere mensas;  
 Jam veniet virgo, jam dicetur Hymenæus.  
 Hymen ô Hymenæe, Hymen ades ô Hymenæe.

## P U E L L Æ.

Cernitis, innuptæ, juvenes? consurgite contra.  
 Nimirum Æteos os tendit Noctifer imber.  
 Sic certe est; viden', ut pernicious exsiluere?  
 Non temere exsiluere; cavent, quo visere parent.  
 Hymen ô Hymenæe, Hymen ades ô Hymenæe.

## J U V E N E S.

Non facilis nobis, æquales, palma parata est:  
 Adspicite, innuptæ, quæso, ut meditarie quærunt;  
 Nos alio mentis, alio divisimus aureis.  
 Jure igitur vincemur; amat victoria curam:  
 Quare nunc animos saltem committite vestros.  
 Dicere jam incipient, jam respondere decebit:  
 Hymen ô Hymenæe, Hymen ades ô Hymenæe.

## P U E L L Æ.

Hespere, qui cælo fertur crudelior ignis;  
 Qui natam possis complexu avellere matris,  
 Complexu matris retinentem avellere natam,  
 Et juveni ardenti castam donare puellam.  
 Quid faciant hostes capta crudelius urbe?  
 Hymen ô Hymenæe, Hymen ades ô Hymenæe.

## J U V E N E S.

Hespere, qui cælo lucet jucundior ignis;  
 Qui desponsa tua firmes connubia flamma?  
 Quod pepigere viri, pepigerunt ante parentes;  
 Nec junxere prius, quam se tuus extulit ardor.  
 Quid datur à Divis felici optatius hora?  
 Hymen ô Hymenæe, Hymen ades ô Hymenæe.



## PUELLÆ.

Hesperus è nobis, æquales, abstulit unam :  
 Namque tuo adventu vigilat custodia semper ;  
 Nocte latent fures, quos idem sæpe revertens,  
 Hesperæ, murato comprehendis nomine eisdem.  
 Hymen ô Hymenæe, Hymen ades ô Hymenæe.

## JUVENES.

At lubet innuptis ficto te carpere questu ;  
 Quid tum si carpunt, tacita quem mente requirunt ?  
 Hymen ô Hymenæe, Hymen ades ô Hymenæe,

## PUELLÆ.

Ut flos in septis secretus nascitur hortis,  
 Ignotus pecori, nullo contusus aratro,  
 Quem mulcent auræ, firmat sol, educat imber,  
 Multi illum pueri, multæ optavere puellæ ;  
 Idem quom tenui carptus defloruit ungui,  
 Nulli illum pueri, nullæ optavere puellæ.  
 Sic virgo, dum innupta manet, dum cara suis est ;  
 Quom castum amisit polluto corpore florem,  
 Nec pueris jucunda manet, nec cara puellis.  
 Hymen ô Hymenæe, Hymen ades ô Hymenæe.

## JUVENES.

Ut vidua in nudo vitis quæ nascitur arvo,  
 Nunquam se extollit, nunquam mitem educat uvam,  
 Sed tenerum prono deflectens pondere corpus,  
 Jam jam contingit summam radice flagellum,  
 Hanc nulli agricolæ, nulli coluere juvenci :  
 At si forte eadem est ulmo conjuncta marito,  
 Multi illam agricolæ, multi coluere juvenci,  
 Sic virgo, dum innupta manet, dum inculta senescit,  
 Quum par connubium maturo tempore adepta est,  
 Cara viro magis, & minus est invisâ parenti.  
 Et tu nec pugna cum tali conjuge virgo,

Non æquum est pugnare , pater quoi tradidit ipse ,  
Ipse pater cum matre , quibus parere necesse est.  
Virginitas non tota tua est ; ex parte parentum est :  
Tertia pars patri data , pars data tertia matri ,  
Tertia sola tua est : noli pugnare duobus ,  
Qui genero sua jura simul cum dote dederunt.  
Hymen ô Hymenæe , Hymen ades ô Hymenæe.



C O L L I S : ô Heliconii  
Cultor , Uraniæ genus ,  
Qui rapis teneram ad virum  
Virginem , ô Hymenæe Hymen ,  
O Hymen Hymenæe.

Cinge tempora floribus  
Suave-olentis amaraci :  
Flammeum cape : lætus huc ,  
Huc veni , niveo gerens  
Luteum pede soccum ;

Excitusque hilari die ,  
Nuptialia concinens  
Voce carmina tinnula ,  
Pelle humum pedibus : manus  
Pineam quate tædam.

Namque Junia Manlio ,  
Qualis Idalium colens  
Venit ad Phrygium Venus  
Judicem , bona cum bona  
Nubet alite virgo.

Floridis velut enitens  
Myrtus Asia ramulis ,  
Quos Hamadryades Deæ  
Ludicrum sibi roscido  
Nectunt humore ,

Quare age, huc aditum ferens,  
Perge linquere Thespiz  
Rupis Aonios specus,  
Nympha quos super inrigat  
Frigerans Aganippe.

Ad domum dominam voca  
Conjugis cupidam novi,  
Mentem amore revinciens,  
Ut tenax hedera huc, & huc  
Arborem implicat errans.

Vosque item simul integræ  
Virgines, quibus advenit  
Par dies, agite, in modum  
Dicite: ô Hymenæe Hymen,  
Hymen ô Hymenæe.

Ut lubentius audiens,  
Se citarier ad suum  
Munus, huc aditum ferat  
Dux bonæ Veneris, boni  
Conjugator amoris.

Quis Deus magis à magis  
Est petendus amantibus?  
Quem colant homines magis  
Cœlitum? ô Hymenæe Hymen,  
Hymen ô Hymenæe.

Te suis tremulus parens  
Invocat; tibi virgines  
Zonula solvunt sinus;  
Te timens cupida novos  
Captat aure maritos,

Tu fero juveni in manus  
Floridam ipse puellulam  
Matris è gremio suæ  
Dedis, ô Hymenæe Hymen,

Hymen ô Hymenæe.

Nil potest sine te Venus,  
Fama quod bona comprobet,  
Commodi capere; at potest,  
Te volente: quis huic Deo  
Compararier ausit?

Nulla quit sine te domus  
Liberos dare, nec parens  
Stirpe vincier; at potest,  
Te volente: quis huic Deo  
Compararier ausit?

Quæ tuis careat sacris,  
Non queat dare præsidēs  
Terra finibus; at queat,  
Te volente: quis huic Deo  
Compararier ausit?

Claustra pandite januæ,  
Virgo adest. Viden', ut faces  
Splendidas quatiunt comas?  
Sed moraris, abit dies;  
Prodeas, nova nupta.

Tardet ingenuus pudor,  
Quem tamen magis audiens  
Flet; quod ire necesse est.  
Sed moraris, abit dies;  
Prodeas, nova nupta.

Flere desine: non tibi,  
Aurunculeja, periculum est,  
Ne qua femina pulchrior  
Clarum ab Oceano diem  
Viderit venientem.

Talis in vario solet  
Divitis domini hortulo

Stare

Stare flos Hyacinthinus.  
Sed moraris, abit dies;  
Prodeas, nova nupta.

Prodeas, nova nupta, sis:  
( Jam videtur ) & audias  
Nostra verba. Vide, ut faces  
Aureas quatiunt comas:  
Prodeas, nova nupta.

Non tuus levis in mala  
Deditus vir adultera,  
( Procuratur pia persequens )  
A tuis teneris volet  
Secubare papillis.

Lenta qui velut adfitas  
Vitis implicat arbores,  
Implicabitur in tuum  
Complexum: sed abit dies;  
Prodeas, nova nupta.

O beata, nec atra nox!  
O cubile, quot omnibus  
Candido pede lectulis!  
Sed moraris: abit dies;  
Prodeas, nova nupta.

Quæ tuo veniunt hero,  
Quanta gaudia, quæ vaga  
Nocte, quæ media die  
Gaudeat! sed abit dies;  
Prodeas, nova nupta.

Tollite, ô pueri, faces,  
Flammeum video venire.  
Ire; concinite in modum,  
Io Hymen Hymenæe io,  
Io Hymen Hymenæe io.



Nec diu taceat procax  
Fescennina locutio ;  
Nec nuces pueris neget ,  
Desertum domini audiens  
Concubinus amorem.

Da nuces pueris , iners  
Concubine : satis diu  
Lusisti nucibus ; lubet  
Jam servire Thalassio.  
Concubine , nuces da.

Sordebant tibi villuli ,  
Concubine , hodie , atque heri.  
Nunc tuum cinerarius  
Tondet os ; miser , ah miser  
Concubine , nuces da.

Diceris male , te à tuis  
Unguentate glabris marite  
Abstinere ; sed abstine.  
Io Hymen Hymenæe io ,  
Io Hymen Hymenæe io.

Scimus hæc tibi , quæ licent  
Sola , cognita ; sed marito  
Ista non eadem licent.  
Io Hymen Hymenæe io ,  
Io Hymen Hymenæe io.

Nupta , tu quoque , quæ tuus  
Vir petet , cave ne neget ,  
Ne petitum aliunde eat.  
Io Hymen Hymenæe io ,  
Io Hymen Hymenæe io.

En tibi domus , ut potens ,  
Et beata viri tui ,  
Quæ tibi , sine , serviet.  
Io Hymen Hymenæe io ,

Io Hymen Hymenæe io.

Usque dum tremulum movehs  
Cana tempus anilitas  
Omnia omnibus annuit.  
Io Hymen Hymenæe io,  
Io Hymen Hymenæe io.

Transfer omine cum bone  
Limen aureolos pedes,  
Rasilemque subi forem.  
Io Hymen Hymenæe io,  
Io Hymen Hymenæe io.

Adspice, imus ut accubans  
Vir tuus Tyrio in toro,  
Torus immineat tibi.  
Io Hymen Hymenæe io,  
Io Hymen Hymenæe io.

Illi, non minus ac tibi,  
Pectore uritur intimo  
Flamma, sed penite magis.  
Io Hymen Hymenæe io,  
Io Hymen Hymenæe io.

Mitte brachiolum teres,  
Prætextate, puellulæ;  
Jam cubile adeant viri.  
Io Hymen Hymenæe io,  
Io Hymen Hymenæe io.

Vos bonæ senibus unis  
Cognitæ breve feminæ,  
Conlocate puellulam.  
Io Hymen Hymenæe io,  
Io Hymen Hymenæe io.

Jam licet venias, marite;  
Uxor in thalamo est tibi

D 11

Ore floridulo nitens,  
Alba parthenice velut,  
Luteumve papaver.

At, marite (ita me juvent  
Cœlites) nihilominus  
Pulcher es; neque te Venus  
Negligit: sed abit dies;  
Perge, nec remorare.

Non diu remoratus es.  
Jam venis; bona te Venus  
Juverit, quoniam palam,  
Quod cupis, capis, & bonum  
Non abscondis amorem.

Ille pulveris Erythri,  
Siderumque micantium  
Subducat numerum prius,  
Qui vestri numerare volt  
Multa millia ludi.

Ludite, ut lubet, & brevi  
Liberos date; non decet  
Tam vetus sine liberis  
Nomen esse, sed indidem  
Semper ingenerari.

Torquatus volo parvulus  
Matris è gremio suæ,  
Porrigens teneras manus,  
Dulce rideat ad patrem,  
Semihiante labello.

Sit suo similis patri  
Manlio, & facile insciis  
Noscitur ab omnibus;  
Et pudicitiam suæ  
Matris indicet ore.

Talis illius à bona

Matre laus genus adprober ,  
 Qualis unica ab optima  
 Matre Telemacho manet  
 Fama Penelopæo.

Claudite ostia , virgines ;  
 Lufimus satis : at boni  
 Conjuges , bene vivite , &  
 Munere assiduo valentem  
 Exercete juventam.

## L V I I L

## D E A T I.

**S**UPER alta vectus Alys celeri rate maria ,  
 Phrygium nemus citato cupide pede tetigit ,  
 Adiitque opaca silvis redimita loca Deæ ;  
 Stimulatus ubi furenti rabie , vagus animi ,  
 Devolvit illa acuta sibi pondera filice.  
 Itaque ut relicta sensit sibi membra sine viro ,  
 Et jam recente terræ sola sanguine maculans ,  
 Niveis citata cepit manibus leve tympanum ,  
 Tympanum , tubam , Cybelle , tua , mater , initia ,  
 Quatientsque terga tauri teneris cava digitis ,  
 Canere hæc suis adorta est tremebunda comitibus :  
 Agite , ite ad alta , Gallæ , Cybeles nemora simul ,  
 Simul ite , Dindymenæ dominæ vaga pecora ,  
 Alienaque exules ite pede loca celeri.  
 Sectam meam exsecutæ , duce me , mihi comites  
 Rapidum salum tulistis , truculentaque pelagi ,  
 Et corpus evirastis Veneris nimio odio :  
 Hilarate excitatis erroribus animum ;  
 Mora tarda mente cedat , simul ite : sequimini  
 Phrygiam ad domum Cybelles , Phrygia ad nemora  
 Deæ ,

Ubi cymbalū sonat vox, ubi tympana reboant,  
Tibicen ubi canit Phryx curvo grave calamo,  
Ubi capita Mænades vi jaciunt hederigeræ,  
Ubi sacra sancta acutis ululatibus agitant,  
Ubi suevic illa Divæ volitare vaga cohors;  
Quo nos decet citatis celebrare tripudiis.  
Simul hæc comitibus Atys cecinit notha mulier,  
Thyasus repente linguis trepidantibus ululat,  
Leve tympanum remugit, cava cymbala recrepant,  
Viridem citus adit Idam properante pede chorus.  
Furibunda simul, anhelans, vaga vadit, animi egens,  
Comitata tympano Atys, per opaca nemora dux,  
Veluti juvenca vitans omnis indomita jugi.  
Rapidae ducem sequuntur Gallæ pede propero.  
Itaque, ut domum Cybelles tetigere lassulæ  
Nimio è labore, somnum capiunt sine Cerere.  
Piget his labante languore oculos sopor operit.  
Abit in quiete molli ravidus furor animi.  
Sed ubi oris aurei sol radiantibus oculis  
Lustravit æthera album, sola dura, mare ferum,  
Pepulitque noctis umbras vegetis sonipedibus,  
Ibi somnus excitum Atyn fugiens citus abiit;  
Trepidantem eum recepit Dea Pasithea sinu.  
Ita de quiete molli rapida sine rabie,  
Simul ipse pectore Atys sua facta recoluit,  
Liquidaque mente vidit sine queis, ubique foret,  
Animo æstuante rursus reditum ad vada retulit.  
Ibi maria vasta visens lacrymantibus oculis,  
Patriam adlocuta voce est ita mœstus miseritus:  
Patria, ô mea creatrix, patria, ô mea genetrix,  
Ego quam, miser, relinquens, dominos ut herifugæ  
Famuli solent, ad Idæ tetuli nemora pedem;  
Ut apud, miser, ferarum gelida stabula forem,  
Et earum omnia adirem furibunda latibula.  
Ubinam, aut quibus locis te positam, patria, rear?  
Cupit ipsa pupula ad te sibi dirigere aciem,  
Rabie fera carens dum breve tempus animus est.

Egone à mea remota hæc ferar in nemora domo,  
Patria, bonis, amicis, genitoribus abero?  
Abero foro, palæstra, stadio, & gymnasiis?  
Miser, ah miser, querendum est etiam atque etiam,  
anime.

Quod enim genus, figura est, ego non quod obierim?  
Ego puber, ego adolescens, ego ephebus, ego puer,  
Ego gymnasii fui flos, ego eram decus olei;  
Mihi januæ frequentes, mihi limina tepida,  
Mihi floridis corollis redimita domus erat,  
Linquendum ubi esset orto mihi sole cubiculum.  
Egone Desum ministra, & Cybeles famula ferar?  
Ego Manas, ego mei pars, ego vir sterilis ero?  
Ego viridis algida Idæ neamica loca colam?  
Ego vitam agam sub altis Phrygiæ columinibus?  
Jam jam dolet, quod egi, jam jamque pœnitet.  
Roseis ut huic labellis palans sonitus abiit,  
Ibi juncta iuga resolvens Cybele leonibus,  
Geminas eorum ad aureis nova nuncia referens,  
Lævumque pecoris hostem stimulans, ita loquitur:  
Agedum, inquit, age ferox, fac, hinc ut furoribus,  
Fac ut hinc furoris ictu reditum in nemora ferat,  
Mea, liber ah nimis, qui fugere imperia cupit.  
Age, cæde terga cauda, tua verbera patere:  
Face cuncta mugienti fremitu loca retonent:  
Rutilam ferox torosa cervice quate jubam.  
Ait hæc minax Cybelle, religatque iuga manu.  
Ferus ipse sese adhortans rapidum incitat animum;  
Vadit, fremit, refringit virgulta pede vago.  
At ubi ultima albicantis loca litoris adiit,  
Teneramque vidit Atyn prope marmora pelagi,  
Facit impetum; ille demens fugit in nemora fera:  
Ibi semper omne vitæ spatium famula fuit.  
Dea magna, Dea Cybelle, Dea domina Dindymi,  
Procul à mea tuus sit furor omnis, hera, domo.  
Alios age incitatos, alios age rabidos.

## L I X.

## EPITHALAMIUM PELEI ET THETIDOS.

**P**ELIACO quondam prognatæ vertice pinus  
 Dicuntur liquidas Neptuni nasse per undas  
 Phasidos ad fluctus, & fines Ætæos;  
 Quum læti juvenes, Argivæ robora pubis,  
 Auraram optantes Colchis avertere pellem,  
 Ausi sunt vada falsa cita decurrere puppi,  
 Cærule verrentes abiegnis æquora palmis.  
 Diva quibus retinens in summis urbibus arces,  
 Ipsa levi fecit volitantem flamine currum,  
 Pineæ conjungens inflexæ texta carinæ:  
 Illa rudem cursu primam imbuat Amphitriten;  
 Quæ simul ac rostro ventosum proscidit æquor,  
 Tortaque remigio spumis incanduit unda,  
 Emergere feri candenti è gurgite vultus,  
 Equoreæ monstrum Nereides admirantes,  
 Illa, atque alia viderunt luce marinas  
 Mortales oculi nudato corpore nymphas,  
 Nutricum tenus exstantes è gurgite cano.  
 Tum Thetidis Peleus incensus fertur amore,  
 Tum Thetis humanos non despexit hymæneos,  
 Tum Thetidi pater ipse jugandum Peleæ sensit.  
 O nimis optato sæclorum tempore nati,  
 Heroës, salvete, Deûm genus! ô bona mater!  
 Vos ego sæpe meo vos carmine compellabo;  
 Teque adeo eximiè tædis felicibus aucte  
 Emathiæ columen Peleu, quoui Juppiter ipse,  
 Ipse suos Divûm genitor concessit amores.  
 Tene Thetis tenuit pulcherrima Neptunine?  
 Tene suam Thetys concessit ducere neprem;  
 Oceanusque, mari totum qui amplectitur orbem?

Quæ

Quæ simul optatæ, finito tempore, luces  
Advenere, domum conventu tota frequentat  
Theſſalia; oppletur lætanti regia cœtu:  
Dona ferunt: præ se declarant gaudia vultu:  
Deſeritur Scyros: linquunt Phthiotica Tempe,  
Grajugenæque domos, ac mœnia Lariffæa:  
Pharſaliam cœunt, Pharſalia teſta frequentant:  
Rura colit nemo; molleſcunt colla juvencis.  
Non humilis curvis purgatur vinea raſtris,  
Non glebam prono convellit vomere taurus,  
Non falx attenuat frondatorum arboris umbram,  
Squallida deſertis rubigo inferitur aratris.  
Ipſius at ſedes, quacunque opulenta reſeſſit  
Regia, fulgenti ſplendent auro, atque argento:  
Candet ebur ſoliis, collucent pocula menſis;  
Tota domus gaudet regali ſplendida gaza.  
Pulvinar verò Divæ geniale locatur  
Sedibus in mediis, Indo quod dente politum  
Tinſta regit roſeo conchyliis purpura fucis.  
Hæc veſtis priſcis hominum variata figuris,  
Heroum mira virtutes indicat arte.  
Namque ſtuentifono proſpectans litore Dix,  
Theſea cedentem celeri cum claſſe tuetur  
Indomitos in corde gerens Ariadna furores;  
Nec dum etiam ſeſe, quò ſit viſit, ſibi credit,  
Utpote fallaci quæ tum primum excita ſomno  
Deſertam in ſola miſeram ſe cernit arena.  
Immemor at juvenis fugiens pellit vada remis,  
Inrita ventofæ linquens promiſſa procellæ;  
Quem procul ex alga mœſtis Minois ocellis,  
Saxea ut effigies bacchantis proſpicit Evoc,  
Proſpicit, & magnis curarum fluctuat undis:  
Non flavo retinens ſubtilem vertice mitram,  
Non conteſta levi velatum peſtus amiſtu,  
Non tereti ſtrophio lactanteis vinſta papillas;  
Omnia, quæ toto delapſa è corpore paſſim,  
Ipſius ante pedes fluctus ſaliſ adludēbant.



Sed neque tum mitræ, neque tum fluitantis amictus  
Illa vicem curans, toto ex te pectore, Theseu,  
Toto animo, tota pendebat perdita mente.  
Ah misera, assiduis quam luctibus externavit  
Spinosas Erycina ferens in pectore curas;  
Illa tempestate, ferox quo & tempore Theseus  
Egressus curvis è litoribus Piræi,  
Attigit injusti regis Cortynia testa.  
Nam perhibent olim crudeli peste coactam,  
Quom Androgeonæ pœnas exsolvere cædis,  
Electos juvenes, simul & decus innuptarum  
Cecropiam solitam esse dapem dare Minotauro:  
Queis angusta malis quom mœnia vexarentur,  
Ipse suum Theseus pro caris corpus Athenis  
Projicere optavit potius, quàm talia Cretam  
Funera Cecropiæ, nefunera portarentur.  
Atque ita nave levi nitens, ac lenibus auris,  
Magnanimum ad Minoa venit, sedesque superbas.  
Hunc simul ac cupido conspexit lumine virgo  
Regia, quam suaveis expirans castus odores  
Lectulus in molli complexu matris alebat:  
Qualeis Eurotæ progignunt flumina myrtus,  
Aurave distinctos educit verna colores,  
Non priùs ex illo flagrantia declinavit  
Lumina, quàm cuncto concepit pectore flammam  
Funditus, atque imis exarsit tota medullis,  
Heu miserè exagitans immiti corde furores.  
Sancte puer, curis hominum qui gaudia misces,  
Quæque regis Golgos, quæque Idalium frondosum,  
Qualibet incensam jactastis mente puellam  
Fluctibus, in flavo sæpe hospite suspirantem!  
Quantos illa tulit sanguenti corde timores!  
Quantum sæpe magis fulgore expalluit auri!  
Quùm sævum cupiens contra contendere monstrum,  
Aut mortem oppeteret Theseus, aut præmia laudis,  
Non, ingrata, tamen frustra, munuscula Divis  
Promittens, tacito succendit vota labello.

Nam velut in summo quatientem brachia Tauro  
Quercum, aut conigeram sudanti corpore pinum  
Indomitus turbo contorquens flamine, robur  
Eruit: illa procul radicibus exturbata  
Prona cadit, latèque & cominus obvia frangens;  
Sic domito sævum prostermit corpore Theseus  
Nequicquam vanis jactantem cornua ventis:  
Inde pedem sospes multa cum laude reflexit,  
Errabunda regens tenui vestigia filo,  
Ne Labyrinthis è flexibus egredientem  
Testi frustraretur inobservabilis error.  
Sed quid ego in primo digressus carmine, plura  
Commemorem? ut linquens genitoris filia voltum,  
Ut consanguineæ complexum, ut denique matris,  
Quæ misera in gnata flevit deperdita, læta  
Omnibus his Thesei dulcem peroptarit amorem?  
Aut ut vecta ratis spumosa ad litora Dixæ?  
Aut ut eam tristi devinctam lumina somno  
Liquerit immemori discedens pectore conjux?  
Sæpe illam perhibent ardenti corde furentem  
Clarificas imo fuisse è pectore vocès,  
Ac tum præruptos tristis conscendere monteis,  
Undè aciem in pelagi vastos protenderet æstus;  
Tum tremuli salis adversas procurrare in undas,  
Mollia nudatæ tollentem tegmina suræ,  
Atque hæc extremis mœstam dixisse querelis,  
Frigidulos udo singultus ore cientem.  
Siccine me patriis avectam, perfide, ab oris,  
Perfide, deserto liquisti in litore, Theseu?  
Siccine discedens, neglecto numine Divûm,  
Immemor, ah! devota domum perjuria portas!  
Nullane res potuit crudelis flectere mentis  
Consilium? tibi nulla fuit clementia præsto,  
Immaite, ut nostri vellet mitescere pectus?  
At non hæc quondam nobis promissa dedisti  
Voce, mihi non hoc miseræ sperare jubebas;  
Sed conubia læta, sed optatos hymenæos:

Quæ contra ærii discerpunt inrita venti.  
 Tum jam nulla viro juranti femina credat;  
 Nulla viri speret sermones esse fideleis:  
 Quis cum aliquid cupiens animus prægestit apisci,  
 Nil metuunt jurare, nihil promittere parcunt:  
 Sed simul ac cupidæ mentis satiata libido est,  
 Dicta nihil metuere, nihil perjuria curant.  
 Certè ego te in medio versantem turbine leti  
 Eripui, & potiùs germanum amittere crevi,  
 Quàm tibi fallaci supremo in tempore deessem;  
 Pro quo dilaceranda feris dabor, alitibusque  
 Præda, nec injecta tumulabor mortua terra.  
 Quænam te genuit sola sub rupe læna?  
 Quod mare conceptum spumantibus expuit undis?  
 Quæ Syrtis, quæ Scylla rapax, quæ vasta Charybdis,  
 Talia qui reddis pro dulci præmia vita?  
 Si tibi non cordi fuerant connubia nostra,  
 Sæva quod horrebas prisca præcepta parentis;  
 Attamen in vestras potuisti ducere sedes,  
 Quæ tibi jucundo famulârer ferva labore,  
 Candida permulcens liquidis vestigia lymphis,  
 Purpureave tuum consternens veste cubile.  
 Sed quid ego ignaris nequicquam conqueror auris,  
 Extenuata malo, quæ nullis sensibus auctæ,  
 Nec missas audire queunt, nec reddere voces?  
 Ille autem propè jam mediis versatur in undis,  
 Nec quisquam apparet vacua mortalis in alga.  
 Sic nimis insultans extremo tempore sæva  
 Fors etiam nostris invidit questibus aureis.  
 Juppiter omnipotens, utinam ne tempore primo  
 Gnosia Cecropiæ tetigissent litora puppes;  
 Indomito nec dira ferens stipendia tauro  
 Perfidus in Cretam religasset navita funem;  
 Nec malus hic celans dulci crudelia forma  
 Consilium in nostris quæsisset sedibus hospes.  
 Nam quò me referam? quali spe perditâ nitar?  
 Idomeniosne petam monteis? ah! gurgite lato

Discernens pontum truculentum dividit æquor.  
An patris auxilium sperem? quemne ipsa reliqui,  
Respersum juvenem fraterna cæde secuta?  
Conjugis an fido consolet memet amore,  
Quine fugit lentos incurvans gurgite remos?  
Præterea litus, nullo sola insula tecto;  
Nec patet egressus pelagi cingentibus undis.  
Nulla fugæ ratio, nulla spes, omnia muta,  
Omnia sunt deserta, ostendant omnia letum.  
Non tamen antè mihi languescunt lumina morte,  
Nec priùs à fesso secedent corpore sensus,  
Quàm justam à Divis exposcam prodita multam,  
Cœlestumque fidem postrema comprecser hora.  
Quare facta virum mulcantes vindice pœna  
Eumenides, quibus anguineo redimita capillo  
Frons expirantis præportat pectoris iras,  
Huc huc adventate, meas audite querelas,  
Quas ego, væ, misera extremis proferre medullis  
Cogor inops, ardens, amenti cæca furore:  
Quæ quoniam verè nascuntur pectore ab imo,  
Vos nolite pati nostrum vaneſcere luctum;  
Sed quali solam Theseus me mente reliquit,  
Tali mente, Deæ, funestet seque, suosque.  
Has postquam mœsto profudit pectore voces,  
Supplicium sævis exposcens anxia factis,  
Annuat invito cœlestum numine rector,  
Quo tunc & tellus, atque horrida contremuerunt  
Æquora, concussitque micantia sidera mundus.  
Ipse autem cæca mente caligine Theseus  
Conſitus, oblito dimisit pectore cuncta,  
Quæ mandata priùs constanti mente tenebat;  
Dulcia nec mœsto sustollens signa parenti,  
Sospitem erectum se ostendit visere portum.  
Namque ferunt, olim classi quom mœnia Divæ  
Linquentem gnatum ventis concrederet Ægeus,  
Talia complexum juveni mandata dedisse:  
Gnate, mihi longa jucundior unice vita,

Gnate, ego quem in dubios cogor dimittere casus,  
Reddite in extremæ nuper mihi sine senectæ;  
Quandoquidem fortuna mea, ac tua fervida virtus  
Eripit invito mihi te, quoi languida nondum  
Lumina sunt gnati cara saturata figura;  
Non ego te gaudens lætanti pectore mittam,  
Nec te ferre sinam Fortunæ signa secundæ;  
Sed primum multas expromam mente querelas,  
Canitiem terra, atque infuso pulvere fœdans;  
Inde infecta vago suspendam lintea malo,  
Nostros ut luctus, nostræque incendia mentis  
Carbasus obscura dicet ferrugine Ibera.  
Quod tibi si sancti concesserit incola Itoni,  
Quæ nostrum genus, has sedes defendere fretis  
Annuit, ut tauri respergas sanguine dextram:  
Tum verò facito, ut memori tibi condita corde  
Hæc vigeant mandata, nec ulla obliteret ætas;  
Ut, simul ac nostros invisent lumina colleis,  
Funestam antennæ deponant undique vestem,  
Candidaque intorti sustollant vela rudentes,  
Lucida qua splendent summi carchesia mali,  
Quamprimum cernens ut læta gaudia mente  
Agnoscam, quum te reducem ætas prospera sistet.  
Hæc mandata prius constanti mente tenentem  
Thesea, ceu pulsæ ventorum flamine nubes  
Aërium niveli montis liquere cacumen.  
At pater, ut summa prospectum ex arce petebar,  
Anxia in assiduos absument lumina fletus,  
Cum primum inflati conspexit lintea veli,  
Præcipitem sese scopulorum è vertice jecit,  
Amissum credens immiti Thesea fato.  
Sic funesta domûs ingressus tecta, paterna  
Morte ferox Theseus, qualem Minoidi luctum  
Obtulerat, mente immemori talem ipse recepit.  
Quæ tamen adspectans cedentem morista carinam,  
Multiplices animo volvebat faucia curas.  
At pater ex alia florens volitabat Iacchus,

Cum thiaso Satyrorum, & Nyſigenis Silenis,  
Te quærens, Ariadna, tuoque incensus amore;  
Qui tum alacres paſſim lymphata mente furebant,  
Evoe bacchantes evoe, capita inflectentes.  
Horum pars teſta quatiebant cuspide thyrfos;  
Pars è divoſſo raptabant membra juvenco;  
Pars ſeſe tortis ſerpentibus incingebant;  
Pars obſcura cavis celebrabant orgia ciſtis,  
Orgia quæ fruſtra cupiunt audire profani;  
Plangebant aliæ proceris tympana palmis,  
Aut tereti tenues tinnitus ære ciebant;  
Multi rauciſonos efflabant cornua bombos,  
Barbaraque horribili ſtridebat tibia cantu.  
Talibus amplificè veſtis decorata figuris,  
Poluinar complexa ſuo velabat amiſtu.  
Quæ poſtquam cupidè ſpectando Theſſala pubes  
Expleta eſt, ſanctis cœpit decedere Divis.  
Hic qualis flatu placidum mare matutino  
Mortificans Zephyrus proclivas incitat undas,  
Aurora exoriente, vagi ſub lumina ſolis;  
Quæ tardè primùm clementi flamine pulſæ  
Procedunt, leni reſonant plangore cachinni;  
Poſt, vento creſcente, magis magis increbrefcunt,  
Purpureaque procul nantes à luce refulgent:  
Sic tum veſtibili linquentes regia teſta,  
Ad ſe quiſque vago paſſim pede diſcedebant.  
Quorum poſt abitum, princeps è vertice Pelei  
Advenit Chiron portans ſilveſtria dona.  
Nam quocunq; ferunt campi, quos Theſſala magnis  
Montibus ora creat, quos propter fluminis undas  
Aura parit flores tepidi fecunda Favoni,  
Hos indiſtinctos plexis tulit ipſe corollis,  
Quod permulſa domus jucundo riſit odore.  
Confeſtim Peneos adest, viridantia Tempe,  
Tempe, quæ ſilvæ cingunt ſuperimpedentes,  
Vinoſus linquens Doris celebranda choreis,  
Nonacrios. Nam, quæ ille tulit radicitus altæ.

Fagos, ac recto proceras stipite laurus,  
 Non sine nutanti platano, lentaque sorore  
 Flammati Phaetontis, & ætria cupressu:  
 Hæc circum sedes latè contexta locavit,  
 Vestibulum ut molli velatum fronde vireret.  
 Post hunc consequitur solerti corde Prometheus,  
 Extenuata gerens veteris vestigia pœnæ;  
 Quam quondam filici restrictus membra catena  
 Persolvit, pendens è verticibus præruptis.  
 Inde pater Divûm, sancta cum conjuge, natisque,  
 Advenit cœlo, te solum, Phœbe, relinquens,  
 Unigenamque simul cultricem montibus Idri:  
 Pelea nam tecum pariter soror adspersa est,  
 Nec Thetidis tædas voluit celebrare jugales.  
 Qui postquam niveos flexerunt sedibus artus,  
 Largè multiplici constructæ sunt dapæ mensæ:  
 Cùm interea infirmo quatientes corpora motu,  
 Veridicos Parcæ corperunt edere cantus.  
 His corpus tremulum complectens undique quercus  
 Candida purpurea talos incinxerat ora:  
 At roseo niveæ residebant vertice vittæ,  
 Æternumque manus carpebant rite laborem:  
 Læva colum molli lana retinebat amictum;  
 Dextera tum leviter deducens fila supinis  
 Formabat digitis; tum prono in pollice torquens,  
 Libratum tereti versabat turbine fusum;  
 Atque ita decerpens æquabat semper opus dens,  
 Lanæque aridulis hærebant morsæ labellis,  
 Quæ priùs in levi fuerant extantia filo.  
 Ante pedes autem candentis mollia lanæ  
 Vellera virgati custodibant calathifci.  
 Hæ tum clarifona pellentes vellera voce,  
 Talia divino fuderunt carmine fata,  
 Carmine perfidiæ quod post nulla arguet ætas.

O decus eximium, & magnis virtutibus augens,  
 Emathiz, tutamen opis, carissime nato;  
 Accipe, quod lata tibi pandunt luce sorores,

Veridicum oraculum : sed vos, quos fata sequuntur,  
Currite ducentes subtemina, currite fusi.

Adveniet tibi jam portans optata maritis  
Hesperus : adveniet fausto cum sidere conjux,  
Quæ tibi flexanimum mentis perfundat amorem,  
Languidulosque paret tecum conjungere somnos,  
Lævia substernens robusto brachia collo.  
Currite ducentes subtemina, currite fusi.

Nulla domus tales unquam contexit amores ;  
Nullus amor tali conjunxit fœdere amantes,  
Qualis adest Thetidi, qualis concordia Pelco.  
Currite ducentes subtemina, currite fusi.

Nascetur vobis expers terroris Achilles,  
Hostibus haud tergo, sed forti pectore notus :  
Qui persæpe vago victor certamine cursus,  
Flammea prævortet celeris vestigia cervæ.  
Currite ducentes subtemina, currite fusi.

Nôn illi quisquam bello se conferet heros,  
Quam Phrygii Teucro manabunt sanguine rivi,  
Troicaque obsidens longinquo mœnia bello,  
Perjuri Pelopis vastabit tertius hæres.  
Currite ducentes subtemina, currite fusi.

Illius egregias virtutes, claraque facta  
Sæpe fatebuntur gnatorum in funere matres,  
Quùm in cinerem canos solvent à vertice crineis,  
Putridaque infirmis variabunt pectora palmis.  
Currite ducentes subtemina, currite fusi.

Namque velut densas præcernens cultor aristas,  
Sole sub ardenti flaventia demetit arva ;  
Trojugenum infesto prosternet corpora ferro.  
Currite ducentes subtemina, currite fusi.

Testis erit magnis virtutibus unda Scamandri,  
Quæ passim rapido diffunditur Hellesponto :  
Quojus iter cæsis angustans corporum acervis,  
Alta tepefaciet permista flumina cæde.  
Currite ducentes subtemina, currite fusi.

Denique testis erit morti quoque dedita præda,



Quùm teres excelso coacervatum aggere bustum  
Excipiet niveos percussæ virginis artus.

Currite ducentes subtemina, currite fusi.

Nam, simul ac fessis dederit fors copiam Achivis,  
Urbis Dardaniæ Neptunia solvere vincla,  
Alta Polyxenia madefient cæde sepulchra:  
Quæ, velut ancipiti succumbens victima ferro,  
Projiciet truncum submisso poplite corpus.  
Currite ducentes subtemina, currite fusi.

Quare agite, optatos animi conjungite amores:  
Accipiat conjux felici fœdere Divam;  
Dedatur cupido jamdudum nupta marito.  
Currite ducentes subtemina, currite fusi.

Non illam nutrix orienti luce revisens,  
Hesterno collum poterit circundare filo.  
Currite ducentes subtemina, currite fusi.

Anxia nec mater discordis mœsta puellæ  
Secubitu, caros mittet sperare nepotes.  
Currite ducentes subtemina, currite fusi.

Talia præfantes quondam, felicia Pelei  
Carmina divino cecinerunt omine Parcæ.  
Præsentem namque ante domos invisere castas  
Heroum, & sese mortali ostendere cœtu  
Cœlicolæ, nondum sprete pietate, solebant.  
Sæpe pater Divûm templo in fulgente revisens,  
Annua dum festis venissent sacra diebus,  
Conspexit terra centum procurrere currus.  
Sæpe vagus Liber Parnassi vertice summo  
Thyadas effusus Evantes crinibus egit,  
Quom Delphi tota certatim ex urbe ruentes,  
Acciperent læti Divûm fumantibus aris.  
Sæpe in lethifero belli certamine Mavors,  
Aut rapidi Tritonis hera, aut Rhamnusia virgo,  
Armatas hominum est præfens hortata catervas.  
Sed postquam tellus scelere est imbuta nefando,  
Justitiamque omnes cupida de mente fugarunt,  
Perfudere manus fraterno sanguine fratres,

Desistit extinctos natus lugere parentes,  
 Optavit genitor primævi funera nati,  
 Liber ut innuptæ poteretur flore novercæ:  
 Ignaro mater substernens se impia nato,  
 Impia non verita est Divos scelerare parentes:  
 Omnia fanda, nefanda malo permista furore  
 Justificam nobis mentem avertère Deorum.  
 Quare nec tales dignantur visere cœtus,  
 Nec se contingi patiuntur lumine claro.

---

## L X.

## A D H O R T A L U M.

**E**T si me assiduo confectum cura dolore  
 Sevocat à doctis, Hortale, virginibus;  
 Nec potis est dulcis Musarum expromere fortis  
 Mens animi; tantis fluctuat ipsa malis.  
 Namque mei nuper Lethæo gurgite fratris  
 Pallidulum manans alluit unda pedem,  
 Troia Rhœteo quem subter litore tellus  
 Ereptum nostris obterit ex oculis.  
 Ergo ego te audiero nunquam tua dicta loquentem?  
 Nunquam ego te vita, frater, amabilior  
 Aspiciam posthac? at certe semper amabo,  
 Semper mœsta tua carmina morte legam:  
 Qualia sub densis ramorum concinit umbris  
 Daulias, absumti fata gemens Ityli.  
 Sed tamen in tantis mœroribus, Hortale, mitte  
 Hæc expressa tibi carmina Battiadæ:  
 Ne tua dicta vagis nequicquam credita ventis  
 Effluxisse meo fortè putes animo:  
 Ut missum sponsi furtivo munere malum  
 Procurrit casto virginis è gremio,  
 Quod miseræ oblitæ molli sub veste locatum,

Dum adventu matris profilit, excutitur;  
 Atque illud prono præceps agitur decursu:  
 Hinc manat tristi conficius ore rubor.

---

## LXI.

## DE COMA BERENICES.

**O**MNIA qui magni despexit lumina mundi,  
 Qui stellarum ortus comperit, atque abitus:  
 Flammeus ut rapidi solis nitor obscuretur,  
 Ut cedant certis sidera temporibus;  
 Ut Triviam furtim sub Latiniæ saxa relegans  
 Dulcis amor gyro devocet ærio.  
 Idem me ille Conon cœlesti lumine vidit  
 E Bereniceo vertice cæsariem,  
 Fulgentem clarè: quam multis illa Deorum,  
 Lævia protendens brachia, pollicita est;  
 Qua rex tempestate, novo auctus Hymenæo,  
 Vastatum fincis iverat Assyrios,  
 Dulcia nocturnæ portans vestigia rixæ,  
 Quam de virginis gesserat exuviis.  
 Estne novis nuptis odio Venus? atque parentum  
 Frustrantur falsis gaudia lacrymulis,  
 Uberrim thalami quas intra lumina fundunt?  
 Non, ita me Divi, vera genuit, juverint.  
 Id mea me multis docuit Regina querelis,  
 Invisente novo prælia torva viro.  
 At tu non orbem luxti deserta cubile,  
 Sed fratris cari flebile discidium,  
 Quàm penitus mœstas exedit cura medullas.  
 Ut tibi non toto pectore sollicitæ  
 Sensibus ereptis mens excidit? atque ego certè  
 Cognoram à parva virgine magnanimam.  
 Anne bonum oblita's facinus, quo regium adepta's

Conjugium? quod non fortior ausit alis?  
 Sed tum mœsta virum mittens, quæ verba locuta es!  
 Iuppiter, ut trîsti lumina sæpe manu!  
 Quis te mutavit tantus Deus? an quod amanteis  
 Non longè à caro corpore abesse volunt?  
 At quæ ibi, proh! cunctis, pro dulci conjugè, Divis,  
 Non sine taurino sanguine, pollicita es,  
 Si reditum retulisset! is aut in tempore longo  
 Captam Asiam Ægypti finibus addiderat?  
 Quis ego pro factis cœlesti reddita cœtu,  
 Pristina vota novæ munere dissolvio.  
 Invita, ô Regina, tuo de vertice cessi,  
 Invita: adjuro teque, tuumque caput:  
 Digna ferat, quod si quis inaniter adjuravit.  
 Sed qui se ferro postulat esse parem?  
 Ille quoque eversus mons est, quem maximus in oris  
 Progenies Thyæ clara supervehitur;  
 Cum Medi properare novum mare, cumque juventus  
 Per medium classi barbara navit Athon.  
 Quid facient crines, cum ferro talia cedant?  
 Iuppiter, ut Chalybum omne genus pereat!  
 Et qui principio sub terra quærere venas  
 Institit, ac ferri frangere duritiem!  
 Abjunctæ paulò ante comæ mea fata sorores  
 Lugebant, cum se Memnonis Æthiopis  
 Unigena, impellens nutantibus aera pennis,  
 Obrulit Arsinoes Locricos alis equos.  
 Isque per ætherias me tollens advolat umbras,  
 Et Veneris casto collocat in gremio.  
 Ipsa suum Zephyritis eò famulum legarat,  
 Grata Canopiis incola litoribus;  
 Audit; ibi vario ne solum in lumine cœli  
 Ex Ariadneis aurea temporibus  
 Fixa corona foret; sed nos quoque fulgeremus  
 Devotæ flavi verticis exuviae.  
 Vividulum à flatu cedentem ad templâ Deum me  
 Sidus in antiquis Diva novum posuit,

Virginis, & sævi contingens namque leonis  
Lumina, Callisto iuxta Lycaonia,  
Vertor in occasum, tardum dux ante Booten,  
Qui vix serò alto mergitur Oceano.  
Sed quanquam me nocte premunt vestigia Divum,  
Lux autem canæ Tethyi restituum;  
(Pace tua fari hic liceat, Rhamnusia virgo,  
Namque ego non ullo vera timore tegam,  
Non, si me infestis discerpant sidera dictis,  
Condita qui verè pectoris evoluo;)   
Non his tam lætor rebus, quàm me affore semper,  
Affore me à dominæ vertice discrucior.  
Quicum ego, dum virgo quondam fuit omnibus expers  
Unguentis, unà millia multa bibi.  
Nunc vos, optato quàm junxit lumine tædæ,  
Non post unanimis corpora conjugibus,  
Tradite nudantes rejecta veste papillas,  
Quàm jucunda mihi munera libet onyx,  
Vester onyx, casto petitis quæ jura cubili.  
Sed quæ se impuro dedit adulterio,  
Illius, ah, mala dona levis bibat inrita polvis;  
Namque ego ab indignis præmia nulla peto.  
Sed magis, o nuptæ, semper concordia vestras,  
Semper amor sedes incolat assiduus.  
Tu verò, Regina, tuens cùm sidera, Divam  
Placabis festis luminibus Venerem  
Sanguinis expertem, non vestris esse tuam me,  
Sed potiùs largis effice muneribus.  
Sidera cur iterent? iterum ut Coma Regia fiam!  
Proximus Hydrochoi fulgeret Oarion.



## LXII.

AD JANUAM MORCHÆ CUIUSDAM.

CATULLUS.

**O** DULCI jucunda viro, jucunda parenti,  
Salve, teque bona Juppiter auctet ope,  
Janua; quam Balbo dicunt servisse benignè  
Olim, cum sedes ipse senex tenuit:  
Quamque ferunt rursus voto servisse maligno,  
Postquam est porrecto facta marita fene.  
Dic agedum nobis, quare mutata feraris  
In domitum veterem deseruisse fidem?

JANUA.

Non (ita Cæcilio placeam, quoi tradita nunc sum)  
Culpa mea est, quanquam dicitur esse mea.  
Nec peccatum à me quisquam pote dicere quidquam:  
Venim isti populi, janua, quine facit?  
Qui? quacunq; aliquid reperitur non benè factum,  
Ad me omnes clamant; Janua, culpa tua est.

CATULLUS.

Non istuc satis est uno te dicere verbo,  
Sed facere, ut quivis sentiat, & videat.

JANUA.

Quid possum? nemo quærit, nec scire laborat,

CATULLUS.

Nos volumus; nobis dicere ne dubita.

JANUA.

Primum igitur, virgo quòd fertur tradita nobis,  
Falsum est: non illam vir prior attigerat,

Languidior tenera quoi pendens ficula beta  
 Nunquam se mediam sustulit ad tunicam :  
 Sed pater illius nati violasse cubile  
 Dicitur , & miseram conscelerasse domum ;  
 Sive quòd impia mens cæco flagrabat amore ;  
 Seu quòd iners sterili semine natus erat ;  
 Et quærendum unde unde foret nervosius illud ,  
 Quod posset zonam solvere virgineam .

## C A T U L L U S .

Egregium narras mira pietate parentem ,  
 Qui ipse sui gnati minxerit in gremium .

## J A N U A .

Atqui non solum hoc se dicit cognitum habere  
 Brixia , Cynæa suppositam specula ,  
 Flavus quam molli percurrit flumine Mela ,  
 Brixia Veronæ mater amata mææ ;  
 Sed de Posthumio , & Corneli narrat amore ,  
 Cum quibus illa malum fecit adulterium .  
 Dixerit hic aliquis : Quid tu istæc , Janua , nosti ,  
 Quoi nunquam demum limine abesse licet ?  
 Nec populum auscultare ; sed huic suffixa tigillo  
 Tantum operire soles , aut aperire domum ?  
 Sæpe illam audiavi furtiva voce loquentem  
 Solam cum ancillis hæc sua flagitia ,  
 Nomine dicentem , quos diximus ; utpote quæ mi  
 Speret , nec linguam esse , nec auriculam .  
 Præterea addebat quemdam , quem dicere nolo  
 Nomine , ne tollat rubra supercilia .  
 Longus homo est , magnas qui lites intulit olim  
 Falsum mendaci ventre puerperium .



## LXIII.

## AD MANLIUM.

**Q**UOD mihi fortuna, casuque oppressus acerbo,  
Conscriptum lacrymis mittis epistolum;  
Naufragum ut ejectum spumantibus æquoris undis  
Sublevem, & à mortis limine restituam;  
Quem neque sancta Venus molli requiescere somno  
Desertum in lecto cœlibe perpetitur;  
Nec veterum dulci scriptorum carmine Musæ  
Oblectant, cùm mens anxiosa pervigilat?  
Id gratum est mihi, me quoniam tibi dicis amicum,  
Muneraque & Musarum hinc petis, & Veneris.  
Sed, tibi ne mea sint ignota incommoda, Manli,  
Neu me odisse putes hospitis officium;  
Accipe queis merfer fortunæ fluctibus ipse,  
Ne ampliùs à misero dona beata petas.  
Tempore quo primùm vestis mihi tradita pura est,  
Jucundum quàm ætas florida ver ageret,  
Multa satis lusi; non est Dea nescia nostri,  
Quæ dulcem curis miscet amaritiem.  
Sed totum hoc studium luctu fraterna mihi mors  
Abstulit: ô misero frater adempte mihi!  
Tu mea, tu moriens fregisti commoda, frater:  
Tecum unà tota est nostra sepulta domus:  
Omnia tecum unà perierunt gaudia nostra,  
Quæ tuus in vita dulcis alebat amor.  
Cujus ego interitu tota de mente fugavi  
Hæc studia, atque omneis delicias animi.  
Quare quodd scribis, Veronæ turpe Catullo  
Esse, quodd hîc quisquis de meliore nota  
Frigida deserto tepefecit membra cubili;  
Id, Manli, non est turpe, magis misere rum est.



Ignoscas igitur, si, quæ mihi luctus ademit,  
Hæc tibi non tribuo munera, quum nequeo.  
Nam, quod scriptorum non magna est copia apud me,  
Hoc sit, quod Romæ vivimus: illa domus,  
Illa mihi sedes, illic mea carpitur ætas;  
Huc una è multis capsula me sequitur.  
Quod quum ita sit, nolim statuas, nos mente maligna  
Id facere, aut animo non satis ingenuo;  
Quod tibi non utriusque petiti copia facta est:  
Ultro ego deferrem, copia si qua foret.  
Non possum reticere, Deæ, quam Manlius in re  
Juverit, aut quantis juverit officiis;  
Ne fugiens seclis obliviscentibus ætas  
Illius hoc cæca nocte tegat studium.  
Sed dicam vobis; vos porro dicite multis  
Millibus, & facite, hæc charta loquatur anus.  
Vivat in ore hominum plus uno clarior ævo,  
Notescatque magis mortuus, atque magis,  
Ne tenuem texens sublimis aranea telam,  
In deserto Auli nomine opus faciat.  
Nam mihi quam dederit duplex Amathusia curam  
Scitis, & in quo me corruerit genere;  
Quum tantum arderem, quantum Trinacria rupes,  
Lymphaque in Oetæis Malia Termopylis;  
Morsta nec assiduo tabescere lumina fletu  
Cessarent, neque tristi imbre madere genæ.  
Qualis in aerii perlucens vertice montis  
Rivus muscoso profilit è lapide:  
Qui, quom de prona præceps est valle volutus,  
Per medium densi transit iter populi,  
Dulce viatori lasso in sudore levamen,  
Cum gravis exustos æstus hiulcat agros.  
Hic, veluti nigro jactatis turbine nautis  
Lenius aspirans aura secunda venit,  
Jam prece Pollucis, jam Castoris implorata;  
Tale fuit nobis Manlius auxilium.  
Is clausum lato patefecit limite campum,

Isque domum nobis, isque dedit dominam,  
Ad quam communes exerceremus amores;  
Quò mea se molli candida diva pede  
Intulit, & trito fulgentem in limine plantam  
Innixa, arguta constituit solea:  
Conjugis ut quondam flagrans advenit amore,  
Protesilaëam Laodamia domum  
Incepta frustra, nondum cum sanguine sacro  
Hostia cœlestis pacificasset heros.  
Nil mihi tam valde placeat, Rhamnusia virgo,  
Quod temerè invitis suscipiatur heris.  
Quàm jejuna pium deficeret ara cruorem,  
Docta est amisso Laodamia viro;  
Conjugis ante coacta novi dimittere collum,  
Quàm veniens una, atque altera rursus hiems,  
Noctibus in longis avidum saturasset amorem,  
Posset ut abrupto vivere conjugio:  
Quod scibant Parcæ non longo tempore abisse,  
Si miles muros isset ad Iliacos.  
Nam tum, Helenæ raptu, primores Argivorum  
Corperat ad sese Troja cingere viros;  
Troja nefas, commune sepulchrum Europæ, Asiæque,  
Troja virum, & virtutum omnium acerba cinis;  
Quæ vecto id nostro letum miserabile fratri  
Adtulit: hei misero frater adempte mihi!  
Hei misero fratri jucundum lumen ademptum!  
Tecum unà tota est nostra sepulta domus:  
Omnia tecum unà perierunt gaudia nostra,  
Quæ tuus in vita dulcis alebat amor.  
Quem nunc tam longè non inter nota sepulchra,  
Nec prope cognatos compositum cineres,  
Sed Troja obsœcra, Troja infelice sepultum  
Detinet extremo terra aliena solo.  
Ad quam tum properans fertur unde undique pubes  
Græca penetralis deseruisse focos:  
Ne Paris abducta gavisus libera mœcha  
Otia pacato degeret in thalamo.

Quod tibi tum casu, pulcherrima Laodamia,  
Ereptum est vita dulcius, atque anima  
Conjugium: tanto te absorbens vertice amoris  
Æstus in abruptum detulerat barathrum:  
Quale ferunt Graii Pheneum prope Cyllenæum  
Siccari emulsa pingue palude solum;  
Quod quondam cæsis montis fudisse medullis  
Audet falsiparens Amphitryoniades;  
Tempore quo certa Stympitalia monstra sagitta  
Perculit, imperio deterioris heri;  
Pluribus ut cœli tereretur janua Divis,  
Hebe nec longa virginitate foret.  
Sed tuus altus amor barathro fuit altior illo,  
Qui tunc indomitam ferre jugum docuit.  
Nam nec causa earum confecto ætate parenti  
Una caput feri gnata nepotis alit;  
Qui cum divitiis vix tandem inventus avitis  
Nomen testatas intulit in tabulas,  
Impia derisi gentilis gaudia tollens,  
Suscitat à cano volturnum capiti.  
Nec tantum niveo gavisæ est ulla columbo  
Compar, quæ multò dicitur improbius  
Oscula mordenti semper decerpere rostro;  
Quanquam præcipuè multivola est mulier.  
Sed tu olim magnos vicisti sola furores,  
Ut semel es flavo conciliata viro.  
Aut nihil, aut paulò cui tum concedere digna  
Lux mea, se nostrum cum tulit in gremium:  
Quam circumcursans hinc illinc sæpe Cupido  
Fulgebat crocina candidus in tunica.  
Quæ tamen etsi uno non est contenta Catullo,  
Rara verecundæ furta feremus heræ;  
Ne nimium simus stultorum more molesti:  
Sæpe etiam Juno maxima Cœlicolùm  
Conjugis in culpa flagravît cottidiana,  
Noscens omnivoli plurima furta Jovis.  
Atqui nec Divis homines componier æquum est:

Ingratum tremuli tolle parentis onus.  
Nec tamen illa mihi dextra deducta parerna  
Fragrantem Assyrio venit odore domum;  
Sed furtiva dedit mirè munuscula nocte,  
Ipsius ex ipso dempta viri gremio.  
Quare illud satis est, si nobis is datur unis,  
Quem lapide illa diem candidiore notat.  
Hoc tibi, quod potui, confectum carmine munus  
Pro multis aliis redditur officiis;  
Ne vestrum scabra tangat robigine nomen  
Hæc, atque illa dies, atque alia, atque alia.  
Huc addent Divi quamplurima, quæ Themis olim  
Antiquis solita est munera ferre piis.  
Sitis felices, & tu simul, & tua vita,  
Et domus ipsa, in qua lusimus, & domina.  
Et qui principio nobis terram dedit, offert,  
A quo sunt primo omnia nata bona;  
Et longè ante omnes mihi quæ me carior ipso est  
Lux mea, qua viva vivere dulce mihi est.

---

## L X I V.

## I N R U F U M.

**N**O LI admirati, quare tibi femina nulla,  
Rufe, velit tenerum supposuisse femur.  
Non si illam raræ labefactes munere vestis,  
Aut perluciduli deliciis lapidis.  
Lædit te quædam mala fabula, qua tibi fertur  
Valle sub alarum trux habitare cæper.  
Hunc metuunt omnes; neque mirum: nam mala  
valdè est  
Bestia, nec quicum bella puella cubet.  
Quare aut crudelem nasorum interface pestem,  
Aut admirari desine, cur fugiunt.

## L X V.

## D E L E S B I A.

**N**ULLI se dicit mulier mea nubere malle,  
 Quàm mihi: non, si se Juppiter ipse petat.  
 Dicit; sed mulier cupido quod dicit amanti,  
 In vento, & rapida scribere oportet aqua.

## L X V I.

## A D V I R R O N E M.

**S**I quoi, Virro, bono sacer alarum obstitit hircus,  
 Aut si quem meritò tarda podagra secat;  
 Æmulus iste tuus, qui vostrum exercet amorem,  
 Mirificè est à te nactus utrumque malum.  
 Nam quoties fuit, toties ulciscitur ambos;  
 Illam affligit odore, ipse perit podagrâ.

## L X V I I.

## I N L E S B I A M.

**D**ICEBAS quondam solum te nôsse Catullum,  
 Lesbia, nec præ me velle tenere Jovem.  
 Dilexi tum te, non tantùm ut vulgus amicam,  
 Sed pater ut gnatos diligit, & generos.  
 Nunc te cognovi: quare, etsi impensius uror,  
 Multò ita ne es me vilior, & levior.  
 Qui potis est? inquis, quia amantem injuria talis  
 Cogit amare magis, sed bene velle minus.

## LXVIII.

IN INGRATUM AD SE IPSUM.

**D**ESINE de quoquam quidquam bene velle  
mereri;  
Aut aliquem fieri posse putare pium.  
Omnia sunt ingrata : nihil fecisse benignè est?  
Immodè etiam tædet, statque magisque, magis.  
Ut mihi, quem nemo gravius, nec acerbius urget,  
Quàm modò, qui me unum, atque unicum ami-  
cum habuit.

## LXIX.

IN GELLIVM.

**G**ELLIVS audierat, patruum objurgare solere,  
Si quis delicias diceret, aut faceret.  
Hoc ne ipsi accideret, patrui perdepserunt ipsam  
Uxorem, & patruum reddidit Harpocratem.  
Quod voluit, fecit; nam, quamvis inrumet ipsum  
Nunc patruum, verbum non faciet patruus.

## LXX.

AD SE IPSUM.

**S**IQUA recordanti bene facta priora voluptas  
Est homini, cum se cogitat esse pium;  
Nec sanctam violasse fidem, nec fœdere in ullo  
Divum ad fallendos numine abusum homines;

Multa parata manent in longa ætate, Catulle;

Ex hoc ingrato gaudia amore tibi.

Nam quæcumque homines bene quoiquam aut dicere  
possunt,

Aut facere, hæc à te dictaque, factaque sunt.

Omnia quæ ingrata perierunt credita menti.

Quare jam te cur amplius excrucies?

Quin tu animo affirmas, teque, instructoque reducis?

Er, Diis invitis, desinis esse miser?

Difficile est longum subito deponere amorem.

Difficile est, verum hoc qualibet efficias.

Una salus hæc est, hoc est tibi pervincendum.

Hoc facies, sive id non pote, sive pote.

O Dii, si vostrum est misereri, aut si quibus unquam

Extrema jam ipsa in morte tulistis opem;

Me miserum adspicite; & si vitam puriter egi,

Eripite hanc pestem, perniciemque mihi.

Heu mihi subrepens imos, ut corpore, in artus,

Expulit ex omni pectore lætities!

Non jam illud quero, contra ut me diligat illa,

Aut, quod non potis est, esse pudica velit.

Ipse valere opto, & tetrum hunc deponere morbum.

O Dii, reddite mi hoc pro pietate mea.

# LXXI.

## IN RUFUM.

**R**UFE, mihi frustra, ac nequicquam credite  
amice:

Frustra? immò magno cum precio, atque malo.

Siccine subrepsti mi, atque intestina perurens

Mi misero eripuisti omnia nostra bona?

Eripuisti? heu heu nostræ crudele venenum

Vitæ, heu heu nostræ pectus amicitiae?

LXXII

## LXXII.

## DE GALLO.

**G**ALLUS habet fratres, quorum est lepidissima  
conjug

Alterius, lepidus filius alterius.

Gallus homo est bellus: nam dulceis jungit amores,

Cum puero ut bello bella puella cubet.

Gallus homo est stultus, nec se videt esse maritum,

Qui patruus patrui monstrat adulterium.

## LXXIII.

## IN LESBIUM.

**L**ESBIUS est polcher; quidni? quem Lesbia  
malit,

Quàm te cum tota gente, Catulle, tua.

Sed tamen hic polcher vendat cum gente Carullum,

Si tria natorum suavia reppererit.

## LXXIV.

## AD GELLIVM.

**Q**UAD dicam, Gelli, quare rosea ista labella  
Hiberna fiant candidiora nive,

Manè domo quom exis, & quom te octava quieto

E molli longo suscitatur hora die?

Nescio quid certè est; an verè fama susurrat,

Grandia te medii tenta vorare viri?

Sed certè clamant Victoris rupta miscelli

Ilia, & emulso labra notata sero.

G



## LXXV.

## AD JUVENTIUM.

**N**EMONE in tanto potuit populo esse, Juventi,  
 Bellus homo, quem tu diligere inciperes,  
 Præterquam iste tuus moribunda à sede Pisauri  
 Hospes, inaurata pallidior statua?  
 Qui tibi nunc cordi est, quem tu præponere nobis  
 Audes? Ah, nescis, quod facinus facias.

## LXXVI.

## AD QUINCTIUM.

**Q**UINCTI, si tibi vis oculos debere Catullum;  
 Aut aliud, si quid carius est oculis;  
 Eripere ei noli, multò quod carius illi  
 Est oculis, seu quid carius est oculis.

## LXXVII.

## IN LEBBIE MARITUM.

**L**EBBIA mi, presente viro, mala plurima dicis:  
 Hoc illi fatuo maxima lætitiâ est.  
 Nulle, nihil sentis; si nostri oblita taceret,  
 Sana esset; quod nunc gannit, & obloquitur,  
 Non solum meminit; sed, quæ multò acrior est res,  
 Irata est: hoc est, uritur & loquitur,

## LXXVIII.

## DE ARRIO.

**C**OMMODA dicebat, si quando commoda vellet  
Dicere, & hinsidias Arrius insidias;  
Et tunc mirificè sperabat se esse locutum,  
Cum, quantum poterat, dixerat hinsidias.  
Credo sic mater, sic liber avnculus ejus,  
Sic maternus avus dixerit, atque avia.  
Hic misso in Syriam, requirant omnibus aures,  
Audibant eadem hæc leniter, & leviter.  
Nec sic postilla metuebant talia verba,  
Cum subito adfertur nuntius horribilis;  
Ionios fluctus, postquam illuc Arrius isset,  
Jam non Ionios esse, sed Hionios.

## LXXIX.

## DE QUINTIA ET LESBIA.

**Q**UINTIA formosa est multis; mihi candida,  
longa,  
Recta est: hoc ego; sic singula confiteor,  
Totum illud formosa nego. Nam nulla venustas,  
Nulla in tam magno est corpore mica salis.  
Lesbia formosa est; quæ, cum pulcherrima tota est,  
Tum omnibus una omneis surripuit Veneres.

## LXXX.

## AD LESBIAM.

**N**ULLA potest mulier tantum se dicere amatam  
Verè, quantum à me, Lesbia, amata mea es.  
Nulla fides ullo fuit unquam fovere tanta,  
G ij

Quanta in amore tuo ex parte reperta mea est,  
 Nunc est mens adducta tua, mea Lesbia, culpa,  
 Atque ita se officio perdidit ipsa pio.  
 Ut jam nec bene velle queam tibi, si optima fias,  
 Nec desistere amare, omnia si facias.

---

## LXXXI.

## IN GELLIUM.

**Q**UID facit is, Gelli, qui cum matre, atque  
 sorore  
 Prurit, & abjectis pervigilat tunicis?  
 Quid facit is, patrum qui non sinit esse maritum?  
 Ecquid scis, quantum suscipiat sceleris?  
 Suscipit, ô Gelli, quantum non ultima Tethys,  
 Nec genitor Nympharum abluit Oceanus.  
 Nam nihil est quicquam sceleris, quod prodeat ultra;  
 Non si demisso se ipse voret capite.

---

## LXXXII.

## IN GELLIUM.

**G**ELLIUS est tenuis; quidni? quoi tam bona  
 mater,  
 Tamque valens vivat, tamque venusta foror,  
 Tamque bonus patruus, tamque omnia plena puellis  
 Cognatis, quare is desinat esse macer?  
 Qui ut nihil attingit, nisi quod fas tangere non est,  
 Quantumvis, quare sit macer, invenies,

## LXXXIII.

## IN EUNDEM.

**N**ASCATUR magus ex Gelli, matrisque nefando  
Conjugio, & discat Persicum aruspicium.  
Nam magus ex matre & gnato gignatur, oportet,  
Si vera est Persarum impia religio.  
Gnatus ut accepto veneretur carmine Divos,  
Omentum in flamma pingue liquefaciens.

## LXXXIV.

## IN GELLIIUM.

**N**ON ideò, Gelli, sperabam te mihi fidum  
In misero hoc nostro, hoc perduto amore fore,  
Quòd te cognòssem bene, constantemve putarem,  
Aut posse à turpi mentem inhibere probro.  
Sed quòd nec matrem, nec germanam esse videbam  
Hanc tibi, cuius me magnus edebat amor.  
Et quamvis tecum multo conjungerer usu,  
Non satis id causæ credideram esse tibi.  
Tu satis id duxti; tantum tibi gaudium in omni  
Culpa est, in quacunque est aliquid sceleris.  
Sed nunc id doleo, quòd puræ pura puellæ  
Suavia comminxit spurca saliva tua.  
Verùm id non impunè feres. Nam te omnia sæcla  
Noscent, &, qui sis, fama loquetur anus.



## LXXXV.

DE LESBIA, ET SESE.

**L**ESBIA mi dicit semper malè, nec tacet unquam  
 De me: Lesbia me, dispeream, nisi amas.  
 Quo signo? quasi non totidem mox deprecor illi  
 Affiduè: verum dispeream, nisi amo.  
 Odi, & amo: quare id faciam, fortasse requiris,  
 Nescio, sed fieri sentio, & excrucior.

## LXXXVI.

IN CÆSAREM.

**N**IL nimium studeo, Cæsar, tibi velle placere,  
 Nec scire, utrum sis albus, an ater homo.  
 Mentula mœchatur? mœchatur mentula certè;  
 Hoc est, quod dicunt, Ipsa olera olla legit.

## LXXXVII.

DE CINNA ET VOLUSIO.

**Z**MYRNA mei Cinnae nonam post denique messem  
 Quam coepta est, nonamque edita post hiemem:  
 Millia cum interea quingenta Hortensius uno  
 \* \* \* \*

Zmyrna cavae Attracis penitus mittetur ad undas;  
 Zmyrnam cana diu sæcula pervoluent.  
 At Volusi annales Gadium portentur ad ipsam,  
 Et laxas scombris sæpe dabunt tunicas.  
 Parva mei mihi sunt cordi monumenta laboris:  
 At populus tumido gaudeat Antimacho.

## LXXXVIII.

AD CALVUM, DE QUINTILIA.

**S**I quicquam mutis gratum, acceptamve sepulchris  
 Accidere à nostro, Calve, dolore potest,  
 Quo desiderio veteres renovamus amores,  
 Atque olim amissas flemus amicitias?  
 Certè non tanto mors immatura doloti est  
 Quintiliæ, quantum gaudet amore tuo.

## LXXXIX.

IN ÆMILIUM.

**N**ON, ita me Dii ament, quicquam referre putavi;  
 Utrum os, an culum olfacerem Æmilio.  
 Nil immundius hoc, nihiloque immundius illud:  
 Verùm etiam culus mundior, & melior.  
 Nam sine dentibus est: hoc deatcis fosquipedaleis,  
 Gingivas verò ploxemi habet veteris.  
 Præterea rictum, qualem defessus in æstum  
 Meientis mulæ cunnus habere solet.  
 Hic futuit multas, & se facit esse venustum;  
 Et non pistrino traditur, atque asino?  
 Quem si qua attingit, non illam posse putemus  
 Ægroti culum lingere carnificis!



## X C.

## I N V E C T I U M.

**I**N te, si quicquam, dici pote, putide Veste,  
 Id quod verbosis dicitur, & fatuis.  
 Ista cum lingua, si usus veniat tibi, possis  
 Culos & crepidas lingere carbatinas.  
 Si nos omnino vis omneis perdere, Veste,  
 Hiscas: omnino, quod cupis, efficias.

## X C I.

## A D J U V E N T I U M.

**S**URRIPUI tibi, dum ludis, mellite Juventi,  
 Suaviolum dolci dulcius ambrosia.  
 Verum id non impune tuli: namque amplius horam  
 Suffixum in summa me memini esse cruce;  
 Dum tibi me purgo, nec possum fletibus ullis  
 Tantillum vestrae demere saevitiae.  
 Nam simul id factum est, multis diluta labella  
 Guttis, abstersti omnibus articulis:  
 Ne quicquam nostro contractum ex ore maneret,  
 Tanquam comminctae spurca saliva lupae.  
 Praeterea infesto miserum me tradere amanti  
 Non cessasti, omnique excruciare modo:  
 Ut mi ex ambrosio mutatum jam foret illud  
 Suaviolum, tristi tristius helleboro.  
 Quam quoniam poenam misero proponis amanti,  
 Non unquam posthac basia furripiam.

## XCII.

## DE CÆLIO ET QUINTIO.

**C**ÆLIUS Aufilenum, & Quintius Aufilenam  
Flos Veronensum depereunt juvenum :  
Hic fratrem, ille sororem ; hoc est, quod dicitur, illud  
Fraternum verè dulce sodalitium.  
Quoi faveam potius ? Cæli, tibi ; nam tua nobis  
Perfecta est igitur unica amicitia,  
Cum vesana meas torreret flamma medullas ;  
Sis felix, Cæli, sis in amore potens.

---

## XCIII.

## AD TUMULUM FRATRIS.

**M**ULTAS per gentes, & multa per æquora vectus  
Advenio has miseras, frater, ad inferias ;  
Ut te postremo donarem munere mortis,  
Et mutam nequicquam alloquerer cinerem.  
Quandoquidem fortuna mihi te abstulit ipsum :  
Heu, miser, indignè frater adempte mihi !  
Nunc tamen interea, hæc (prisco de more parentum  
Tradita sunt tristi munere ad inferias)  
Accipe, fraterno multum manantia fletu,  
Atque in perpetuum, frater, hæc, atque vale.





## XCIV.

AD CORNELIUM.

**S**I quicquam tacito commissum est fido ab amico,  
 Quojus sit penitus nota fides animi;  
 Meque esse invenies illorum jure sacratum,  
 Corneli, & factum me puta Harpocratem.

## XCV.

AD SILO NEM.

**A**UT fodes mihi redde tuo sestertia, Silo,  
 Deinde esto quamvis sævus, & indomitus.  
 Aut, si te nimium delectant, desine, quæso,  
 Leno esse, atque idem sævus, & indomitus.

## XCVI.

AD SILO NEM.

**C**REDIS, me potuisse meæ maledicere vitæ,  
 Ambobus mihi quæ carior est oculis?  
 Non potui; nec, si possem, tam perditè amarem;  
 Sed tu cum Tappone omnia monstra facis.

## XCVII.

IN MENTULAM.

**M**ENTULA conatur Piplæum scindere mon-  
 tem;  
 Musæ furcillis præcipitem ejiciunt.

## XCVIII.

## DE PUERO ET PRÆCONE.

CUM puero bello præconem qui videt, ipse  
Quid credat, nisi se vendere discupere?

## XCIX.

## AD LESBIAM.

SI quidquid cupido, optanti obtigit unquam,  
Insperanti, hoc est gratum animo proprie.  
Quare hoc est gratum nobis quoque, carius auro,  
Quod te restituis, Lesbia, mi cupido.  
Restituis cupido, atque insperanti ipsa refert te  
Nobis: ô lucem candidiore nota!  
Quis me uno vivit felicior, aut magis me est  
Optandus vita, dicere quis poterit?

## C.

## AD COMINIUM.

SI, Comipi, populi arbitrio tua cana senectus  
Spurcata impuris moribus intereat;  
Non quidem dubito, quin primum inimica bonorum  
Lingua exserta avido sit data volturio:  
Effossos oculos voret atro gurgite corvus,  
Intestina canes, cætera membra lupi.

## C I.

## A D L E S B I A M.

**J**UCUNDUM, mea vita, mihi proponis amorem  
 Nunc nostrum inter nos, perpetuumque fore.  
 Dii magni, facite, ut verè promittere possit,  
 Atque id sincerè dicat, ex animo;  
 Ut liceat nobis tota producere vita  
 Æternum hoc sanctæ fœdus amicitæ.

## C I I.

## A D A U F I L E N A M.

**A**UFILENA, bonæ semper laudantur amicæ,  
 Accipiunt precium, quæ facere instituunt.  
 Tu quodd promisti mihi, quodd mentita inimica es,  
 Quodd nec das, nec fers, sæpe facis facinus.  
 Aut facere ingenuæ est, aut non promissæ pudicæ,  
 Aufilena, fuit. Sed data corripere  
 Fraudando; effecit plusquam meretricis avaræ,  
 Quæ sese toto corpore prostituit.

## C I I I.

## A D A U F I L E N A M.

**A**UFILENA, viro contentas vivere solo, est  
 Nuptarum laus è laudibus eximiis.  
 Sed quoivis quamvis potiùs succumbere fas est  
 Quàm matrem fratres efficere ex patruo.

## CIV.

## AD NASONEM.

**M**ULTUS homo es, Naso, neque tecum; multus  
homo est, qui  
Descendit; Naso, multus es & pathicus.

## CV.

## AD CINNAM.

**C**ONSULE Pompeio primum duo, Cinna, solebant  
Mœchi; illo, ah, facto consule nunc iterum  
Manferunt duo; sed creverunt millia in unum  
Singulum. Fœcundum semen adulterio.

## CVI.

## IN MENTULAM.

**F**IRMANUS saltus non falsò, Mentula, dives  
Fertur; qui quot res in se habet egregias!  
Aucupia omne genus, pisceis, prata, arva, ferasque,  
Ne quidquam fructus sumptibus exsuperet.  
Quare concedo sit dives, dum omnia desint.  
Saltum laudemus, dummodò ipse egeat,



## CVII.

## IN EUNDEM.

**M**ENTULA habet instar triginta jugera prati;  
 Quadraginta arvi; cætera sunt maria.  
 Cur non divitiis Cræsum superare potis sit,  
 Uno qui in saltu tot modo possideat?  
 Prata, arva, ingentes silvæ, saltusque, paludesque  
 Usque ad Hyperboreos, & mare Oceanum.  
 Omnia magna hæc sunt. Tamen ipse est maximus  
 ultor,  
 Non homo, sed verò mentula magna, minax.

## CVIII.

## AD GELLIIUM.

**S**ÆPE tibi studioso animo venante requirens  
 Carmina uti possem mittere Battiadæ,  
 Qui te lenirem nobis, neu conarere,  
 Telis infesta mihi icere, musca, caput:  
 Hunc video mihi nunc frustra sumptum esse laborem,  
 Gelli, nec nostras hinc valuisse preces,  
 Contra nos tela ista tua evitamus amictu:  
 At fixus nostris tu dabis supplicium,

Finem hîc habent vulgatæ Catulli Editiones, atque etiam Codices: at tria quæ sequuntur Epigrammata ex Libro Priapeiorum & quibusdam Poëtæ nostri Libris editis excerpta sunt,

## CIX.

## AD HORTORUM DEUM.

**H**UNC lucum tibi dedico, consecroque, Priape,  
Qua domus tua Lampfaci est, quaque silva,  
Priape.

Nam te præcipuè in suis urbibus colit ora  
Helleſpontia, cæteris oſtreaſior oris.

## CX.

## HORTORUM DEUS.

**H**UNC ego, juvenes, locum, villulamque paluſ-  
trem,

Tectam vimine junceo, caricisque manipulis,

Quercus arida, rustica conformata securi

Nutrivisti: magis, & magis, ut beata quotannis.

Hujus nam Domini colunt me, Deumque salutant,

Pauperis tugurii Pater, filiusque coloni.

Alter assidua colens diligentia, ut herba

Dumosa, aspera que à meo sit remota sacello:

Alter parva ferens manu semper munera larga,

Florido mihi ponitur picta vere corolla

Primitu, & tenera virens spica mollis arista:

Luteæ violæ mihi, luteumque papaver,

Pallentesque cucurbitæ, & suave olentia mala;

Uva pampinea rubens educata sub umbra.

Sanguine hoc etiam mihi (sed jacebitis) aram

Barbatus linat hirculus, cornipesque capella,

Pro quibus omnia honoribus hæc necesse Priapo

Præstare, & Domini hortulum, vineamque tueri.  
 Quare hinc, ô pueri, malas abstinete rapinas.  
 Vicinus prope, dives est, negligensque Priapus.  
 Inde fumite, semita hæc deinde vos feret ipsa.

---

## CXI.

## HORTORUM DEUS.

**E**GO hæc, ego arte fabricata rustica,  
 Ego arida, ô viator, ecce populus  
 Agellulum hunc, sinistra, tute quem vides,  
 Herique villulam, hortulumque pauperis  
 Tuor, malasque furis arceo manus,  
 Mihi corolla picta Vere ponitur:  
 Mihi rubens arista Sole fervido:  
 Mihi virente dulcis uva pampino:  
 Mihique glauca duro oliva frigore;  
 Meis capella delicata pascuis  
 In urbem adulta lacte portat ubera;  
 Meisque pinguis agnus ex ovilibus  
 Gravem domum remittit ære dexteram,  
 Tænerque, matre mugiente, vaccula  
 Deum profundit ante templa sanguinem.  
 Proin' viator, hunc Deum vereberis,  
 Manumque sorsum habebis: hæc tibi expedit,  
 Parata namque crux, sine arte mentula.  
 Velim pol, inquis: at pol ecce, villicus  
 Venit: valente cui revulsa brachio  
 Fuit ista mentula, apta clava dexteræ.



PERVIGILIUM

---



---

P E R V I G I L I U M  
V E N E R I S ,  
Q U O D  
M A L E Q U I D A M T R I B U U N T  
C A T U L L O .

**M**ENS nostra non est carmen illud Trochaicum, vel si mavis Coraicum CATULLO nostro adjudicare. Sed ne manca hæc nostra crederetur Editio, visum est nobis hic illud apponere; præcipuè ut mentem assequeremur Clariss. GABRIELI, qui versus istos, elegantes quidem, at ævo Augusto juniores, adjecit præclaræ Catulli Editioni, quam anno 1680. Trajecti ad Rhenum publici juris fecit.

Cujus sit Auctoris ignoratur omninò: nec audiendi sunt ii, qui Senecæ, ut Barthius; aut Q. Catulo Urbicario, ut Jos. Scaliger; vel Luxurio cuidam Africano, ut Salmasius tribuerunt. Sed qua ducti ratione id fecerint vix conjicere licet. Nos quidem nil audemus affirmare, ne in aliorum reprehensionem incurramus. Sat nobis sit de carmine ipso aliquid dicere.

Diem festum verno tempore Veneri sacratum inter præcipua Religionis capita Veteres observarunt, de quo videndus est OVIDIUS libro IV. Fastorum. Hinc dimanavit apud eos sacrum illud Veneris nocturnum, quia nox præcipuè huic frugiferæ Deæ dicata est. Sed mirum est quantum industriæ, quantum



adhibeat ingenii elegans Poëta, ut multi, ac etiam omnes, si fieri posset, ope sua in Veneris servitutem, aut saltem clientelam adducantur. Quidquid fecunda rerum Natura, quidquid veterum fabulæ, ac etiam vetustissimæ historiæ in gratiam Veneris narrant, hic festivè & appositè locum habet.

Venerem principium rerum omnium non immerito, cum LUCRETIO, statuit Auctor ingeniosus. Ope enim hujus Deæ terra fructus suos ubertim, & maria, fluviique pisces generant: per hanc etiam omne genus animantium immortalitatem sibi conciliat. Ne credas homini soli natam esse Deam: suo, id est verno tempore per aëra volitantes aves, aviumque progenies, atque terram quatientes quadrupedes Venus ipsa benignè curat & fovet. Nil aliud isto carmine repræsentatur.

Quis tamen crederet nullum carmen magis Librarium incuria fordatum esse, quàm istud PERVIGILUM. Operam enim suam ducentis ab hinc annis Doctiores eo in emendando collocarunt. Sed nullus hoc in genere felicius mentem videtur affecutus Auctoris Anonymi, quàm N. S. SANADO clarissimus instituti Jesuitici alumnus. Aliorum igitur prætermisiss, ejus emendationes hic exhibere nobis visum est. Hujus igitur curis ac industria utatur & fruatur Lector benevolus.



---

---

PERVIGILIUM  
VENERIS.

**C**RAS amet, qui numquam amavit;  
Quique amavit, cras amet.

Ver novum, ver jam canorum,

Ver renatus Orbis est.

Vere concordant Amores,

Vere nubunt alites,

Et nemus comam resolvit

E maritis imbris.

Cras Amorum copulatrix

Inter umbras arborum

Implicat casas virentes

E flagello myrteo.

Cras Dione jura dicit

Fulta sublimi throno.

Cras amet, qui numquam amavit;

Quique amavit, cras amet.

Tunc cruore de superno ac

Spumeo Pontus globo

Cerulas inter catervas

Inter & bipedes equos

Fecit undantem Dionen

In marinis fluctibus.

Cras amet, qui numquam amavit;

Quique amavit, cras amet.

Ipsa gemmeis purpurantem

Pingit annum floribus.

Ipsa turgentes papillas

De Favoni spiritu

Mulget in toros tepentes.

    Ipsa roris lucidi,

Noctis aura quem relinquit,

    Spargit humentes aquas.

Ipsa jussit manè ut udæ

    Virgines nubant rosæ,

Fusæ aprugno de cruore,

    Atque Amoris osculis.

Cras amet, qui numquam amavit;

    Quique amavit, cras amet.

Ipsa Nymphas Diva lucos

    Jussit ire myrteos.

It puer comes puellis,

    Nec tamen credi potest

Esse Amorem feriatum,

    Si sagittas vexerit.

Ite, Nymphæ; ponit arma,

    Feriatus est Amor.

Jussus est inermis ire,

    Nudus ire jussus est,

Neu quid arcu, neu sagitta,

    Neu quid igne læderet.

Sed tamen, Nymphæ, cavete,

    Quòd Cupido pulchër est.

Totus est armatus idem

    Quandò nudus est Amor.

Cras amet, qui numquam amavit;

    Quique amavit, cras amet.

Compari Venus pudore

    Mittit ad te virgines.

Una res est quam rogamus;

    Cede, virgo Delia,

Ut nemus sit incruentum,

    A ferinis stragibus.

Ipsa vellet te rogare,

    Si pudicam flecteret;

**I**psa vellet ut venires,  
Si deceret virginem.  
**J**am tribus choros videres  
Feriatis noctibus  
**C**ongreges inter catervas  
Ire per saltus tuos,  
**F**loreas inter coronas,  
Myrteas inter casae.  
**N**ec Ceres, nec Bacchus absunt,  
Nec poetarum deus.  
**T**e sinente, tota nox est  
Pervigilanda cantibus.  
**R**egnet in sylvis Dione;  
Tu recede, Delia.  
**C**ras amet, qui numquam amavit;  
Quique amavit, cras amet.  
**J**ussit Hyblæis tribunal  
Stare Diva floribus.  
**P**ræsens ipsa jura dicet:  
Adsidebunt Gratiae.  
**H**ybla, totos funde flores,  
Quantus Aetnæ campus est:  
**H**ybla, florum rumpe vestem,  
Quotquot annus parturit.  
**R**uris hîc erunt puellæ,  
Et puellæ fontium,  
**Q**uæque sylvas, quæque lucos,  
Quæque montes incolunt.  
**J**ussit omnes adsidere  
Pueri mater alitis,  
**J**ussit & nudo puellas  
Nil Amori credere.  
**C**ras amet, qui numquam amavit;  
Quique amavit, cras amet.  
**C**ras rigentibus vigentes  
Ducet umbras floribus

Fertiles qui primus æther  
Copulavit nuptias ,  
Ut paternis recrearet  
Veris annum nubibus.  
In sinum maritus imber  
Fluxit almæ conjugis ,  
Vultque fetus mistus omnes  
Alere magno corpore.  
Ipsa , venas atque mentem  
Permeante spiritu ,  
Intus occultis gubernat  
Procreatrix viribus ;  
Perque cœlum , perque terras ,  
Perque pontum subditum ,  
Pervium sui tenorem  
Seminali tramite  
Imbuit , jussitque Mundum  
Nosce nascendi vias.  
Cras amet , qui numquam amavit ;  
Quique amavit , cras amet.  
Ipsa Trojanos penates  
In Latinos transtulit ,  
Ipsa Laurentem puellam  
Conjugem nato dedit ;  
Moxque Marti de facello  
Dat pudicam virginem.  
Romuleas ipsa fecit  
Cum Sabinis nuptias ,  
Unde Ramnes , & Quirites ,  
Proque prole postera  
Romuli , Patres creavit ,  
Et nepotes Cæsares.  
Cras amet , qui numquam amavit ;  
Quique amavit , cras amet.  
Rura fecundat voluptas ,  
Rura Venerem sentiunt ,

**I**pse Amor puer Diones  
Rure natus dicitur.  
**H**unc ager, quum parturiret  
Illa, suscepit sinu;  
**I**pse florum delicatis  
Educavit osculis.  
**C**ras amet, qui numquam amavit;  
Quique amavit, cras amet.  
**E**cce jam super genistas  
Explicant tauri latus;  
**S**ubter umbras cum maritis.  
Ecce balantum gregem.  
**Q**uisque cœtus continetur  
Conjugali fœdere.  
**E**t canoras non tacere  
Diva jussit alites.  
**J**am loquaces ore rauco  
Stagna cyni perstrepunt.  
**A**dsonat Terei puella  
Inter umbram populi;  
**U**t putes motus amoris  
Ore dici musico,  
**E**t neges queri sororem  
De marito barbaro.  
**I**lla cantat, nec tacemus;  
Meque Phœbus respicit,  
**Q**uandò feci quod Chelidon.  
Nō tacere desinam,  
**P**erderem Musam tacendo,  
Quandò ver venit novum.  
**S**ic Amyclas, quum tacerent,  
Perdidit silentium.  
**C**ras amet, qui numquam amavit;  
Quique amavit, cras amet.



Ad Pag. 92. Versu 4. *Spargit humentes aquas.*

**P**ost hæc verba, decem versículos abstulit elegantissimus SANADO. Sed ne jacturam sibi putent esse factam eruditi, hîc eos rejicere visum est. Hi sunt igitur :

Et micant lacrymæ trementes  
De caduco pondere.  
Gutta præceps orbe parvo  
Sustinet casus suos.  
In pudorem florulentæ  
Prodierunt purpuræ.  
Humor ille quem serenis  
Astra rorant noctibus,  
Manè virgines papillas  
Solvat humenti peplo.


Eò enim ductus est interpres ingeniosus ut versus istos ressecaret, quòd multa in eo carmine confusa sunt, & à suo loco avulsa, neque etiam eò loci, nec alibi illa convenient.




**ALBII**

**ALBIUS  
TIBULLUS.**










**TIBULLI**  
**EQUITIS ROMANI**  
**ELEGIARUM**  
**ALIORUMQUE CARMINUM**  
**LIBRI IV,**  
—  
**AD OPTIMOS CODICES EMENDATI.**



**P A R I S I I S,**  
**Typis J. BARBOU, viâ San-Jacobeâ,**  

---

**M. DCC. LIV.**





## VITA TIBULLI

EX LIBRO III. DE POETIS LATINIS

### PETRI CRINITI

**A**LBIUS Tibullus Romæ, ut creditur, natus, Hircio & Pansa Coss. qui annus etiam Nasonis Poëtæ natalibus insignis fuit : nam uterque Consul cum ad liberandum Brutum apud Mutinam mitteretur, fugato Antonio, occisus est. Parentes habuit ex equestri ordine, bello & pace satis illustres. Is autem Tibullus, quod ingenio facili, & egregia forma foret, nobiliores etiam civitatis sibi conciliavit : in quorum numero fuit Messala Corvinus, qui mira diligentia, & assiduis officiis poëtam Tibullum fovit, itaque sui studiosum vocat eum Tibullus, & insigni carmine laudes ejusdem, ac virtutem celebravit. Neque illud ignoratur, cum in ejusdem Messalæ comitatu in provinciam Phæacum pergeret, in adversam eum valetudinem incidisse ; ex quo tali carmine fidem suam, atque fortunam voluit posteris commendari :

Hic jacet immiti consumptus morte Tibullus,  
Messalam terra, dum sequiturque mari.

Horatium quoque Flaccum, & Macrum Poëtam, qui de herbis libros conscripsit, familiariter dilexit ; eumque hortatur, ut reliquis castris, & militia, ad amores, & Veneres redeat. Albius enim Tibullus in

amoris & deliciis, ut apparet, paulò proclivior fuit, ut qui Marathum, & Cerinthum pueros maximo affectu dilexerit, sicuti Deliam, Sulpiciam, Neæram, & Nemefim, de cujus forma, & moribus frequens in veterum libris mentio est, unde illud notum :

Ussit amatorem Nemesis lasciva Tibullum,

In tota juvit quem nihil esse domo.

Sed & L. Apuleius, quo loco de amoribus differit apud Claudium Maximum Proconsulem, sicutum Delia nomen à Poëta Tibullo refert, cum Plaucia vocaretur. Quin etiam Flaccus liberè illum hortatur amicitia nomine, ut forti animo, & constanti, immitis Glyceræ fastum, & insolentiam perferat, tum aliorum exemplo discat, quanta sit in amoris varietas. In scribendo autem carmine Cassio Parmensi eundem præponit, quo loco suorum sermonum judicem facit, bonaque animi, & corporis illi adscribit.

Albi nostrorum sermonum candide judex,

Non tu corpus eras sine pectore; Dii tibi formam,

Dii tibi divitias dederant, artemque fruendi.

Quid voceat dulci nutricula majus alumno,

Quàm sapere, & fari possit, quæ sentiat, & cui

Gratia, fama, valetudo, contingat abundè,

Et mundus victus non deficiente crumena?

Is verò Tibullus in carmine ad Messalam copiosè ostendit, parùm sibi licere in otio versari, quòd ipsa fortunæ iniquitas nimium illi obfuisset, & cum satis illi opes florent, conditione temporum factum, ut ad paupertatem redigeretur.

Cui fuerant flavi ditantes ordine fulci,

Horrea fecundis indeficientia mensis;

Cuique pecus denso pascebant agmine colles,

Et domino satis, & nimium furique, lupoque;

Nunc desiderium superest.

Libros quatuor Elegiarum, sive amorum composuit, in quibus facilè probatur quàm elegans, &

candidum sit ejus carmen, ut in ejusmodi caloribus describendis Latinos omneis videatur superasse, tum affectibus exprimendis, tum suavitate ingenii, quod ipsum & Fab. Quintilianus ad Marcellum Victorium refert, cum Poëtam Tibullum & elegantem in primis, ac tersum existimarit. Obiit autem cum adhuc junior esset, neque sine maximo mœrore Ovidii Poëtæ, quod ille testatus est longo carmine, in quo probatur quanta literarum jactura Tibullus occiderit, eo-que molestior fuit ejus interitus, quo immaturior visus est. In ejus verò funere, & parens, & soror pietatis officium præstiterunt, quod & Nemesis, & Delia pari animo fecerunt, sicuti ab Ovidio refertur; vulgatumque illud est de elegantia, & carmine Tibulli:

Donec erunt ignes, arcusque, Cupidinis arma,  
Discentur numeri, culte Tibulle, tui.

## ALIA TIBULLI

### VITA


PER MICH. MAITTAIRE.

**E**QUES Romanus, Hireio & Pansa Coss. Olympiadis CLXXXIV. anno 11. Minervæ Quinquatriis, 10. Kal. April. Romæ natus est; eodem scilicet tempore, & die, quò Ovidius. Parentes ex equestri ordine habuit bello & pace satis illustres. Ejus studiosus fuit Messala Corvinus, quicum ad Phæacas populos Corcyraeos navigans, ex adversa valetudine penè interiit. Familiariter dilexit Macrum poëtam, quem hortatur, ut relicto Marte ad Venerem redeat.

I iij



In amores enim utriusque sexus proclivior, fœminas, Plautiam sub ficto Delia nomine, Nemesin eandem, ut quidam volunt, quæ Horatio Glycera, Nezram & Sulpitiam; mares, Marathum, Titium, & Sulpitiæ Cerinthum, affectu maximo dilexit. Horatius ad eum scripsit oden & epistolam: quarum una de Glyceræ fastu & insolentia morrentem solatur; altera iudicem suorum carminum appellat; Cassioque Parmensi anteponit, eique de bonis animi & corporis gratulatur. Ipse tamen questus est, se usum fortuna iniquiore, & ad paupertatem redactum. In Elegiis, quarum quatuor libtos composuit, tersus author & maximè elegans Quintiliano visus est, comis & cultus Ovidio, argutus Marciali; habitus à Nerva Imperatore, cum juvenis esset, dignus, cuius stylum imitaretur. Quid potuerit & in Hæroïco carmine, satis constat ex eo ad Messalam, in quo ejus laudes & virtutem celebravit. Obiit adhuc junior morte immatura, quam desolevit Ovidius; illiusque funeri parens ac soror, Nemesis ac Delia iusta fecerunt.





ALBII  
TIBULLI  
LIBER I.

---

---

ELEGIA PRIMA.



IVITIAS alius fulvo sibi congerat auro,  
Ex teneat culci jugera multa soli :  
Quem labor assiduus vicino terreat  
hoste,  
Martia cui somnos classica pulsa  
fugant.

Me mea paupertas vitæ traducat inerti,  
Dum meus exiguo laceat igne focus ;  
Nec spes destituat , sed frugum semper acervos  
Præbeat , & pleno pinguis musta lacu.

I iij

Ipse feram teneras maturo tempore vites  
Rusticus, & facili grandia poma manu.  
Nec tamen interdum pudeat tenuisse bidentem,  
Aut stimulo tardos increpuisse boves.  
Non agnamve sinu pigeat, fortunæ capellæ  
Desertum oblita matre referte domum.  
Hic ego pastoremque meum lustrare quotannis,  
Et placidam soleo spargere lacte Palem.  
Nam veneror, seu stipes habet desertus in agris,  
Seu vetus in trivio florea sarta lapis;  
Et quodcumque mihi pomum novus educat annus,  
Libarum agricolæ ponitur ante Deo.  
Flava Ceres, tibi sit nostro de rure corona  
Spicea, quæ templi pendeat ante fores;  
Pomosisque ruber custos ponatur in hortis,  
Terreat ut sæva falce Priapus aves.  
Vos quoque felices quondam, nunc pauperis agri  
Custodes, fertis munera vestra, Lares.  
Tunc vitula innumeros lustrabat cæsa juvencos:  
Nunc agna exigui est hostia magna soli.  
Agnæ cadet vobis, quam circum rustica pæbes  
Clamet: Io messes, & bona vina date.  
Adsis, Divi: neu vos de paupere mensa  
Dona, nec è puris spernite fistilibus.  
Fistilia antiquus primum sibi fecit agrestis  
Pocula, de facili composuitque luto.  
At vos exiguo pecori furesque, lupique,  
Parcite: de magno est præda petenda grege.  
Non ego divitias patrum, fructusque requiro,  
Quos tulit antiquo condita messis avo.  
Parva seges satis est: satis est requiescere lecto,  
Si licet, & solito membra levare toro.  
Quàm juvat immites ventos audire cubantem,  
Et dominam tenero continuisse sinu:  
Aut gelidas hibernus aquas quàm fuderit Auster,  
Securum somnos imbre juvante sequi!  
Hoc mihi contingat. Sit dives jure, furorem

Qui maris, & tristes ferre potest pluvias.  
Jam modò non possum contentus vivere parvo,  
Nec semper longæ deditus esse viæ:  
Sed Canis æstivos ortus vitare sub umbra  
Arboris, ad rivos prætereuntis aquæ.  
O quantum est auri potiùs, pereatque smaragdi,  
Quàm flect ob nostras ulla puella vias!  
Te bellare decet terra, Messala, marique,  
Ut domus hostiles præferat exuvias.  
Me retinent vinctum formosæ vincula puellæ,  
Et sedeo duras janitor ante fores.  
Non ego laudari curo, mea Delia: tecum  
Dummodò sim, quæso segnis, inersque vocer.  
Ipse boves, mea, sim tecum modò, Delia, possim  
Jungere, & in solo pascere monte pecus;  
Et, te dum liceat teneris retinere lacertis,  
Mollis in inculta sit mihi somnus humo!  
Quid Tyrio recubare toro sine amore secundo  
Prodest, cum fletu nox vigilanda venit?  
Nam neque tum plumæ, nec stragula picta soporem,  
Nec sonitus placidæ ducere possit aquæ.  
Ferreus ille fuit, qui, te cum posset habere,  
Maluerit prædas stultus, & arma sequi.  
Ille licet Cilicum victas agat ante catervas,  
Ponat & in capto Martia castra solo;  
Torus & argento contextus, totus & auro  
Infideat celeri conspiciendus equo.  
Te spectem, suprema mihi cum venerit hora,  
Te teneam moriens, deficiente manu.  
Flebis & arfuro positum me, Delia, lecto;  
Tristibus & lacrimis oscula mixta dabis.  
Flebis: non tua sunt duro præcordia ferro  
Vincta, nec in tenero stat tibi corde filix.  
Illo non juvenis poterit de funere quisquam  
Lumina, non virgo sicca referre domum.  
Tu manes ne læde meos: sed parce solutis  
Crinibus, & teneris, Delia, parce genis.

Interea, dum fata finunt, jungamus amores.  
 Jam veniet tenebris mors adoperta caput.  
 Jam subrepet iners aetas; nec amare decebit,  
 Dicere nec canq blanditias capite.  
 Nunc levis est tractanda Venus, dum frangere posses  
 Non pudet, & rixas inferuisse juvat.  
 Hic ego dux, milesque bonus: vos signa, tubæque,  
 Ite procul; cupidis vulnere ferre viris:  
 Ferre & opes; ego composito securus acervo,  
 Despiciam dites, despiciamque famem.

---

## E L E G I A I I.

**A**DDE merum, vineque novos compesce dolores,  
 Occupet ut fessi lumina victa sopor.  
 Neu quisquam multo perfusum tempora Baccho  
 Excitet, infelix dum requiescit amor.  
 Nam posita est nostræ custodia sæva puellæ,  
 Clauditur & dura janua fulta sora.  
 Janua difficilis domini, te verberet imber,  
 Te Jovis imperio fulmina missa petant.  
 Janua, jam pateas uni mihi victa querelis;  
 Neu furtim verso cardine aperta sones.  
 Et, mala si qua tibi dixit dementia nostra,  
 Ignoscas: capiti sint, precor, illa meo.  
 Te meminisse decet quæ plurima voce peregi  
 Supplice, cum possi florida sæta darem.  
 Tu quoque ne timidè custodes, Delia, falle.  
 Audendum est. Fortes adjuvat ipsa Venus.  
 Illa favet, seu quis juvenis nova limina tentat,  
 Seu reserat fixo dente puella fotes.  
 Illa docet furtim molli decedere lecto;  
 Illa pedem nullo ponere posse sono;  
 Illa viro coram nutus conferre loquaces,  
 Blandaue compositis abdere verba notis.

Ecce docet hoc omnes, sed quos nec inertia tardat,  
Nec vetat obscura surgere nocte timor.  
Ecce finit occurrat quisquam, qui corpora ferro  
Vulneret, aut rapta præmia veste petat.  
Nullusquis amore tenetur, ear tutusque, sacerque  
Qualibet; insidias non timuisse decet.  
Non mihi pigra nocent hibernæ frigora noctis;  
Non mihi, cum multa decidit imber aqua.  
Non labor hic lædit, referet modò Delia postes,  
Et vocet ad digiti me taciturna sonum.  
Arcite luminibus, seu vir, seu femina fias  
Obvia! celari vult sua furta Venus.  
Seu strepitu terrete pedum, neu quærite nomē,  
Neu prope fulgenti lumina ferte face.  
Si quis & imprudens adspexerit, occulat ille,  
Perque Deos omnes se meminisse neget.  
Nam fuerit quicumque loquax, is sanguine natam,  
Is Venerem è rapido sentiet esse mari.  
Nec tamen huic credet conjux tutus, ut mihi verax  
Pollicita est magico saga ministerio.  
Hanc ego de cælo ducentem sidera vidi:  
Fulminis hæc rapidi carmine vertit iter.  
Hæc cantu finditque solum, manesque sepulcris  
Elicit, & tepido devocat ossa rogo.  
Nam ciet infernas magico stridore catervas;  
Jam jubet adspersas lacte referre pedem.  
Cum libet, hæc tristi depellit nubila cælo;  
Cum libet, æstivas convocat ore nives.  
Sola tenere malas Medæ dicitur herbas;  
Sola feros Hecatzæ perdomuisse canes.  
Hæc mihi composuit cantus, queis fallere posses.  
Ter cane, ter dictis despue carminibus.  
Ille nihil poterit de nobis credere cuiquam;  
Non sibi, si in molli viderit ipse toro.  
Tu tamen abstineas aliis: nam cætera cerner  
Omnia; de me uno sentiet ille nihil.  
Quid credam? nempe hæc eadem se dixit amores

Cantibus, aut herbis solvere posse meos.  
 Et me lastravit tædis, & nocte serena  
 Concidit ad magicos hostia pulla Deos.  
 Non ego, totus abesset amor, sed mutuus esset,  
 Orabam; nec te posse carere velim.

## ELEGIA III.

**I**BITIS Ægeas sine me, Messala, per undas,  
 O utinam memores ipse, cohorsque mei!  
 Me tenet ignotis ægrum Phæacia terris:  
 Abstineas avidas, mors violenta, manus.  
 Abstineas, mors atra, precor. Non hîc mihi mater  
 Quæ legat in mœstos ossa perusta sinus:  
 Non soror, Assyrios cineri quæ dedat odores,  
 Et fleat effusis ante sepulcra comis:  
 Delia non usquam, quæ me cum mitteret urbe,  
 Dicitur antè omnes consuluisse Deos.  
 Illa sacras pueri sortes ter sustulit: illi  
 Rettulit è triviis omina certa puer.  
 Cuncta dabant reditus: tamen est deterrita nunquam,  
 Quin fleret, nostras respiceretque vias.  
 Ipse ego solator, cum jam mandata dedissem,  
 Quærebam tardas anxius usque moras.  
 Aut ego sum caussatus aves, aut omina dira,  
 Saturni aut sacram me tenuisse diem.  
 O quoties ingressus iter, mihi tristia dixi  
 Offensum in porta signa dedisse pedem?  
 Audeat invito ne quis discedere amore;  
 Aut sciat egressum se prohibente Deo.  
 Quid tua nunc Isis mihi, Delia? quid mihi profunt  
 Illa tua toties æra repulsa manu?  
 Quidve, plè dum sacra colis, purèque lavari  
 Te memini, & puro secubuisse toro?  
 Nunc, Dea, nunc succurre mihi: nam posse mederi

Nicta docet templis multa tabella tuis ;  
mea votivas persolvens Delia noctes ,  
Ante sacras lino tecta fores sedeat ;  
que die resoluta comas , tibi dicere laudes  
Insignis turba debeat in Pharia.  
mihi contingat patrios celebrare Penates ,  
Reddereque antiquo menstrua thura Lari.  
Iam bene Saturno vivebant rege , prius quam  
Tellus in longas est patefacta vias !  
ondum caeruleas pinus contemserat undas ,  
Effusum ventis praeberatque sinum ;  
et vagus ignotis repetens compendia terris ,  
Presserat externa navita merce ratem.  
non validus subiit juga tempore taurus ;  
Non domito frenos ore momordit equus :  
non domus ulla fores habuit : non fixus in agris ,  
Qui regeret certis finibus arva , lapis.  
sae mella dabant quercus , ultròque ferebant  
Obvia securis ubera lactis oves.  
non acies , non ira fuit , non bella ; nec ense  
Immiti saevus duxerat arte faber.  
Nunc Jove sub domino cordes , & vulnera semper ;  
Nunc mare ; nunc lethi mille repente viae.  
arce , pater : timidum non me perjuria terrent ,  
Non dicta in sanctos impia verba Deos ,  
quod si fatales jam nunc explevimus annos ,  
Fac lapis inscriptis stet super ossa notis :  
Hic jacet immiti consumtus morte Tibullus ,  
„ Messalam terra dum sequiturque mari ,  
sed me , quod facilis tenero sum semper Amori ,  
Ipsa Venus campos ducet in Elysios.  
sic choreae , cantusque vigent , passimque vagantes  
Dulce sonant tenui gutture carmen aves.  
ert casiam non culta seges , totosque per agros  
Floret odoratis terra benigna rosis.  
et juvenum series teneris immista puellis  
Ludit , & assidue praelia miscet Amor.



Illic est, cuicumque rapax mors venit amanti,  
Et gerit insigni myttea fecta coma:  
At scelerata jacet sedes in nocte profunda  
Abdita, quam circum flumina nigra sonant;  
Tisiphoneque impexa feros pro crinibus angues  
Sævit, & huc illuc impia turba fugit.  
Tum niger in porta serpentum Cerberus ore  
Stridet, & æratas excubat ante fores.  
Illic Junonem tentare Ixionis ausi  
Versantur celeri noxia membra rota;  
Porrectusque novem Tityus per jugera terræ,  
Adsiduas atro viscere pascit aves.  
Tantalus est illic, & circum stagna, sed acrem  
Jam jam poturi deserit unda sitim;  
Et Danaï proles, Veneris quæ numina læsit,  
In cava lætæas dolia portat aquas.  
Illic sit, quicumque meos violavit amores,  
Optavit lentas & mihi militias.  
At tu casta, precor, maneat, sanctique pudoris  
Adfideat custos sedula semper anus.  
Hæc tibi fabellas referat, positaque lucerna  
Deducat plena stamina longa colo.  
At circa gravibus pensis affixa puella  
Paulatim somno fessa remittat opus.  
Tunc veniam subito, ne quisquam nuntiet antè:  
Sed videar celo missus adesse tibi.  
Tunc mihi, qualis eris, longos turbata capillos,  
Obvia nudato, Delia, curre pede,  
Hoc precor; hunc illum nobis Aurora nitentem  
Luciferum roseis candida portet equis.



## ELEGIA IV.

AD PRIAPUM.

**S**ic umbrosa tibi contingant testa, Priape,  
Ne capiti soles, ne noceantque nives.  
Quæ tua formosos cepit solertia? certè  
Non tibi barba nitet, non tibi culta coma est.  
Nudus & hibernæ producis frigora brumæ,  
Nudus & æstivi tempora sicca Canis.  
Sic ego: tum Bacchi responder rustica proles,  
Armatus curva sic mihi falce Deus.  
Tu, puero quodcumque tuo tentare libebit,  
Cedas. Obsequio plurima vincit amor.  
Sed te ne capiant, primò si sortè negabit,  
Tædia: paulatim sub juga colla dabit.  
Longa dies homini docuit parere leones;  
Longa dies molli sana peredit aqua.  
Annus in apricis maturat collibus uvas;  
Annus agit certa lucida signa vice.  
Nec jurare time. Veneris perjuria ventri  
Irrita per tetras, & freta summa ferunt.  
Gratia magna Jovis: vetuit pater ipse valere,  
Jurâisset cupidè quidquid ineptus amor.  
Perque suas impunè sinit Dictyana sagittas  
Adfirmes, crines perque Minerva suos.  
At si tardus eris, errabis. Transiet ætas  
Quàm citò! non segnis stat, remeatque dies.  
Quàm citò purpureos deperdit terra colores!  
Quàm citò formosas populus alta comas!  
Quàm jacet, infirmæ venere ubi fata senectæ,  
Qui prior Elæo est carcere missus equus!  
Vidi jam juvenem, premeret quàm senior ætas,  
Morrentem stultos præterisse dies.

Crudeles Divi ! serpens novus exiit annos :  
Formæ non ullam fata dedere moram.  
Solis æterna est Phœbo , Bacchoque juvena :  
Nam decet intonsus ctinis utrumque Deum.  
Neu comes ire neges , quamvis via longa pareatur ,  
Et canis arenti torreat arva siti.  
Quamvis prætexens picta ferrugine cœlum ,  
Venturam admittat imbrifer arcus aquam.  
Vel si cœruleas puppi volet ire per undas ,  
Ipse levem remo per freta pelle ratem.  
Nec te pœniteat duros subiisse labores ,  
Aut operi insuetas atteruisse manus.  
Nec , velit insidiis altas si claudere valles ,  
Dum placeas , humeri retia ferre negent.  
Si volet arma , levi tentabis ludere dextra :  
Sæpe dabis nudum , vincat ut ille , latus.  
Tunc tibi mitis erit ; rapias tum cara licebit  
Oscula : pugnabit , sed tamen apta dabit.  
Rapta dabit primò : post offeret ipse volenti ;  
Post etiam collo se implicuisse volet.  
Heu malè nunc artes miseras hæc secula tractant !  
Jam tener adsuevit munera velle puer.  
Jam tu , qui Venerem docuisti vendere primus ,  
Quisquis es , infelix urgeat ossa lapis.  
Pieridas , pueri , doctos & amate Pœtas ,  
Aurea nec superent munera Pieridas.  
Carmine purpurea est Nisi coma : carmina nî sint ,  
Ex humero Pelopis non nituisset ebur.  
Quem referent Musæ , vivet , dum robora tellus ,  
Dum cœlum stellas , dum vehet amnis aquas.  
At qui non audit Musas , qui vendit amorem ,  
Idææ currus ille sequatur Opis ,  
Et ter centenas erroribus expleat urbes ;  
Et secet ad Phrygios vilia membra modos.  
Blanditiis vult esse locum Venus ipsa : querelis  
Supplicibus , miseris fletibus illa favet.  
Hæc mihi , quæ canerem Titio Deus edidit ore ;  
Sed

Sed Titium conjux hæc meminisse vetat.  
 O fuge te teneræ puerorum credere turbæ:  
 Nam caussam iusti semper amoris habent.  
 Hic placet, angustis quodd equum compescit habenis:  
 Hic placidam niveo pectore pellit aquam.  
 Hic, quia fortis adest audacia, cepit: at illi  
 Virgineus teneras stat pudor ante genas.  
 Pareat ille suæ: vos me celebrate magistrum,  
 Quos malè habet multa callidus arte puer.  
 Gloria cuique sua est: me, qui spernentur amantes,  
 Consultent; cunctis janua nostra patet.  
 Tempus erit, cum me Veneris præcepta ferentem  
 Deducat juvenum sedula turba senem.  
 Heu, heu, quàm lento Marathus me torquet amore!  
 Deficiunt artes, deficiuntque doli.  
 Parce, puer, quæso, ne turbis fabula fiam,  
 Quum mea ridebunt vana magisteria.

---

## ELEGIA V.

**A** SPER eram, & bene diffidium me ferre loquebar:  
 At mihi nunc longè gloria fortis abest.  
 Namque agor, ut per plana citus sola verberare turben,  
 Quem celer adsueta versat ab arte puer.  
 Ure ferum, & torque: libeat ne dicere quidquam  
 Magnificum posthac; horrida verba doma.  
 Parce tamen: per te furtivi fœdera lecti,  
 Per Venerem quæso, compositumque caput.  
 Ille ego, quum tristi morbo defessa jaceres,  
 Te dicor votis eripuisse meis;  
 Ipseque te circum lustravi sulfure puro,  
 Carmine quum magico procubisset anus.  
 Ipse procuravi, ne possent sæva nocere  
 Somnia, ter sancta deveneranda mola.  
 Ipse ego velatus filo, tunicisque solutis,

Vota novem Triviar nocte silente dedi.  
Omnia persolvi : fruitur nunc alter amore,  
Et precibus felix utitur ille meis.  
At mihi felicem vitam, si salva fuisses,  
Fingebam demens, sed renuente Deo.  
Rura colam, frugumque aderit mea Delia custos,  
Area dum messes sole calente teret.  
Aut mihi servabit plenis in linteribus uvas,  
Pressaque veloci candida musta pede.  
Consuescet numerare pectus, consuescet amantis  
Garrulus in dominæ ludere verna sinu.  
Illa Deo sciet agricolæ pro vitibus uvam,  
Pro segete spicas, pro grege ferre dapem.  
Illa regat cunctos; illi sint omnia cura,  
Et juvet in tota me nihil esse domo.  
Huc veniet Messala meus, cui dulcia poma  
Delia selectis detrahet arboribus;  
Et tanrum venerata virum, hunc sedula curet;  
Huic paret, arque epulas ipsa ministra gerat.  
Hæc mihi fingebam, quæ nunc Eurysque, Notusque  
Jactat odoratos vota per Armenios.  
Num Veneris magnæ violavi numina verbo,  
Et mea nunc pœnas implia lingua luit?  
Num fetor infestus sedes adiisse Deorum,  
Sertaque de sanctis deripuisse foris?  
Non ego, si merui, dubitem procumbere templis,  
Et dare sacratis oscula liminibus;  
Non ego tellurem genibus petrepere supplex,  
Et miserum sancto rondere poste caput.  
At tu, qui lætus tides mala nostra, cævero  
Mox tibi: non unus sæviet usque Deus.  
Vidi ego, quod juvenum miseris risisset amores,  
Post Venetis vinclis subdere colla senem;  
Et sibi blanditias tremula componere voce,  
Et manibus canas fingere velle comas.  
Stare nec ante fores puduit, caræve puellæ  
Ancillam medio detinuisse foro.

Hunc puer, hunc juvenis turba circumstetit arcta;  
 Despuit iam molles & sibi quisque finus.  
 At mihi parce, Venas: semper tibi dedica servit  
 Mens mea; quid melleis uris acerba tuas?

## ELEGIA VI.

**S**AEPER ego tentavi curas depellere vino:  
 At dolor in lacrymas verterat omne merum.  
 Sæpe aliam tenui: sed jam quàm gaudia adirem,  
 Admonuit dominæ, deseruitque Venus.  
 Tunc me discedens devotam femina dixit;  
 Et, pudet hæc, narrat scire nefanda mea.  
 Non facit hoc verbis: facie, tenerisque lacertis  
 Devovet, & flavis nostra puella comis.  
 Talis ad Amonium Neretis Pelea quondam  
 Vecta est frenato cæcula pisce Thetis.  
 Hæc nocuere mihi; quod adest huic dives amator,  
 Venit in exitium callida lena meam.  
 Sanguineas edat illa dapes, atque ore oruento  
 Tristitia cum multo pocula felle bibat.  
 Hanc volitent animæ circum sua fata querentes  
 Semper, & è tectis strit violenta canat.  
 Ipsa fame stimulante furens, herbasque sepulcris  
 Quærat, & à sœvis ossa relicta lapis.  
 Currat & inguinibus nudis, ululetque per urbes:  
 Post agat è trivis aspera turba canum.  
 Eveniet: dat signa Deus, sunt numina amanti;  
 Sævit & injusta lege relicta Venus.  
 At tu quàm primùm sagæ præcepta rapacis  
 Desere: nam donis vincitur omnis amor.  
 Pauper erit præstò tibi, præstò pauper adibit  
 Primus, & in tenero fixus erit latere.  
 Pauper in angusto fidus comes agmine turbae,  
 Subjicietque manus, efficietque viam.

Pauper ad occultos furtim deducet amicos,  
 Vinculaque de niveo detrahet ipse pede.  
 Heu canimus frustra, nec verbis victa pateſcit  
 Janua: ſed plena eſt percutienda manu.  
 At tu, qui potior nunc es, mea furta caveto:  
 'Verſatur celeri fors levis orbe rotæ.

## ELEGIA VII.

**S**EMPER ut inducas, blandos offers mihi vultus;  
 Poſt tamen es miſero triftis & aſper, Amor.  
 Quid tibi, ſæpe puer, mecum eſt? an gloria magna  
 Inſidias homini compoſuiſſe Deum?  
 Jam mihi tenduntur caſſes; jam Delia furtim  
 Neſcio quem tacita callida nocte fover.  
 Illa quidem tam multa negat: ſed credere durum eſt,  
 Sic etiam de me pernegat uſque viro.  
 Ipſe miſer docui, quo poſſet ludere pacto  
 Cuſtodes: heu, heu, nunc premor arte mea!  
 Fingere nunc didicit cauſſas, cur ſola cubaret:  
 Cardine nunc tacito vertere poſſe fores.  
 Tunc ſuccos, herbaſque dedi, queis livor abirer,  
 Quem facit impreſſo mutua dente Venus.  
 At tu fallacis conjux incaute puellæ,  
 Me quoque ſervato, peccet ut illa nihil.  
 Neu juvenes celebret multo ſermone, caveto;  
 Neve cubet laxo pectus aperta ſinu;  
 Neu te decipiat nutu, digitoque liquorem  
 Ne trahat, & menſæ ducat in orbe notas.  
 Exhibit quàm ſæpe, time: ſeu viſere dicet  
 Sacra Bonæ maribus non adeunda Dez.  
 At mihi ſi credas, illam ſequar unus ad aras.  
 Tunc mihi non oculis ſit timuiſſe meis.  
 Sæpe, velut gemmas ejus, ſignumque probarem,  
 Per cauſſam memini me tetigiſſe manum.

Sæpe mero somnum peperit tibi : at ipse bibebam

Sobria supposita pocula victor aqua.

Non ego te læsi prudens : ignosce fatenti.

Iussit Amor. Contra quis ferat arma Deos ?

Ille ego sum , nec me jam dicere vera pudebit ,

Instabat tota cui tua nocte canis.

Non frustra quidam jam nunc in limine perstat

Sedulus , ac crebro prospicit , ac refugit ;

Et simulat transire domum , mox deinde recurrit

Solus , & ante ipsas excreat usque fores.

Nescio quid furtivus amor parat : utere , quæso ,

Dum licet ; in liquida nat tibi linter aqua.

Quid tenera tibi conjuge opus , tua si bona nescis

Servare ? ah , frustra clavis inest foribus.

Te tenet , absentes alios suspirat amores ,

Et simulat subito condoluisse caput.

At mihi servandam credas : non sæva recuso

Verbera , detrecto non ego vincla pedum.

Tunc procul absitis , quisquis colit arte capillos ,

Effluit effuso cui toga laxa sinu.

Quisquis & occurrer , ne possit crimen habere ,

Stet procul , atque alia stet procul antè via.

Sic fieri jubet ipse Deus : sic magna sacerdos

Est mihi divino vaticinata sono.

Hæc ubi Bellonæ motu est agitata , nec acrem

Flammam , non amens verbera torta timet.

Ipsa bipenne suos cædit violenta lacertos ,

Sanguineque effuso spargit inulta Deam.

Statque latus præfixa veru , stat saucia pectus ;

Et canit eventus , quos Dea magna monet.

Parcite , quam custodit Amor , violare puellam ,

Ne pigeat magno post didicisse malo.

Attigeris : labentur opes , ut vulnere nostro

Sanguis , ut hic ventis diripiturque cinis.

Et tibi nescio quas dixit , mea Delia , pœnas :

Si tamen admittas , sit , precor , illa levis.

Non ego te propter parco tibi : sed tua mater



Me movet, atque iras aurea vincit anus.  
 Hæc mihi te adducit tenebris, multoque timore  
 Conjungit nostras clâm taciturna manus.  
 Hæc foribusque manet noctu me adfixa, proculque  
 Cognoscit strepitus me veniente pedum.  
 Vive diu mi, dulcis anus: proprios ego tecum,  
 Sit modò fas, annos comteruisse velim.  
 Te semper, gnatamque tuam te propter amabo:  
 Quidquid agat, sanguis est tamen ipsa tuus.  
 Sit modò casta doce, quamvis non vitta ligatos  
 Impediat crines, nec stola longa pedes.  
 Et mihi sint duræ leges, laudare nec ullam  
 Possim ego, quin oculos appetat illa meos.  
 Et si quid peccasse puter, ducarque capillis  
 Immeritò, pronas proripiarque vias,  
 Non ego te pulsare velim: sed venerit iste  
 Si furor, optarim non habuisse manus.  
 Nec sævo sis casta metu, sed mente fideli.  
 Mutuus absenti te mihi servet amor.  
 At quæ fida fuit nulli, post victa fenestra,  
 Ducit inops tremula flamma torta manu;  
 Firmaque conductis annectit licia telis,  
 Tractaque de niveo vellere ducta putat.  
 Hanc animo gaudente vident, juvenumque catervæ  
 Commemorant meritò tot mala ferre fenestra.  
 Hanc Venus ex alto flentem sublimis Olympo  
 Spectat, & infidis quàm sit acerba, monet.  
 Hæc aliis maledicta cadant: nos, Desia, amoris  
 Exemplum cana sumus uterque coma.

## ELEGIA VIII.

**H**Unc cecinere diem Partæ fatalia nentes  
 Stamina, non ulli dissolvida Deo;  
 Munc fore, Aquitanas possèt qui fundere gentes,

Quam tremere fortis milite victus Atur.  
Evenere. Novos pubes Romana triumphos  
Vidit, & evinctos brachia capta duces.  
At te victrices lauros, Messalla, gerentem  
Portabat niveis curtus eburnus equis.  
Non sine me est tibi partus honos: Tarbella Pyrene  
Testis, & Oceani litora Santonici.  
Testis Arar, Rhodanusque celer, magnusque Garumna,  
Carnuti & flavi cœcula lympa Liger.  
At te, Cydne, canam tacitis qui leniter undis  
Cœruleis placidus per vada serpis aquis;  
Quantus & æthero contingens vertice nubes  
Frigidus intonsos Taurus arat Cilicas.  
Quid referam, ut volitet crebras intacta per urbes  
Alba Palæstino sancta columba Syro?  
Utque maris vastum prospectet cœlibus æquor  
Prima ratem ventis credere docta Tyros?  
Qualis &, aërentes cùm findit Sirius agros,  
Fertilis æstiva Nilus abundet aqua?  
Nile pater, quam possum te dicere caussa,  
Aut quibus in terris occuluisse caput?  
Te propter nullos telus tua postulat imbres,  
Arida nec pluvio supplicat herba Jovi.  
Te canit, atque suum pubes miratur Osirim  
Barbara, Memphitem plangere docta bovem.  
Primus aratra manu solerti fecit Osiris,  
Et teneram ferro sollicitavit humum.  
Primus inexpertæ commisit semina terræ,  
Pomaque non notis legit ab arboribus.  
Hic docuit teneram palis adjungere vitem:  
Hic viridem dura cedere falce comam.  
Illi jucundos primum matura saporis  
Expressa incultis uva dedit pedibus.  
Ille liquor docuit voces inflectere cantu,  
Movit & ad certos nescia membra modos.  
Bacchus & agricolæ magno confecta labore  
Pectora tristitiæ dissolvenda dedit.

Bacchus & afflictis requiem mortalibus adfert;  
 Crura licet dura compede pulsa sonent.  
 Non tibi sunt tristæ curæ, nec luctus, Osiri:  
 Sed chorus, & cantus, & levis aptus Amor.  
 Sed varii flores, & frons redimita corymbis;  
 Fusa sed ad teneros lutea palla pedes,  
 Et Tyriæ vestes, & dulcis tibia cantu,  
 Et levis occultis conscia cista sacris.  
 Huc ades; & centum ludos, Geniumque choreis  
 Concelebra, & multo tempora funde mero.  
 Illius è nitido stillent unguenta capillo;  
 Et capite, & collo mollia feta gerat.  
 Sic venias hodiernæ: tibi dem thuris honores,  
 Liba & Mopsopio dulcia melle feram.  
 At tibi succrescat proles, quæ facta parentis  
 Augeat, & circa stet venerata senem.  
 Nec taceant monumenta viæ, quæ Tuscula tellus,  
 Candidaque antiquo detinet Alba lare.  
 Namque opibus congesta tuis hîc glareæ dura  
 Sternitur: hic apta jungitur arte silex.  
 Te canit agricola, è magna quùm venerit Urbe  
 Serus, inoffensum rettuleritque pedem.  
 At tu, natalis multos celebrande per annos,  
 Candidior semper, candidiorque veni.

## ELEGIA IX.

**N**ON ego celari possum, quid nutus amantis,  
 Quidve ferant miti lenia verba sono.  
 Nec mihi sunt sortes, nec conscia fibra Deorum;  
 Præcinit eventus nec mihi cantus avis.  
 Ipsa Venus magico religatum brachia nodo  
 Perdocuit multis non sine verberibus.  
 Desine dissimulare. Deus crudeliùs urit,  
 Quos videt invitos succubuisse sibi.

Quid

Quid tibi nunc molles prodest coluisse capillos ,  
Sæpeque mutatas disposuisse comas ?  
Quid fūco splendente genas ornasse ? quid ungues  
Artificis docta subsecuisse manu ?  
Frustra jam vestes , frustra mutantur amictus ,  
Ansaque compressos colligat arcta pedes.  
Ipsa placet , quamvis inculto venerit ore ,  
Nec nitidum tarda comserit arte caput.  
Num te carminibus , num te pallentibus herbis  
Devovit tacito tempore noctis anus ?  
Cantus vicinis fruges traducit ab agris :  
Cantus & irata detinet anguis iter :  
Cantus & è curru Lunam deducere tentat ;  
Et faceret , si non æra repulsa sonent.  
Quid queror heu misero carmen nocuisse ? quid herbas ?  
Forma nihil magicis utitur auxiliis.  
Sed corpus tetigisse nocet , sed longa dedisse  
Oscula , sed femori conseruisse femur.  
Nec tu difficilis puero tamen esse memento :  
Persequitur pœnis tristitia facta Venus.  
Munera ne poscas : det munera canus amator ,  
Ut foveas molli frigida membra sinu.  
Carior est auro juvenis , cui levia fulgent  
Ora , nec amplexus aspera barba terit,  
Huic tu candentes humero suppone lacertos ,  
Et regum magnæ despiciantur opes.  
At Venus inveniet puero succumbere furtim ,  
Dum tueret , & teneros conserit usque sinus ;  
Et dare anhelanti pugnantibus humida linguis  
Oscula , & in collo figere dente notas.  
Non lapis hanc , gemmæque juvent , quæ frigore sola  
Dormiat , & nulli sit cupienda viro.  
Heu serò revocatur amor , seròque juvenis ,  
Cum verus infecit cana senecta caput.  
Tum studium formæ , coma tum mutatur , ut annos  
Disimulet viridi cortice tincta nucis.  
Tollere tunc albos cura est à stirpe capillos ,

Et faciem demta pelle referre novam.  
 At tu, dum primis florere tibi temporis ætas,  
 Utere: non tarda labitur illa pede.  
 Neu Marathum torques: puero quæ gloria victo est?  
 In veteres esto dura puella fenes.  
 Parce, precor, tepero: non illi fontica causa est;  
 Sed nimius luta corpora tingit amor.  
 Vex miser! absenti molestas quàm saepe querelas  
 Conjicit, & lacrymis omnia plena madent!  
 Quid me spernis, ait? poterat custodia vinci:  
 Ipse dedit cupidus fallere posse Deus.  
 Nota Venus furtiva mihi est, ut lenis agatur  
 Spiritus, ut nec depre oscula rapta sonum.  
 Et possum media quamvis obrepere nocte,  
 Et strepitu nullo clare referare feres.  
 Quid profunt artes, miseram si spernit amantem,  
 Et fugit ex ipso saxa puella toro?  
 Vel cum promittit, subito sed perfida fallit,  
 Est mihi nox multis evigilanda modis.  
 Dum mihi venturam fingo, quodcumque moveatur,  
 Illius credo tunc somnasse pedem.  
 Ah pereant artes, & mollia jura colendi!  
 Horrida villosa corpora veste tegam.  
 Nunc si clausa mea est, si copia rasa videndi,  
 Heu miserum, in laxa quid jure esse togæ  
 Desistas lacrymare, puer: non frangitur illa;  
 Et tua jam sicut lumina fessa ruunt.  
 Odennt, Phœlei, moneo, fastidia Divi;  
 Nec prodest sanctis thura dedisse focis.  
 Hic Marathus quandam miseros habebat amatores,  
 Nescias ultroem post caput esse Deum.  
 Sæpe etiam lacrymas fertur risisse doleptis,  
 Et cupidum ficta desiquisse mora.  
 Nunc omnes odit fastus, nunc displicet illi  
 Quæcumque opposita est janua dura sera.  
 At te pena manen, nisi desinis esse superba.  
 Quam cupies votis huic reponere dentæ

## ELEGIA X.

**Q**Ua d' mihi, si fueras miseros laesus amoris,  
 Fordera per Divos clam violanda dabas?  
 Ah miser, cessi quis primam perjurio celat,  
 Sera tamen tacitis poena venit pedibus.  
 Parcite, Coelestes: æquum est impune licere.  
 Numina formosis ledere vestra fœnel.  
 Lucra petens habili ramos adjungit aratro,  
 Et durum terræ rusticus urget opus.  
 Lucra petituras freta per parentia ventis  
 Ducunt instabiles sidera certa rates.  
 Muneribus meus est captus puer: at Deus illa  
 In cinerem, & liquidas munera vertat aqua.  
 Jam mihi persolvat pœnas, pulvisque decorem  
 Detrahet, & vinctis horrida facta coma.  
 Uretur facies, urentur sole capilli:  
 Detestet invalidos & via longa pedes.  
 Admonui quoties? auro ne pollue formam:  
 Sæpe solet auro multa subesse mala.  
 Divitiis captus si quis violavit amorem;  
 Aspera que est illi, difficilisque Venus.  
 Ure meum potius flamma caput, & pete ferro  
 Corpus, & intorto verberare verga fœca.  
 Nec tibi celandi spes sit peccare paranti.  
 Est Deus, occultos qui verat esse dolos.  
 Ipse Deus tacito permisit vela ministro,  
 Ederet ut multo libera verba mero.  
 Ipse Deus somno domitos emittere vocem  
 Jussit, & invictos facta tegenda loqui.  
 Hæc ego dicebam: nunc me flevisse loquentem,  
 Nunc pudet ad teneros procubuisse pedes.  
 Tunc mihi jurabas, nullo te divitis auri  
 Pondere, non geminis vendere velle fidem.

Non, tibi si precium Campania terra daretur:

Non, tibi si Bacchi cura Falernus ager.

Illis eriperes verbis mihi sidera cælo

Lucere, & puras fluminis esse vias.

Quin etiam flebas: at non ego fallere doctus.

Tergebam humentes credulus usque genas.

Quid faceres, nisi & ipse spes in amore puellæ?

Sic, precor, exemplo sit levis illa tuo,

O quoties, verbis ne quisquam conscius esset,

Ipse comes multa lumina nocte tuli!

Sæpe insperanti venit tibi munere nostro,

Et latuit clausas post adopena fores.

Tum miser interii, stultè confusus amari:

Nam poteram ad laqueos cautior esse tuos.

Quin etiam attonita laudes tibi mente canebam:

At me nunc nostri, Pieridymque pudet.

Illam velim rapida Vulcanus carmina flamma

Torreat, & liquida deleat amnis aqua.

Sit procul à nobis, formam cui vendere cura est,

Et precium plena grande referre manu.

At te, qui puerum donis corrumpere es ausus,

Rideat assiduis uxor inulta dolis.

Et cum furtivo juvenem lassaverit usu,

Tecum interposita languida veste cubet.

Semper sint externa ruo vestigia lecto,

Et pateat cupidis semper aperta domus,

Nec lasciva soror dicatur plura bibisse

Pocula, vel plures emeruisse viros.

Illam sæpe ferunt convivia ducere Baccho,

Dum rota Luciferi provocet orta diem.

Illam nulla queat melius consumere noctem,

Aut operum varias disposuisse vices.

At tua perdidicit; nec tu, stultissime assentis,

Cum tibi non solita corpus ab arte movet,

Tunc putas illam pro te disponere crines,

Aut tænuēs denso pectere dente comas?

Ista hæc persuadet facies, atroxque lacertos

Vinciat, & Tyrio prodeat apta sinu?  
Non tibi, sed juveni cuidam vult bella videri?  
Devoveat pro quo remque, domumque tuam;  
Nec facit hoc vitio; sed corpora forda podagra,  
Et senis amplexus culta puella fugit.  
Huic tamen accubuit noster puer: hunc ego credam  
Cum trucibus Venerem jungere posse feris.  
Blanditiisne meas aliis tu vendere es ausus?  
Tu-ne aliis demens oscula ferre mea?  
Tunc flebis, cum me victum puer alter habebit,  
Et geret in gremio regna superba tuo.  
At tua tum me pœna juvet; Venerique merenti  
Fixa notet casus aurea palma meos:  
„ Hanc tibi fallaci resolutus amore Tibullus  
„ Dedicat, & grata sis, Dea, mente rogat.

---

## ELEGIA XI.

Quis fuit, horrendos primus qui protulit enses?  
Quam ferus, & verè ferreus ille fuit!  
Tunc cædes hominum generi, tunc prælia nata;  
Tunc brevior diræ mortis aperta via est.  
At nihil ille miser meruit: nos ad mala nostra  
Vertimus, in sævas quod dedit ille feras.  
Divitis hoc vitium est auri: nec bella fuerunt;  
Faginus adstabat cum scyphus ante dapes.  
Non arces, non vallus erat; somnumque petebat  
Securus saturas dux gregis inter oves.  
Tunc mihi vita foret, vulgi nec tristitia nôsem  
Arma, nec audissem corde micante tubam.  
Nunc ad bella trahor; & jam quis forsitan hostis  
Hæc in nostro tela gerit latere.  
Sed patrii servate Lares: aluistis & iidem,  
Cursarem vestros cum tener ante pedes.  
Neu pudeat prisco vos esse è stipite factos:  
L iij



Sic veteris sedes incoluistis avi.  
 Tunc melius tenuere fidem, cum paupere cultas  
 Stabat in exigua ligneus æde Deus.  
 Hic placatus erat, seu quis libaverat uvam,  
 Seu dederat sanctæ spicea ferta comæ.  
 Atque aliquis voti campos liba ipse ferebat,  
 Postque comes purum filia parva favam.  
 At nobis ærata, Lares, depollite rela:  
 Hostia erit plena rustica porcus hara.  
 Hanc pura cum veste sequar, myrtoque canistra  
 Vincita geram, myrto victus & ipse caput.  
 Sic placeam vobis: alius sit fortis in armis,  
 Sternat & adversos Marte favente duces:  
 Ut mihi potanti possit sua dicere facta  
 Miles, & in mensa pingere castra mero.  
 Quis furor est atram bellis arcessere mortem?  
 Imminet, & tacito clam venit illa pede.  
 Non seges est infra, non vinea culta; sed audax  
 Cerberus, & Stygiæ navita puppis aquæ.  
 Illic percussisque genis, ustoque capillo  
 Errat ad obscuros pallida turba lacus.  
 Quàm potius laudandus hic est, quem prole parata  
 Occupat in parva pigra senecta casa!  
 Ipse suas sectatur oves, at filius agnos;  
 Et calidam fesso comparat uxor aquam.  
 Sic ego firm; liceatque caput candescere canis,  
 Temporis & prisca facta referre senem.  
 Interea Pax arva colat. Pax candida primum  
 Duxit aratusos sub iuga curva boves.  
 Pax aluit vites, & succos candidit uvæ,  
 Funderet ut gnato cæssa paternæ metum.  
 Pace bidens, vomerque vigent: at tristia dunt  
 Militis in senobris occupat arma situs.  
 Rusticus è lucoque vehit, malè sobrius, ipso  
 Uxorem plaustris, progeniemque donum.  
 Sed Veneris tunc bella calent; scissosque capillos  
 Femina, perfractas conqueriturque fores.

Flet teneras suborsa genas; sed victor & ipse  
 Flet sibi demeritos tam valuisse manus.  
 At lascivus Amor rixæ mala verba ministrat;  
 Inter & iratum lætus utrumque sedet.  
 Ah lapis est, ferrumque, suam quicumque puellam  
 Verberat: è cœlo deripit ille Deos.  
 Sit satis è membris sensum percidere vestem:  
 Sit satis ætætas dissoluisse carne:  
 Sit lacrymas movisse satis: quater ille beatus,  
 Quo tenera iraro flere puella potest.  
 Sed manibus qui servus erit, sonantibus, sudantibus  
 Is gerat, & mæni sit procul à Venere.  
 At nobis, Pax alma, veni, spicamque cœneto,  
 Perfluat & pomis candidus aure ævus.

ALBII  
 TIBULLI  
 LIBER II

ELEGIA PRIMA.



UISQUE is adest, faveat: fruges iustura-  
 mus, & agros,  
 Ritus ut à prisco traditus exstat  
 avo.

Bacche veni, dulcisque tuis è cornibus  
 uva

Pendeat; & spicis tempora cinge, Ceres.

L iij

Luce sacra requiescat humus, requiescat arator;  
Et grave suspensio vomere cesset opus.  
Solvite vincla jugis: nunc ad præsepia debent  
Plena coronato stare boves capite.  
Omnia sint operata Deo: non audeat ulla  
Lanificam pensis imposuisse manum.  
Vos quoque abesse procul jubeo, discedite ab aris,  
Quis tulit hesternæ gaudia nocte Venus.  
Casta placent Superis: pura cum veste venite,  
Et manibus puris sumite fontis aquam.  
Cernite, fulgentes ut eat sacer agnus ad aras,  
Vinctæque post olea candida turbæ comas.  
Dī patrii, purgamus agros, purgamus agrestes:  
Vos mala de nostris pellite limitibus.  
Neu seges eludat messem fallacibus herbis;  
Neu timeat celeres tardior agna lupos.  
Tunc nitidus plenis confusus rusticus agris,  
Ingeret ardenti grandia ligna foco.  
Turbaque vernarum, saturi bona signa coloni,  
Ludet, & ex virgis exstruet antè casas.  
Eventura precor. Viden' ut felicibus extis  
Significet placidos nuntia fibra Deos?  
Nunc mihi fumosum veteris proferte Falernum  
Consulis, & Chio solvite vincla cadō.  
Vina diem celebrent: non festa luce madere  
Est rubor, errantes & malè ferre pedes.  
Sed benè Messallam sua quisque ad pocula dicat,  
Nomen & absentis singula verba sonent,  
Gentis Aquitanæ celebrer Messalla triumphis,  
Et magna intonsis gloria victor avis,  
Huc ades, adspiraque mihi, dum carmine nostro  
Redditur agricolis gratia Cœlitibus.  
Rura cano, rurisque Deos: his vita magistris  
Desuevit querna pellere glande famem.  
Illi compositis primùm docuère tigillis  
Exiguam viridi fronde operire casam.  
Illi etiam tauros primi docuisse feruntur

Servitium, & plastro supposuisse rotam.  
Tunc victus abiire feri; tunc insita pomus;  
Tunc bibit irriguas fertilis hortus aquas;  
Aurea tunc pressos pedibus dedit uva liquores;  
Mistaque securo est sobria lymphæ mero.  
Rura ferunt messes, calidi cùm sideris æstu  
Deponit flavas annua terra comas.  
Rure levis verno flores apes ingerit alveo,  
Compleat ut dulci sedula melle favos.  
Agricola assiduo primùm satiatus aratro  
Cantavit certo rustica verba pede;  
Et satur arenti primùm est modulatus avenæ  
Carmen, ut ornatos diceret ante Deos.  
Agricola & minio suffusus, Bacche, rubenti  
Primus inexperta duxit ab arte choros:  
Huic datus à pleno memorabile munus ovili  
Dux pecoris hircus: duxerat hircus oves.  
Rure puer verno primùm de flore coronam  
Fecit, & antiquis imposuit Laribus.  
Rure etiam teneris curam exhibitura puellis  
Molle gerit tergo lucida vellus ovis.  
Hinc & femineus labor est; hinc pensa, colusque,  
Fusus & adposito pollice versat opus.  
Atque aliqua assiduè textrix operata Minervam  
Cantat, & adplauso tela sonat latere.  
Ipse quoque inter agros, interque armenta Cupido  
Natus, & indomitas dicitur inter equas.  
Illic indocto primùm se exercuit arcu.  
Hei mihi, quàm doctas nunc habet ille manus!  
Nec pecudes, velut antè, perit: fixisse puellas  
Gestit, & audaces perdomuisse viros.  
Hic juveni detraxit opes: hic dicere iussit  
Limen ad iratæ verba pudenda senem.  
Hoc duce custodes furtim transgressa jacentes,  
Ad juvenem tenebris sola puella venit;  
Et pedibus prætentat iter suspensa timore,  
Explorat cæcas cui manus antè vias.

Ah miseri, quos hic graviter Deus urget ! ac ille  
 Felix, cui placidus leniger afflat Amor.  
 Sancte veni dapibus festis ; sed pone sagittas,  
 Et procul ardentes hinc procul abde faces.  
 Vos celebrem cantate Deum, pecorique vocate  
 Voce, palam pecori, clam sibi quisque vocet.  
 Aut etiam sibi quisque palam : nam turba jocosa  
 Obstrepit, & Phrygio tibia curva sono.  
 Ludite : jam nux jungit equos, currumque sequuntur  
 Matris lascivo sidera fulva choro ;  
 Postque venit tacitus fuscis circumdatus alis  
 Somnus, & incerto semina nigra pede.

ELEGIA II.

DICAMUS vota verba, venit natalis, ad aras.  
 Quisquis ades, lingua vir, amulicque fave.  
 Urantur pia thura focis, urantur odores,  
 Quos tener è terra divite mittit Araba.  
 Ipse suos Genius adest visus honoris,  
 Cui decorent sanctas mollia farta comas.  
 Illius puro distillent tempora nardo,  
 Atque satur libo sit, niadcatque meris.  
 Adnuat &, Cornute, tibi quodcumque rogabis.  
 En age, quid cessas ? adnuet ille, roga.  
 Auguror, uxoris fidos optabis amores :  
 Jam reor hoc ipsos edidicisse Deos.  
 Nec tibi malueris totum quodcumque per orbem  
 Fortis arat valido rusticus arva bove :  
 Nec tibi gemmarum quidquid felicibus Indis  
 Nascitur, Eoi quàm maris unda rehet.  
 Vota cadunt. Utinam strepitantibus advolet alis,  
 Flavaque conjugio vincula portet Amor :  
 Vincula quæ mancant semper, dum tarda senectus  
 Inducat rugas, inficiatque comas.

Huc veniat natalis avis, prolemque ministret;  
Ludat & ante tuos tumba novella pedes.

---

## ELEGIA III.

**R**URA meam, Cornute, tenent, villæque puellam.  
Ferreus est, cheu, quisquis in urbe manet.  
Ipsa Venus lætos jam nunc migravit in agros,  
Verbaque aratoris rustica discit Amor.  
O ego, cum dominam adspicerem, quàm fortiter illic  
Versarem valido pingue bidente solum!  
Agricolæque modo curvam sectarer aratrum,  
Dum subigunt steriles arva serenda boves!  
Nec quererem, quòd Sol graciles exureret artus,  
Læderet & teneras pustula rupta manus.  
Pavit & Admeti tauros formosus Apollo;  
Nec cithara, intonsæ profueruntve comæ:  
Nec potuit curas sanare salubribus herbis.  
Quidquid erat medicæ vicerat artis amor.  
Tunc fiscella levi detexta est vimine junci,  
Raraque per nexus est via facta sero.  
O quoties, isto vitulum gestante per agros,  
Dicitur occurrens erabuisse foror!  
O quoties ausa, caneret dum vallis sub alta,  
Rumpere mugitu carmina docta boves?  
Sæpe duces trepidis petiere oracula rebus;  
Venit & à templis irrita turba domum.  
Sæpe horrere sacros doluit Latona capillos,  
Quos admirata est ipsa noverca prius.  
Quisquis inornatamque caput, crinesque solutos  
Adspiceret, Phœbi quereretur ille comam.  
Delos ubi nunc, Phœbe, tua est? ubi Delphica Pytho?  
Nempe Amor in parva te subet esse casa.  
Felicis olim, Veneri cum ferrur apertè  
Servire æternos non puduisse Deos.

Fabula nunc ille est ; sed cui sua cura puella est  
 Fabula sit , mavult , quàm sine amore Deos.  
 At tibi , dura Ceres , Nemefin quæ abducis ab urbe ,  
 Persolvat nulla semina terra fide.  
 Et tu , Bacche tener , jucundæ confitor uvæ ,  
 Tu quoque devotos , Bacche , relinque lacus.  
 Haud impunè licet formosas tristibus agris  
 Abdere : non tanti sunt tua musta , pater.  
 O valeant fruges : ne sint modò rure puellæ ,  
 Glans alat , & prisco more bibantur aquæ.  
 Glans aluit veteres , & passim semper amarunt.  
 Quid nocuit , sulcos non habuisse fatos ?  
 Tum quibus adspirabat amor , præbebat apertè  
 Mitis in umbrosa gaudia valle Venus.  
 Nullus erat custos , nulla exclusura volentes  
 Janua : si fas est , mos , precor , ille redi.  
 Ducite : ad imperium dominæ sulcabimus agros.  
 Non ego me vinclis , verberibusque nego.

## ELEGIA IV.

**H**ic mihi servitium video , dominamque paratam :  
 Jam mihi libertas illa paterna vale.  
 Servitium sed triste datur , teneorque catenis ,  
 Et nunquam misero vincla remittet Amor.  
 Et , seu quid merui , seu quid peccavimus , urit.  
 Uror : iò remove , sæva puella , faces.  
 O ego , ne possim tales sentire dolores ,  
 Quàm mallet in gelidis montibus esse lapis !  
 Stare vel insanis cautes obnoxia ventis ,  
 Naufraga quam vasti runderet unda maris !  
 Nunc & amara dies , & noctis amarior umbra est :  
 Omnia jam tristi tempora felle madent.  
 Nec prosunt Elegi , nec carminis auctor Apollo.  
 Illa cava precium flagitat usque manu.

Ite procul, Musæ, si nil prodestis amanti:  
 Non ego vos, ut sint bella canenda, colo.  
 Nec refero Solisque vias; & qualis, ubi orbem  
 Complevit, versis Luna recurrat equis.  
 Ad dominam faciles aditus per carmina quero.  
 Ite procul, Musæ, si nihil ista valent.  
 At mihi per cædem, & facinus sunt dona paranda,  
 Ne jaceam clausam flebilis ante domum.  
 Aut rapiam suspensa sacris insignia fanis.  
 Sed Venus ante alios est violanda mihi.  
 Illa malum facinus suadet, dominamque rapacem  
 Dat mihi: sacrilegas sentiat illa manus.  
 O pereat quicumque legit viridesque smaragdos,  
 Et niveam Tyrio murice tingit ovem!  
 Hic dat avaritiæ stimulos: hinc Coa puellis  
 Vestis, & è rubro lucida concha mari.  
 Hæc fecere malas: hinc clavem janua sensit,  
 Et cœpit custos liminis esse canis.  
 Sed precium si grande feras, custodia victa est;  
 Nec prohibent claves, & canis ipse tacet.  
 Heu quicumque dedit formam cœlestis avaræ,  
 Quale bonum multis addidit ille malis!  
 Hinc fletus, rixæque sonant: hæc denique causa  
 Fecit, ut infamis hic Deus esset Amor.  
 At tibi, quæ precio victos excludis amantes,  
 Eripiant partas ventus & ignis opes.  
 Quin tua tunc juvenes spectent incendia læti,  
 Nec quisquam flammæ sedulus addat aquam,  
 Seu veniet tibi mors, neque sit qui lugeat ullus,  
 Nec qui det mœstas munus in exsequias.  
 At bona, quæ nec avara fuit, centum licet annos  
 Vixerit, ardentem flebitur ante rogam.  
 Atque aliquis senior, veteres veneratus amores,  
 Annua constructo ferta dabit tumulo;  
 Et bene, discedens, dicet, placidèque quiescas,  
 Terraque securæ sit super ossa levis.  
 Vera quidem moneo: sed profunx quid mihi vera?



Qua sua de cœlo prospicit arva Ceres;  
 Quaque patent ortus, & qua fluitantibus undis  
 Solis anhelantes abluit amnis equos.  
 Vera cano: sic usque sacras innoxia lauros  
 Vescar, & æternum sit mihi virginitas.  
 Hæc cecinit vates, & te sibi, Phœbe, vocavit;  
 Jactavit fusa sed caput antè coma.  
 Quidquid Amalthea, quidquid Mæropessa dixit,  
 Herophile Phœbo grata quod admonuit;  
 Quotque Albuna sacras Tiberis per flumina sortes  
 Portarit, sicco pertuleritque sinu:  
 Hæc fore dixerunt belli mala signa cometen,  
 Multus ut in terras deplueretque lapis;  
 Atque rubas, atque arma ferunt crepitantia cœlo  
 Audita, & lucos præcuisse fugam,  
 Ipsum etiam solem defectum lumine vidit  
 Jungere pallentes nubilus annus equos;  
 Et simulacra Deum lacrymas fuisse repentes,  
 Fataque vocales præmonuisse boves.  
 Hæc fuerint olim: sed, tu jam mitis, Apollo,  
 Prodigia indomitis merge sub æquoribus;  
 Et succensa sacris crepitet bene laurea flammis,  
 Omine quo felix, & sacer annus eat.  
 Laurus id bona signa dedit; gaudete coloni:  
 Distendet spicis horrea plena Ceres.  
 Oblitus & musto feriet pede rusticus uvas,  
 Dolia dum, magni deficientque lacus,  
 At madidus Baccho sua festa Palilia pastor  
 Concinet: à stabulis tunc procul este, lupi.  
 Ille levis stipulæ solennes potus æceros  
 Accendet, flammam transilietque sacras;  
 Et fortis matrona dabit, natusque parenti  
 Oscula comprehensis auribus eripiet;  
 Nec tædebit avum parvo advigilare nepoti,  
 Balbaque cum puero dicere verba senem.  
 Tunc operata Deo pubes discumbet in herba,  
 Arboris antiquæ qua levis umbra cadit,

Aut è veste sua tendent umbracula fertis  
Vineta : coronatus stabit & antè calix.  
At sibi quisque dapes , & festas exstruet altè  
Cespitibus mentas , cespitibusque torum.  
Ingeret hîc potus juvenis maledicta puellæ ,  
Postmodò quæ votis irrita facta vellet.  
Nam ferus ille suæ plorabit sobrius idem ,  
Et se jurabit mente fuisse mala.  
Pace tua , pereant arcus , pereantque sagittæ ,  
Phœbe : modò in terris erret inermis Amor.  
Ars bona ; sed postquam sumsit sibi tela Cupido ,  
Heu , heu , quàm multis ars dedit illa malum !  
Et mihi præcipuè , jaceo cùm saucius annum ,  
Et saveo morbo , cùm juvat ipse dolor.  
Vixque cano Nemefim , sine qua versus mihi nullus  
Verba potest , justos aut reperire pedes.  
Acer Amor , fractas utinam tua tela sagittas ,  
Si licet , exstinctas adspiciamque faces !  
Tu miserum torques , tu me mihi dira precari  
Cogis , & insana mente nefanda loqui.  
At tu ( nam Divûm servat tutela poëtas )  
Præmoneo , vati parce , puella , sacro :  
Ut Messalinum celebrem , cùm præmia belli  
Ante suos currus oppida victa feret.  
Ipse gerens laurus , lauro devinctus agresti ,  
Miles iô , magna voce , triumphè canet.  
Tum Messalla meus pia det spectacula turbæ ,  
Et plaudat curru prætereunte pater.  
Annue : sic tibi sint intonsi , Phœbe , capilli :  
Sic tua perpetuò sit tibi casta soror.



## ELEGIA VI.

**C**ASTRA Macer sequitur : tenero quid fiet  
Amori ?

Sit comes , & collo fortiter arma gerat.  
Et, seu longa virum terræ via , seu vaga ducent  
Æquora , cum telis ad latus ire voler.  
Ure , puer , quæso , tua qui ferus otia liquit ;  
Atque iterum erronem sub tua signa voca.  
Quod si milicibus parces , erit hic quoque miles  
Ipse , levem galea qui sibi portet aquam.  
Castra peto : valeatque Venus , valeantque puellæ.  
Et mihi sunt vires , & mihi facta tuba est.  
Magna loquor : sed magnificè mihi magna locuto  
Excutiunt clausæ fortia verba foras.  
Juravi quoties rediturum ad limina nunquam ?  
Cum bene juravi , pes tamen ipse redit.  
At tu , quisquis is es , cui tristi fronte Cupido  
Imperitat , nostra sint tua castra domo.  
Ferreæ non Venorem , sed prædæ sæcula laudant.  
Præda tamen multis est operata malis.  
Præda feras acies cinxit discordibus armis :  
Hinc furor , hinc cædes , mors propiorque venit.  
Præda vago jussit geminare pericula ponto ,  
Bellica cum dubiis rostra dedit ratibus.  
Prædator cupit immensos obsidere campos ,  
Ut multa innumera jugera pascat ovis.  
Cui lapis externus curæ est , urbisque tumultus ,  
Portatur validis mille columna jugis ;  
Claudit & indomitum moles mare , lentus ut intra  
Negligat hibernas piscis adesse minas.  
At tibi læta trahant Samiæ convivia testæ ,  
Fictaque Cumana lubrica terra rota.  
Heu , heu , divitibus video gaudere puellas.

Jam veniant prædæ, si Venus optat opes :  
 Ut mea luxuria Nemoſis ſuat, atque per urbem  
 Incedat donis conſpicienda meis.  
 Illa gerat veſtes tenuos, quas femina Coa  
 Texuit, auratas diſpoſuitque vias.  
 Illi ſint comites fuſci, quos India torret,  
 Solis & admotis inſicit ignis equis.  
 Illi ſelectos certent præbere colores,  
 Africa puniceum, purpureumque Tyros.  
 Nota loquor : regnum ipſe tenet, quem ſæpe cœgit  
 Barbara gyſſatos ferre cataſta pedes.

---

## ELEGIA VII.

**J**AM mala finiſſem letho : ſed credula vitam  
 Spes fovet, & melius cras fore ſemper ait.  
 Spes alit agricolas : ſpes ſulcis credit aratis  
 Semina, quæ magno ſuavore reddat ager.  
 Hæc laqueo volucres, hæc captat arundine piſces,  
 Cùm tenues hamos abdedit antè cibus.  
 Spes etiam valida ſolatur compede victum :  
 Crura ſonant ferro ; ſed canit inter opus.  
 Spes facilem Nemeſim ſpondet mihi, ſed negat illa.  
 Hei mihi, ne vincas, dura puella, Deam.  
 Parce, per immatura tuæ præcor oſſa ſororis :  
 Sic bene ſub tenera parva quieſcat humo.  
 Illa mihi ſancta eſt ; illius dona ſepulcro,  
 Et maſeſacta meis ſerta feram lacrymis.  
 Illius ad tumulum fugiam, ſupplexque ſolito,  
 Et mea cum muto fata querar cinere.  
 Non feret uſque ſuum te propter flere clientem.  
 Illius ut verbis ſis mihi lenta, veto.  
 Ne tibi neglecti mittant mala ſomnia maſes,  
 Morſtaque ſopitæ ſtet ſoror ante torum :  
 Qualis ab excelsa præceps delapſa fenestra  
 M ij

Venit ad infernos sanguinolenta lacus.  
 Desino, ne dominæ luctus renoventur acerbi.  
 Non ego sum tanti, ploret ut illa semel.  
 Nec lacrymis oculos digna est fœdare loquaces.  
 Lena nocet nobis ; ipsa puella bona est.  
 Lena vetat miserum Phryne, furtimque tabellas  
 Occulto portans, itque, reditque sinu.  
 Sæpe, ego cùm dominæ dulces à limine duro  
 Agnosco voces, hæc negat esse domi.  
 Sæpe, ubi nox promissa mihi est, languere puellam  
 Nuntiat, aut aliquas extimuisse minas.  
 Tunc morior curis : tunc mens mihi perdita fingit,  
 Quisve meam teneat, quot teneatve modis.  
 Tunc tibi, lena, precor diras : satis anxia vivas,  
 Moverit è votis pars quotacumque Deos.

ALBII  
 TIBULLI  
 LIBER III.

ELEGIA PRIMA.



ARTIS Romani festæ venire Ca-  
 lendæ.

Exoriens nostris hinc fuit annus  
 avis ;

Et vaga nunc certa discurrunt undique  
 pompa —

Perque vias urbis munera, perque domos.

Dicite, Pierides, quonam donetur honore,  
Seu mea, seu fallor, cara Neæra tamen?  
Carmine formosæ, precio capiuntur avaræ.  
Gaudeat, ut digna est, versibus illa meis.  
Lutea sed niveum involvat membrana libellum,  
Pumex & canas tondeat antè comas;  
Summaque prætexat tenuis fastigia chartæ,  
Indicet ut nomen litera facta tuum;  
Atque inter geminas pingantur cornua frontes.  
Sic etenim comtum mittere oportet opus.  
Per vos auctores hujus mihi carminis oro,  
Castaliamque umbram, Pieriosque lacus;  
Ite domum, cultumque illi donate libellum,  
Sicut erit: nullus defluat inde color.  
Illa mihi refert, si nostri mutua cura est,  
An minor, an toto pectore deciderim.  
Sed primùm meritam longa donate salute,  
Atque hæc submisso dicite verba sono:  
Hæc tibi vir quondam, nunc frater, casta Neæra,  
Mittit, &, accipias munera parva, rogat.  
Teque suis jurat caram magis esse medullis;  
Sive sibi conjux, sive futura soror.  
Sed potiùs conjux; hujus spem nominis illi  
Auferet extincto pallida Ditis aqua.

---

## ELEGIA II.

**Q**UI primus caram juveni, carumque puellæ  
Eripuit juvenem, ferreus ille fuit.  
Durus & ille fuit, qui tantum ferre dolorem,  
Vivere & erepta conjuge qui potuit.  
Non ego firmus in hoc; non hæc patientia nostro  
Ingenio. Frangit fortia corda dolor.  
Nec mihi vera loqui pudor est, vitæque fatexi  
Tot mala perpeßæ tædia nata meæ.

Ergo cū tenuem fuero mutatus in umbram,  
 Candidaque ossa super nigra favilla teget,  
 Ante meum veniat longos incomata capillos,  
 Et fleat ante meum mœsta Neera rogam.  
 Sed veniat caræ matris commixta dolore:  
 Morreat hæc genero, morreat illa viro.  
 Præfata autē mores manes, animamque precatur,  
 Perfusaque piis antè liquore manus:  
 Pars quæ sola mei superabit corporis, ossa  
 Incinctæ nigra candida veste legant;  
 Et primū annoso spargant collecta Lyæo,  
 Mox etiam niveo fundere lacte parent:  
 Post hæc carbascis humorem tollere velis,  
 Atque in marmorea ponere sicca domo.  
 Illuc, quas mittit pinguis Panchaia merces,  
 Eoiq̃ Arabes, dives & Assyria,  
 Et nostri memores lacrymæ fundantur eodem.  
 Sic ego componi versus in ossa velim.  
 Sed tristem mortis demonstrat litera causam,  
 Atque hæc in celebri carmina fronte notet:  
 „ Lydamus hic situs est: dolor huic, & cura Neeræ  
 „ Conjugis ereptæ, causa perire fuit.

---

## ELEGIA III.

**Q**UO prodest oculum vetis implēsse, Neera?  
 Blandaue cum multa thura dedisse prece?  
 Non, ut marmorei prodirem ē limine testæ,  
 Insignis clara conspicuusque domo;  
 Aut ut multa mei renovarent jugera tauri,  
 Et magnas messes terra benigna daret:  
 Sed tecum ut longæ sociarem gaudia vitæ,  
 Inque tuo caderet nostra senecta sinu;  
 Tunc, cū permenso defunctus tempore lucis,  
 Nudus Lethæa cogeret ire rate.

Nam grave quid prodest pondus mihi divitis auri?  
Arvaque si findant pinguis mille boves?  
Quidve domus prodest Phrygiis immina columnis,  
Tænare sive tuis, sive Cariste tuis?  
Et nemora in domibus sacros imitantia lucos?  
Auratzque trabes, marmoreumque solum?  
Quidve, in Erythræo legitur quæ litore, concha,  
Tinctaque Sidonio murice lana jervat?  
Et quæ præterea populus miratur? in illis  
Invidia est: falso plurima vulgus amat.  
Non opibus mentes hominum, curæque levantur:  
Nam Fortuna sua tempora lege regit.  
Sit mihi paupertas tecum jucunda, Neera:  
At sine te, regum munera nulla volo.  
O niveam, quæ te poterit mihi reddere, lucem!  
O mihi felicem terque quaterque diem!  
At si, pro dulci redditu quæcumque voventur,  
Audiat averfa non meus aure Deus:  
Nec me regna juvent, nec Lydius aurifer annis,  
Nec quas terrarum sustinet orbis opes.  
Hæc alii cupiant: liceat mihi paupere cultu  
Securo cara conjuge posse frui.  
Adsis, & timidis faveas, Saturnia, votis;  
Et faveas concha, Cypria, vestra tua.  
Aut, si fata negant redditum, tristesque sorores,  
Stamina quæ ducunt, quæque futura neunt;  
Me vocet in vastos amnes, nigramque paludem  
Dives in ignava luridus Orcus aqua.

---

## ELEGIA IV.

**D**I meliora ferant; nec sint insomnia vera,  
Quæ tulit extrema pessima nocte quies.  
Ite procul: vanum, falsumque avertite visum:  
Desinite in vobis querere velle fidem.



Divi vera monent : venturae nuncia fortis  
Vera monent Tuscis exta probata viris,  
Somnia fallaci ludunt temeraria nocte,  
Et pavidas mentes falsa timere jubent.  
Et vanum ventura hominum genus omina noctis  
Farre pio placant, & saliente sale.  
Et tamen, utcumque est, sive illi vera moneri,  
Mendaci somno credere sive volent:  
Efficiat vanos noctis Lucina timores,  
Et frustra immeritum prætinuissē velit:  
Si mea nec turpi mens est obnoxia facto,  
Nec læsit magnos impia lingua Deos.  
Jam nox æthereum nigris emensa quadrigis  
Mundum, cæruleas laverat amne rotas:  
Nec me sopierat menti Deus utilis ægræ  
Somnus: sollicitas deficit ante domos.  
Tandem cum summo Phœbus prospexit ab ortu,  
Pressit languentis lumina fera quies.  
Hic juvenis casta redimitus tempora lauro  
Est visus nostra ponere sede pedem.  
Non illo quidquam formosius ulla priorem  
Ætas, humanum nec videt illud opus.  
Intonsi crines longa cervice fluebant:  
Stillabat Tyrio myrtea rore coma.  
Candor erat, qualem præfert Latonia Luna;  
Et color in niveo corpore purpureus:  
Ut juveni primum virgo deducta marito  
Inficitur teneras ore rubente genas:  
Ut cum contexunt amaranthis alba puellæ  
Lilla, & autumnio candida mala rubent.  
Ima videbatur talis illudere palla;  
Namque hæc in nitido corpore vestis erat.  
Artis opus raræ, fulgens testudine & auro,  
Pendeat læva garrula parte lyra.  
Hanc primum veniens plectro modulatus eburno,  
Felices cantus ore sonante dedit.  
Sed postquam fuerant digiti cum voce locuti,  
Edidit

Edidit hæc tristi dulcia verba modo.

SALVE, cura Deum: casto nam rite poetæ  
Phœbusque, & Bacchus, Pieridesque favent.  
Sed proles Semeles Bacchus, doctæque sorores  
Dicere non norunt, quid ferat hora sequens.  
At mihi fatorum leges, ævique futuri  
Eventura pater posse videre dedit.  
Quare, ego quæ dico non fallax, accipe, vates,  
Quodque Deus vero Cynthius ore ferat.  
Tantum cara tibi, quantum nec filia matri,  
Quantum nec cupido bella puella viro,  
Pro qua sollicitas cœlestia numina votis,  
Quæ tibi securos non finit ire dies,  
Et, cum te fusco somnus velavit amictu,  
Vanum nocturnis fallit imaginibus,  
Carminibus celebrata tuis formosa Neæra,  
Alterius mavult esse puella viri;  
Diversasque tuis agitat mens impia curas,  
Nec gaudet casta nupta Neæra domo.  
Ah crudele genus, nec fidum semina nomen!  
Ah pereat, didicit fallere si qua virum!  
Sed flecti poterit: mens est mutabilis illis.  
Tu modò cum multa brachia tende fide.  
Sævus Amor docuit dominæ fera verba minantis,  
Sævus Amor docuit verbera posse pati.  
Me quondam Admeti niveas pavisse juvencas,  
Non est in vanum fabula ficta jocum.  
Tunc ego nec cithara poteram gaudere sonora,  
Nec similes chordis reddere voce sonos;  
Sed perlucenti cantus meditabar avena,  
Ille ego Latonæ filius, atque Jovis.  
Nescis quid sit Amor, juvenis, si ferre recusas  
Immitem dominam, conjugiumque ferum.  
Ergo ne dubita blandas adhibere querelas:  
Viriscuntur molli pectora dura prece.  
Quòd si vera, canunt sacris oracula templis,  
Hæc illi nostro nomine dicta refer:

Hoc tibi conjugium promittit Delius ipse:  
 Felix hoc; alium desine velle virum.  
 Dixit, & ignavus defluxit corpore somnus.  
 Ah, ego ne possim tanta videre mala.  
 Nec tibi crediderim votis contraria vota,  
 Nec tantum crimen pectore inesse tuo.  
 Nam te nec vasti genuerunt æquora Ponti,  
 Nec flammam volvens ore Chimæra fero;  
 Nec consanguinea redimitus terga caterva,  
 Cui tres sunt linguæ, tergeminumque caput;  
 Scyllaque virgineam canibus succincta figuram;  
 Nec te conceptam sæva læna tulit;  
 Barbara nec Scythiæ tellus, horrendave Syrtis:  
 Sed culta, & duris non habitanda domus;  
 Et longè ante alias omnes mitissima mater,  
 Isque pater, quo non alter amabilior.  
 Hæc Deus in melius crudelia somnia vertat,  
 Et jubeat tepidos irrita ferre Noros.

## ELEGIA V.

**V**Os tenet, Etruscis manat quæ fontibus unda;  
 Unda sub æstivum non adempta Canem.  
 Nunc autem sacris Bajarum maxima lymphis,  
 Cum se purpureo vere remittit hiems.  
 At mihi Persephone nigram denuntiat horam.  
 Immetito juvæni parce nocere, Dea.  
 Non ego tentavi nulli temeranda virorum  
 Audax laudandæ sacra docere Deæ;  
 Nec mea mortiferis infecit pocula succis  
 Dexteræ; nec cuiquam terra venena dedit;  
 Nec nos sacrilegos templis admovimus ignes;  
 Nec cor sollicitant facta nefanda meum;  
 Nec nos insanæ meditantès jurgia linguæ,  
 Impia in adversos solvimus ora Deos.

Et nondum cani nigros læsere capillos,  
 Nec venit tardo curva senectæ pede.  
 Natalem primò nostrum videre parentes,  
 Cùm cecidit fato Consul, uterque pari.  
 Quid fraudare juvat vitæ crescentibus uvæ?  
 Et modò nata mala vellere poma manu?  
 Parcite, pallentes undas quicumque tenetis,  
 Duraque sortiti tertia regna Dei.  
 Elysios olim liceat cognoscere campos,  
 Lethæamque ratem, Gimmeriosque lacus;  
 Cùm mea rugosa pallebunt ora senectæ,  
 Et referam pueris tempora prisca senex.  
 Atque utinam vanò nequicquam terreat æstur!  
 Languent ter quinos sed mea membra dies.  
 At vobis Tuscæ celebrantur numina nymphæ,  
 Et facilis lenta pellitur unda manu.  
 Vivite felices, memores & vivite nostri;  
 Sive erimus, seu nos fata fuisse velint.  
 Interea nigras pecudes promittite Diti,  
 Et nivei lactis pocula mista mero.

---

## ELEGIA VI.

**C**ANDIDE Liber, ados: sic sit tibi mystica vitæ  
 Sempes: sic edera tempora vincita feras.  
 Aufer & ipse meum pariter medicando dolorem:  
 Sæpe tuo cecidit munere victus Amor.  
 Care puer, madeant generoso pocula Baccho;  
 Et nobis prona funde Falerna manu.  
 Ite procul durum curæ genus, ite labores:  
 Fulserit hîc niveis Delius alitibus.  
 Vos modò proposito dulces faveatis amici,  
 Neve neget quisquam me duce se comitem.  
 Aut si quis vini certamen mite recuset,  
 Fallat cum recto cara puella dolo.

Ille facit dites animos Deus : ille ferocem  
 Contudit , & dominæ misit in arbitrium.  
 Armeniæ tigres , & fulvas ille leonæ.  
 Vicit , & indomitis mollia corda dedit.  
 Hæc Amor , & majora valet ; sed poscite Bacchi  
 Munera. Quem vestrum pocula sicca juvant ?  
 Convenit ex æquo , nec torvus Liber in illos ,  
 Qui se , quique unâ yina jocosa colunt.  
 Jam venit irarus nimium , nimiumque severis.  
 Qui timet irati Numina magna , bibat.  
 Quales his penas qualis quantusque minetur ,  
 Cadmææ matris præda cruenta docet.  
 Sed potius à nobis hic sit timor ; illaque , si qua est ,  
 Quid valeat , læsi sentiat ira Dei.  
 Quid precor ah demens ! venti temperaria vota ,  
 Aeris & nubes diripienda ferant.  
 Quamvis nulla mei superest tibi cura , Neera :  
 Sis felix , & sint candida fata tua.  
 At nos securæ reddamus tempora mensæ.  
 Venit post multos una serena dies.  
 Hei mihi ! difficile est imitari gaudia falsa :  
 Difficile est tristi fingere mente jocum.  
 Nec bene mendaci risus componitur ore ,  
 Nec bene sollicitis ebrîa verba sonant.  
 Quid queror , infelix ? turpes disceditæ curæ.  
 Odit Læneus tristia verba pater.  
 Gnosia , Theseæ quondam perjuræ linguæ  
 Flevisti ignoto sola relicta mari.  
 Sic cecinit pro te doctus , Minoi , Catullus ,  
 Ingrati referens impia facta viri.  
 Vos ego nunc moneo : Felix , quicumque dolore  
 Alterius discas posse carere tuo.  
 Nec vos aut capiant pendentia brachia collo ,  
 Aut fallax blanda fordida lingua fide.  
 Et si porque suos fallax juravit ocellos ,  
 Junonemque suam , perque suam Venerem ,  
 Nulla fides inerit : perjuræ ridet amantura

Juppiter, & ventos irrita ferre jubet.  
 Ergo quid toties fallacis verba puellæ  
 Conqueror? ite à me seriatim verba, precor.  
 Quam vellem tecum longas requiescere noctes,  
 Et tecum longos pervigilare dies,  
 Perfida, nec meritò nobis inimica merenti,  
 Perfida; sed quamvis perfida, cara tamen!  
 Najada Bacchus amat: cessas, ò lente minister?  
 Temperet annosum Martha lympha merum.  
 Non ego, si fugiat nostræ convivæ mensæ  
 Ignotum cupiens vana puella torum,  
 Sollicitus repetam tota suspiria nocte.  
 Tu puer huc, liquidum fortius adde merum.  
 Jamdudum Tyrio madefactus tempora nardo  
 Debueram sertis implicuisse comas.

ALBII  
 TIBULLI  
 LIBER IV.

PANEGYRICUS AD MESSALLAM.



E, Messalla, canam. Quamquam me  
 cognita virtus  
 Terret; ut infirmæ nequeant subsistere  
 vires;  
 Incipiam tamen. At meritas si carmina  
 laudes

Deficient, humilis tantis sim conditor ædis:  
 Nec tua, te præter, chartis intexere quisquam.

Facta queat, dictis ut non majora supersint.  
Est nobis voluisse satis. Nec munera parva  
Respueris : etiam Phœbo gratissima dona  
Cres tulit, & cunctis Baccho jucundior hospes  
Icarus, ut puro testantur sidera cœlo,  
Erigoneque, Canisque; neget ne longior ætas,  
Quin etiam Alcides Deus ascensus Olympum,  
Læta Molorchæis posuit vestigia testis;  
Parvaque cœlestes pacavit mica, nec illis  
Semper inaurato taurus cadit hostia cornu.  
Hic quoque sit gratus parvus labor, ut tibi possim  
Inde alios, aliosque memot componere versus.  
Alter dicet opus magni mirabile mundi,  
Qualis in immenso defederit aëre tellus,  
Qualis & in curvum pontus confluxerit orbem,  
Et vagus è terris qua surgere nititur aër,  
Hinc & contextus passim fluat igneus æther,  
Pendentique super claudantur ut omnia cœlo.  
At quodcunque meæ potesunt audere Camœnæ,  
Seu tibi par poterunt, seu, quod spes abnuït, ultrâ,  
Sive minus, cœrtèque canent minus; omne vovemus  
Hoc tibi, ne tanto careat mihi carmine charta.  
Nam, quamquam antiquæ gentis superant tibi laudes,  
Non tua majorum contenta est gloria fama,  
Nec quæris, quid quaque index sub imagine dicat:  
Sed generis priscos contendis vincere honores,  
Quàm tibi majores, majus decus ipse futurus.  
At tua non titulus capiet sub nomine facta;  
Æterno sed erunt tibi magna volumina versu,  
Convenientque tuas cupidi componere laudes.  
Undique, quique canent victo pede, quique soluto,  
Quis potior, certamen erit: siue victor in illis,  
Ut nostrum tantis inscribam nomen in actis.  
Nam quis te majora gerit castrisve, foreve?  
Nec tamen hinc aut hinc tibi laus majorve, minorve:  
Justa pari præmitur veluti cum pondere libra  
Frona; nec hæc plus parte sedet, nec surgit ab illa:

Qualia, inæquatum si quando opus urget utrinque,  
 Instabilis natæ alterno depressior orbe.  
 Nam seu diversi fremat inconstantia vulgi,  
 Non alius sedare queat; seu iudicis ira  
 Sit placanda, tuis poterit mitescere verbis.  
 Non Pylos, aut Ithacæ tantos genuisse feruntur  
 Nestora, vel parvæ magnum decus urbis Ulysses.  
 Vixerit ille senex quamvis, dum terna per orbem  
 Secula fertilibus Tiran decurrerit horis;  
 Ille per ignotas audax erraverit urbes,  
 Qua maris extremis tellus includitur undis.  
 Nam Ciconumque manus adversis reppulit armis;  
 Nec valuit Lotos coëptos avertere cursus;  
 Cessit & Aëtææ Neptunius incola rupis  
 Vidæ Maroneo fœdatus lumina Baccho.  
 Vexit & Æolios placidum per Nerea ventos:  
 Incultos adiit Læstrygonas, Antiphatenque,  
 Mobilis Artacæ gelida quos irrigat unda.  
 Solum nec doctæ verterunt pocula Circes;  
 Quamvis illa foret Solis genys, apra vel herbis,  
 Aptaque vel cantu veteres mutare figuras,  
 Cimnerion etiam obscuras accessit ad arces,  
 Quæis nunquam candente dies apparuit ortu,  
 Sive supra terras Phœbus, seu curreret infra,  
 Vidit ut inferno Plutoni subdita regna  
 Magna Deum proles levibus discurreret umbris;  
 Præteritisque citâ Sirenûm litora puppi.  
 Illum inter geminæ nantem confinia mortis,  
 Nec Scyllæ sævo conterruit impetus ore,  
 Cum canibus rapidas inter freta serperet undas;  
 Nec violenta suo consumsit more Charybdis,  
 Vel si sublimis fluctu consurgeret imo,  
 Vel si interrupto nudaret gurgite pontum.  
 Non violatæ vagi sileantur pascua Solis,  
 Non Amor, & fœcunda Atlantidos arva Calypso,  
 Finis & erroris miseri Phœacia tellus.  
 Atque hæc seu nostras inter sunt cognita terras,



Fabula five novum dedit his erroribus orbem;  
 Sit labor illius, tua dum facundia major.  
 Nam te non alius belli tenet aptius artes;  
 Qua deceat tutam castris præducere fossam;  
 Qualiter adversos hosti defigere cervos;  
 Quemve locum ducto melius sit claudere vallo,  
 Fontibus ut dulces erumpat terra liquores;  
 Ut facilisque tuis aditus sit, & arduus hosti,  
 Laudis & assiduo vigeat certamine miles.  
 Quis tardamve sudem melius, celeremve sagittam  
 Jecerit, aut lento perfregerit obvia pilo?  
 Aut quis equum celerem arctato compescere freno  
 Possit, & effusas tardo permittere habenas?  
 Inque vicem modò directo contendere cursu,  
 Seu libeat curvo brevius contendere gyro?  
 Quis parma, seu dextra velit, seu læva tueri;  
 Sive hac, sive illac veniat gravis impetus hastæ,  
 Amplior, aut signata cita loca tangere funda?  
 Jam simul audacis veniant certamina Martis;  
 Adversisque parent acies concurrere signis:  
 Tunc tibi non desit faciem componere pugnae;  
 Seu sit opus, quadratum acies consistat in agmen,  
 Rectus ut æquatis decurrat frontibus ordo;  
 Seu libeat duplicem, seu junctum cernere Martem,  
 Dexter uti lævum teneat, dextrumque sinister.  
 Miles, sitque duplex geminis victoria castris.  
 At non per dubias errant mea carmina laudes:  
 Nam bellis experta cano. Testis mihi victæ  
 Fortis Iapidæ miles: testis quoque fallax  
 Pannonius, gelidas passim disiectus in Alpes.  
 Testis Arupinas & pauper natus in armis;  
 Quem si quis videat, vetus ut non fregerit ætas,  
 Terna minùs Pylæ miretur secula famæ.  
 Centum fœcundos Titan renovaverit annos,  
 Ipse tamen velox celerem super edere corpus  
 Audet equum, validisque sedet moderator habenis.  
 Te duce, non aliâ conversus terga domator.

Eibera Romanæ subjecit colla catenæ.  
Nec tamen his contentus eris : majora peractis  
Instant ; compertum est veracibus ut mihi signis ,  
Queis Amythaonius nequeat certare Melampus.  
Nam modò fulgentem Tyrio subtemine vestem  
Indueras , oriente die duce fertilis anni ,  
Splendidior liquidis cùm sol caput extulit undis ;  
Et fera discordes tenuerunt flamina venti ,  
Curva nec assuetos egerunt flumina cursus.  
Quin rapidum placidis etiam mare constirix undis ;  
Ulla nec aërias volucris perlabitur auras ,  
Nec quadrupes densas depascitur aspera silvas ,  
Quin largita tuis sunt multa silentia votis.  
Juppiter ipse levi vectus per inania curru  
Adfuit , & cœlo vicinum liquit Olympum ,  
Intentaque tuis precibus se præbuit aure ,  
Cunctaque veraci capite annuit abditus aris.  
Lætior eluxit structos super ignis acervos.  
Quin , horrante Deo , magnis insistere rebus.  
Incipe : non iidem tibi sint , aliisque triumphis  
Non te vicino remorabitur obvia Marte.  
Galliâ , nec latis audax Hispania terris ;  
Nec fera te Tyrio tellus obfessa colono ;  
Nec quâ vel Nilus , vel regia lymphæ Choaspes  
Profluit , aut rapidus Cyri dementia , Gindes.  
Radit Arceteos haud una per ostia campos ;  
Nec quâ regna vago Tomyris finivit Araxe ;  
Impia nec sævis celebrans convivia mensis  
Ultima vicinus Phœbo tenet arva Padæus ;  
Quâque Histrus , Tanaisque Geras rigat , atque Mosynos.  
Quid moror ? Oceanus ponto quâ continet orbem ,  
Nulla tibi adversis regio sese offeret armis.  
Te manet invictus Romano Marte Britannus ,  
Tequo interjecto mundi pars altera Sole.  
Nam circumfuso consistit in aëre tellus ,  
Es quinque in partes toto disponitur orbe ;  
Atque duæ gelido vastantur frigore semper .

Illic & densâ tellus absconditur umbra,  
Et nulla incepto perlabitur unda liquore;  
Sed durata riget densam in glaciemque, nivemque:  
Quippe ubi non unquam Titan superegerit ortus.  
At media est Phœbi semper subjecta calori,  
Seu propior terris æstivum fertur in orbem,  
Seu celer hibernas properat decurrere luces.  
Non ergo pressio tellus consurgit aratro;  
Nec frugem segetes præbent, nec pabula terra.  
Non illic colit arva Deus, Bacchusve, Ceresve;  
Ulla nec exustas habitant animalia partes.  
Fertilis hanc inter posita est, interque rigantes,  
Nostraque, & huic adversa solo pars altota postro,  
Quas utrinque tenens similis vicinia corli  
Temperat, alter & alterius viros necat aër.  
Hinc placidus nobis per tempora vertitur annus.  
Hic & colla iugo didicit summittere taurus,  
Et lenta excessos vitis consceperere ramos;  
Tondereturque seges maturos annua partus;  
Et ferro tellus, ponsus confinditur ære.  
Quin etiam structis exurgunt oppida muris.  
Ergo ubi per claros ierint tua facta triumphos,  
Solut utroque idem diceris magnus in orbe.  
Non ego sum satis ad tantæ præconia laudis;  
Ipse mihi non si præscribat carmina Phœbus.  
Est tibi, qui possit magnis se accingere rebus  
Valgius; æterno propior non alter Homero.  
Languida non noster peragit labor otia, quamvis  
Fortuna, ut mos est illi, me adversa fatiget.  
Nam mihi cum magnis opibus domus alta niteret,  
Cui fuerant flavi ditantes ordine sulci  
Horrea, fecundas ad deficientiâ messes;  
Cuique pecus denso pascabant agmine colles,  
Et domino satis, & nimium furique, lupoque:  
Nunc desiderium superest; nam cura novatur,  
Cum memor anteaçios semper dolor admonet annos.  
Sed licet asperiora cadant, spolierque relictis;

Non te deficient nostræ memorare Camœnæ;  
 Nec solum tibi Pierii tribuentur honores,  
 Pro te vel rapidas ausim maris ire per undas,  
 Adversis hiberna licet tumeant freta ventis.  
 Pro te vel solus densis subistere turmis,  
 Vel parvum *Ætnæ* corpus committere flammæ.  
 Sum quodcumque, tuum est: nostri sit parvula cura,  
 Sit tibi quanta libet, si sit modò, non mihi regna  
*Lydia*, non magni potior sit fama *Gylippi*,  
 Posse *Meleteas* nec malleum vincere chartas.  
 Quòd tibi si versus noster totusve, minusve,  
 Vel bene sit notus, summo vel ineret in ora;  
 Nulla mihi statuent finem te fata canendi.  
 Quin etiam mea cum tumulus contexerit ossa;  
 Seu matura dies celerem properat mihi mortem;  
 Longa manet seu vita tamon mutata figuram;  
 Seu me finget equum rigidos percurrere campos  
 Doctum; seu tardi pecoris sim gloria taurus;  
 Sive ego per liquidum volucris vehar aëra penna;  
 In quencunque hominem me longa receperit ætas,  
 Inceptis de te subtexam carmina chartis.

---

## I I.

## LAUS SULPITIÆ AD MAREM.

**S**ULPITIA est tibi culta tuis, Mars magne, Ca-  
 lendis.  
 Spectatum è cœlo, si sapias, ipse veni.  
 Hoc Venus ignoscet: at tu, violento, caveo,  
 Ne tibi miranti turpiter arma cadant.  
 Illius ex oculis, cum vult exurere Divos,  
 Accendit geminas lampadas acer Amor.  
 Illam, quicquid agit, quoquò vestigia movet,  
 Componit furtim, subsequiturque decor.

Seu solvit crines, fufis decet effe capillis :  
 Seu comfit, comitis eft veneranda comis.  
 Urit, feu Tyria voluit procedere palla :  
 Urit, feu nivea candida vefte venit.  
 Talis in æterno felix Vertumnus Olympo  
 Mille habet ornatus, mille decenter habet.  
 Sola puellarum digna eft, cui mollia caris  
 Vellera det fuccis bis madefacta Tyros ;  
 Poffideatque, metis quicquid bene ofentibus arvis  
 Cultor odoratæ dives Arabs fegetis ;  
 Et quafcunque niger rubro de litore conchas  
 Proximus Eois colligit Indus equis.  
 Hanc vos, Pierides, feftis cantate Calendis,  
 Et teftudinea, Phœbe superbe, lyra.  
 Hoc folenne facrum multos celebretur in annos.  
 Dignior eft veftro nulla puella choro.

---

## P P R.

## S U L P I T I A A D C E R I N T H U M.

**P**ARCE meo juveni, feu quis bona pascua campi,  
 Seu colis umbrofi devia montis, aper.  
 Nec tibi fit duros acuisse in prælia dentes.  
 Incolumem custos hunc mihi servet Amor.  
 Sed procul abducit venandi Delia cura.  
 O pereant silvæ, deficiantque canes !  
 Quis furor eft, quæ mens, densos indagine colles  
 Claudentem, teneras lædere velle manus ?  
 Quidve juvat furtim latebras intrare ferarum,  
 Candidaque hamatis crura notare rubis ?  
 Sed tamen, ut tecum liceat, Cerinthe, vagari,  
 Ipsa ego per montes retia torta feram.  
 Ipsa ego velocis quæram vestigia cervi,  
 Et demam celeri ferrea vincula cani.

Tunc mihi, tunc placeant silvæ, si, lux mea, tecum  
 Arguar ante ipsas concubuisse plagas.  
 Tunc veniat licet ad casses, illæsus abibit,  
 Ne Veneris cupidæ gaudia turbet, aper.  
 Tunc sine me sit nulla Venus: sed lege Dianæ,  
 Caste puer, casta retia tange manus;  
 Et quæcunque meo furtim subrepat amori,  
 Incidat in sævas diripienda feras.  
 At tu venandi studium concede parenti,  
 Et celer in nostros ipse recurre sinus.

---

## I. V.

A D P H O E B U M.

**H**uc ades, & teneræ morbos expelle puellæ:  
 Huc ades, insonsa, Phœbe superbe, coma.  
 Crede mihi, propera; nec te jam, Phœbe, pigebit  
 Formosæ medicas applicuisse manus.  
 Effice, ne macies pallentes occupet artus,  
 Neu noxet informis pallida membra color;  
 Et quodcunque mali est, & quicquid triste timemus,  
 In pelagus rapidis devehat amnis aquis.  
 Sancte veni, tecumque feras quicunque saporēs,  
 Quicunque & cantus corpora fessa levant.  
 Neu juvenem torque, metuit qui fata puellæ,  
 Votaque pro domina vix numeranda facit.  
 Interdum vovet: interdum, quod langueat illa,  
 Dicit in æternos aspera verba Deos.  
 Pone metum, Cerinthe: Deus non lædit amantes.  
 Tu modò semper ama: salva puella tibi est.  
 Nil opus est fletu: lacrymis erit aptius uti,  
 Si quando fuerit tristior illa tibi.  
 At nunc tota tua est: te solum candida secum  
 Cogitat, & frustra credula turba sedet.

## VII.

## SULPITIA LOQUITUR.

**T**ANDAM venit Amor, qualem texisse, pudori,  
 Quàm nudâsse alicui, sit mihi fama magis.  
 Exorata meis illum Cytherea Camœnis  
 Attulit in nostrum, deposuitque sinum.  
 Exsolvit promissa Venus: mea gaudia narret,  
 Dicetur si quis non habuisse suam.  
 Non ego signatis quidquam mandare tabellis,  
 Ne legat id nemo, quàm meus antè, velim:  
 Sed peccâsse juvat; vultus componere famæ  
 Tædet, cum digno digna fuisse ferar.

## VIII.

## AD MESSALLAM.

**I**NVISUS natalis adest, qui rure molesto,  
 Et sine Cerinthe tristis agendus erit.  
 Dulcius urbe quid est? an villa sit apta puellæ,  
 Atque Eretino frigidus annus agro?  
 Jam nimium, Messalla, mei studiose quiescas,  
 Non rempestivæ sæpe propinque viæ.  
 Hic animum, sensusque meos abducta relinquo.  
 Arbitrio quamvis non finis esse meo.



## IX.

## DE NATALI DIE.

**S**CIS iter ex animo sublatum triste puellæ,  
 Natali Romæ jam licet esse tuo.  
 Omnibus ille dies nobis natalis agatur,  
 Qui nec opinanti nunc tibi fortè venit.

## X.

## SULPITIA AD CERINTHUM.

**G**RATUM est, securus multùm quòd jam mihi  
 de me  
 Permittis subitò, nec male inepta cadam.  
 Sit tibi cura togæ potior, pressumque quasillo  
 Scortum, quàm Servi filia Sulpitia.  
 Solliciti sunt pro nobis, quibus illa dolori est,  
 Ne cedam ignoto, maxima causâ, toro.

## XI.

## AD CERINTHUM.

**F**STUS tibi, Cerinthe tuæ placiture puellæ,  
 Qui mea nunc vexat corpora fessa calor?  
 Ah, ego non aliter tristes evincere morbos  
 Optarim, quàm te si quoque velle putem.



Nam mihi quid prosit morbos evincere? quid tu  
Nostra potes lenta pectore ferre mala?

---

XII.

AD EUNDEM.

**N**E tibi sim, mea lux, æquè tam fervida cura,  
Ac videor paucos ante fuisse dies;  
Si quidquam tota commisi stulta juventa,  
Cujus me fatear poenituisse magis,  
Hæsterna quàm te solum quòd nocte reliqui,  
Ardorem cupiens dissimulare meum.

---

XIII.

AD AMICAM.

**N**ULLA tuum nobis subducet fomina lectum.  
Hoc primum juncta est foderè nostra Venus.  
Tu modò sola places; nec jam, te præter, in urbe  
Formosa est oculis ulla puella meis.  
Atque utinam posses uni mihi bella videri!  
Displiceas aliis: sic ego tutus ero.  
Nil opus invidia est: procul absit gloria vulgi.  
Qui sapit, in tacito gaudeat ille sinu.  
Sic ego secretis possum bene vivere silvis,  
Quà nulla humano sit via trita pede.  
Tu mihi curarum requies, tu nocte vel atra  
Lumen, & in solis tu mihi turba locis.  
Nunc licet è cælo mittatur amica Tibullo,  
Mittetur frustra, deficietque Venus.  
Hæc tibi sancta tuæ Junonis numina juro,

Quæ sola ante alios est mihi magna Deos.  
 Quid facio demens? heu, heu mea pignora cedo.  
 Juravi stultè: proderit iste timor.  
 Nunc tu fortis eris, nunc tu me audaciùs ures:  
 Hoc peperit misero garrula lingua malum.  
 Jam faciam quodcunque voles; tuus usque manebo,  
 Nec fugiam notæ servitium dominæ.  
 Sed Veneris sanctæ confidam victus ad aras.  
 Hæc notat injustos, supplicibusque favet.

---

## XIV.

## DE INFAMIA SUE PUELLÆ.

**R**UMOR ait crebrò nostram peccare puellam.  
 Nunc ego me surdis auribus esse velim.  
 Crimina non hæc sunt nostro sine ficta dolore.  
 Quid miserum torques? rumor acerbe, tace.

---

## XV.

## AD PRIAPUM.

## EX PRIAPEIS.

**V**ILLICUS ærari quondam, nunc cultor agelli,  
 Hæc tibi Perspectus templa, Priape, dico.  
 Pro quibus officiis, si fas est, sancte, paciscor,  
 Assiduus custos ruris ut esse velis:  
 Improbus ut si quis nostrum violârit agellum,  
 Hunc tu; sed taceo: scis, puto, quod sequitur.



## XVI.

AD PRIAPUM.

## DE INERTIA INGUINIS.

**Q**UID hoc novi est? quid ira nunciat Deum?  
 Silente nocte candidus mihi puer  
 Tepente cum jaceret abditus sinu,  
 Venus fuit quieta; nec viriliter  
 Iners senile penis extulit caput.  
 Placet, Priape? qui sub arboris coma  
 Sacrum soles revincte pampino caput  
 Ruber sedere cum rubente fascino.  
 At, ô Tripalle, sæpe floribus novis  
 Tuas sine arte deligavimus comas;  
 Abegimusque voce sæpe, cum tibi  
 Senexve corvus, impigerve græculus  
 Sacrum feriret ore corneo caput.  
 Vale, nefande destitutor inguinum;  
 Vale, Priape: debeo tibi nihil.  
 Jacebis inter arva squallidus situ;  
 Canisque fœdus usque imminger, aut tibi  
 Lutosa sus fricabit oblitum latus.  
 Scelestè penis, ô meum malum grave,  
 Gravi, piaque lege noxiam lues.  
 Licet querare; nec tibi tener puer  
 Patebit ullus, ingemente qui toro,  
 Juvante verset arte mobilem natem:  
 Puella nec jocosa te levi manu  
 Fovebit, adprimetve lubricum femur.  
 Bidens amica Romuli senis memor  
 Paratur; inter atra cujus inguina  
 Latet jacente pantice abditus specus,

Vacuaque pelle, tectus annuo gelu  
 Atanctos obsidet fores situs.  
 Tibi hæc paratur; ut tuum ter, & quater  
 Voret profunda fossa lubricum caput.  
 Licebit æger, aut languentior cubes,  
 Tereris usque, donec, ah miser, miser,  
 Triplexque, quadruplexque compleas specum.  
 Superbia ista proderit nihil; simul  
 Vagum sonante merferis caput luto.  
 Quid est, iners? pigetne lentitudinis?  
 Licebit hoc inultus auferas semel.  
 Sed ille cum sedibit aureus puer,  
 Simul sonante senseris iter pede,  
 Repente nervus excitet libidinem,  
 Et inquietus inguina arrigat tumor.  
 Neque hinnitare cesset, usque dum mihi.  
 Venus jocosa molle ruperit latus.

## XVII.

DOMITIL MARSE DE MORTE TIBULLE.

**T**E quoque Virgilio comitem non æqua, Tibulle,  
 Mors juvenem campos misit ad Elysios:  
 Ne foret, aut elegis molles qui fleret amores,  
 Aut caneret forti regia bella pede.



## XVIII.

## OVIDII NASONIS

## DE MORTE TIBULLI.

## EX LIB. IV. AMOR. ELEG. VIII.

**M**EMNONA si mater, mater ploravit Achillem,  
 Et tangunt magnas tristia fata Deas:  
 Flebilis indignos, elegia, solve capillos.  
 Ah, nimis ex vero nunc tibi nomen erit.  
 Ille tui vates operis, tua fama Tibullus,  
 Ardet in extructo corpus inane rogo.  
 Ecce puer Veneris fert everfamque pharetram,  
 Et fractos arcus, & sine luce facem.  
 Aspice, demissis ut eat miserabilis alis,  
 Pectoraque infesta rundat aperta manu.  
 Excipiunt lacrymas sparsi per colla capilli,  
 Oraque singultu concutiente sonant.  
 Fratrís in Æneæ sic illum funere dicunt  
 Egressum tectis, pulcher Iule, tuis.  
 Nec minùs est confusa Venus moriente Tibullo,  
 Quàm juveni rupit cùm ferus inguen aper.  
 At sacri vates, & Divûm cura vocamur;  
 Sunt etiam qui nos numen habere putent?  
 Scilicet omne sacra mors importuna profanat;  
 Omnibus obscuras injicit illa manus.  
 Quid pater Ismario? quid mater profuit Orpheo?  
 Carmine quid victas obstupuisse feras?  
 Et Linon in silvis idem pater edidit altis,  
 Dicitur invicta concinuisse lyra.

Aspice Mæoniden, à quo, ceu fonte perenni,  
 Vatum Pieriis ora rigantur aquis.  
 Hunc quoque summa dies nigro summerfit Averno;  
 Effugiunt avidos carmina sola rogos.  
 Durat opus vatum Trojani fama laboris,  
 Tardaque nocturno tela retexta dolo.  
 Sic Nemesis longum, sic Delia nomen habebit,  
 Altera cura recens, altera primus amor.  
 Quid nunc sacra juvant? quid nunc Ægyptia profunt  
 Sistra? quid in vacuo secubuisse toro?  
 Cum rapiant mala fata bonos, ignoscite fasso,  
 Sollicitor nullos esse putare Deos.  
 Vive pius; moriere pius: cole sacra; colentem  
 Mors gravis à templis in cava busta trahet.  
 Carminibus confide bonis; jacet ecce Tibullus:  
 Vix manet è toto parva quod urna capit.  
 Te ne, sacer vates, flammæ rapuere rogales?  
 Pectoribus pasci nec timuere tuis?  
 Aurea sanctorum potuissent templa Deorum  
 Urere, quæ tantum sustinuerunt nefas.  
 Avertit vultus Erycis quæ possidet arces.  
 Sunt quoque qui lacrymas continuasse negent.  
 Sed tamen hoc melius, quàm si Phæacia tellus  
 Ignoratum vili supposuisset humo.  
 Hic certè manibus fugientes pressit ocellos  
 Mater, & in cineres ultima dona tulit.  
 Hic soror in partem misera cum matre doloris  
 Venit, inornatas dilaniata comas.  
 Cumque tuis sua junxerunt Nemesisque, priorque  
 Oscula, nec solos destituere rogos.  
 Delia discedens, felicius, inquit, amata  
 Sum tibi; vixisti, dum tuus ignis eram.  
 Cui Nemesis, quid ait, tibi sunt mea damna dolori?  
 Me tenuit moriens deficiente manu.  
 Si tamen è nobis aliquid nisi nomen, & umbra  
 Restat, in Elysia valle Tibullus erit.  
 Oblivus huic venies hedera juvenilia cinctus


Tempora cum Calvo, docte Catulle, tuo.  
 Tu quoque, si falsum est temerari crimen amici  
 Sanguinis, atque animæ prodige Galle tuæ,  
 His comes umbra tua est; si qua est modò corporis  
 umbra,

Auxisti numeros, culte Tibulle, pios.  
 Ossa quæta precor tuta requiescere in urna,  
 Et sit humus cineri non onerosa tuo.



**SEX. AURELIUS  
PROPERTIUS.**









# PROPERTII

## ELEGIARUM

### LIBRI IV.

AD OPTIMOS CODICES

*NUNC DENUO EMENDATI.*





*PARISIIS,*

Typis J. BARBOU, viâ San-Jacobi.

---

*M. DCC. LIV.*





# VITA PROPERTII

EX LIBRO III. DE PŒTIS LATINIS

PETRI CRINITI.

**S** Ex. Aurelius Propertius ex Mevania oppido  
oriundus, quod in Umbria est: hoc enim & ipse  
autor alicubi testatur, sicuti cum ipsam Umbriam  
Romani Callimachi patriam vocat:

Ut nostris tumefacta superbiat Umbria libris,  
Umbria Romani patria Callimachi.

Sunt qui scribant ejus patrem equestri dignitate  
ornatum, ac Triumvirali potestate fuisse, tum inter  
eos connumeratum, qui L. Antonium secuti. (Perna-  
sia capta) ex Octavii Cæsaris autoritate ad aram Di-  
vi Julii perducti, ibidem occisi fuerunt. Illud om-  
nino constat, Aurelium hunc Propertium, magna ex  
parte amissis bonis, Romam se recepisse, cum pa-  
trem suum in tenera adhuc ætate amississet, quod  
illis versibus apparet:

Aspice me, cui parva domus fortuna relicta est,  
Nullus & antiquo Marte triumphus avi.

*Et alibi clarius:*

Ossaque legisti, non illa ætate legenda  
Patris; & in tenues cogeris ipse Latet.  
Nam tua cum multi versarent rura juveni,  
Abstulit excultas pertica tristis opes.

P ij

Mox ubi bulla rudi demissa est aurea collo,  
Matris & ante deos libera sumpta toga;  
Tum mihi pauca suo de carmine distat Apollo,  
Ex vetat infans verba tonare foro.

In Urbe autem brevi nominis celebritatem adeptus est, cum ingenii comitate, tum elegantia carminum. Mæcornati & Cor. Gallo maxime acceptus fuit, quod uterque poetæ studiis, & doctrinæ pro similitudine professionis faverent. Ovidium quoque, Tibullum & Bassum inter principes amicos coluit, ad quos de suis caloribus & puellæ ingenio sæpius scripsit. C. verò Plinius in Epistola ad Romanum Paulum refert, Passienum in scribendis elegiis eruditum habuisse inter suos majores Propertium: itaque id, inquit, Passieno gentile est: nam & ex eodem municipio est quo Propertius; unde maximum studium Passieno fuit, calores Propertii, atque ingenium suo carmine exprimere, cum in elegiis (ut inquit Plinius) foret egregius, atque præcipuus Propertius. Libros quatuor elegiarum composuit, in quibus ferè suos calores, & Hostiæ laudem, ac formam celebrat. Nam puellam Hostiam miro quodam affectu exarsit, quam mutato nomine (ut est auctor L. Apuleius) Cynthiam appellare maluit; ex quo Sidonius Apollinaris sic ad Mesperum scribit: Memineris, inquit, quod sæpe versum Corinna cum suo Nasone complevit, Lesbia cum Catullo, Cæsennia cum Getulio, Argentaria cum Lucano, & Cynthia cum Propertio, Delia cum Tibullo. Callimachum præcipuè, Cyrenum Mimnermum, & Philetam Græcos poetas in carmine secutus est, quorum manibus comitem se profitetur: nam ut illi apud Græcos in Elegia consensu omnium præstiterunt, ita Propertius quidem apud Latinos, eorum imitatione primas videtur quorundam iudicio consecutus. Fab. autem Quintilianus censor in literis acerrimus, cum


Tibullum maximè commendaverit, non deesse tamèn inquit, qui Propertium malint, cùm sit Ovidius lascivior, Gallus in elegia durior. Ovidius certè cùm sæpe de ipso Propertio agat, blandum, teneram ac dulcem appellat, multùmque illius carmini semper concessit, cùm eundem poetam suos ignes recensentem audiret:

Sæpe suos solitus recitare Propertius ignes,  
Jure sodalitii qui mihi junctus erat.

Sed & Val. Martial. Propertii ingenio, & amoribus plurimùm tribuit, tum eo maximè loco quo Galli Lycoridem, Tibulli Nemesim, & Lesbiam Catulli celebrat; nam & in Apophoretis sic de eodem:

Cynthia facundi carmen juvenile Propertii  
Accepit famam, nec minùs ipsa dedit.

De obitu ejus parùm compertum. Quidam scripserunt illum annos alterum & XL. natum periisse. Alium verò Propertium fuisse Fulgentius ostendit, qui in libro ad Calcidium de prisco sermone verba hæc ex Propertio refert: Catillata geris vadimonia publicum prostibulum.





# ALIA PROPERTII

## VITA

PER MICH. MAITTAIRE.

**U**MBER ex Mevania oppido, vel potius Assisia vel Estisia, oriundus, Patre equestris dignitatis potestatisque triumviralis, Lucium Antonium secuto, & ad Divi Julii Aram, cum Propertius tenera adhuc ætate esset, occiso. Post cujus interitum magna ex parte amissis bonis Romam se contulit. Ejus municeps Paulus Passienus eques, & elegorum scriptor, ab eo genus duxit. Callimachi, Mimnermi, & Coi Philetæ fuit imitator, unde se Romanum Callimachum vocat. Poëta lascivus, tener, blandi oris, à quibusdam Tibullo prælatus, suos ignes Ovidio, cui sodalitii jure erat junctus, sæpe recitavit; Mæcenati & Corn. Gallo acceptus, Tibullo & Basso amicus. Elegiarum quatuor composuit libros, in quibus suos calores, & Hostiæ, quam mutato nomine Cynthia maluit appellare, laudem formamque celebrat; suamque vitam, patriam ac fortunam sub Hori mathematici persona recenset. De obitu ejus parum compertum est. Quidam scripserunt illum perisse annos alterum & XL. natum.





SEX. AURELII  
PROPERTII  
LIBER I.

---

---

EEEGIA PRIMA.

AD TULLUM.



YNTHIA prima suis miseram me  
cepit ocellis

Contactum nullis antè cupidinibus.

Tum mihi constantis dejecit lumina  
fastûs,

Et caput impositis pressit Amor pe-  
dibus.

Donec me docuit castas odisse puellas

Improbis, & nullo vivere consilio.

Et mihi jam toto furor hic non deficit anno,

P iij

Cùm tamen aduersos cogor habere Deos.  
Milanion nullos fugiendo, Tulle, labores  
Sævitiam duræ contudit lasidos.  
Nam modò Partheniis amens errabat in antris,  
Ibat & hirsutas ille videre feras.  
Ille etiam Hylæi percussus vulnere rami,  
Saucius Arcadiis rupibus ingemuit.  
Ergo velocem potuit domuisse puellam:  
Tantum in amore preces, & bene facta valent.  
In me tardus Amor non ullas cogitat artes;  
Nec meminit notas, ut priùs, ire vias.  
At vos, deductæ quibus est fallacia Lunæ,  
Et labor in magicis sacra piare focis;  
En agedum dominæ mentem convertite nostræ,  
Et facite illa meo palleat ore magis.  
Tunc ego crediderim vobis, & sidera, & amnes  
Posse Cytæinis ducere carminibus.  
Et vos, qui serò lapsum revocatis, amici,  
Quærite non sani pectoris auxilia.  
Fortiter & ferrum, lævos patiemur & ignes,  
Sit modò libertas, quæ velit ira, loqui.  
Ferte per extremas gentes, & ferte per undas,  
Qua non ulla meum femina nôrit iter.  
Vos remanete, quibus facili Deus annuit aure;  
Sitis & in tuto semper amore pares.  
In me nostra Venus noctes exercet amaras,  
Et nullo vacuus tempore defit Amor.  
Hoc, moneo, vitæ malum: sua quemque moretur  
Cura, neque assueto mutet amore locum.  
Quòd si quis monitis tardas adverterit aures,  
Heu referet quanto verba dolore mea!



## ELEGIA II.

AD CYNTHIAM.

**Q**UID juvat ornato procedere, vita, capillo?  
Et tennes Coa veste movere sinus?  
Aut quid Orontea crines perfundere myrrha?  
Teque peregrinis vendere muneribus?  
Naturæque decus mercato perdere cultu?  
Nec sinere in propriis membra nitere bonis?  
Crede mihi, non ulla tuæ medicina figuræ est.  
Nudus Amor formæ non amat artificem.  
Adspice quot summittat humus formosa colores,  
Et veniant hederæ sponte sua melius:  
Surgat & in solis formosius arbutus antris,  
Et sciat indociles currere lympha vias:  
Litora nativi perlucet picta lapilli,  
Et volucres nulla dulcius arte canant.  
Non sic Leucippis succendit Castora Phœbe,  
Pollucem cultu non Elaira soror.  
Non Idæ, & cupido quondam discordia Phœbe  
Eveni patriis filia litoribus.  
Nec Phrygium falso traxit candore maritum.  
Avecta externis Hippodamia rotis:  
Sed facies aderat nullis obnoxia gemmis,  
Qualis Apelleis est color in tabulis.  
Non illis studium vulgo conquirere amantes:  
Illis ampla satis forma, pudicitia.  
Non ego nunc vereor, ne sis mihi vilior istis:  
Uni si qua placet, culta puella sat est;  
Cum tibi præsertim Phœbus sua carmina donet,  
Aoniamque libens Calliopea lyram;  
Unica nec desit jucundis gratia verbis,  
Omnia quæque Venus, quæque Minerva probat.

His tu semper eris nostræ gratissima vitæ,  
Tædia dum miseræ sint tibi luxuriæ.

## E L E G I A I I I

A D C Y N T H I A M.

Q U A L I S Thesea jacuit cedente carina  
Languida desertis Gnæia litoribus:  
Qualis & accubuit prima Cephæia somno  
Libera jam duris cotibus Andromede:  
Nec minus assiduus Edonis fæsta choreis  
Qualis in herbofo concidit Apidano:  
Talis visa mihi mollem spirare quietem  
Cynthia, non certis nixa caput manibus;  
Ebria cùm multo traherem vestigia Baccho,  
Et quaterent sera nocte facem pueri.  
Hanc ego, nondum etiam sensus deperditus omnes,  
Molliter impresso conor adire toro;  
Et quamvis duplici corruptum ardore juberent  
Hæc Amor, hæc Liber, durus uterque Deus,  
Subjecto leviter posteam tentare lacerto,  
Osculaque admota sumere, & arma manu.  
Non tamen ausus eram domine turbare quietem,  
Expertæ metuens jurgia sævitiæ:  
Sed sic intentis hærebam fixus ocellis,  
Argus ut ignotis cornibus Inachidos.  
Et modò solvebam nostra de fronte corollas,  
Ponebamque tuis, Cynthia, temporibus;  
Et modò gaudebam lapsos formare capillos;  
Nunc furtiva cavis poma dabam manibus:  
Omnia quæ ingrato largibar munera Somno,  
Munera de prono sæpe voluta sinu.  
Et, quoties raro duxti suspiria motu,  
Obstupui vano credulus auspicio;

Ne qua tibi insolitos portarent visa timores,  
Neve quis invitam cogeret esse suam:  
Donec diversas percurrens Luna fenestras,  
Luna moraturis sedula luminibus,  
Compositos levibus radiis patefecit ocellos.  
Sic ait in molli fixa toro cubitum:  
Tandem te nostro referens injuria lecto,  
Alterius clausis expulit è foribus.  
Namque ubi longa meæ consumpsisti tempora noctis,  
Languidus exactis, hei mihi, sideribus!  
O utinam tales producas, improbe, noctes,  
Me miseram quales semper habere jubes.  
Nam modò purpureo fallebam stamine somnum,  
Rursus & Orpheæ carmine fessa lyrae.  
Interdum graviter mecum deserta querebar  
Externo longas sæpe in amore moras:  
Dum me jucundis lapsam Sopor inpulit alis.  
Illa fuit lacrymis ultima cura meis.

---

## ELEGIA IV.

AD BASSUM.

Q UID mihi tam multas laudando, Basse, puellas  
Mutatum domina cogis abire mea?  
Quid me non pateris, vitæ quodcumque sequetur,  
Hoc magis assueto ducere servitio?  
Tu licet Antiopæ formam Nyctidos, & te  
Spartanæ referas laudibus Hermionæ,  
Et quascumque tulit formosi temporis ætas:  
Cynthia non illas nomen habere sinet.  
Nedum, si levibus fuerit collata figuris,  
Inferior duro judice turpis eat.  
Hæc sed forma mei pars est extrema furoris:  
Sunt majora, quibus, Basse, perire juvat:

Ingenuus color, & multis decus artibus, & quæ  
 Gaudia sub tacita ducere veste libet.  
 Quo magis & nostros contendis solvere amores,  
 Hoc magis accepta fallit uterque fide.  
 Non impunè feres: sciet hæc insana puella,  
 Et tibi non tacitis vocibus hostis erit.  
 Nec tibi me post hæc committet Cynthia, nec te  
 Quæret: erit tanti criminis illa memor.  
 Et te circum omnes alias irata puellas  
 Differet: heu nullo limine carus eris!  
 Nullas illa suis contemnet fletibus aras,  
 Et quicumque facer, qualis ubique, lapis.  
 Non ullo gravius tentatur Cynthia damno,  
 Quàm sibi cum raptò cessat amore Deus,  
 Præcipuè nostri. Maneat sic semper, adoro:  
 Ne quicquam ex illa, quod querar, inveniam.

---

## E L E G I A V.

A D G A L L U M.

**I**NVIDE, tu tandem voces compesce molestas,  
 Et sine nos cursu, quo sumus, ire pares.  
 Quid tibi vis, insane? meos sentire furores?  
 Infelix properas ultima nôsse mala;  
 Et miser ignotos vestigia ferre per ignes,  
 Et bibere è tota toxica Thessalia.  
 Non est illa vagis similis collata puellis:  
 Molliter irasci non sciet illa tibi.  
 Quòd si fortè ausis non est contraria nostris:  
 At tibi curarum millia quanta dabit?  
 Non tibi jam somnos, non illa relinquet ocellos.  
 Illa feros animis alligat una viros.  
 Ah meæ contemptus quoties ad limina curres!  
 Cùm tibi singultu fortia verba cadent;

Et tremulus mœstis orietur fletibus horror,  
Et timor informem ducet in ore notam;  
Et quæcumque voles fugient tibi verba querenti;  
Nec poteris qui sis, aut ubi, nôsse miser.  
Tum grave servitium nostræ cogère puellæ  
Discere, & exclusum quid sit abire domum.  
Nec jam pallorem toties mirabere nostrum,  
Aut cur sim toto corpore nullus ego.  
Nec tibi nobilitas poterit succurrere amanti:  
Nescit amor priscis cedere imaginibus.  
Quòd si parva tuæ dederis vestigia culpæ,  
Quàm citò de tanto nomine rumor eris?  
Non ego tum potero solatia ferre roganti,  
Cum mihi nulla mei sit medicina mali.  
Sed pariter miseri socio cogemur amore  
Alter in alterius mutua flere sinu.  
Quare, quid possit mea Cynthia, desine, Gasse,  
Quærere: non impunè illa rogata venit.

---

## ELEGIA VI.

## AD TULLUM.

**N**ON ego nunc Hadriæ vereor mare noscere tecum,  
Tulle, neque Egæo ducere vela salo:  
Cum quo Riphæos possim conscendere montes,  
Ulteriusque domos vadere Memnonias.  
Sed me complexæ remorantur verba puellæ,  
Mutatoque graves sæpe colore preces.  
Illa mihi totis arguat noctibus ignes,  
Et queritur nullos esse relicta Deos.  
Illa meam mihi se jam denegat, illa minatur,  
Quæ solet ingrato tristis amica viro.  
His ego non horam possum durare querelis.  
Ah pereat, si quis lentus amare potest!



An mihi sit tanti doctas cognoscere Athenas,  
 Atque Asiæ veteres cernere divitias;  
 Ut mihi deducta faciat convicia puppi  
 Cynthia, & infans ora notet manibus;  
 Osculaque opposito dicar sibi debita ventro,  
 Et nihil infido durius esse viro?  
 Tu patrui meritas conare anteire secures,  
 Et vetera oblitis iura refer sociis.  
 Nam tua non ætas unquam cessavit Amori;  
 Semper at armatæ cura fuit patriæ.  
 Et tibi non unquam nostros puer iste labores  
 Afferat, & lacrymis omnia nota meis.  
 Me sine, quem semper voluit Fortuna jacere,  
 Hanc animam extremæ reddere nequitiz.  
 Multi longinquo periere in amore libenter,  
 In quorum numero me quoque terra tegat.  
 Non ego sum laudi, non natus idoneus armis;  
 Hanc me militiam fata subire volunt.  
 At tu, seu mollis quâ tendit Ionia, seu quâ  
 Lydia Pactoli tingit aratra liquor;  
 Seu pedibus terras, seu pontum carpere remis  
 Ibis, & accepti pars eris imperii.  
 Tum tibi si qua mei veniet non immemor hora,  
 Vivere me duro fidere certus eris.

---

## E L E G I A VII.

## A D P O N T I C U M P O E T A M.

CUM tibi Cadmeæ dicuntur, Pontice, Thebæ,  
 Armaque fraternæ tristia militiæ;  
 Atque, ita sim felix, primo contendis Homero,  
 Sicut modò fata tuis mollia carminibus:  
 Nos, ut consuevumus, nostros agitamus amores,  
 Atque aliquid duram quærimus in dominam;

Nec tantum ingenio, quantum servire dolori  
Cogor, & ætatis tempora dura queri.  
Hic mihi conteritur vitæ modus: hæc mea fama est:  
Hinc cupio nomen carminis ire mei.  
Me laudent doctæ solum placuisse puellæ,  
Pontice, & injustas sæpe tulisse minas.  
Me legat assidue post hæc neglectus amator,  
Et prosint illi cognita nostra mala.  
Te quoque si certo puer hic concusserit arcu,  
Quod nolim nostros evoluisse Deos;  
Longè castra tibi, longè miser agmina septem  
Flebis in æterno surda jacere situ;  
Et frustra cupies mollem componere versum,  
Nec tibi subijciat carmina serus Amor.  
Tunc me non humilem mirabere sæpe poetam:  
Tunc ego Romanis præferar ingeniis.  
Nec poterunt juvenes nostro reticere sepulcro:  
Ardoris nostri magne poetæ, vale.  
Tu cave nostra tuo contemnas carmina fastu.  
Sæpe venit magno fœnore tardus Amor.

---

## ELEGIA VIII.

AD CYNTHIAM.

**T**UNE igitur demens? nec te mea cura moratur?  
An tibi sum gelida vilior Illygia?  
Et tibi jam tanti, quicumque est iste, videtur,  
Ut sine me vento quolibet ire velis?  
Tunc audire potes vesani murmura ponti  
Fortis, & in dura nave jacere potes?  
Tu pedibus teneris positas sulcare pruinas?  
Tu potes insolitas, Cynthia, ferre nives?  
O utinam hibernæ duplicentur tempora brumæ,  
Et sit iners tardis navita Vergiliis!

Ne tibi Tyrrhena solvatur funis arena,  
Neve inimica meas elevet aura preces,  
Et me defixum vacua patiat in ora  
Crudelem infesta sæpe vocare manu!  
Atque ego non videam tales subsidere ventos,  
Cum tibi provectas auferet unda rates.  
Sed quocumque modo de me, perjura, mereris,  
Sit Galatea tuæ non aliena viæ;  
Ut te felici prævecta Ceraunia remo,  
Accipiat placidis Oricos æquoribus.  
Nam me non ullæ poterunt corrumpere tædæ,  
Quin ego, vita, tuo limine vera querar.  
Nec me deficiet nautas rogitare citatos:  
Dicite, quo portu clausa puella mea est?  
Et dicam, licet Atracii confidat in oris,  
Et licet Eleis, illa futura mea est.  
Hic erit: hic jurata manet: rumpantur iniqui.  
Vicimus: assiduas non tulit illa preces.  
Falsa licet cupidus deponat gaudia livor:  
Destitit ire novas Cynthia nostra vias.  
Illi carus ego: per me carissima Roma  
Dicitur; & sine me dulcia regna negat.  
Illa vel angusto mecum requiescere lecto,  
Et quocumque modo maluit esse mea,  
Quàm sibi dotata regnum vetus Hippodamiz,  
Et quas Elis opes antè parârat equis.  
Quamvis magna daret, quamvis majora daturus,  
Non tamen illa meos fugit avara sinus.  
Hanc ego non auro, non Indis flectere conchis,  
Sed potui blandi carminis obsequio.  
Sunt igitur Musæ, neque amanti tardus Apollo,  
Queis ego fretus amo. Cynthia rara mea est.  
Nunc mihi summa licet contingere sidera plantis.  
Sive dies, seu nox venerit, illa mea est.  
Nec mihi rivalis certos subducet amores,  
Ista meam nôrit gloria canitiem.

## ELEGIA IX.

AD PONTICUM SUUM.

**D**ICEBAM tibi venturos, irrisor, amores,  
Nec tibi perpetuò libera verba fore.  
Ecce jaces, supplexque venis ad jura puellæ,  
Et tibi nunc quovis imperat emptà modo.  
Non me Chaoniæ vincant in amore columbæ  
Dicere, quos juvenes quæque puella domet.  
Me dolor & lacrymæ meritò fecêre peritum:  
Atque utinam posito dicar amore rudis!  
Quid tibi nunc misero prodest grave dicere carmen,  
Aut Amphionæ mœnia flere lyræ?  
Plus in amore valet Mimnermî versus Homero:  
Carmina mansuetus lenia quærit Amor.  
I, quæso, & tristes istos deponere libellos,  
Et cane, quod quævis nosse puella velit.  
Quid si non esset facilis tibi copia? nunc tu  
Insanus medio flumine quæris aquam.  
Nec dum etiam palles, vero nec tangeris igni.  
Hæc est venturi prima favilla mali.  
Tunc magis Armenias cupies accedere tigres,  
Et magis infernæ vincula nôsse rotæ;  
Quàm pueri toties arcum sentire medullis,  
Es nihil iratæ posse negare tuæ.  
Nullus Amor cuiquam faciles ita præbuit alas,  
Ut non alterna presserit ille manu.  
Nec te decipiat, quòd sit satis illa parata.  
Acriùs illa subit, Pontice, si qua tua est.  
Quippe ubi non liceat vacuos seducere ocellos,  
Nec vigilare alio nomine cedat Amor.  
Qui non antè pater, donec manus attigit ossa.  
Quisquis es, assiduas aufuge blanditias.

Q

Illis & silices, & possunt cedere quercus:

Nedum tu possis, spiritus iste levis.

Quare, si pudor est, quàm primùm errata fatere:

Dicere, quo pereas, saepe in amore juvat.

## E L E G I A X.

### A D G A L L U M.

**O** JUCUNDA quies, primo cùm testis amori  
 Assueram vestris conscius in lacrymis!  
 O noctem meminisse mihi jucunda voluptas!  
 O quoties votis illa vocanda meis!  
 Cùm te complexa morientem, Galle, puella  
 Vidimus in longam ducere verba moram.  
 Quamvis labentes premeret mihi somnus ocellos,  
 Et mediis cœlo Luna ruberet equis;  
 Non tamen à vestro potui secedere lusu,  
 Tantus in alternis vocibus ardor erat.  
 Sed quoniam non es veritus concedere nobis,  
 Accipe commissa numera lætitiæ.  
 Non solum vestros didici reticere dolores;  
 Est quiddam in nobis majus, amice, fide.  
 Possum ego divisos iterùm conjungere amantes;  
 Et dominæ tardas possum aperire fores:  
 Et possum alterius curas sanare recentes;  
 Nec levis in verbis est medicina meis.  
 Cynthia me docuit semper, quæcumque petenda,  
 Quæque cavenda forent: non nihil egit Amor.  
 Tu cave, ne tristi cupias pugnare puella,  
 Neve superba loqui, neve tacere diu:  
 Ne, si quid periit, ingrata fronte negâris:  
 Ne tibi pro vano verba benigna cadant.  
 Irritata venit, quando contemnitur illa;  
 Nec meminit justas ponere læsa minas.

At quo sis humilis magis, & subiectus Amori,  
Hoc magis effectu sæpe fruarè bono.  
Is poterit felix una remanere puella,  
Qui numquam vacuo pectore liber erit.

---

## ELEGIA XI.

AD CYNTHIAM.

**E**CQUID te mediis cessantem, Cynthia, Baïs,  
Quà jacet Herculeis semita litoribus,  
Et modò Thesproti mirantem subdita regno,  
Et modò Misenis æquora nobilibus,  
Nostri cura subit memores ah ducere noctes?  
Ecquis in extremo restat amore locus?  
An te nescio quis simulatis ignibus hostis  
Sustulit è nostris, Cynthia, carminibus?  
Atque utinam magè te remis confisa minutis  
Parvula Lucrina cymba moretur aqua:  
Aut teneat clausam tenui Teuthrantis in unda  
Alternæ facilis cedere lympba manu;  
Quàm vacet alterius blandos audire susurros  
Molliter in tacito litore compositam:  
Ut solet amoto labi custode puella  
Perfida, communes nec meminisse Deos!  
Non quia perspecta non es mihi cognita fama;  
Sed quòd in hac omnis parte timetur amor.  
Ignoscas igitur, si quid tibi triste libelli  
Attulerint nostri: culpa timoris erit.  
An mihi sit major caræ custodia matris?  
Aut sine te vitæ cura sit ulla meæ?  
Tu mihi sola domus, tu, Cynthia, sola parentes;  
Omnia tu nostræ tempora lætitiæ.  
Seu tristis veniam, seu contrà lætus amicis:  
Quidquid ero, dicam, Cynthia causa fuit.  
Q ij

Tu modò quàm primùm corruptas desere Baias:  
 Multis ista dabunt litora diffidium:  
 Litora, quæ fuerunt castis inimica puellis.  
 Ah pereant Baiæ, crimen amoris, aquæ!

## E L E G I A   X I I .

A D   C Y N T H I A M .

**Q**UID mihi desidiæ non cessas fingere crimen?  
 Quòd faciat nobis conscia Roma moram,  
 Tam multa illa meo divisa est millia lecto,  
 Quantum Hypanis Veneto dissidet Eridano.  
 Nec mihi consuetos amplexu nutrit amores  
 Cynthia, nec nostra dulcis in aure sonat.  
 Olim gratus eram: non illo tempore cuiquam  
 Contigit, ut simili posset amare fide.  
 Invidiæ fuimus: num me Deus obruit? an quæ  
 Lecta Prometheus dividit herba jugis?  
 Non sum ego, qui fueram: mutat via longa puellas:  
 Quantus in exiguo tempore fugit Amor!  
 Nunc primùm longas solus cognoscere noctes  
 Cogor, & ipse meis auribus esse gravis.  
 Felix qui potuit præsentì flere puellæ:  
 Non nihil aspersis gaudet Amor lacrymis.  
 Aut si despectus potuit mutare calores;  
 Sunt quoque translato gaudia servitio.  
 Mi neque amare aliam, neque ab hac discedere fas est.  
 Cynthia prima fuit, Cynthia finis erit.



## E L É G I A X I I I .

A D G A L L U M .

**T**U, quod sæpe soles, nostro lætabere casu,  
Galle, quod abrepto solus amore vacem.  
At non ipse tuas imitabor, perfide, voces?  
Fallere te nunquam, Galle, puella velit.  
Dum tibi deceptis augetur fama puellis,  
Certus & in nullo quæris amore moram;  
Perditus in quadam tardis pallefcere curis  
Incipis, & primo lapsus adire gradu.  
Hæc erit illarum contempti pœna doloris:  
Multarum miseras exiget una vices.  
Hæc tibi vulgares istos compescet amores;  
Nec nova quærendo semper amicus eris.  
Hæc ego non rumore malo, non augure doctus;  
Vidi ego: me, quæso, teste negare potes?  
Vidi ego te toto vinctum languescere collo,  
Et flere injectis, Galle, diu manibus;  
Et cupere optatis animam deponere labris,  
Et quæ deinde meus celat, amice, pudor.  
Non ego complexus potui diducere vestros:  
Tantus erat demens inter utrosque furor.  
Non sic Amonio Salmonida mistus Enipeo,  
Tænarius facili pressit amore Deus;  
Nec sic cœlestem flagrans amor Herculis Heben  
Sensit in Oetæis gaudia prima jugis.  
Una dies omnes potuit præcurrere amantes:  
Nam tibi non tepidas subdidit illa faces;  
Nec tibi præteritos passa est succedere fastus;  
Nec sinet abduci: te tuus ardor aget.  
Nec mirum; cum sit Jove digna, & proxima Leda,  
Et Ledaæ partu, gratior una tribus;



Illa sit Inachiis & blandior Heroïnis :

Illa suis verbis cogat amare Jovem.

Tu verò, quoniam semel es periturus amore,

Urere ; non aliò lumine dignus eras.

Quæ tibi sit felix, quoniam novus incidit error ;

Et quodcunque voles, una sit ista tibi.

# E L E G I A X I V.

## A D T U L L U M.

**T**U licet abjectus Tiberina molliter unda  
 Lesbia Mentoreo vina bibas opere ;  
 Et modò tam celeres mireris currere lintres,  
 Et modò tam tardas funibus ire rates ;  
 Et nemus omne satas intendat vertice silvas,  
 Urgetur quantis Caucasus arboribus :  
 Non tamen ista meo valeant contendere amorì.  
 Nescit Amor magnis cedere divitiis.  
 Nam siye optatam mecum trahit illa quietem,  
 Seu facili totum ducit amore diem ;  
 Tum mihi Pactoli veniant sub tecta liquores,  
 Et legitur rubris gemma sub æquoribus ;  
 Tum mihi cessures spondent mea gaudia reges :  
 Quæ maneat, dum me fata perire volent.  
 Nam quis divitiis adverso gaudet amore ?  
 Nulla mihi tristi præmia sunt Venere.  
 Illa potest magnas Heroum infringere vires ;  
 Illa etiam duris mentibus esse dolor :  
 Illa neque Arabium metuit transcendere limen,  
 Nec timet ostrino ; Tulle, subire toro ;  
 Et miserum toto juvenem versare cubili.  
 Quid relevans variis serica textilibus ?  
 Quæ mihi dum placara aderit, non ulla verebor  
 Regna, nec Alcinoi munera despiciere.

## ELEGIA XV.

AD CYNTHIAM.

**S**ÆPE ego multa tuæ levitatis dura timebam,  
Hac tamen excepta, Cynthia, perfidia.  
Adspice me quanto rapiat Fortuna periclo:  
Tu tamen in nostro lenta timore venis.  
Et potes externos manibus componere crines,  
Et longa faciem querere desidia;  
Nec minus Eois pectus variare lapillis,  
Ut formosa novo quæ parat ire viro!  
At non sic Ithaci digressu mota Calypso  
Desertis olim fleverat æquoribus.  
Multos illa dies incompertis morsta capillis  
Sederat, injusto multa locuta salo;  
Et, quamvis nunquam posthac visura dolebat,  
Illa tamen longæ conscia lætitiæ.  
Alphesibœa suos ultra est pro conjuge fratres,  
Sanguinis & cari vincula rupit Amor.  
Nec sic Æsonidem rapientibus anxia ventis  
Hyppipyle vacuo constitit in thalamo.  
Hyppipyle nullos post illos sensit amores,  
Ut semel Æmonio tabuit hospitio.  
Conjugis Evadne miseros elata per ignes,  
Occidit, Argivæ fama pudicitie.  
Quarum nulla tuos potuit convertere mores,  
Tu quoque uti fieres nobilis historia.  
Desine jam revocare tuis perjuria verbis,  
Cynthia, & oblitos parce movere Deos.  
Audax ah nimium, nostro dolitura periclo,  
Si quid fortè tibi durius inclderit.  
Multa prius vasto labantur flumina ponto,  
Annus & inversas duxerit ante vices;

Quàm tua sub nostro mutetur pectore cura:  
 Sis quodcumque voles, non aliena tamen;  
 Quàmve mihi viles isti videantur ocelli,  
 Per quos sæpe mihi credita perfidia est.  
 Hos tu jurabas, si quid mentita fuisses,  
 Ut tibi suppositis exciderent manibus.  
 Et contra magnum potes hos attollere solē?  
 Nec tremis admittæ conscia nequitia?  
 Quis te cogebat multos pallere colores?  
 Et fletum invitis ducere luminibus?  
 Queis ego nunc pereo, similes moniturus amantes,  
 O nullis tutum credere blanditiis.

---

## E L E G I A X V I.

## VERBA JANUÆ CONQUERENTIS.

QUÆ fueram magnis olim patefacta triumphis  
 Janua Tarpeia nota pudicitia;  
 Cujus inaurati celebrârunt limina currus  
 Captorum lacrymis humida supplicibus;  
 Nunc ego nocturnis potorum faucia rixis,  
 Pulsata indignis sæpe queror manibus.  
 Et mihi non defunt turpes pendere corollæ  
 Semper, & exclusi signa jacere faces;  
 Nec possum infamis dominae defendere noctes  
 Nobilis, obscœnis tradita carminibus.  
 Nec ramen illa suæ revocatur parcere famæ  
 Turpior, & sæcli vivere luxuria.  
 Has inter gravius conor deslere querelas  
 Supplicis à longis tristior excubiis.  
 Ille meos nunquam patitur requiescere postes,  
 Arguta referens carmina blanditia:  
 Janua vel domina penitus crudelior ipsa;  
 Quid mihi tam duris clausa taces foribus?

Cur

Cut nunquam reſerata meos admittis amores,  
Nefcia furtivas reddere mota proceſ?  
Nullane finis erit noſtro conceſſa dolori?  
Triftis & in tepido limine ſomnus erit?  
Me mediæ noctes, me ſidera prona jacentem,  
Frigidaque Eoo me dolet aura gelu.  
Tu ſola humanos nunquam miſerata labores,  
Reſpondeſ tacitis mutua cardinibus.  
O utinam trajecta cava mea vocula rima,  
Percuſſas dominæ vertat in auriculas!  
Sit licet & ſaxo patientior illa Sicano,  
Sit licet & ferro durior, & chalybe;  
Non tamen illa ſuos poterit compeſcere ocellos,  
Surget & invitiſ ſpiritus in lacrymis.  
Nunc jacet alterius felici nixa lacerto;  
At mea nocturno verba cadunt Zephyro.  
Sed tu ſola mei, tu maxima cauſſa doloris,  
Viſta meis nunquam, janua, muneribus:  
Te non ulla meæ læſit petulantia linguæ,  
Quæ ſolet iratus dicere trita loco:  
Ut me tam longa raucum patiare querela  
Sollicitas trivio pervigilare moras.  
At tibi ſæpe novo deduxi carmina verſu,  
Oſculaque impreſſis nixa dedi gradibus.  
Ante tuos quoties verti me, perfida, poſtes;  
Debitaque occultis vota tuli manibus?  
Hæc ille, & ſi quæ miſeri noviftis amantes,  
Et matutinis obſtrepit alitibus.  
Sic ego nunc dominæ vitiis, & ſemper amantiſ  
Fletibus, æterna differor invidia.



## E L E G I A X V I I.

A D C Y N T H I A M, D E M A R I S T E M P E S T A T E.

**E**T merito, quoniam potui fugisse puellam,  
 Nunc ego desertas alloquor Alcyonas;  
 Nec mihi Cassiope solito visura carinam  
 Ominat; ingrato litore vota cadunt,  
 Quin etiam absenti profunt tibi, Cynthia, venti:  
 Aspicere quàm sœvas increpat aura minas.  
 Nullane placatæ veniunt fortuna procellæ?  
 Hæccine parva meum funus arena teget?  
 Tu tamen in melius sœvas converte quercas;  
 Sat tibi sit pernæ nox, & iniqua vada.  
 An poteris siccis mea fata reponere ocellis?  
 Ossaque nulla tuo nostra tenere sinu?  
 Ah pereat, quicumque rates, & vela paravit  
 Primus, & invito gurgite fecit iter.  
 Nonne fuit melius dominæ pervincere mores,  
 (Quamvis dura, tamen rara puella fuit)  
 Quàm sic ignotis circumdata litorea silvis  
 Cernere, & optatos quærere Tyndaridas?  
 Illic si qua meum sepelissent fata dolorem,  
 Ultimus & posito staret amore lapis;  
 Illa meo caros donâisset funere crines,  
 Molliter & tenera poneret ossa rosa;  
 Illa meum extremo clamâisset pulvere nomen,  
 Ut mihi non ullo pondere terra foret.  
 At vos æquoreæ formosa Doride natæ,  
 Candida felici solvite vela choro.  
 Si quandò vestras labens Amor attigit undas,  
 Mansuetis socio parcite litoribus,



## ELEGIA XVIII.

## DE CYNTHIÆ FASTU ET LEVITATE.

**H**Æc cartè deserta loca, & taciturna querenti,  
Et vacuum Zephyri possidet aura nemus.  
Hic licet occultos proferre impunè dolores,  
Si modò sola queant saxa tenere fidem.  
Unde tuos primùm repetam, mea Cynthia, fastus?  
Quod mihi das flendi, Cynthia, principium?  
Qui modò felices inter numerabar amantes,  
Nunc in amore rito cogor habere notam.  
Quid tantum merui? quæ te mihi crimina mutant?  
An nova tristitiæ causâ puella tuæ?  
Sic mihi te referas levis, ut non altera nostro  
Limine formosos intulit ulla pedes.  
Quamvis multa tibi dolor hic meus aspera debet,  
Non ita sæva tamen venerit ira mea;  
Ut tibi sim meritò semper furor, & tua flendo  
Lumina dejectis turpia sint lacrymis.  
An quia parva damus mutato signa calore?  
Et non ulla meo clamat in ore fides?  
Vos eritis testes, si quos habet arbor amores,  
Fagus, & Arcadio pinus amata Deo.  
Ah quoties teneras resonant mea verba sub umbras,  
Scribitur & vestris Cynthia corticibus!  
An, tua quæ peperit nobis injuria, curas,  
Quæ solum tacitis cognita sunt foribus?  
Omnia consuevi timidus perferre superbæ  
Jussa, neque arguto facta dolore queri:  
Pro quo, Dî, vivi fontes, & frigida rupes,  
Et datur inculto tramite dura quies;  
Et quodcumque meæ possunt narrare querelæ,  
Cogor ad argutas dicere solus aves.

R ij

Sed qualiscumque es, resonant mihi, Cynthia, silvæ;  
Nec deserta tuo nomine saxa vacant.

## E L E G I A X I X.

A D C Y N T H I A M.

**N**ON ego nunc tristes vereor, mea Cynthia,  
manes,  
Nec moror extremo debita fata rogo:  
Sed ne fortè tuo careat mihi funus amore;  
Hic timor est ipsis durior exequiis.  
Non adeò leviter nostris puer hæsit ocellis,  
Ut meus oblito pulvis amore vacet.  
Illic Phylacides jucundæ conjugis heros  
Non potuit cæcis immemor esse locis:  
Sed cupidus falsis attingere gaudia palmis,  
Theſſalis antiquam venerat umbra domum.  
Illic quidquid ero, semper tua dicar imago:  
Trajicit & fati litora magnus Amor.  
Illic formosæ veniant chorus heroïnæ,  
Quas dedit Argivis Dardana præda viris;  
Quarum nulla tua fuerit mihi, Cynthia, forma  
Gratior; & reſſus hoc ita juſta ſinat.  
Quamvis te longæ remorentur fata ſenectæ,  
Cara tamen lacrymis oſſa futura meis:  
Quæ tu viva mea poſſis ſentire favilla.  
Tum mihi non ullo mors ſit amara loco.  
Quàm vereor, ne te contempto, Cynthia, buſto  
Abſtrahat à noſtro pulvere iniquus Amor;  
Cogat & invitam lacrymas ſiccare cadentes!  
Fleſtitur aſſiduïs certa puella minis.  
Quare, dum licet, inter nos lætemur amantes,  
Non ſatis eſt ullo tempore longus amor.

## ELEGIA XX.

AD GALLUM.

**H** Oe pro continuo te, Galle, monemus amore,  
Id tibi ne vacue defluat ex animo:  
Sæpe imprudenti fortuna occurrit amanti;  
Crudelis Mænyis dixerit Ascanius.  
Est tibi non infra speciem, non nomine dispar  
Thiodamanteo proximus ardor Hylæ.  
Huic tu, sive leges umbrosæ flumina silvæ,  
Sive Aniena tuos tinxerit unda pedes;  
Sive Gigantea spatia bere litoris ora,  
Sive ubicumque vago fluminis hospitis;  
Nympharum semper cupidas defende rapinas:  
Non minor Aufoniis est amor in Dryasin.  
Ne tibi sit duros montes, & frigida saxa,  
Galle, neque expertos semper adire lacus:  
Quæ miser ignotis error perpeßus in oris  
Herculis indomito ferverat Ascanio.  
Namque ferunt olim Pagasæ navalibus Argo  
Egressam longè Phasidos iße viam;  
Et jam præteritis labentem Athamantidos undis  
Myforum scopulis applicuisse ratem.  
Hic manus heroum placitis ut constitit oris,  
Mollia composita litora fronde tegit.  
At comes invicti juvenis processerat ultra  
Raram sepositi quærere fontis aquam.  
Hunc duo sectati fratres, Aquilonia proles,  
Hunc super & Zethes, hunc super & Calais,  
Oscula suspensis instabant carpere palmis,  
Oscula & alterna ferre supina fuga.  
Ile sub extrema pendens secluditur ala,  
Et volucres ramo submovet insidias.  
Jam Pandionis cesser genus Orithyæ:



Ah dolor, ibat Hylas, ibat Hamadryas:  
 Hic erat Arganthei Pegæ sub vertice montis  
 Grata domus nymphis humida Thyniasin:  
 Quam supra nullæ pendebant debita curæ  
 Roscida desertis poma sub arboribus;  
 Et circum irriguo surgebant lilia prato  
 Candida purpureis mista papaveribus:  
 Quæ modò decerpens tenero pueriliter ungui,  
 Proposito florem prætulit officio:  
 Et modò formosis incumbens nescius undis,  
 Errorem blandis tardat imaginibus.  
 Tandem haurire parat demissis flumina palmis,  
 Innixus dextro plena trahens humero.  
 Cujus ut accensæ Dryades candore puellæ,  
 Miratæ solitos destituere choros,  
 Prolapsum leviter facili traxere liquore:  
 Tum sonitum raptò corpore fecit Hylas.  
 Cui procul Alcides iterat responsa; sed illi  
 Nomen ab extremis fontibus aura refert.  
 His, ô Galle, tuos monitis servabis amores,  
 Formosum nymphis credere tutus Hylam.

---

## E L E G I A, X X I.

## G A L L U S L O Q U I T U R.

**T**U, qui consortem properas evadere casum,  
 Miles ab Etruscis saucius aggeribus;  
 Quid nostro gemitu turgentia lumina torques?  
 Pars ego sum vestræ proxima militiæ.  
 Sic te servato possint gaudere parentes,  
 Hæc soror Acca tuis sentiat è lacrymis,  
 Gallum per medios ereptum Cæsaris enses,  
 Effugere ignotas non potuisse manus.  
 Et quicumque super dispersa invenerit ossa  
 Montibus Etruscis, hæc sciat esse mea.

## ELEGIA XXII.

AD TULLIUM.

**Q**UALIS, & unde genus, qui sint mihi, Tulle,  
 penates,  
 Quæris, pro nostra semper amicitia.  
 Si Perusina tibi patriæ sunt nota sepulcra  
 Italiz duris funera temporibus,  
 Cum Romana suos egit discordia cives:  
 (Sis mihi præcipue pulvis Etrusca dolor;  
 Tu projecta mei perpeffa es membra propinqui;  
 Tu nullo miseri contegis ossa solo;)  
 Proxima supposito contingens Umbria campo  
 Me genuit, terris fertilis uberibus.

SEX. AURELII  
 PROPERTII  
 LIBER II.

## ELEGIA PRIMA.

AD MÆCENATEM.



Uxartis, unde mihi toties scribantur  
 amores?

Unde meus venias mollis in ora li-  
 ber?

Non hæc Calliope, non hæc mihi can-  
 tat Apollo:

Ingenium nobis ipsa puella facit.

R. liij

Sive togis illam fulgentem incedere Cois;  
 Hoc totum è Coa veste volumen erit;  
 Seu vidi ad frontem sparfos errare capillos,  
 Gaudet laudatis ire superba comit;  
 Sive lyræ carmen digitis percussit eburnis,  
 Miramur, faciles ut premat arte manus;  
 Seu cùm poscentes somnum declinat ocellos,  
 Invenio causas mille poeta novas;  
 Seu nuda crepto mecum luctatur amictu,  
 Tunc verò longas condimus Iliadas;  
 Seu quicquid fecit, sive est quodcumque locuta,  
 Maxima de nihilo nascitur historia.  
 Quòd mihi si tantùm, Mæcenas, fata dedissent,  
 Ut possem heroas ducere in arma manus;  
 Non ego Titanas canerem, non Ossan Olympo  
 Impositum, ut cœli Pelion esset iter;  
 Non veteres Thebas, nec Pergama nomen Homeri,  
 Xerxis & imperio bina cœsse vada;  
 Regnave prima Remi, aut animos Carthaginis altæ,  
 Cimbrorumque minas, & benefacta Mari.  
 Bellaque, resque tui memorarem Cæsaris; & tu  
 Cæsare sub magno cura secunda fores.  
 Nam quoties Mutinam, aut civilia busta Philippos,  
 Aut canerem Siculæ classica bella fugæ;  
 Eversosque focos antiquæ gentis Etruscæ,  
 Et Ptolemææ litora capta Phari;  
 Aut canerem Ægyptum, & Nilum, cùm tractus in  
 urbem  
 Septem captivis debilis ibat aquis;  
 Aut regum auratis circumdata colla catenis,  
 Actiaque in Sacra currere rostra via;  
 Te mea Musa illis semper contexeret armis,  
 Et sumpta, & posita pace fidele caput.  
 Theseus infernis, superis testatur Achilles,  
 Hic Ixioniden, ille Menœtiaden.  
 Sed neque Phlegræos Jovis, Enceladique tumultus  
 Intonet angusto pectore Callimachus;

Nec mea conveniunt duro præcordia versu  
Cæsaris in Phrygios condere nomen avos.  
Navita de ventis, de tauris narrat arator;  
Enumerat miles vulnera, pastor oves.  
Nos contrà angusto versamus prælia lecto.  
Quà pote quisque, in ea conterat arte diem.  
Laus in amore mori; laus altera, si datur uno  
Posse frui: fruar ô solus amore meo,  
His saltem ut tenear jam finibus; aut, mihi si quis  
Venerit alter amor, acrius ut moriar.  
Si memini, solet illa leve culpâ puellas;  
Et totam ex Helena non probat Iliada.  
Seu mihi sint tangenda novercæ pocula Phædræ,  
Pocula privigno non nocitura suo;  
Seu mihi Circæo percundum est gramine, sive  
Colchis Iolciacis urat ahena focis;  
Una meos quoniam prædata est femina sensus,  
Ex hac ducentur funera nostra domo.  
Omnes humanos sanat medicina dolores:  
Solus Amor morbi non amat artificem.  
Tarda Philoctetæ sanavit crura Machaon,  
Phœnicis Chiron lumina Phillyrides;  
Et Deus extinctum Cressis Epidaurius herbis  
Restituit patriis Androgeona focis;  
Mytus & Æmonia juvenis qua cuspide vulnus  
Senserat, hac ipsa cuspide sensit opem.  
Hoc si quis vitium poterit mihi demere, solus  
Tantaleæ poterit tradere poma manu.  
Dolia virginis idem ille repleverit urnis,  
Ne tenera assidua colla graventur aqua.  
Idem Caucasæa solvet de rupe Promethei  
Brachia, & à medio pectore pellet avem.  
Non hîc herba valet: non hîc nocturna Cytæis:  
Non Perimedeæ gramina cocta manu.  
Quippe ubi nec caussas, nec apertos cernimus ictus,  
Unde tamen veniant tot mala, cæca via est.  
Non eget hic medicis, non lectis mollibus æger:

Huic nullum corli tempus, & aura nocet.  
 Ambulat, & subitò mirantur funus amici.  
 Sic est incautum quidquid habetur amor.  
 Quandocumque igitur vitam mea fata reposcent,  
 Et breve in exiguo marmore nomen ero;  
 Mæcenæ nostræ spes invidiosa juventæ,  
 Et vitæ & morti gloria iusta meæ,  
 Si te fortè meo ducet via proxima busto,  
 Effeda cælatis siste Britanna jugis;  
 Taliaque illacrymans mutæ jace verba favillæ:  
 „ Huic misero fatum dâta puella fuit.

---

## E L E G I A I I.

## A D V E R S U M S E.

**Q**U I nullum tibi dicebas jam posse nocere,  
 Hæsiisti: cecidit spiritus ille tuus.  
 Vix unum potes, infelix, requiescere mensem,  
 Et turpis de te jam liber alter erit.  
 Liber eram, & vacuo quærebam vivere lecto:  
 At me composita pace fefellit Amor.  
 Quærebam sicca si posset piscis arena,  
 Nec solitus ponto vivere torvus aper;  
 Aut ego si possem studiis vigilare severis.  
 Dissertur, nunquam tollitur ullus amor.  
 Ac veluti primò taurus detrectat aratra,  
 Mox venit adsueto mollis ad arva iugo;  
 Sic primo juvenes trepidant in amore feroces,  
 Dehinc domiti post hæc æqua, & iniqua ferunt.  
 Turpia perpeffus vates est vincla Melampus,  
 Cognitus Iphicli subripuisse boves;  
 Quem non lucra, magis Pero formosa coëgit,  
 Mox Amythaonia nupta futura domo.  
 Nec me tam facies, quamvis sit candida, cepit;

Lilia non domina sint magis alba mea :  
 Ut Maotica nix minio si ceter Ibero ,  
 Utque rosæ puro lacte natant folia.  
 Nec de more cornæ per levia colla fluentes ,  
 Non oculi , geminæ , sidera nostra , faces :  
 Nec si qua Arabio lucet bombyce puella :  
 Non sum de nihilo blandus amator ego :  
 Quantum , quod posito formosè saltat Iaccho ,  
 Egit ut evantes dux Ariadna choros ;  
 Et quantum , Æolio cum tentat carmina plectro ,  
 Par Aganippæ ludere docta lyra ,  
 Et sua cum antiquæ committit scripta Corinna ,  
 Carminaque æquævis non putat esse suis.  
 Num tibi nascenti primis , mea vita , diebus  
 Aridus argutum sternuit omen Amor ?  
 Hæc tibi contulerunt cœlestia munera Divi ,  
 Hæc tibi : ne matrem fortè dedisse putes.  
 Non , non humani sunt partus talia dona :  
 Ista decem menses non peperere bona.  
 Gloria Romanis una es tu nata puellis :  
 Romano accumbes prima puella loco ;  
 Nec semper mecum Romana cubilia vives.  
 Post Helenam hæc terris forma secunda redit.  
 Hac ego nunc mirer , si flagret nostra juvenus ?  
 Pulcrius hac fuerat , Troja , perire tibi.  
 Olim mirabar , cur tanti ad Pergama belli  
 Europæ , atque Asiæ causa puella fuit.  
 Nunc , Pari , tu sapiens , & tu , Menelæ , fuisti ;  
 Tu , quia poscebas ; tu , quia lentus eras.  
 Digna quidem facies , pro qua vel obiret Achilles ,  
 Vel Priamus : belli causa probanda fuit.  
 Si quis vult fama tabulas anteire vetustas ,  
 Hic dominam exemplo ponat inante meam.  
 Sive illam Hesperiiis , sive illam ostendit Eois ,  
 Uret & Eoos , uret & Hesperios.  
 Cur hæc in terris facies humana moratur ?  
 Jupiter , ignoro pristina furta tua.

Fulva coma est, longæque manus, & maxima toto  
 Corpore; & incedit vel Jove digna soror:  
 Aut cum Dulichias Pallas spatiatur ad aras,  
 Gorgonis anguiferæ pectus aperta comis:  
 Qualis & Ischomache Lapithæ genus heroïne  
 Centauris medio grata rapina mero:  
 Mercurio & sanctis fertur Borbeidos undis  
 Virgineum Brimo composuisse latus.  
 Credite jam, Divæ, quas pastor viderat olim  
 Næis tunicam pœnere verticibus.  
 Hanc utinam faciem nollit mutare senectus,  
 Et cum sæculæ sæcula vatis aget!

## E L E G I A I I I.

A D A M A N T E M.

**M**ULTA prius dominæ delicta queraris oportet;  
 Sæpe roges aliquid, sæpe repulsus eas;  
 Et sæpe immeritos corrumpas dentibus ungues,  
 Et crepitum dubio suscitet ira pede.  
 Nequicquam perfusa meis unguenta capillis;  
 Ibat & expenso planta morata gradu.  
 Nam cui non ego sum fallaci præmia vati?  
 Quæ mea non decies somnia versat anus?  
 Hostis si quis erit nobis, amet ille puellas:  
 Gaudeat in puero si quis amicus erit.  
 Tranquillo tuta descendis flumine cymba:  
 Quid tibi tam parvi litoris unda nocet?  
 Alter sæpe uno mutat præcordia verbo;  
 Altera vix ipso sanguine mollis erit.



## ELEGIA IV.

AD CYNTHIAM.

**H**oc verum est tota te ferri, Cynthia, Roma;  
 Et non ignota vivere nequitia?  
 Hæc merui sperare? dabis mihi, perfida, pœnas;  
 Et nobis Aquilo, Cynthia, ventus erit.  
 Inveniam tamen è multis fallacibus unam,  
 Quæ fieri nostro carmine nota velit;  
 Nec mihi tam duris insultet moribus, & te  
 Vellicet. Heu serò flebis amata diu.  
 Nunc est ira recens, nunc est discedere tempus:  
 Si dolor abfuerit, crede, redibit amor.  
 Non ita Carpathiæ variant Aquilonibus undæ,  
 Nec dubio nubes vertitur atra Noto;  
 Quàm facilè irati verbo mutantur amantes:  
 Dum licet, injusto subtrahere colla iugo.  
 Nec tu non aliquid, sed prima nocte dolebis.  
 Omne in amore malum, si patiære, leve est.  
 At tu, per dominæ Junonis dulcia jura,  
 Parce tuis animis, vita, nocere tibi.  
 Non solum taurus ferit uncis cornibus hostem,  
 Verùm etiam instanti læsa repugnat ovis.  
 Nec tibi perjuro scindam de corpore vestes,  
 Nec mea præclusas fregerit ira fores:  
 Nec tibi connexos iratus carpere crines,  
 Nec duris ausim lædere pollicibus.  
 Rusticus hæc aliquis tam turpia prælia quærat,  
 Cujus non hederæ circumiere caput.  
 Scribam igitur quod non unquam tua deleat ætas:  
 „ Cynthia forma potens, Cynthia forma levis.  
 Crede mihi, quamvis contemnis murmura famæ,  
 Hic tibi pallori, Cynthia, versus erit.



## E L E G I A V.

A D E A N D E M.

**N**ON ita complebant Ephyræ Laidos ædes,  
 Ad cuius jacuit Græcia tota fores :  
 Turba Menandrea fuerat nec Thaidos olim  
 Tanta, in qua populus lusit Erichthonius :  
 Nec quæ deletas potuit componere Thebas  
 Phryne, tam multis facta beata viris.  
 Quin etiam falsos fingis tibi sæpe propinquos,  
 Oscula ne defint qui tibi iure ferant.  
 Me juvenum facies pictæ, me Numina lædunt,  
 Me tenet in cunis, & sine voce puer :  
 Me lædit, si multa tibi dabit oscula, mater,  
 Me soror, & cum qua dormit, amica simul.  
 Omnia me lædent : timidus sum ; ignosce timori.  
 Et miser in tunica suspicor esse virum.  
 Felix Admeti conjux, & lectus Ulyssis,  
 Et quæcumque viri femina limen amat !  
 Tempia pudicitia quid opus statuisse puellis,  
 Si cuivis nuptæ quidlibet esse licet ?  
 Quæ manus obscenas depinxit prima tabellas,  
 Et posuit casta turpia visa domo ;  
 Illa puellarum ingenuos corrumpit ocellos,  
 Nequitiaque suæ noluit esse rudes.  
 Ah gemat, in terris ista qui protulit arte  
 Jurgia sub tacita condita lætitia.  
 Non istis olim variabant tecta figuris :  
 Tum paries nullo crimine pictus erat.  
 Sed non immerito velavit aranea fanum,  
 Et mala desertos occupat herba Deos.  
 Quos igitur tibi custodes, quæ limina ponam,  
 Quæ nunquam supra pes inimicus eat ?

Nam nihil invitæ tristis custodia prodest :  
 Quam peccare puder , Cynthia , tuta sat est.

## ELEGIA XL

A D C Y N T H I A M.

**G**AVISA est certè sublatam Cynthia legem,  
 Qua quondam edicta , stemus uterque diu,  
 Ne nos divideret : quamvis diducere amantes  
 Non queat invitos Juppiter ipse duos.  
 At magnus Cæsar , sed magnus Cæsar in armis.  
 Devictæ gentes nil in amore valent.  
 Nam citius pateret caput hoc discedere collo,  
 Quàm possem nuptæ perdere amore faces.  
 Anne ego transirem tua limina clausa maritus,  
 Respiciens udis prodita luminibus ?  
 Ah mea tum quales caneret tibi , Cynthia , somnos.  
 Tibia , funesta tristior illa tuba !  
 Unde mihi patriis gnatos præbere triumphis ?  
 Nullus de nostro sanguine miles erit.  
 Quòd si vera meæ comitarem castra puellæ,  
 Non mihi sat magnus Castoris iret equus.  
 Hinc etenim tantum meruit mea gloria nomen,  
 Gloria ad hibernos lata Bœrithenidas.  
 Tu mihi sola places : placeam tibi , Cynthia , solus.  
 Hic erit & patrio sanguine pluris amor.  
 Uxor me nunquam , nunquam me ducet amica.  
 Semper amica mihi , semper & uxor eris.



## E L E G I A VII.

A D A M I C U M.

**F**RIPITUR nobis jam pridem cara puella ;  
 Et tu me lacrymas fundere , amice , vetas ?  
 Nullæ sunt inimicitiae , nisi amoris , acerbæ :  
 Ipsum me jugula , lenior hostis ero.  
 Possum ego in alterius positam spectare lacerto ?  
 Nec mea dicetur , quæ modò dicta mea est ?  
 Hic olim ignaros luctus populavit Achivos ,  
 Attridæ magno cùm stetit alter amor.  
 His olim , ut fama est , vitiis ad prælia ventum est ;  
 His Trojana vides funera principiis.  
 Aspera Centauros eadem dementia jussit  
 Frangere in adversum pocula Pirithoum.  
 Cur exempla petam Graiùm ? tu criminis auctor  
 Nutritus duro , Romule , lacte lupæ.  
 Tu rapere intactas docuisti impunè Sabinas :  
 Per te nunc Romæ quidlibet audet Amor.  
 Ille etiam abrepta desertus conjuge Achilles  
 Cessare in tectis pertulit arma sua.  
 Viderat ille fugas , fractos in litore Achivos ,  
 Fervere & Hæctorea Dorica castra face.  
 Viderat informem multa Patroclon arena  
 Porrectum , & sparsas cæde jacere comas ,  
 Omnia formosam propter Briseida passus ;  
 Tantus in erepto sævit amore dolor.  
 At postquam sera captiva est reddita pœna ,  
 Fortem illum Amoniiis Hæctora traxit equis.  
 Inferior multo cùm sis vel matre , vel armis ,  
 Mirum si de me jure triumphat Amor ?  
 Magni sæpe duces , magni cecidere tyranni.  
 Et Thebæ steterunt , altaque Troja fuit.

Omnia

**O**mnia vertuntur : certè vertuntur amores.

Vinceris , aut vincis : hæc in amore rota est.

Iste quod est , ego sæpe fui : sed forsit in hora

Hoc ipso ejecto carior alter erit.

Munera quanta dedi , vel qualia carmina feci ?

Illa tamen nunquam ferrea dixit , Amo.

Ergo jam multos nimium temerarius annos ,

Improba , qui tulerim teque , tuamque domum ,

Ecquandone tibi liber sum visus ? an usque

In nostrum jacies verba superba caput ?

Penelope poterat bis denos salva per annos

Vivere , tam multis femina digna procis.

Conjugium falsa poterat differre Minerva ,

Nocturno solvens texta diurna dolo :

Visura & quamvis nunquam speraret Ulysses ,

Illam exspectando facta remansit anus.

Nec non exanimem amplectens Briseis Achillem ,

Candida vesana verberat ora manu ;

Et dominum lavit mœrens captiva cruentum ,

Appositum fluvii in Simoënta vadis ;

Fœdavitque comas , & tanti corpus Achillis ,

Maximæque in parva sustulit ossa manu :

Cùm tibi nec Peleus aderat , nec cœrula mater ,

Scyria nec yiduo Deïdamia toro.

Tunc igitur veris gaudebat Græcia gnatis :

Tunc etiam felix inter & arma pudor.

At tu non una potuisti nocte vacare ,

Impia ; non unum sola manere diem.

Quin etiam multo duxisti pocula risu ;

Forsthan & de me verba fuere mala.

Hic etiam petitur , qui te prius ipse reliquit.

Dî faciant , isto capta fruire viro !

Hæc mihi vota tuam propter suscepta salutem ,

Cùm capite hoc Stygiæ jam peterentur aquæ ;

Et lectum flentes circumstaremus amici :

Hic ubi tum , prò Dî , perfida , quisve fuit ?

Quid si longinquos retinerer miles ad Indos ?

Aut mea si staret navis in Oceano?  
 Sed vobis facile est verba, & componere fraudes:  
 Hoc unum didicit femina semper opus.  
 Non sic incerto mutantur flamine Syrtes,  
 Nec folia hiberno tam tremefacta Noto;  
 Quàm citò feminea non constat fœdus in ira,  
 Sive ea causâ gravis, sive ea causâ levis.  
 Nunc quoniam ista tibi placuit sententia, cedam:  
 Tela, precor, pueri, promite acuta magis.  
 Figite certantes, atque hanc mihi solvite vitam:  
 Sanguis erit vobis maxima palma meus.  
 Sic igitur prima moriere ætate, Properti?  
 Sed morere: interitu gaudeat illa tuo.  
 Exagitet nostros manes, sectetur & umbras,  
 Insultetque rogis, calcet & ossa mea.  
 Quid? non Antigones tumultu Bœotius Hamon  
 Corruit ipse suo saucius ense latus?  
 Et sua cum miseræ commiscuit ossa puellæ,  
 Qua sine Thebanam noluit ire domum?  
 Sed non effugies; mecum moriaris oportet:  
 Hoc eodem ferro stillet uterque cruor.  
 Quamvis ista mihi mors est inhonesta futura,  
 Mors inhonesta quidem; tu moriere tamen.  
 Sidera sunt testes, & matutina pruina,  
 Et furtim misero janua aperta mihi,  
 Te nihil in vita nobis acceptius unquam.  
 Nunc quoque eris, quamvis sis inimica mihi:  
 Nec domina ulla meo ponet vestigia lecto:  
 Solus ero, quoniam non licet esse tuo.  
 Atque utinam, si fortè pios eduximus annos,  
 Ille vir in medio fiat amore lapis!



## ELEGIA VIII.

AD MUSAM.

**N**ON ob regna magis diris cecidere sub armis  
Thebani, media non sine matre, duces;  
Quàm, mihi si media liceat pugnare puella,  
Mortem ego non fugiam morte subire tua.  
Sed tempus lustrare aliis Heliconæ choreis,  
Et campum Æmonie jam dare tempus equo.  
Jam libet & fortes memorare ad prælia turmas,  
Et Romanæ mei dicere castra ducis.  
Quod si deficient vires, audacia certè  
Laus erit: in magnis & voluisse sat est.  
Ætas prima canat Veneres, extrema tumultus.  
Bella canam, quando scripta puella mihi est.  
Nunc volo subducto gravior procedere vultu:  
Nunc aliam citharam me mea Musa docet.  
Surge, anima, ex humili jam carmine: sumite vires,  
Pierides: magni nunc erit oris opus.  
Jam negat Euphrates equitem post terga tueri  
Parthorum, & Crassos se tenuisse dolet.  
India quin, Auguste, tuo dat colla triumpho;  
Et domus intactæ te tremit Arabiæ;  
Et, si qua extremis tellus se subtrahit oris,  
Sentiet illa tuas postmodò capta manus.  
Hæc ego castra sequar vates: tua castra canendo  
Magnus ero: servant hunc mihi fata diem.  
Ut caput in magnis ubi non est tangere signis,  
Ponitur hîc imos ante coronæ pedes:  
Sic nos nunc inopes laudis conscendere carmen,  
Pauperibus sacris vilia thura damus.  
Nondum etiam Ascræos nôrunt mea carmina fontes,  
Sed modò Permessi flumine lavit Amor.

S ij

Scribant de te alii, vel sis ignota licebit.  
 Ludet, qui sterili semina ponit humo.  
 Omnia, crede mihi, secum unum munera lecto  
 Auferet extremi funeris atra dies.  
 Et tua transibit contemnens ossa viator;  
 Nec dicet: Cinis hic, docta puella fuit.

## E L E G I A I X.

## D E A M O R E.

**Q**UICUMQUE ille fuit, puerum qui pinxit  
 Amorem,  
 Nonne putas miras hunc habuisse manus?  
 Hic primum vidit sine sensu vivere amantes,  
 Et levibus curis magna perire bona.  
 Idem non frustra ventosas addidit alas,  
 Fecit & humano corde volare Deum.  
 Scilicet alterna quoniam jactamur in unda;  
 Nostraque non ullis permanet aura locis.  
 Et meritò hamatis manus est armata sagittis,  
 Et pharetra ex humero Gnosia utroque jacet:  
 Antè ferit quoniam, tuti quàm cernimus hostem;  
 Nec quisquam ex illo vulnere sanus abit.  
 In me tela manent, manet & puerilis imago;  
 Sed certè pennas perdidit ille suas:  
 Evolat heu nostro quoniam de pectore nusquam;  
 Assiduusque meo sanguine bella gerit.  
 Quid tibi jucundum siccis habitare medullis?  
 Si pudor est, aliò traſſice tela tua.  
 Intactos isto satius tentare veneno:  
 Non ego, sed tenuis vapulat umbra mei.  
 Quam si perdideris, quis erit qui talia cantet?  
 Hæc mea Musa levis, gloria magna tua est;

Quæ caput, & digitos, & lumina nigra puellæ,  
Et canit, ut soleant molliter ire pedes.

---

## ELEGIA X.

AD CYNTHIAM.

**N**ON tot Achæmeniis armantur Sufa sagittis,  
Spicula quot nostro pectore fixit Amor.  
Hic me tam graciles veruit contemnere Musas,  
Iussit & Alcæum sic habitare nemus;  
Non ut Pieriæ quercus mea verba sequantur,  
Aut possim Iſmaria ducere valle feras;  
Sed magis ut nostro stupeſcat Cynthia vetſu:  
Tunc ego ſim Inachio notior arte Lino.  
Non ego ſum formæ tantum mirator honeſtæ;  
Nec ſi qua illuſtres femina jaſtat avos.  
Me juvat in gremio doctæ legiſſe puellæ,  
Auribus & puris ſcripta probaſſe mea.  
Hæc ubi contigerint, populi confuſa valetō  
Fabula: nam domina iudice tutus ero.  
Quæ ſi fortè bonas ad pacem verterit aures,  
Poſſum inimicitias tunc ego ferre Jovis.  
Quandocumque igitur noſtros mors claudet ocellos,  
Accipe quæ ſerves funeris acta mei.  
Nec mea tunc longa ſpatietur imagine pompa,  
Nec tuba ſit fati vana querela mei;  
Nec mihi tum fulcro ſternatur leſtus eburno;  
Nec ſit in Attalico mors mea nixa toro.  
Deſit odoriferis ordo mihi lancibus: adſint  
Plebei parvæ funeris exſequiæ.  
Sat mea, ſat magna eſt, ſi tres ſint, pompa, libelli,  
Quos ego Perſephoniæ maxima dona feram.  
Tu verò nudum pectus lacerata ſequaris,  
Nec fueris nomen laſſa vocare meum;



Osculaque in gelidis ponas suprema labellis;  
 Cum dabitur Syrio munere plenus onyx.  
 Deinde, ubi suppositus cinerem me fecerit ardor,  
 Accipiat manes parvula testa meos;  
 Et sit in exiguo laurus superaddita busto,  
 Quæ regat extincti funeris umbra locum.  
 Et duo sint versus: „ Qui nunc jacet horrida pulvis;  
 „ Unius hic quondam servus Amoris erat. “  
 Nec minus hæc nostri notescet fama sepulchri,  
 Quàm fuerant Phthii busta cruenta viri.  
 Tu quoque, si quando venies ad fata, memento  
 Hoc iter ad lapides cana venire meos.  
 Interea cave sis nos aspernata sepultos:  
 Non nihil ad verum conscia terra sapit.  
 Atque utinam primis animam me ponere cunis  
 Jussisset quævis de tribus una soror!  
 Nam quò tam dubiæ fervetur spiritus horæ?  
 Nestoris est visus post tria secla cinis.  
 Quis tam longævæ meminisset fata senectæ  
 Gallicus Iliacis miles in aggeribus?  
 Non ille Antilochi vidisset corpus humati:  
 Diceret aut, ô mors, cur mihi sera venis?  
 Tu tamen amisso nonnunquam flebis amico.  
 Fas est præteritos semper amare viros.  
 Testis, qui niveum quondam percussit Adonin  
 Venantem Idalio vertice durus aper.  
 Illis formosum flevisse paludibus, illuc  
 Diceris effusa tu, Venus, ille coma.  
 Sed frustra muros revocabis, Cynthia, manes:  
 Nam mea quid poterant ossa minuta loqui?



## ELEGIA XI.

LÆTATUR POTITUS AMICA.

**N**ON ita Dardanio gavisus Atrida triumpho est;  
 Cùm caderent magnæ Laomedontis opes;  
 Nec sic errore exacto lætatus Ulysses,  
 Cùm tetigit caræ litora Dulichiæ;  
 Nec sic Electra, saluum cùm aspexit Orestem,  
 Cujus falsa tenens sternerat ossa soror;  
 Nec sic incolumem Minois Thesea vidit,  
 Dædaleum lino cùm duce rexit iter:  
 Quanta ego præterita collegi gaudia nocte.  
 Immortalis ero, si altera talis erit.  
 Ac dum demissis supplex cervicibus ibam,  
 Dicebar sicco villor esse lacu.  
 Nec mihi jam fastus opponere quærit iniquos,  
 Nec mihi ploranti lenta sedere potest.  
 Atque utinam non tam serò mihi nota fuisset  
 Conditio: cineri nunc medicina datur.  
 Ante pedes cæcis lucebar semita nobis.  
 Scilicet insano nemo in amore videt.  
 Hoc sensu prodesse magis: contemnite amantes.  
 Sic hodie veniet, si qua negavit heri.  
 Pulsabant alii frustra, dominamque vocabant:  
 Mecum habuit positum lenta puella caput.  
 Hæc mihi devictis potior victoria Parthis:  
 Hæc spolia, hæc reges, hæc mihi curtus erunt.  
 Magna ego dona tua figam, Cytherea, columna,  
 Taleque sub nostro nomine carmen erit:  
 „ Has pono ante tuas tibi, Diva, Propertius ædes  
 „ Exuvias, tota nocte receptus amans.  
 Nunc ad te, mea lux, veniat mea litore navis  
 Servata; an meditis fidat onusta vadis?

Quòd si fortè aliqua nobis mutabere culpa,  
Vestibulum jaceam mortuus ante tuum.

## E L E G I A X I I.

NARRAT VOLUPTATES SUAS.

**O** Mne felicem, nox ô mihi candida, & ô tu  
Lectule deliciis facte beate meis!  
Quàm multa apposita narramus verba lucerna!  
Quantaque sublato lumine rixa fuit!  
Nam modò nudatis mecum est luctata papillis:  
Interdum tunica duxit operta moram.  
Illa meos somno lassos patefecit ocellos  
Ore suo, & dixit: Siccine, lente, jaces?  
Quàm vario amplexu mutamus brachia! quantum  
Oscula sunt labris nostra morata tuis!  
Non juvat in cæco Venerem corrumpere motu.  
Si nescis, oculi sunt in amore duces.  
Ipse Paris nuda fertur periisse Lacæna,  
Cum Menelaëo surgeret è thalamo.  
Nudus & Endymion Phœbi cepisse sororem  
Dicitur, & nudæ concubuisse Deæ.  
Quòd si pertendens animo vestita cubâris,  
Scissa veste meas experire manus.  
Quin etiam, si me ulterius provexerit ira,  
Ostendes matri brachia læsa tuæ.  
Necdum inclinatæ prohibent te ludere mamme:  
Viderit hoc, si quam jam peperisse pudet.  
Dum nos fata sinunt, oculos satiemus amore.  
Nox tibi longa venit, nec reditura dies.  
Atque utinam hærentes sic nos vincire eatena  
Velles, ut nunquam solveret ulla dies!  
Exemplo junctæ tibi sint in amore columbæ,  
Masculus, & totum femina conjugium.

Errat

Errat, qui finem vesani quærit amoris.  
 Verus amor nullum novit habere modum,  
 Terra prius falso partu deludet arantes,  
 Et citius nigros Sol agitabit equos;  
 Fluminaque ad caput incipient revocare liquores,  
 Aridus & sicco gurgite piscis erit;  
 Quàm possim nostros aliò transferre calores.  
 Hujus ero vivus, mortuus hujus ero.  
 Quòd mihi si secum tales concedere noctes  
 Illa velit, vitæ longus & annus erit.  
 Si dabit hæc multas, siam immortalis in illis.  
 Nocte una quivis vel Deus esse potest.  
 Qualem si cuncti vellent decurrere vitam,  
 Et pressi multo membra jacere mero;  
 Non ferrum crudele, neque esset bellica navis,  
 Nec nostra Adiacum verteret ossa mare;  
 Nec toties propriis circum oppugnata triumphis,  
 Lassa foret crines solvere Roma suos.  
 Hæc certè meritò poterunt laudare minores.  
 Læserunt nullos pocula nostra Deos.  
 Tu modò, dum licet, hunc fructum ne desere vitæ;  
 Omnia si dederis oscula, pauca dabis.  
 Ac veluti folia arentes liquere corollas,  
 Quæ passim calathis strata natare vides:  
 Sic nobis, qui nunc magnum spiramus amantes,  
 Forsitan includat crastina fata dies.

## ELEGIA XIII.

AD CYNTHIAM.

**P**RÆTOR ab Illyciis venit modò, Cynthia, terris,  
 Maxima præda tibi, maxima cura mihi.  
 Non potuit saxo vitam posuisse Cerauno?  
 Ah, Neptune, tibi qualia dona darem!

T

Nunc sine me plena fiunt convivium mensae:  
Nunc sine me tota janua nocte patet.  
Quare, si sapiſ, oblatas ne deſere meſſes;  
Et ſtolidum pleno velleſe carpe pocuſ.  
Deinde, ubi conſumpto reſtabit munere pauper,  
Dic, alias iterum naviget Illyrias.  
Cynthia non ſequitur faſces, nec curat honores:  
Semper amatorum ponderat illa ſinuſ.  
At tu nunc noſtro, Venus ô, ſuccurre dolori,  
Rumpat ut aſſiduſ membra libidinibuſ.  
Ergo muneribuſ quiviſ mercatur amoreſ?  
Juppiter! indigna merce puella perit.  
Semper in Oceanum mittit me quaerere gemmaſ,  
Et jubet ex ipſa tollere dona Tyro.  
Atque utinam Romae nemo eſſet dives; & ipſe  
Straminea poſſet dux habitare caſa.  
Nunquam venaleſ eſſent ad munuſ amicae,  
Atque una fieret cana puella domo.  
Non quia ſeptenaſ nocteſ ſejuncta cubâriſ,  
Candida tam ſcedo brachia fuſa viro;  
Non quia peccâriſ, teſtor te; ſed quia vulgò  
Formoſiſ levitaſ ſemper amica fuiſ.  
Barbaruſ excuſſiſ agitat veſtigia lumbiſ,  
Et ſubito felix nunc mea regna tenet.  
Aſpice quid doniſ Eriphyle invenit amariſ,  
Arſerit & quantuſ nupta Creuſa malis.  
Nulla-ne ſedabit noſtroſ injuria ſletuſ?  
An dolor hic vitiſ nescit abeſſe ſuiſ?  
Tot jam abiſſe dieſ, cum me nec cura theatri,  
Nec tetigit campi, nec mea Muſa juvat.  
Ah pudeat certè, pudeat: niſi fortè, quod aiunt,  
Turpiſ amor ſurdiſ auſibuſ eſſe ſolet.  
Cerne ducem, modò qui fremitu complevit inani  
Actia damnatiſ æquora militibuſ.  
Hunc infamiſ amor verſiſ dare terga cariniſ  
Juſſit, & extremo quaerere in orbe fugam.  
Caſariſ hæc virtuſ, & gloria Caſariſ hæc eſt:

Illa, qua vicit, condidit arma manu.  
 Seu quascumque tibi vestes, quoscumque smaragdos,  
 Quosve dedit flavo lumine chrysolitos;  
 Hæc videam rapidas in vanum ferre procellas;  
 Quæ tibi terra, velim, quæ tibi fiat aqua.  
 Non semper placidus perjuros ridet amantes  
 Juppiter, & surda negligit aure preces.  
 Vidistin' toto sonitus percurrere cælo?  
 Fulminaque ætherea dissiluisse domo?  
 Non hæc Pleiades faciunt, neque aquosus Orion:  
 Nec sic de nihilo fulminis ira cadit.  
 Perjuras tunc ille solet punire puellas,  
 Deceptus quoniam flevit & ipse Deus.  
 Quare ne tibi sit tanti Sidonia vestis,  
 Ut timeas, quoties nubilus Auster erit.  
 Mentiri noctem, promissis ducere amantem,  
 Hoc erit insectas sanguine habere manus.  
 Horum ego sum vates, quoties desertus amaras  
 Explevi noctes, fractus utroque toro.  
 Vel tu Tantalea moveare ad flumina sorte,  
 Ut liquor arenti fallat ab ore sitim:  
 Vel tu Sisyphios licet admirere labores,  
 Difficile ut toto monte volutet onus.  
 Durius in terris nihil est quod vivat amante,  
 Nec, modò si sapias, quod minùs esse velis.  
 Quem modò felicem invidia admirante ferebant,  
 Nunc decimo admittor vix ego quoque die.  
 Nunc jacere è duro corpus juvat, impia, saxo,  
 Sumere & in nostras tetra venena manus.  
 Nunc licet in triviis sicca requiescere Luna,  
 Aut per rimosas mittere verba fores.  
 Quod quamvis ita sit, dominam mutare cavebo:  
 Tum flebit, cum in me senserit esse fidem.

## E L E G I A   X I V .

A D   C Y N T H I A M .

**A**SSIDUÆ multis odium peperere querelæ.  
 Frangitur in tacito femina sæpe viro.  
 Si quid vidisti, semper vidisse negato:  
 Aut si quid doluit fortè, dolere nega.  
 Quin ego diminuo curam, quòd sæpe Cupido  
 Huic malus esse solet, cui bonus antè fuit.  
 Quid si jam canis ætas mea caneret annis?  
 Et faceret scissas languida ruga genas?  
 At non Tithoni spernens Aurora senectam,  
 Desertum Eoa passa jacere domo est.  
 Illum sæpe suis decedens fovit in ulnis,  
 Quàm prius abjunctos sedula lavit equos.  
 Illum ad vicinos cum amplexa quiesceret Indos,  
 Maturos iterum est quæsta redire dies.  
 Alla Deos, currum conscendens, dixit iniquos;  
 Invitum & terris præstitit officium:  
 Cui majora senis Tithoni gaudia vivi,  
 Quàm gravis amisso Mæmnone luctus erat.  
 Cum sene non puduit talem dormire puellam,  
 Et canæ toties oscula ferre comæ.  
 At tu etiam juvenem odisti me, perfida, cum sis  
 Ipsa anus, haud longa curva futura die.  
 Cum tibi nec frater, nec sit tibi filius ullus;  
 Frater ego, & tibi sim filius unus. ego.  
 Nunc etiam infectos demens imitare Britannos,  
 Ludis & externo tincta nitore caput.  
 An, si cæruleo quædam sua tempora fuco  
 Tinxerit, idcirco cærulea forma bona est?  
 Ut natura dedit, sic omnis recta figura.  
 Turpis Romano Belgicus ore color.  
 Illi sub terris fiant mala multa puellæ,  
 Quæ mentita suas vertit inepta comas,

De me, mi certe poteris formosa videri,  
 Mi formosa satis, si modò sæpe venis.  
 Ipse tuus semper tibi sit custodia lectus;  
 Nec nimis ornata fronte sedere velis.  
 Credam ego narranti, noli committere, famæ.  
 Et terram rumor transilit, & mara.

---

## ELEGIA XV.

AD CYNTHIAM.

ET si me invito discedis, Cynthia, Roma,  
 Lætor, quòd sine me devia rura colis.  
 Nullus erit castis juvenis corruptor in agris,  
 Qui te blanditiis non sinat esse probam.  
 Nulla neque ante tuas orietur rixa fenestras,  
 Nec tibi clamatæ somnus amarus erit.  
 Sola eris, & solos spectabis, Cynthia, montes,  
 Et pecus, & fines pauperis agricolæ.  
 Illic te nulli poterunt corrumpere ludi,  
 Fanaque peccatis plurima causa tuis.  
 Illic assidue tauros spectabis arantes,  
 Et vitem docta ponere falce comas.  
 Atque ibi rara feres inculto thura sacello,  
 Hædus ubi agrestes corruet ante focos.  
 Protinus & nuda choreas imitabere sura;  
 Omnia ab externo sint modò tuta viro.  
 Ipse ego venabor: jam nunc me sacra Dianæ  
 Suscipere, & Veneri ponere vota juvat.  
 Incipiam captare feras, & reddere pinu  
 Cornua, & audaces ipse monere canes:  
 Non tamen ut vastos ausim tentare leones,  
 Aut celer agrestes comminus ire suos.  
 Hæc igitur mihi sit lepores audacia molles  
 Excipere, & stricto figere avem calamo;



Qua formosa suo Clitumnus flumina lūco  
 Integit, & niveos abluit unda boves.  
 Tu, quoties aliquid conabere, vita, memento  
 Venturum paucis me tibi luciferis.  
 Sic me nec solæ poterunt avertere silvæ,  
 Nec vaga muscosis flumina fusa jugis:  
 Quin ego in assidua mutem tua nomina lingua,  
 Absenti nemo ne nocuisse velit.

---

## E L E G I A X V I.

A D C Y N T H I A M.

Q U I D fies abducta gravius Briseide? quid fies  
 Anxia captiva tristiùs Andromacha?  
 Quidve mea de fraude Deos, insana, fatigas?  
 Quid quereris nostram sic cecidisse fidem?  
 Non tam nocturna volucris funesta querela  
 Attica Cecropiis obstrepit in foliis:  
 Nec tantum Niobe bis sex ad busta superba  
 Sollicito lacrymans defluit à Sipylo.  
 Me licet æratis adstringant brachia nodis,  
 Sint mea vel Danaës condita membra domo;  
 In te ego & æratas rumpam, mea vita, catenas,  
 Ferratam Danaës transiliamque domum.  
 De te quodcumque, ad surdas mihi dicitur aures:  
 Tu modò ne dubita de gravitate mea.  
 Ossa tibi juro per matris, & ossa parentis,  
 (Si fallo, cinis heu sit mihi uterquo gravis)  
 Me tibi ad extremas mansurum, vita, tenebras.  
 Ambos una fides auferet, una dies.  
 Quòd si nec nomen, nec me tua forma teneret,  
 Posset servitium mite tenere tuum.  
 Septima jam plene deducitur orbita Lunæ,  
 Cum de me, & de te compita nulla tacent.

Interea nobis non nunquam janua mollis,  
 Non nunquam lecti copia facta tui:  
 Nec mihi muneribus nox ulla est emta beatis.  
 Quicquid eram, hoc animi gratia magna tui.  
 Cum te tam multi peterent, tu me una petisti.  
 Possum ego naturæ non meminisse tuæ?  
 Tunc me vel tragicæ vexetis Erinnyes; & me  
 Inferno damnes, Æace, iudicio,  
 Arque inter Tiryi volucres mea poena vagetur;  
 Tumque ego Sisyphio saxa labore geram.  
 Nec tu supplicibus me sis venerata tabellis:  
 Ultima talis erit, quæ mea prima fides.  
 Hoc mihi perpetuò jus est, quod solus amator  
 Nec citò desisto, nec temerè incipio.

---

## ELEGIA XVII.

AD CYNTHIAM, DE PANTHO.

**A**H quantum de me Panthi tibi pagina finxit,  
 Tantum illi Pantho ne sit amica Venus.  
 Sed tibi jam videor Dodona verior augur?  
 Uxorem ille tuus pulcher amator habet.  
 Tot noctes periere: nihil pudet? adspice, cantar  
 Liber: tu nimium credula sola jaces.  
 Et nunc inter eos tu sermo es: te ille superbus  
 Dicit se invito sæpe fuisse domi.  
 Dispeream, si quicquam aliud, quam gloria de te  
 Queritur: has laudes ille maritus habet.  
 Colchida sic hospes quondam decipit Iason:  
 Ejecta est tenui namque Creüsa domo.  
 Sic à Dulichio juvene est elusa Calypso:  
 Vidit amatorem pandere vela suum.  
 Ah nimium faciles aurem præbere puellæ;  
 Discite desertæ, non temerè esse bonæ.

Huic quoque, qui restat, jam pridem quæritur altor.  
 Experta in primo stulta cavere potes.  
 Nos quocumque loco, nos omni tempore tecum,  
 Sive ægra pariter, sive valente, sumus.

---

## E L E G I A X V I I I.

A D D E M O P H O O N T E M.

**S**CIS here mi multas pariter placuisse puellas;  
 Scis mihi, Demophoon, multa venire mala.  
 Nulla meis frustra lustrantur compita plantis.  
 O nimis exitio nata theatra meo!  
 Sive aliquis molli deducit candida gestu  
 Brachia, seu varios incinit ore modos.  
 Interea nostri quæruni sibi vulnus ocelli,  
 Candida non recto pectore si qua sedet;  
 Sive vagi crines puris in frontibus errant,  
 Indica quos medio vertice gemma tenet.  
 Quæ si fortè aliquid vultu mihi dura negarat,  
 Frigida de tota fronte cadebat aqua.  
 Quæris, Demophoon, cur sim tam mollis in omnes?  
 Quod quæris, quare non habet ullus amor?  
 Cur aliquis sacris laniat sua brachia cultris?  
 Et Phrygis insanos cæditur ad numeros?  
 Unicuique dedit vitium natura creato:  
 Mi natura aliquid semper amare dedit.  
 Me licet & Thamyra cantoris fata sequantur,  
 Nunquam ad formosas, invidere, cæcus ero.  
 Sed, tibi si exiles videor tenuatus in artus,  
 Falleris. Haud unquam est culta labore Venus.  
 Percontare licet: sæpe est experta puella  
 Officium tota nocte valere meum.  
 Juppiter Alcmenæ geminas requieverat artus,  
 Et cælum noctu bis sine rege fuit:

Nec tamen idcirco languens ad fulmina venit.  
 Nullus amor vires eripit ipse suas.  
 Quid? cum è complexu Briseidos iret Achilles,  
 Num fugere minùs Theſſala tela Phryges?  
 Quid? ferus Andromachæ lecto cum ſurgeret Hector,  
 Bella Mycenæ non timuere rates?  
 Ille, vel hic claſſes poterat, vel perdere muros:  
 Hic ego Pelides, hic ferus Hector ego.  
 Adſpice uti cœlo modò Sol, modò Luna miniſtret:  
 Sic etiam nobis una puella parùm eſt.  
 Altera me cupidis reneat, foveatque lacertis,  
 Altera ſi quandò non finit eſſe locum:  
 Aut, ſi fortè irata meo ſit facta miniſtro,  
 Ut ſciat eſſe aliam, quæ velit eſſe mea.  
 Nam meliùs duo defendunt retinacula navem,  
 Tutius & geminos anxia mater alit.  
 Aut, ſi es dura, nega: ſin es non dura, venito.  
 Quid juvat in nullo pondere verba loqui?  
 Hic unus dolor eſt ex omnibus acer amanti,  
 Speranti ſubitò ſi qua venire negat.  
 Quanta illum toto verſant ſuſpiria lecto,  
 Cum recipi, quem non noverit illa, vetat:  
 Et rurſum puerum quærendo audita fatigat:  
 Quem, quæ ſcire timet, dicere plura jubet.  
 Cui fuit indocto fugienda hæc ſemita vulgi,  
 Ipſa petita lacu nunc mihi dulcis aqua eſt.  
 Ingenuus quiſquam alterius dat munera ſervo,  
 Ut promiſſa ſuæ verba ferat dominæ?  
 Et quærit toties, quænam nunc porticus illam  
 Integit? & Campo quo movet illa pedes?  
 Deinde ubi pertuleris, quos dicit fama, labores  
 Herculis, ut ſcribat, muneris ecquid habes?  
 Et modò pavonis caudæ ſtabella ſuperbæ,  
 Et manibus dura frigus habere pila,  
 Et cupit iratum talos me poſcere cburnos,  
 Quæque nitent Sacra vilia dona via.  
 Ah peream, ſi me iſta movent diſpendia! veni.

Fallaci dominæ jam pudet esse jocum.  
 Cernere uti possis vultum custodis avari,  
 Captus & immunda sæpe latere casa,  
 Quàm carè semel in toto nox vertitur anno?  
 Ah pereant, si quos janua clausa juvat.  
 Contrà rejecto quæ libera vadit amictu,  
 Custodum & nullo sepra tumore, placet;  
 Cui sæpe immundo Sacra conteritur via socco,  
 Nec sinit esse moram, si quis adire velit;  
 Differet hæc nunquam, nec poscet garrula, quæ te  
 Adstrictus ploret sæpe dedisse pater.  
 Nec dicet, timeo, propera jam surgere, quæso:  
 Infelix, hodie vir mihi rure venit.  
 Et quas Euphrates, & quas mihi misit Orontes,  
 Me capiant: nolim furta pudica tori.  
 Libertas quoniam nulli jam restat amanti,  
 Nullus liber erit, si quis amare volet.  
 Tu loqueris, cum sis jam noto fabula libro,  
 Et tua sit toto Cynthia lecta foro?  
 Cui non his verbis adspergat tempora furdo  
 Aut pudor ingenuus, aut reticendus amor?  
 Quòd si tam facilis spiraret Cynthia nobis,  
 Non ego nequitie dicerer esse caput;  
 Nec sic per totam infamis eraderet urbem;  
 Urcrer & quamvis nomine, verba darem.  
 Quare ne tibi sit mirum me querere viles.  
 Parcius infamant: num tibi causa levis?

---

## E L E G I A X I X.

## A D C Y N T H I A M.

**H**oc erat in primis quod me gaudere jubebas,  
 Tam te formosam non pudet esse levem?  
 Una aut altera nox nondum est in amore peracta.

Et dicor lecto jam gravis esse tuo.  
Me modò laudabas, & carmina nostra legebas.  
Ille tuus pennas tam citò vertit amor?  
Contendat mecum ingenio, contendat & arte;  
In primis una discat amare domo.  
Si libitum tibi erit, Lernæas pugnet ad hydras;  
Et tibi ab Hesperio mala dracone ferat.  
Tetra venena libens, & naufragus ebibar undas,  
Et nunquam pro te deneget esse miser:  
(Quos utinam in nobis, vita, experiare labores)  
Jam tibi de timidis iste protervus erit,  
Qui nunc se in timidum jactando venit honorem.  
Diffidium vobis proximus annus erit.  
Dura est, quæ multis simulatum fingit amorem,  
Et se plus uni si qua parare potest.  
At me non ætas mutabit tota Sibyllæ,  
Non labor Alcidae, non niger ille dies.  
Tu mea compones, & dices, Ossa, Propertii,  
Hæc tua sunt: cheu tu mihi certus eras.  
Certus eras cheu, quamvis nec sanguine avito  
Nobilis, & quamvis non ita dives eras.  
Nil ego non patiar: nunquam me injuria mutat.  
Ferre ego formosam nullum onus esse puto.  
Credo ego non paucos ista periisse figura:  
Credo ego, sed multos non habuisse fidem.  
Parvo dilexit spatio Minoïda Theseus,  
Phyllida Demophoon; hospes uterque malus.  
Jam tibi Iasonia nota est Medea carina,  
Et modò servato sola relicta viro.  
Noli nobilibus, noli conferre beatis.  
Vix venit, extremo qui legat ossa die.  
Si tibi nos erimus: sed tu potius, precor, ut me  
Demissis plangas pectore nuda comis.  
Unica nata meo pulcherrima cura dolori,  
Excludit quoniam fors mea, sæpe venis.  
Ista meis fiet notissima forma libellis:  
Calve, tua venia; pace, Catulle, tua.

Miles depositis annosus secubat armis ;  
Gravidaeque negant ducere aratra boves :  
Putris & in vacua requiescit navis arena ;  
Et vetus in templo bellica parva vacat.  
At me ab amore tuo deducet nulla senectus ;  
Sive ego Tithonus, sive ego Nestor ero.  
Et si secula forent antiquis grata puellis ,  
Essem ego , quod nunc tu : tempore vincor ego.  
Non tamen ista meos mutabunt secula mores.  
Unusquisque sua noverit ire via.  
Nonne fuit satius duro servire tyranno ?  
Et gemere in tauro, sæve Perille, tuo ?  
Gorgonis & satius fuit obdurescere vultu ?  
Caucasias etiam si pateremur aves ?  
Sed tamen obstitam : teritur rubigine mucro.  
Ferreus, & parvo sæpe liquore silex.  
At nullo dominæ teritur sub limine amor, qui  
Restat, & immerita sustinet aure minas.  
Utrò contemptus rogat, & peccasse fatetur  
Læsus, & invitis ipse redit pedibus.  
Tu quoque, qui pleno fastus assumis amore,  
Credule, nulla diu femina pondus habet.  
An quisquam in meditis persolvit vota procellis,  
Cum sæpe in portu fracta carina natet ?  
Aut prius infecto deposcit præmia cursu,  
Septima quam metam triverit ante rota ?  
Mendaces ludunt flatus in amore secundis.  
Si qua venit serò, magna rursus venit.  
Tu tamen interea, quamvis te diligat illa,  
In tacito cohibe gaudia clausa sinu.  
Namque in amore suo semper sua maxima cuique,  
Nescio quo pacto, verba nocere solent.  
Quamvis te persæpe vocet, semel ire memento.  
Invidiam quod habet, non solet esse diu.  
At vos, qui officia in multos revocatis amores,  
Quantum sic cruciat lumina vestra dolor ?  
Vidistis pleno teneram candore puellam ;

Vidistis fusco: ducit uterque color.  
 Vidistis quandam Argiva prodire figura;  
 Vidistis nostras: utraque forma rapit.  
 Illaque plebeio, vel sit landicis amictu,  
 Hæc atque illa mali vulneris una via est.  
 Cùm satis una ruis insomnia portet ocellis,  
 Una sit & cuius femina multa mala.

## ELEGIA XX.

AD CYNTHIAM, DE SOMNIO NAUFRAGII.

VIdi te in somnis fracta, mea vita, carina  
 Ionio lassas ducere rore manus;  
 Et quæcumque in me fueras mentita, fateri;  
 Nec jam humore graves tollere posse comas:  
 Qualem purpureis agitatam fluctibus Hellen,  
 Aurea quam molli tergore vexit ovis.  
 Quàm timui, ne fortè tuum mare nomen haberet,  
 Atque tua labens navita fieret aqua!  
 Quæ tum ego Nepruno, quæ tum cum Castore fratri,  
 Quæque tibi excepi tum, Dea Leucothoë?  
 At tu, vix primas extollens gurgite palmas,  
 Sæpe meum nomen jam peritura vocas.  
 Quod si fortè tuos vidisset Glaucus ocellos,  
 Esses Ionii facta puella maris;  
 Et tibi præ invidia Nereïdes increpitarent,  
 Candida Nisæ, cærule Cymothoë.  
 Sed tibi subsidio Delphinum currere vidi,  
 Qui, puto, Arioniam vexerat antè Iyram.  
 Jamque ego conabar summo me mittere saxo,  
 Cùm mihi discussit talia visa merus.  
 Nunc admirentur, quod tam mihi pulchra puella  
 Serviat, & tota dicar in urbe potens.  
 Non, si Cambyse redeant, & flumina Croesi,



Dicat : De nostro surge , poëta , toro.  
 Nam mea cùm recitat , dicit se odisse beatos.  
 Carmina tam sanctè nulla puella colit.  
 Multùm in amore fides , multùm constantia prodest.  
 Qui dare multa potest , multa & amare potest.  
 Seu mare per longum mea cogitet ire puella ,  
 Hanc sequar , & fidos una ager aura duos.  
 Unum litus erit sopitis , unaque tecto  
 Arbor , & ex una sæpe bibemus aqua.  
 Et tabula una duos poterit componere amantes ,  
 Prora cubile mihi , seu mihi puppis erit.  
 Omnia perpetiar , sævus licèt urgeat Euris ,  
 Velaque in incertum frigidus Auster agat ;  
 Quicumque & venti miserum vexastis Ulysses ,  
 Et Danaùm Euboico litore mille rates ;  
 Et qui movistis duo litora , cùm rudis Argus  
 Dux erat ignoto missa columba mari.  
 Illa meis tantùm non unquam desit ocellis ,  
 Incendat navem Juppiter ipse licèt.  
 Certè isdem nudi pariter jactabimur oris ,  
 Me licèt unda ferat , te modò terra tegat.  
 Sed non Neptunus tanto crudelis amori ,  
 Neptunus fratri par in amore Jovi.  
 Testis Amymon , latices cùm ferret in arvis  
 Compressa , & Lerne pulsa tridente palus.  
 Jam Deus amplexu votum persolvit ; at illi  
 Aurea divinas urna profudit aquas.  
 Crudelem & Boream rapta Orithyia negavit.  
 Hic Deus & terras , & maria alta domat.  
 Crede mihi , nobis mitescet Scylla , nec unquam  
 Alternante vorans vasta Charybdis aqua.  
 Ipsaque sidera erunt nullis obscura tenebris.  
 Purris & Orion , purus & Hædus erit.  
 Quòd mihi si ponenda tuo sit corpore vita ,  
 Exitus hic nobis non inhonestus erit.  
 At vos incertam , mortales , funeris horam  
 Quæritis , & qua sit mors aditura via :

Queritis & cœlo Phœnicum inventa sereno,  
 Quæ sit stella homini commoda, quæque mala:  
 Seu pedibus Parthos sequimur, seu classe Britannos,  
 Et maris & terræ cæta pericla viæ.  
 Rursus & objectum fletis capiti esse tumultum,  
 Cùm Mavors dubias miscet utrinque manus.  
 Præterea domibus flammam, domibusque ruinam;  
 Neu subeant labris pocula nigra suis.  
 Solus amans novit, quando peritrus, & à qua  
 Morte; neque hic Boreæ flabra, neque arma timet.  
 Jam licet & Stygia sedeat sub arundine remex,  
 Cernat & infernæ tristitia vela ratis;  
 Si modò clamantis revocaverit aura puellæ,  
 Concessum nulla lege redibit iter.

---

## ELEGIA XXI.

AD JOVEM, PRO AMICA EGROTANTE.

**J**UPPITER affectæ tandem miserere puellæ:  
 Tam formosa tuum mortua crimen erit.  
 Hoc tibi vel poterit conjux ignoscere Juno.  
 Frangitur & Juno, si qua puella perit.  
 Venit enim tempus, quo torridus æstuat aër,  
 Incipit & sicco fervere terra cane.  
 Sed non tam ardoris culpa est, neque crimina cœli,  
 Quàm toties sanctos non habuisse Deos.  
 Hoc perdit miseras; hoc perdidit antè puellas:  
 Quicquid jurârunt, ventus, & unda rapit.  
 Num sibi collatam doluit Venus? illa peræque  
 Præ se formosis invidiosa Dea est.  
 An contempta tibi Junonis templa Pelasgæ?  
 Palladis aut oculos ausa negare bonos?  
 Semper, formosæ; non nostis parcere verbis.  
 Hoc tibi lingua nocens, hoc tibi forma dedit.

Sed tibi vexatae per multa pericula vitae  
 Extremo veniet mollior hora die.  
 Io versa caput primos mugiverat annos :  
 Nunc Dea , quæ Nili flumina vacca bibit.  
 Iuo etiam prima terras ætate vagata est :  
 Hanc miser implorat navita Leucothoën.  
 Andromede monitis fuerat devota marinis :  
 Hæc eadem Persei nobilis uxor erat.  
 Callisto Arcadios erraverat ursa per agros :  
 Hæc nocturna suo sidere vela regit.  
 Quod si fortè tibi properârint fata quietem ,  
 Illa sepulturæ fata beata tuæ ;  
 Narrabis Semelæ , quo sit formosa periclo ,  
 Credet & illa suo docta puella malo.  
 Et tibi Mæonias inter Heroïdas omnes  
 Primus erit , nulla non tribuente , locus.  
 Nunc , ut cunque potes , fato gere faucia morem :  
 Et Deus , & durus vertitur ipse dies.  
 Deficiunt magico torti sub carmine rhombi :  
 Et tacet extincto laurus adusta foco.  
 Et jam Luna negat toties descendere cœlo ;  
 Nigraque funestum concinit omen avis.  
 Una ratis fati nostros portabit amores  
 Cæcula ad infernos velificata lacus.  
 Si non unius , quæso , miserere duorum :  
 Vivam , si viver : si cadet illa , cadam.  
 Pro quibus optatis sacro me carmine damno :  
 Scribam ego : „ Per magnum est salva puella Jovem.  
 Ante tuosque pedes illa ipsa adoperta sedebit ,  
 Narrabitque sedens longa pericla sua.  
 Hæc tua , Persephone , maneat clementia ; nec tu  
 Persephones conjux , sæviot esse velis.  
 Sunt apud infernos tot millia formosarum :  
 Pulchra sit in superis , si licet , una locis.  
 Vobiscum est Iole , vobiscum candida Tyro ,  
 Vobiscum Europe , nec proba Pasiphae ;  
 Ex quot Iona tulit , vetus & quot Achæia formas ,  
 Et

Et Thebæ, & Priami diruta regna senis;  
 Et quæcunque erat in numero Romana puella,  
 Occidit; has omnes ignis avarus habet.  
 Nec forma æternum, aut cuiquam est fortuna perennis  
 Longius, aut propius, mors sua quemque manet.  
 Tu quoniam es, mea lux, magno demissa periclo,  
 Muneræ Dianæ debita redde choros.  
 Redde etiam excubias Divæ nunc, antè juvencæ:  
 Votivas noctes & mihi redde decem.

---

## ELEGIA XXII.

A D CYNTHIAM.

**H**ESTERNA, mea lux, cùm potius nocte vagarer,  
 Nec me servorum duceret ulla manus,  
 Obvia, nescio quor' pueri, mihi turba minuta  
 Venerat: hos vetuit me numerare timor.  
 Quorum alii faculas, alii retinere sagittas,  
 Pars etiam visa est vincla parare mihi.  
 Sed nudi fuerant: quorum lascivior unus,  
 Arripite hunc, inquit; nam bene nôstis eum.  
 Hic erat; hunc mulier nobis irata locavit.  
 Dixit, & in collo jam mihi nodus erat.  
 Hic alter jubet in medium propellere; & alter,  
 Intereat, qui nos non putat esse Deos.  
 Hæc te non meritum totas expectat in horas;  
 At tu nescio quas quæris, inepte, fores.  
 Quæ cùm Sidoniæ nocturna ligamina mittæ  
 Solverit, atque oculos moverit illa graves,  
 Afflabunt tibi non Arabum de gramine odores;  
 Sed quos ipse suis fecit Amor manibus.  
 Parcite jam, fratres: jam certos spondet amores;  
 Et jam ad mandatam venimus ecce domum.  
 Atque ita mî injecto dixerunt rursus amici,

I nunc, & noctes disce manere domi.  
 Mane erat, & volui, si sola quiesceret illa,  
 Visere: at in lecto Cynthia sola fuit.  
 Obstupui: non illa mihi formosior unquam  
 Visa, neque ostrina cum fuit in tunica.  
 Ibat & hinc castæ narratum somnia Vestæ,  
 Neu sibi, neve mihi quæ nocitura forent.  
 Talis visa mihi somno demissa recenti.  
 Heu quantum per se candida forma valet!  
 Quid tu matutinus, ait, speculator amicæ,  
 Me similem vestris moribus esse putas?  
 Non ego tam facilis: sat erit mihi cognitus unus,  
 Vel tu, vel si quis verior esse potest.  
 Apparent non ulla toro vestigia presso  
 Signa voluptatis, nec jacuisse duos.  
 Adspice ut in toto nullus mihi corpore surgat  
 Spiritus, admissio notus adulterio.  
 Dixit, & opposita propellens suavia dextra,  
 Prosilir in laxa nixa pedem solea.  
 Sic ego tam sancti custos excludor amoris.  
 Ex illo felix nox mihi nulla fuit.

---

## E L E G I A X X I I I.

## A D C Y N T H I A M.

**Q**UERIS, cur veniam tibi tardior? aurea Phœbi  
 Porticus à magno Cæsare aperta fuit.  
 Tota erat in spatium Pœnis digesta columnis;  
 Inter quas Danaï femina turba senis.  
 Hic equidem Phœbo visus mihi pulcrior ipso  
 Marmoreus tacita carmen hiare lyra.  
 Atque aram circum steterant armenta Myronis.  
 Quatuor artificis vivida signa boves.  
 Tum medium Clario surgebat marmore templum,

Et patria Phœbo carius Ortygia.  
 Auro Solis erat supra fastigia currus,  
 Et valvæ Libyci nobile dentis opus.  
 Altera dejectos Parnassi vertice Gallos,  
 Altera mœrebat funera Tantalidos.  
 Deinde inter matrem Deus ipse, interque sororem,  
 Pythius in longa carmina veste sonat.  
 Illic adspicias scopulis hædere sorores,  
 Et canere antiqui dulcia furta Jovis;  
 Ut Semele est combustus, ut est deperditus Io;  
 Denique ut ad Trojæ testâ volarit avis.  
 Qui videt, is peccat: qui non & viderit, ergo  
 Non cupiet: facti crimina lumen habet.  
 Quod si nemo exstat, qui vicerit alitis arma,  
 Communis culpæ cur reus unus agor?  
 Una contentum pudeat me vivere amica?  
 Hoc si crimen erit, crimen amoris erit.  
 Mî nemo objiciat: libeat tibi, Cynthia, mecum  
 Roscida muscosis antra tenere jugis.  
 Nec tu Virginibus reverentia moveris ora:  
 Hic quoque non nescit, quid sit amare, chorus.  
 Si tamen Oeagri quædam compressa figura  
 Bistonis olim rupibus accubuit.  
 Hîc ubi me prima statuent in parte choreæ,  
 Et medius testâ cuspide Bacchus erit;  
 Tum capiti sacros patiar pendere corymbos:  
 Nam sine te nostrum non valet ingenium.  
 Hoc utinam spatium loco, quodcumque vacabis,  
 Cynthia: sed tibi me credere turba vetat,  
 Cùm videt accensis devotam currere rædis  
 In nemus, & Triviæ lumina ferre Deæ.  
 Nam quid Prænestis dubias, & Cynthia, sortes,  
 Quid petis Æzî mœnia Telegoni?  
 Cur-ve te in Herculeum deportant effeda Tîbur?  
 Appia cur toties te via ducir anum?  
 Scilicet umbrosis sordet Pompeia columnis  
 Porticus aulæis nobilis Artalicis;

Et creber platanis pariter surgentibus ordo,  
 Flumina sopito quæque Marone cadunt;  
 Et leviter nymphis tota crepitantibus urbe,  
 Cùm subito Triton ore recondit aquam.  
 Falleris; ista tui furtum via monstrat amoris.  
 Non urbem, demens, lumina nostra fugis.  
 Quò fugis, ah demens? nulla est fuga: tu licèt usque  
 Ad Tanaïm fugias, usque sequetur Amor.  
 Non, si Pegaseo vesteris in aëre dorso;  
 Nec, tibi si Persei moverit ala pedes.  
 Vel si te festæ rapiant talaribus auræ,  
 Nil tibi Mercurii proderit alta via.  
 Instat semper Amor supra caput, instat amanti;  
 Et gravis ipse super libera colla sedet.  
 Excubat ille acer custos, & tollere nunquam  
 Te patietur humo lumina capta senel.  
 Et jam si pecces, Deus exorabilis ille est,  
 Si modò præsentem viderit esse preces.  
 Num jam, dura, paras Phrygias nunc ire per undas,  
 Et petere Hyrcani litora nota maris?  
 Spargereque alterna communes cæde penates,  
 Et ferre ad patrios præmia dira lares?  
 Nil agis: infidias in me componis inanes:  
 Tendis iners docto recta nota mihi.  
 Sed de me minùs est: famæ jactura pudicæ.  
 Tanta tibi miseræ, quanta mereris, erit.  
 Nuper enim de te nostras me lædit ad aures  
 Rumor, & in tota non bonus urbe fuit.  
 Sed te non debes inimicæ credere linguæ:  
 Semper formosis fabula pœna fuit.  
 Non tua deprenso damnata est fama veneno:  
 Testis eris puras, Phœbe, videre manus.  
 Sin autem longo nox una, aut altera lusu.  
 Consumpta est, non me crimina parva movent.  
 Ista senes licet accusent convivia duri:  
 Nos modò propositum, vita, teramus iter.  
 Illorum antiquis onerentur legibus aures:

Hic locus est, in quo, tibia docta, sonas;  
 Quæ non jure vado Mæandri jacta natasti,  
 Turpia cùm faceret Palladis ora tumor.  
 Tyndaris externo patriam mutavit amore,  
 Et sine decreto est viva reducta domum.  
 Ipsa Venus quamvis corrupta libidine Martis,  
 Nec minùs in cœlo semper honesta fuit.  
 Quamvis Ida Parim pastorem dicat amâsse,  
 Atque inter pecudes accubuisse Deam:  
 Hoc & Hamadryadum spectavit turba sororum,  
 Silenique senes, & pater ipse chori;  
 Cum quibus Idæo legisti poma sub antro  
 Supposita excipiens, Nâi, caduca manu.  
 An quisquam in tanto stuprorum examine quærit,  
 Cur hæc tam dives? quis dedit? unde dedit?  
 O nimium nostro felicem tempore Romam,  
 Si contra mores una puella facit.  
 Hæc eadem ante illam impunè & Lesbia fecit.  
 Quæ sequitur, certè est invidiosa minùs.  
 Qui quærit Tarios veteres, durosque Sabinos,  
 Hic posuit nostra nuper in urbe pedem.  
 Tu prius & fluctus poteris siccare marinos,  
 Altaque mortali deligere astra manu,  
 Quàm facere, ut nostræ nolint peccare puellæ.  
 Hic mos Saturno regna tenente fuit;  
 Et cùm Deucalionis aquæ fluxere per orbem,  
 Et post antiquas Deucalionis aquas.  
 Dic mihi; quis potuit lectum servare pudicum?  
 Quæ Dea cum solo vivere sola Deo?  
 Uxorem quondam magni Minois, ut aiunt,  
 Corruptit torvi candida forma bovis.  
 Nec minùs ærato Danae circumdata muro,  
 Non potuit magno casta negare Jovi.  
 Quòd si tu Grajas, seu sis imitata Latinas,  
 Semper vive meo libera judicio.





## ELEGIA XXIV.

A D C Y N T H I A M.

**T**RISTIA jam redeunt iterum solennia nobis  
 Cynthia jam noctes est operata decem.  
 Atque utinam Nilo pereat quæ sacra tepente  
 Misit matronis Inachis Ausoniis.  
 Quæ Dea tam cupidos toties divisit amantes,  
 Quæcumque illa fuit, semper amara fuit.  
 Tu certè Jovis occultis in amoribus, Io,  
 Sensisti, multas quid sit inire vias;  
 Cum te jussit habere puellam cornua Juno,  
 Et pecoris duro perdere verba sono.  
 Ah! quoties quernis læsisti frondibus ora;  
 Mansisti stabulis abdita pasta tuis.  
 An, quoniam agrestem detraxit ab ore figuram  
 Juppiter, idcirco facta superba Dea es?  
 An tibi non satis est fuscis Ægyptus alumnis?  
 Cur tibi tam longa Roma petita via est;  
 Quidve tibi prodest viduas dormire puellas?  
 Sed tibi, crede mihi, cornua rursus erunt:  
 Aut nos è nostra te, sæva, fugabimus urbe.  
 Cum Tiberi Nilo gratia nulla fuit.  
 At tu quæ nostro nimium placata dolori es,  
 Noctibus his vacui ter faciamus iter.  
 Non audis, & verba finis mea ludere, cum jam  
 Flestant Icarii sidera tarda boves.  
 Lenta bibis: mediæ nequeunt te frangere noctes.  
 An nondum est talos mittere lasa manus?  
 Ah pereat quicumque meracas repperit uvas,  
 Corruptique bonas nectare primus aquas.  
 Icare Cecropiis meritò jugulate colonis,  
 Pampineus, nôsti, quàm sit amarus odor.

Tu quoque, ô Eurytion, vino, Centaure, peristi;  
 Necnon Ismario, tu Polypheme, mero.  
 Vino forma perit, vino corrumpitur ætas,  
 Vino sæpe suum nescit amica virum.  
 Me miserum, ut multo nihil es mutata Lyæo?  
 Jam bibe: formosa es; nil tibi vina nocent.  
 Cum tua præpendent demissa in pocula sarta,  
 Et mea deducta carmina voce legis,  
 Largius effuso madeat tibi mensa Falerno,  
 Spumet & aurato mollius in calice.  
 Nulla ramen lecto recipit se sola libenter:  
 Est quiddam, quod vos quærere cogat amor.  
 Semper in absentes felicior æstus amantes.  
 Elevat assiduos copia longa viros.

## ELEGIA XXV.

AD LYNCEUM POSTAM.

CUM quisquam faciem dominæ jam credat  
 Amori?  
 Sic crepta mihi penè puella mea est.  
 Expertus dico: nemo est in amore fidelis.  
 Formosam rarò non sibi quisque petit.  
 Polluit ille Deus cognatos, solvit amicos,  
 Et bene concordēs tristia ad arma vocat.  
 Hospes in hospitium Menelao venit adulter;  
 Colchis & ignotum nunc secuta virum est.  
 Lynceus, tunc meam potuisti tangere curam?  
 Perfide, nonne tuæ tunc cecidere manus?  
 Quid, si non constans illa & tam certa fuisset?  
 Posses in tanto vivere flagitio?  
 Tu mihi vel ferro pectus, vel perde veneno:  
 A domina tantum te modò tolle mea.  
 Te socium vitæ, te corporis esse licebit.

Te dominum admitto rebus, amice, meis.  
 Lecto te solum, lecto te deprecor uno:  
 Rivalem possum non ego ferre Jovem.  
 Ipse meas solus, quod nil est, æmulor umbras;  
 Stultus, quod stulto sæpe timore tremo.  
 Una tamen caussa est, qua crimina tanta remitto,  
 Errabant multo quod tua verba mero.  
 Sed nunquam vitæ me fallit ruga severæ.  
 Omnes jam nôrunt, quàm sit amare bonum.  
 Lynceus ipse meus seros insanit amores:  
 Solum te nôstros lætor adire Deos.  
 Quid tua Socraticis tibi nunc sapientia libris  
 Proderit? aut rerum dicere posse vias?  
 Aut quid Lucreti tibi profunt carmina lecta?  
 Nil juvat in magno vester amore senex.  
 Tu satius Musis meliorem imitere Philetam,  
 Et non inflati somnia Callimachi.  
 Non rursus licet Ætoli referas Acheloi  
 Fluxerit ut magno factus amore liquor;  
 Atque etiam ut Phrygio fallax Mæandria campo  
 Errat, & ipsa suas decipit unda vias;  
 Qualis & Adraști fuerit vocalis Arion,  
 Tristis ad Archemori funera victor equus.  
 Amphiarææ nil profunt fata quadrigæ;  
 Aut Capanei magno grata ruina Jovi.  
 Define & Æschyleo componere verba cothurno;  
 Define, & ad molles membra resolve choros.  
 Incipe jam angusto versus includere torno;  
 Inque tuos ignes, dure poëta, veni.  
 Tu non Antimacho, non tutior ibis Homero.  
 Despicit & magnos recta puella Deos.  
 Sed non antè gravis taurus succumbit aratro,  
 Cornua quàm validis hæserit in laqueis.  
 Nec tu tam duros per te patieris amores:  
 Trux tamen à nobis antè domandus eris.  
 Harum nulla solet rationem quærere mundi;  
 Nec cur fraternis Luna labores equis;

Nec

Nec si post Stygias aliquid restaverit undas;  
Nec si consultò fulmina missa tonent.  
Aspice me, cui parva domi fortuna relicta est,  
Nullus & antiquo Marte triumphus avi;  
Ut regnem mistas inter conviva puellas,  
Hoc ego, quo tibi nunc elevor, ingenio.  
Me juvet hesternis positum languere corollis,  
Quem tetigit jactu certus ad ossa Deus;  
Actia Virgilium custodis litora Phœbi,  
Cæsaris & fortes dicere posse rates;  
Qui nunc Æneæ Trojani suscitât arma,  
Jactaque Laviniis mœnia litoribus.  
Cedite, Romani scriptores, cedite, Graii:  
Nescio quid majus nascitur Iliade.  
Tu canis umbrosi subter pineta Galeffi  
Thyrfin, & attritis Daphnin arundinibus;  
Utque decem possint corrumpere mala puellam,  
Missus & impressis hœdus ab uberibus.  
Felix, qui viles pomis meroaris amores,  
Huic licet ingrata Tityrus ipse canat.  
Felix, intactum Corydon qui tentat Alexia  
Agricolæ domini carpere delicias.  
Quamvis ille sua lassus requiescat avena,  
Laudatur faciles inter Hamadryadas.  
Tu canis Asoræi veteris præcepta poetæ,  
Quo seges in campo, quo viret uva jugo.  
Tale facis carmen docta testudine, quale  
Cynthiaus impositis temperat articulis.  
Non tamen hæc ulli venient ingrata legenti,  
Sive in amore rudis, sive peritus exit.  
Nec minor his animis, nec se minor ore canorum  
Anseris indocto carmine cessit olor.  
Hæc quoque perfectò ludebat Iasone Varro,  
Varro Leucadiæ maxima flamma suæ.  
Hæc quoque lascivi cantârunt scripta Catulli,  
Lesbia queis ipsa notior est Helena.  
Hæc etiam docti confessa est pagina Calvi.

Cùm caneret miseræ funera Quintiliæ;  
 Et modò formosa qui multa Lycoride Gallus  
 Mortuus inferna vulnere lavit aqua.  
 Cynthia quin etiam versu laudata Propertii:  
 Hos inter si me ponere fama volet.

S E X. A U R E L I I  
 P R O P E R T I I  
 L I B E R I I L

E L E G I A P R I M A.

A D C A L L I M A C H I M A N E S.



ALLIMACHI manes, & Coi sacra  
 Philetæ,

In vestrum, queso, me sinite ire  
 nemus.

Primus ego ingredior puro de fonte  
 sacerdos

Italia per Grajos orgia ferre choros.

Dicite, quo pariter carmen tenuistis in antro,

Quove pede ingressi, quamve bibistis aquam.

Ah! valeat, Phœbum quicumque moratur in armis.

Exactus tenui punice versus eat.

Quò me fama leuat terra sublimis, & à me.

Nata coronatis Musa triumphat equis,

Et mecum in curru parvi veſtantur Amores,

Scriptorumque meas turba secuta rotas.

Quid frustra missis in me certatis habenis?  
Non datur ad Musas currere lata via.  
Multi, Roma, tuas laudes annalibus addent,  
Qui finem imperii Bactra futura canent.  
Sed, quod pace legas, opus hoc de monte Sororum  
Detulit intacta pagina nostra via.  
Mollia, Pegafides, vestro date certa poetæ:  
Non faciet capiti dura corona meo.  
At mihi, quod vivo detraxerit invida turba,  
Post obitum duplici fœnore reddet honos.  
Omnia post obitum fingit majora vetustas;  
Majus ab exequiis nomen in ora venit.  
Nam quis equo pulsas abiegnò nosceret arces?  
Fluminaque Amonio comminans isse viro?  
Idæum Simoënta Jovis cunabula parvi?  
Hæciora per campos ter maculasse rotas?  
Deiphobumq; Helenumq; & Polydamanta sine armis,  
Qualemcunque Parin vix sua nôssset humus.  
Exiguo sermone fœres nunc, Ilion, & tu,  
Troja, bis Oetæi numine capta Dei.  
Necnon ille tui casûs memorator Homerum  
Posteritate suum crescere sentit opus.  
Meque inter feros laudabit Roma nepotes.  
Illum post cineres auguror ipse diem.  
Ne mea contempto lapis indicet ossa sepulcro  
Provisum est, Lycio vota probante Deo.  
Carminis interea nostri redeamus in orbem,  
Gandeat ut solito tacta puella sono.  
Orpheu, te duxisse feras, & concita dicunt  
Flumina Threicia detinuisse lyra.  
Saxa Cithærdonis Thebas agitata per artem  
Sponte sua in muri membra coisse ferunt.  
Quin etiam, Polypheme, fera Galatea sub Ætna  
Ad tua rorantes carmina flexit equos.  
Mitemur, nobis & Baccho & Apolline dextro,  
Turba puellarum si mea verba colit?  
Quòd non Tænariis domus est mihi sulca columbis,

Nec camera auratas inter eburna trabes,  
 Nec mea Phæacas æquant pomaria silvas,  
 Non operosa rigat Marcius antra liquor:  
 At Musæ comites, & carmina cara legenti,  
 Et defessa choris Calliopea meis.  
 Fortunata, meo si qua es celebrata libello!  
 Carmina erunt formæ tot monumenta tuæ.  
 Nam neque Pyramidum fumtus ad sidera ducti,  
 Nec Jovis Elæi cælum imitata domus;  
 Nec Mausolei dives fortuna sepulcri  
 Mortis ab extrema conditione vacant.  
 Aut illis flamma, aut imber subducet honores;  
 Annorum aut ictu pondera victa ruent.  
 At non ingenio quæsitum nomen ab ævo  
 Excidet: ingenio stat sine morte decus.

---

## E L E G I A I I.

## P R O P E R T I I S O M N I U M.

**V**isus eram molli recubans Heliconis in umbra,  
 Bellerophonteï quæ fluxit humor equi,  
 Reges, Alba, tuos, & regum facta tuorum,  
 Tantum operis, nervis hiscere posse meis.  
 Parvaque tam magnis admôram fœntibus ora,  
 Unde pater sitiens Ennius antè bibit;  
 Et cecink Curios fratres, & Horatia pila,  
 Regiaque Æmilia vœta trophæa rate;  
 Victricesque moras Fabii, pugnamque sinistram  
 Cannensem, & versos ad pia vota Deos;  
 Hannibalemque Lares Romana sede fugantes,  
 Anseris & tutum voce fuisse Jovem:  
 Cùm me Castalia speculari ex arbore Phœbus,  
 Sic ait, aurata nixus ad antra lyra:  
 Quid tibi cum tali, demens, est flumine? quis te

Carminis heroi tangere iussit opus?  
Non hinc ulla tibi speranda est fama, Properti.  
Mollia sunt parvis prata terenda rotis,  
Ut tuus in scamno jactetur sæpe libellus,  
Quem legat expectans sola puella virum.  
Cur tua præscriptos evecta est pagina gyros?  
Non est ingenii cymba gravanda tui.  
Alter remus aquas, alter tibi radat arenas;  
Tutus eris: medio maxima turba mari est.  
Dixerat, & plectro sedem mihi monstrat eburno,  
Quà nova muscoso semita facta solo est.  
Hic erat affixis viridis spelunca lapillis,  
Pendebantque cavis tympana pumicibus;  
Ergo Musarum, & Sileni patris imago  
Fictilis, & calami, Pan Tegeæ, tui;  
Et Veneris dominæ volucres, mea turba, columbæ  
Tingunt Gorgoneo punica rostra lacu;  
Diversæque novem sortitæ jura puellæ  
Exercent teneras in sua dona manus.  
Hæc hederas legit in thyrsos, hæc carmina nervis  
Aptat, & illa manu textit utraque rosam.  
E quarum numero me contigit una Dearum:  
Ut reor à facie, Calliopea fuit.  
Contentus niveis semper vectabere cymis;  
Nec te fortis equi ducet ad arma sonus.  
Nil tibi sit rauco Prætoris classica cornu  
Flare, nec Aonium cingere Marte nemus;  
Aut quibus in campis Mariano prælia signo  
Stent, & Teutonicas Roma refringat opes;  
Barbarus aut Suevo perfusus sanguine Rhenus  
Saucia mœrensi corpora vectet aqua.  
Quippe coronatos alienum ad limen amantes,  
Nocturnæque canes ebria signa fugæ.  
Ut per te clausas sciat excantare puellas,  
Qui volet austeros arte ferire viros.  
Talia Calliope; lymphisque à fonte petitis,  
Ora Philetea nostra rigavit aqua.



## E L E G I A I I I.

## D E S C R I P T I O T R I U M P H I.

**A** RMA Deus Cæsar dites meditatur ad Indos,  
 Et freta gemmiferi findere classe maris.  
 Magna viri merces: parat ultima terra triumphos.  
 Tigris, & Euphrates sub tua jura fluent.  
 Seres & Aufoniis venient provincia virgis.  
 Assuescent Latio Partha trophæa Jovi.  
 Ite, agite; expertæ bello date lintea proræ,  
 Et solitum armigeri ducite munus equi.  
 Omnia fausta cano. Crassos, cladesque piate:  
 Ite, & Romanæ consulite historiæ.  
 Mara pater, & sacræ fatalia lumina Vestæ,  
 Ante meos obitus sit, precor, illa dies;  
 Qua videam spoliis onerato Cæsaris axe,  
 Ad vulgi plausus sæpe resistere equos;  
 Inque sinu caræ nixus spectare puellæ  
 Incipiam, & titulus oppida capta legam;  
 Tela fugacis equi, & brachati militis arcus,  
 Et subter captos arma sedere duces.  
 Ipsa tuam prolem serua, Venius: hoc sit in ævum,  
 Cernis ab Ænea quod superesse caput.  
 Præda sit hæc illis, quorum meruere labores:  
 Mî sat erit Sacra plaudere posse via.  
 Pacis Amor Deus est; pacem veneramus amantes:  
 Stant mihi cum domina prælia dura mea.  
 Nec tamen inviso pectus mihi carpitur auro;  
 Nec bibit è gemma divite nostra sitis;  
 Nec mihi mille jugis Campania pinguis aratur;  
 Nec miser æra paro clade, Corinthe, tua.  
 O prima infelix fingenti terra Prometheo.  
 Ille parùm cauri pectoris egit opus.

Corpora disponens, mentem non vidit in arte:  
 Recta animi primum debuit esse via.  
 Nunc maris in tantum vento jactamur, & hostem  
 Quærimus; atque armis nectimus arma nova.  
 Naud ullas portabis opes Acherontis ad undas:  
 Nudus ab inferna, stulte, vehere rate.  
 Victor cum victis pariter miscebimur Indis.  
 Consule cum Mario, capte Jugurtha, sedes.  
 Lydus Dulichio non distat Cretus ab Iro.  
 Optima mors, parca quæ venit apta die.  
 Me juvat in prima coluisse Heliconæ juventa,  
 Musarumque choris implicuisse manus.  
 Me juvat & multo mentem vincere Lyæo,  
 Et caput in verna semper habere rosa.  
 Arque ubi jam Venerem gravis interceperit ætas,  
 Sparferit & nigras alba senectæ comas;  
 Tum mihi naturæ libeat perdiscere mores;  
 Quis Deus hanc mundi temperet arte domum;  
 Qua venit exorians, qua deficit, unde coactis  
 Cornibus in plenum menstrua Luna redit;  
 Unde salo superant venti; quid flamine capter  
 Euræus, & in nubes unde perennis aqua;  
 Sit ventura dies mundi quæ subruat arces;  
 Purpureus pluvias cur bibit arcus aquas;  
 Aut cur Perihæbi tremuere cacumina Pindî;  
 Solis & atratis lûxerit orbis equis;  
 Cur serus versare boves, & plaustra Bootes;  
 Pleiæadum spisso cur coit igne chorus;  
 Cur-ve suos fines altum non exeat æquor;  
 Plenus & in partes quatuor annus eat;  
 Sub terris si jura Deûm & tormenta Gigantum;  
 Tisiphones atro si furit angue caput;  
 Aut Alcæoniæ furis, aut jejuna Phinci;  
 Num rota, num scopuli, num sitis inter aquas;  
 Num tribus infernum custodit faucibus antrum  
 Cerberus, & Tityo jugera pauca novem;  
 An ficta in miseras descendit fabula gentes,  
X. iiii.

Et timor haud ultra, quàm rogus, esse potest.  
Exitus hic vitæ superest mihi. Vos, quibus arma  
Grata magis, Crassi signa referte domum.

---

## E L E G I A I V.

A D L Y G D A M U M.

**D**ic mihi de nostra, quæ sentis vera, puella:  
Sic tibi sint dominæ, Lygdame, demta juga.  
Num me læticia tumefactum fallis inani,  
Hæc referens, quæ me credere velle putas?  
Omnis enim debet sine vano nuncius esse,  
Majoremque metu servus habere fidem.  
Nunc mihi, si qua tenes, ab origine dicere prima:  
Incipe: suspensis auribus ista bibam.  
Siccine eam incomtis vidisti flere capillis?  
Illius ex oculis multa cadebat aqua?  
Nec speculum strato vidisti, Lygdame, lecto?  
Ornabat niveas nullane gemma manus?  
Ac mortuam teneris vestem pendere lacertis?  
Scriniaque ad lecti clausa jacere pedes?  
Tristis erat domus? & tristes sua pensa ministræ  
Carpebant? medio nebat & ipsa loco?  
Humidaque impressa siccabat lumina lana?  
Rettulit & querulo jurgia nostra sono?  
Hæc te teste mihi promissa est, Lygdame, merces?  
Est pornæ servo rumpere teste fidem.  
Ille potest nullo miseram me linquere facto?  
Et qualem nulla dicere habere demo,  
Gaudet me vacuo solam tabescere lecto?  
Si placet, insultet, Lygdame, morte mea.  
Non me moribus illa, sed herbis improba vicit.  
Staminea rhombi ducitur ille rota.  
Illum turgentis ranae portenta rubetæ,

Et lecta exsecutis anguibus ossa trahunt;  
Et strigis inventæ per busta jacentia plumæ,  
Cinctaque funesto lanæa vitta viro.  
Si non vana canunt mea, Lygdame, somnia, testor:  
Pœna erit ante meos sera; sed ampla, pedes.  
Putris & in vacuo textetur aranea lecto.  
Noctibus illorum dormiet ipsa Venus.  
Quæ tibi si veris animis est quæsta puella,  
Hac eadem rursus, Lygdame, curre via;  
Et mea cum multis lacrymis mandata reporta;  
Iram, non fraudes esse in amore meo:  
Me quoque consimili impositum torquerier igni  
Jurabo, & bis sex integer esse dies.  
Quòd mihi si tanto felix concordia bello  
Extiterit, per me, Lygdame, liber eris.

---

## ELEGIA V.

## DE MORTE PETI OB AVARITIAM.

**E**RGO sollicitæ tu causâ, Pecunia, vitæ es:  
Per te immaturum mortis adimus iter.  
Tu vitiis hominum crudelia pabula præbes:  
Semina curarum de capite orta tuo.  
Tu Patum ad Pharios tendentem linteâ portus  
Obruïs infano terque quaterque mari.  
Nam dum te sequitur, primo miser excidit ævo;  
Et nova longinquis piscibus esca natat.  
Flens tamen extremis dedit hæc mandata querelis,  
Cum moribunda niger clauderet ora liquor:  
Dî maris Ægei, quos sunt penès æquora, Venti,  
Et quæcumque meum degravat unda caput;  
Quòd rapitis miseros primæ lanuginis annos?  
Attulimus longas in freta vestra manus.  
Ah miser! Alcyonum scopulis affigat acutis:

In me cœruleo fuscina sumta Deo est.  
 At saltem Italiæ regionibus evchar æstus :  
 Hoc de me , fat erit , si modò matris erit.  
 Subtrahit hæc fantem torta vertigine fluctus :  
 Ultima quæ Pæto noxque diesque fuit.  
 Pæte , quid ætatem numeras ? quid cara naranti  
 Mater in ore tibi est ? non habet unda Deos.  
 Nam tibi nocturnis ad saxa ligata procellis  
 Omnia detricto vincula fune cadunt.  
 Et mater non iusta piæ dare debita terræ ,  
 Nec pote cognatos inter humare rogos.  
 Sed tua nunc volucres adstant super ossa marinæ :  
 Nunc tibi pro tumultu Carpathium omne mare.  
 Infelix Aquilo , raptæ timor Orithyæ ,  
 Quæ spolia ex illotanta fuere tibi ?  
 Aut quidnam fracta gaudes , Neptune , carina ?  
 Portabat sanctos alveus ille viros.  
 O centum æquoreæ Nereo genitore puellæ ,  
 Et tu materno tacta dolore Thetis ,  
 Vos decuit lasso subponere brachia mento :  
 Non poterat vestras ille gravare manus.  
 Reddite corpus humo ; positaque in gurgite vita  
 Pætum sponte tua , visis arena , regas.  
 Ut , quoties Pæti transibit nauta sepulcrum ,  
 Dicat : Et audaci , tu timor , esse potes.  
 Ite , rates curvas , & lethi texite causas.  
 Ista per humanas mors venit acta manus.  
 Terra parùm fuerat ; fatis adjecimus undas :  
 Fortunæ miseras auximus arte vias.  
 Anchora te teneat , quem non tenere penates ?  
 Quid meritum dicas , cui sua terra parùm est ?  
 Natura insidians pontum substraxit avaris.  
 Ut tibi succedat , vix semel esse potest.  
 Ventorum est quodcumque paras : haud ullâ carina  
 Consenuit ; fallit portus & ipse fidem.  
 Sint Agamemnonias testantia litora curas ,  
 Quæ notat Argyni pœna narantis aqua.

# LIBER TERTIUS.

277

Hoc juvene amisso classem non solvit Atrides :  
 Pro qua mactata est Iphigenia mora.  
 Saxa triumphales fregere Capharea puppes ,  
 Naufraga cum vasto Græcia tracta salo est.  
 Paulatim socium jacturam flevit Ulysses ,  
 In mare cui soliti non valere doli.  
 Hunc parvo ferri vidit nox improba ligno :  
 Pectus ut occideret , tot coiere mala.  
 Non tulit huic pectus stridorem audire procellæ ,  
 Et duro teneras lædere fune manus :  
 Sed Thyiæ thalamo , aut Oriciæ terebinthi  
 Effulto pluma versicolore caput.  
 Huic fluctus vivo radicitus abstulit unguis ,  
 Et miser invitam traxit hiatus aquam.  
 Quod si contentus patrio bove verteret agros ,  
 Verbaque duxisset pondus habere mea :  
 Viveret ante suos dulcis conviva penates ,  
 Pauper , at in terra , nil ubi flere potest.  
 At tu , sæve Aquilo , nunquam mea vela videbis.  
 Ante fores dominiæ condar oportet iners:

## ELEGIA VI.

AD CYNTHIAM.

**D**UCCIS ad extremas fuerat mihi rixa lucernas ,  
 Vocis & insanæ tot maledicta tuæ ;  
 Cum furibunda mero mensam propellis , & in me  
 Projicis insana cymbia plena manu.  
 Tu verò nostros audax invade capillos ,  
 Et mea formosis unguibus ora nota.  
 Tu minitare oculos subjecta exurere flammæ :  
 Fac mea rescisso pectora nuda sinu.  
 Nimirum veri dantur mihi signa caloris :  
 Nam sine amore gravi femina nulla dolet.

Quæ mulier rabida jactat convicia lingua,  
 Et Veneris magnæ volvitur ante pedes;  
 Custodum gregibus circum se stipat euntem;  
 Seu sequitur medias, Mænas ut acta, vias;  
 Seu timidam crebrò dementia somnia terrent,  
 Seu miseram in tabula picta puella movet;  
 His ego tormentis animi sum verus aruspex:  
 Has didici certo sæpe in amore notas.  
 Non est certa fides, quam non injuria versat.  
 Hostibus eveniat lenta puella meis.  
 In morso æquales videant mea vulnera collo:  
 Me doceat livor mecum habuisse meam.  
 Aut in amore dolere volo, aut audire dolentem;  
 Sive meas lacrymas, sive videre tuas;  
 Testa superciliis si quandò verba remittis,  
 Aut tua cùm digitis scripta silenda notas.  
 Odi ego quos nunquam pungunt suspiria somnos.  
 Semper in iratam pallidus esse velim.  
 Dulcior ignis erat Paridi, cùm Graia per arma  
 Tyndaridi poterat gaudia ferre suæ.  
 Dum vincunt Danaï, dum restat barbarus Hector,  
 Ille Helenæ in gremio maxima bella gerit.  
 Aut tecum, aut pro te mihi cum rivalibus arma  
 Semper erunt; in te pax mihi nulla placet.  
 Gaude quòd nulla est æquè formosa; doleres,  
 Si qua foret; nunc sis jure superba, licet.  
 At tibi, qui nostro nexisti retia lecto,  
 Sit focer æternùm, nec sine matre domus:  
 Cui nunc si qua data est furandæ copia noctis,  
 Offensa illa mihi, non tibi amica dedit.



## ELEGIA VII.

AD MÆCENATEM.

**M**ÆCENAS eques Etrusco de sanguine regum,  
Infra fortunam quid cupis esse tuam?  
Quid me scribendi tam vastum mitris in æquor?  
Non sunt apta meæ grandia vela rati.  
Turpe est, quod nequeas, capiti committere pondus;  
Et pressum inflexo mox dare terga genu.  
Omnia non pariter rerum sunt omnibus apta,  
Fama nec ex æquo ducitur ulla jugo.  
Gloria Lysippo est, animosa effingere signa;  
Exactis Calamis se mihi jactat equis.  
In Veneris tabula summam sibi ponit Apelles;  
Parrhasius parva vindicat arte locum.  
Argumenta magis sunt Mentoris addita formæ  
At Myos exiguum secit acanthus iter.  
Phidiacus signo se Juppiter ornat eburno;  
Praxitelem Parius vindicat arte lapis.  
Est quibus Elææ concurrit palma quadrigæ,  
Est quibus in celeres gloria nata pedes;  
Hic satus ad pacem; hic castrensibus utilis armis;  
Naturæ sequitur semina quisque suæ.  
At tua, Mæcenas, vitæ præcepta recepi,  
Cogor & exemplis te superare tuis.  
Cum tibi Romano dominas in honore secures,  
Et liceat medio ponere jura foro;  
Vel tibi Medorum pugnaces ire per hostes,  
Atque onerare tuam fixa per arva domum;  
Et tibi ad effectum vires det Cæsar, & omni  
Tempore tam faciles insinuentur opes;  
Parcis, & in tenues humilem te colligis umbras;  
Velorum plenos subtrahis ipse sinus.



Crede mihi, magnos æquabunt ista Camillos  
 Judicia, & venies tu quoque in ora virûm;  
 Cæsaris & famæ vestigia juncta tenebis.  
 Mæcenatis erunt vera trophæa fides.  
 Non ego velifera tumidum mare fundo carina:  
 Tota sub exiguo flumine nostra mora est.  
 Non flebo in cineres arcem sedisse paternos  
 Cadmi, nec semper prælia clade pari.  
 Nec referam Scæas, & Pergama, Apollinis arces,  
 Et Danaûm undecimo vere redisse rates,  
 Mœnia cum Graio Neptunia pressit aratro  
 Victor Palladiæ ligneus artis equus.  
 Inter Callimachi sat erit placuisse libellos,  
 Et cecinisse modis, Coe poeta, tuis.  
 Hæc curent pueri, hæc curent scripta puellæ;  
 Meque Deum clament, & mihi sacra ferant.  
 Te duce, vel Jovis arma canam, corloque minantem  
 Cœum, & Phlegræis Oromedonta jugis:  
 Celsaque Romanis decerpta palatia tauris  
 Ordiant, & cæso mœnia firma Remo:  
 Eductosque pares silvestri ex ubere reges;  
 Crescet & ingenium sub tua jussa meum.  
 Prosequar & currus utroque ab litore ovantes  
 Parthorum, astutæ tela remissa fugæ;  
 Clausuraque Pelusi Romano subruta ferro,  
 Antonique graves in sua fata manus.  
 Mollia tu coeptæ fautor cape lora juventæ,  
 Dexteræque immixtis da mihi signa rotis.  
 Hoc mihi, Mæcenas, laudis concedis; & à te est,  
 Quod ferar in partes ipse fuisse tuas.



## ELEGIA VIII.

DE NATALIS AMICÆ SUÆ.

**M**IRABAR quidnam misissent manè Camenæ,  
 Ante meum stantes, sole rubente, torum.  
 Natalis nostræ signum misere puellæ,  
 Et manibus faustos ter crepuere sonos.  
 Transeat hic sine nube dies, stent aëre venti,  
 Ponat & in sicco molliter unda minas.  
 Adspiciam nullos hodierna luce dolentes,  
 Et Niobe lacrymas supprimat ipse lapis.  
 Alcyonum positæ requiescant ora querelis;  
 Increpet absumentum nec sua mater Ityn.  
 Tuque, ô cara mihi, felicibus edita pennis,  
 Surge, & poscentes iusta precare Deos.  
 Ac primum para somnum tibi discute lymphe,  
 Et nitidas pressæ pollice finge comas.  
 Dein qua pridem oculos cepisti veste Properti,  
 Indue; nec vacuum flore relinque caput;  
 Et pete, qua polles, ut sit tibi forma perennis,  
 Inque meum semper stent tua regna caput.  
 Inde coronatas ubi thure piaveris aras,  
 Luxerit & tota flamma secunda domo;  
 Sit mensæ ratio, nonque inter pocula curat,  
 Et crocino nares murrheus ungat onyx.  
 Tibia nocturnis succumbat rauca choreis;  
 Et sint nequitia libera verba tuæ.  
 Dulciaque ingratos adimant convivia somnos;  
 Publica vicinæ perstrepat aura viæ.  
 Sit fors & nobis talorum interprete jactu,  
 Quem gravibus pennis verberet ille puer.  
 Cum fuerit multis exacta trientibus hora,  
 Noctis & instituet sacra ministra Venus;

Annua solvamus thalamo solennia nostro,  
Natalisque tui sic peragamus iter.

## E L E G I A I X.

## F O E M I N A S I M P E R A R E A M A N T I B U S.

**Q**UID mirare, meam si versat femina vitam,  
Et trahit addictum sub sua jura virum?  
Criminaque ignavi capitis mihi turpia fingis,  
Quodd nequeam fracto rupere vincla iugo?  
Venturam melius præfagit navita noctem:  
Vulneribus didicit miles habere metum.  
Ista ego præterita jactavi verba juvena:  
Tu nunc exemplo disce timere meo.  
Colchis flagrantem adamantina sub juga tauros  
Egit, & æmigera prælia sevit humo;  
Custodisque feros clausit serpentis hiatus,  
Iret ut Æsonias aurea lana domos.  
Ausae ferox ab equo quondam oppugnare sagittis  
Mæotis Danaum Penthesilea rates:  
Aurea cui postquam nudavit cassida frontem,  
Vicit victorem candida forma virum.  
Omphale in tantum formæ processit honorem,  
Lydia Gygeæ tincta puella lacu,  
Ut, qui pacato statuisset in orbe columnas,  
Tam dura traheret mollia pensa manu.  
Persarum statuit Babylona Senniramis urbem,  
Ut solidum cocto tolleret aggere opus;  
Et duo in adversum immissi per moenia currus,  
Ne possent tacto stringere ab axe latus.  
Duxit & Euphratem medium, qua condidit arces,  
Jussit & imperio surgere Bactra caput.  
Nam quid ego heroas, quid raptem in crimina Divos?  
Juppiter infamat seque, suamque domum.

Quid?

Quid? modò quæ nostris opprobria vexerit armis,  
 Et famulos inter femina trita suos?  
 Conjugii obscurni pretium Romana poposcit:  
 Mœnia, & addictos in sua regna Patres.  
 Noxia Alexandrina, dolis aptissima tellus,  
 Et toties nostro, Memphi, cruenta malo,  
 Tres ubi Pompeio detraxit arena triumphos,  
 Tolle nulla dies hanc tibi, Roma, notam.  
 Iffent Phlegræo melius tibi munera campo;  
 Vel tua si focero colla daturus eras.  
 Scilicet incesti meretrix regina Canopi,  
 Una Philippeo sanguine inusta nota,  
 Ausa Jovi nostro latrantem opponere Anubim,  
 Et Tiberim Nili cogere ferre minas;  
 Romanamque tubam crepitanti pellerè sistro,  
 Baridos & contis rostra Liburna sequi,  
 Fordaque Tarpeio conopea tendere saxo,  
 Jura dare statuas inter & arma Mari.  
 Quid nunc Tarquinii fractas juvat esse secures,  
 Nomine quem simili vita superba notat,  
 Si mulier patiendæ fuit? cape, Roma, triumphum,  
 Et longam Augusto salva precare diem.  
 Fugisti tamen in timidi vaga flumina Nili:  
 Accepere tuæ Romula vincla manus.  
 Brachia spectavi sacris admorsa colubris,  
 Et trahere occultum membra soporis iter.  
 Non hæc, Roma, fuit tanto tibi cive verendæ  
 Nec ducis assiduo lingua sepulta mero.  
 Septem urbs alta jugis, toto quæ præsidet orbi,  
 Femineas timuit territa Marte minas.  
 Nunc ubi Scipiadæ classes? ubi signa Camilli?  
 Aut modò Pompeia Bosphora capta manu?  
 Hannibalis spolia, & victi monumenta Syphacis,  
 Et Pyrrhi ad nostros gloria fracta pedes.  
 Curtius expletis statuit monumenta lacunis:  
 At Decius misso prælia rupir equo.  
 Coclitis abscissos testatur semita pontes,  
 ¶

Et cui cognomen corvus habere dedit.  
 Hæc Di condiderunt, hæc Di quoque mœnia servant:  
 Vix timeat salvo Cæsare Roma Jovem.  
 Leucadius versas acies memorabit Apollo:  
 Tantum operis belli sustulit una dies.  
 At tu sive petes porrus, seu, navita, linques,  
 Cæsaris in toto sis memor Ionio.

---

## E L E G I A X.

A D P O S T H U M U M, D E G A L L A.

P O S T H U M E, plorantem potuisti linquere Gallam?  
 Miles & Augusti fortia signa sequi?  
 Tanti-ne ulla fuit spoliati gloria Parthi,  
 Ne faceres Galla multa rogante tua?  
 Si fas est, omnes pariter pereatis, avari;  
 Et quisquis fido prætulit arma toro.  
 Tu tamen injecta tectus, vesane, lacerna:  
 Potabis galea fessus Araxis aquam.  
 Illa quidem interea fama tabescet inani,  
 Hæc tua ne virtus fiat amara tibi:  
 Neve tua Medæ lætentur cæde sagittæ,  
 Ferreus armato neu cataphractus equo ::  
 Neve aliquid de te flendum referatur in urna:  
 Sic redeunt, illis qui cecidere locis.  
 Ter quater in casta felix, ô Posthume, Gallæ  
 Moribus his alia conjuge dignus eras.  
 Quid faciet nullo munita puella timore,  
 Cum sis luxuriæ norma magistra tuæ?  
 Sed securus eas. Gallam non munera vincunt,  
 Duritiæque tuæ non erit illa memor.  
 Nam quocumque die salvum te fata remittent,  
 Pendebit collo Galla pudica tuo.  
 Posthumus alter erit miranda conjuge Ulysses:

Non illi longæ tot nocuere moræ.  
 Castra decem annorum, & Ciconum mens, Ismara,  
 Calpe,  
 Exustæque tuæ mox, Polypheme, genæ;  
 Et Circeæ frandes, lotosque, herbæque tenaces,  
 Scyllaque, & alternas scissa Charybdis aquas;  
 Lampetie Ithacis verubus mugisse iuencos,  
 (Paverat hos Phœbo filia Lampetie)  
 Et thalamum Aëx flentis fugisse puellæ,  
 Totque hiemis noctes, totque natasse dies;  
 Nigrantesque domos animarum intrasse silentum,  
 Sirenum surdo remige adisse lacus;  
 Et veteres arcus letho renovasse procorum,  
 Errorisque sui sic statuisse modum.  
 Nec frustra: quia casta domi perfederat uxor.  
 Vincet Penelope Lælia Galla fidem.

## ELEGIA XI.

## DE AVARITIA PUELLARUM.

**Q**UÆRITIS unde avidis nœx sit preciosa puellis,  
 Et Venere exhaustæ damna querantur opes?  
 Certa quidem tantis causis & manifesta ruinis:  
 Luxuriæ nimium libera facta via est.  
 Inda cavis aurum mittit formicæ metallis,  
 Et venit è rubro concha Erycina saso;  
 Es Tyros ostrinos præbet Cadincæ colores,  
 Cinnamon & multi pastor odoris Arabs.  
 Hæc etiam clausas expugnant arma pudicas,  
 Quæque terunt fastus, Icarioni, tuos.  
 Matrona incedit census induta nepotum,  
 Et spoliis opprobrii nostra per ora trahit.  
 Nulla est poscendi, nulla est reverentia dandi.  
 Aut si qua est, precio tollitur ipsa mora,  
 Felix Eois lex funeris una maritis,

Quos Aurora suis rubra colorat equis.  
 Namque ubi mortifero jacta est fax ultima lecto,  
 Uxorum fufis stat pia turba comis;  
 Et certamen habent lethi, quæ viva sequatur  
 Conjugium: pudor est, non licuisse mori.  
 Ardēt. viâtrices, & flammæ pectora præbent,  
 Imponuntque suis ora perusta viris.  
 Hic genus inhdum nuptarum, hic nulla puella,  
 Nec fida Evadne, nec pia Penelope.  
 Felix agrestum quondam pacata juvenus,  
 Divitiæ quorum messis, & arbor erant:  
 Illis pompa fuit decussa Cydonia ramo,  
 Et dare puniceis plena canistra rubis;  
 Nunc violas tondere manu, nunc mista referre:  
 Lilia virgineos lucida per calathos;  
 Et portare suis vestitas frondibus uvas,  
 Aut variam plumæ versicoloris avem.  
 Hæc tum blanditiis furtiva per antra puellæ  
 Oscula silvicolis emta dedere viris.  
 Minulei pellis rotos operibat amantes;  
 Altaque nativo creverat herba toro.  
 Pinus & incumbens latas circumdabat umbras,  
 Nec fuerat nudas pœna videre Deas.  
 Corniger Idæi vacuam pastoris in aulam  
 Dux arces saturas ipse reduxit oves.  
 Dique, Deæque omnes, quibus est tutela per agros,  
 Præbebant versis verba secunda focis.  
 Et leporem, quicumque venis, venaberis, hospes,  
 Et si fortè meo tramite quæris avem;  
 Et me Pana tibi comitem de rupe vocato,  
 Sive petas calamo præmia, sive cane.  
 At nunc desertis cessant sacraria lucis:  
 Aurum omnes victa jam pietate colunt.  
 Aurea nunc verè sunt seculi: plurimus auro  
 Venit: honos; auro conciliatur amor.  
 Auro palsa fides, auro venalia jura;  
 Aurum lex sequitur, mox sine lege pudor.

Terrida sacrilegum testantur limina Brennum,  
 Dum petit intonsi Pythia regna Dei.  
 At mons laurigero concussus vertice duras  
 Gallica Parnassus sparsit in arma nives.  
 Te scelus accepto Thracis Polymestoris auro  
 Nutrit in hospitio non, Polydore, pio.  
 Tu quoque, ut auratos gereres, Eryphila, lacertos,  
 Dilapsis nusquam est Amphiaras equis.  
 Proloquar, atque utinam patriæ firmi vanus aruspex,  
 Frangitur ipsa suis Roma superba bonis.  
 Certa loquor; sed nulla fides: neque enim Ilia quondam  
 Verax Pergameis Manas habenda malis.  
 Sola Parin Phrygiæ fatum componere, sola  
 Fallacem patriæ serpere dixit equum.  
 Ille furor patriæ fuit utilis, ille parenti:  
 Experta est veros irrita lingua Deos.

---

## ELEGIA XII.

AD SPARTEN, DE LUDIS LACONICIS.

**M**ULTA tuæ, Sparte, miramur jura palæstræ,  
 Sed magè virginei tot bona gymnasii;  
 Quod non infames exerceat corpore ludos.  
 Inter luctantes nuda puella viros;  
 Cum pila veloci fallit per brachia jactu.  
 Increpat & versi clavis adunca trochi;  
 Pulverulentaque ad extremas stat femina metas.  
 Et patitur dure vulnera Pancratio;  
 Nunc ligat ad cæstum gaudentia brachia loris.  
 Missile nunc disci pendens in orbe rotat;  
 Gyrum pulsat equis, niveum latus ense revincit,  
 Virgineumque cavo protegit ære caput;  
 Et modò Taygeti crines adpersa pruina  
 Sectatur patrios per juga longa canes.



Qualis Anaxionidum nudatis bellica mammis  
 Thermodontiacis turma lavatur aquis:  
 Qualis & Eurotæ Pollux & Castor arenis,  
 Hic victor pugnis, ille futurus equis.  
 Inter quos Helene nudis capere arma papillis  
 Fertur, nec fratres erubuisse Deos.  
 Lex igitur Spartana vetat secedere amantes,  
 Et licet in triviis ad laus esse suæ.  
 Nec timor, aut ulla est clausæ tutela puellæ,  
 Nec gravis austeri pœna cavenda viri.  
 Nullo præmisso, de rebus tute loquaris  
 Ipse tuis: longæ nulla repulsa moræ.  
 Non Tyriæ vestes errantia lumina fallunt,  
 Est neque odoratæ cura molesta domi.  
 At nostra ingenti vadit circumdata turba,  
 Nec digitum angusta est inferuisse via;  
 Nec quæ sint facies, nec quæ sint verba rogandæ  
 Invenias: cæcum versat amator iter.  
 Quod si jura fores, pugnasque imitata Laconum,  
 Carior hoc esses tu mihi, Roma, bono.

---

## E L E G I A X I I I .

A D C Y N T H I A M , D E L Y C I N N A :

S I c ego non ullos jam nôrim in amore tumultus,  
 Nec veniat sine te nox vigilanda mihi;  
 Ut mihi prætextæ pudor exvelatus amictu,  
 Et data libertas noscere amoris iter.  
 Illa rudes animos per noctes conscia primas  
 Imbuit, heu! nullis capta Lycinna datis.  
 Tertius, haud malo minus est, cum ducitur annus,  
 Vix memini nobis verba coisse decem.  
 Cuncta tuus sepelivit amor; nec femina post te  
 Ulla dedit cello dulcia vincula mœæ.

Testis erit Dirce tam vero crimine sæva  
 Nycteos Antiopen accubuisse Lyco.  
 Ah! quoties pulcros ussit regina capillos,  
 Molliaque immites fixit in ora manus?  
 Ah! quoties famulam pensis oneravit iniquis,  
 Et caput in dura ponere iussit humo?  
 Sæpe illam immundis passa est habitare tenebris;  
 Vilem jejunæ sæpe negavit aquam.  
 Juppiter Antiopæ nusquam succurris habenti  
 Tot mala? corrumpit dura catena manus.  
 Si Deus es, tibi turpe tuam servire puellam.  
 Invocet Antiopæ quem nisi vineta Jovem?  
 Sola tamen, quæcunque aderant in corpore vires,  
 Regales manicas rupit utraque manu.  
 Inde Cytheronis timido pede currit in arces:  
 Nox erat, & sparso triste cubile gelu.  
 Sæpe vago Asopi sonitu permota fluentis  
 Credebat dominæ ponere venire pedes;  
 Et durum Zethum, & lacrymis Amphiona mollem  
 Experta est stabulis mater abacta suis.  
 Ac veluti, magnos cum ponunt æquora motus,  
 Eurys in adversos desinit ire Notos,  
 Litore si tacito sonitus rarefcit arenæ:  
 Sic cadit inflexo lapsa puella genu.  
 Sera tamen pietas, hæc est cognitus error.  
 Digne Jovis natos qui tuare senex:  
 Tu reddis pueris matrem, puerique trahendam  
 Vixærant Dirce sub trucidis ora bovis.  
 Antiopæ, cognosce Jovem: tibi gloria Dirce  
 Ducitur, in multis mortem habitura locis.  
 Præta cruentantur Zethi, victorque canebat  
 Pæana Amphion rupe, Aracynthe, tua.  
 At tu non meritam parcas vexare Lycinnam:  
 Nescit vestra ruens ira referre pedem.  
 Fabula nulla tuas de nobis concitet aures:  
 Te solam & lignis funeris ustus amem.

## ELEGIA XIV.

DE IMPERIO AMICÆ.

**N**Ox media, & dominæ mihi venit epistola  
nostræ:

Tibure me missa jussit adesse mora,

Candida qua geminas ostendunt culmina turrets,

Et cadit in patulos Nympha Aniena lacus.

Quid faciam? obductis committam mene tenebris,

Ut timeam audaces in mea membra manus?

At, si hæc distulero nostro mandata timore,

Nocturno fletus sævior hoste mihi.

Peccârim semel, & torum sum pulsus in annum:

In me mansuetas non habet illa manus.

Nec tamen est quisquam, sacros qui lædat amantes,

Scyronis medias his licet ire vias.

Quisquis amator erit, Scythicis licet ambulet oris,

Nemo adeò, ut noceat, barbarus esse volet.

Luna ministrat iter; demonstrant astra salebras;

Ipse Amor accensas percutit antè faces.

Sæva canum rabies morsus avertit hiantes:

Huic generi quovis tempore tuta via est.

Sanguine tam parvo quis enim spargatur amantis-

Improbis? exclusis sit comes ipsa Venus.

Quòd si certa meos sequerentur funera casus,

Talis mors pretio vel sit emenda mihi.

Afferet huc unguenta mihi, fertisque sepulcrum.

Ornabit custos ad mea busta sedens.

Dì faciant, mea ne terra locet ossa frequenti,

Qua facit assiduo tramite vulgus iter.

Post mortem tumuli sic infamantur amantum:

Me tegat arborea devia terra coma;

Aut humet ignotæ cumulus vallatus arena.

Non juvat in media nomen habere via.

ELEGIA

## ELEGIA XV.

AD BACCHUM.

**N**UNC, ô Bacche, tuis humiles advolvimur aris:  
 Da mihi pacato vela secunda, pater.  
 Tu potes insanæ Veneris compescere fastus;  
 Curarumque tuo sit medicina mero.  
 Per te junguntur, per te solvuntur amantes.  
 Tu vitium ex animo dilue, Bacche, meo.  
 Te quoque enim non esse rudem testatur in astris  
 Lyncibus in cœlum vecta Ariadna tuis.  
 Hoc mihi, quod veteres custodit in ossibus ignes,  
 Funera sanabunt, vel tua vina, malum.  
 Semper enim vacuos nox sobria torquet amantes;  
 Spesque timorque animos versat utroque modo.  
 Quod si, Bacche, tuis per fervida tempora donis  
 Accersitus erit somnus in ossa mea;  
 Ipse feram vites, pangamque ex ordine colles,  
 Quos carpant nullæ, me vigilante, feræ:  
 Dummodò purpureo spument mihi dolia musto,  
 Et nova pressantes inquinet uva pedes.  
 Quod superest vitæ, per te, & tua cornua, vivam;  
 Virtutisque tuæ, Bacche, poëta ferar.  
 Dicam ego maternos Etnæo fulmine partus;  
 Indica Nysæis arma fugata choris;  
 Vesanumque nova nequicquam in vite Lycurgum;  
 Pentheos in triplices funera grata greges;  
 Curvaque Tyrrhenos delphinum corpora nautas  
 In vada pampinea defuisse rate;  
 Et tibi per mediam beneolenti flumine Naxon,  
 Unde tuum potant Naxia turba merum;  
 Candida laxatis onerato colla corymbis  
 Ginger Bassaricas Lydia mitra comas.

Levis odorato cervix manabit olivo,  
 Et series nudos veste fluente pedes.  
 Mollia Dirceæ pulsabunt tympana Thebæ:  
 Capripedes calamo Panes hiantes canent:  
 Vertice turrigero juxta Dea magna Cybelle  
 Tunder ad Idæos cymbala rauca choros.  
 Ante fores templi crater antristitis auro  
 Libatum fundens in tua sacra merum.  
 Hæc ego non humili referam memoranda cothurno,  
 Quâlis Pindarico spiritus ore tonat.  
 Tu modò servitio vacuum me siste superbo,  
 Atque hoc sollicitum vince sopore caput.

## E L E G I A X V L

MORTEM MARCELLI DEFLET.

**P**LAUSUS ab umbroso qua iudit Pontus Averno,  
 Fumida Bajaram stagna tepentis aquæ,  
 Qua jacet & Trojæ rubicem Misæus arena,  
 Et sonat Herculeo structa labore via:  
 Hic ubi, mortales dextra cum quæreret urbes,  
 Cymbala Thebano concrepuere Deo:  
 At nunc invisæ magno cum crimine Bajæ,  
 Quis Deus in vestra constitit hostis aquæ?  
 His pressus Stygias vultum demisit in undas,  
 Errat & in vestro spiritus ille lacu.  
 Quid genus, aut virtus, aut optima profuit illi  
 Mater, & amplexum Cæsaris esse focos?  
 Aut modò tam pleno fluitantia vela theatro,  
 Et per maternas omnia gesta manus?  
 Occidit, & misero steterat vigesimus annus.  
 Tot bona tam parvo clausit in orbe dies.  
 I nunc, tolle animos, & tecum finge triumphos,  
 Stantiaque in plausum tota theatra juvent.

Attalicas supera vestes, atque omnia magnis  
 Gemmea sint ludis: ignibus ista dabis.  
 Sed tamen huc omnes; huc primus, & ultimus ordo.  
 Est mala, sed cunctis ista terenda via est.  
 Exoranda canis tria sunt latrantia colla:  
 Scandenda est torvi publica cymba senis.  
 Ille licet ferro cautus se condat, & ære;  
 Mors tamen inclusum prætrahit inde caput.  
 Nirea non facies, non vis exemit Achillem,  
 Cræsum aut Pactoli quas parit humor, opes.  
 At tibi, nauta, pias hominum qui trajicis umbras,  
 Huc animæ portent corpus inane tuæ,  
 Qua Siculæ victor telluris Claudius, & qua  
 Cæsar ab humana cessit in astra via.

---

## ELEGIA XVII.

## MULIERUM INCONTINENTIA.

**O**BJICITUR toties à te mihi nostra libido:  
 Crede mihi, vobis imperat ista magis.  
 Vos, ubi contemti rupistis frena pudoris,  
 Nescitis captæ mentis habere modum.  
 Flamma per incensas citius sedetur aristas,  
 Fluminaque ad fontis sint reditura caput;  
 Et placitum Syrtes portum, & bona litora nautis  
 Præbeat hospitio sæva Malea suq;  
 Quàm possit vestros quisquam reprehendere cursus,  
 Et rapidæ stimulos frangere nequitie.  
 Testis, Cretæi fastus quæ passa juvenci,  
 Induit abiegnæ cornua falsa bovis.  
 Testis Thessalico flagrans Sakmonis Enipeo,  
 Quæ voluit liquido tota subire Deo.  
 Crimen & illa fuit patria succensa senecta  
 Arboris in frondes condita Myrrha novæ.

Nam quid Medæ referam, quo tempore matris  
 Iram natorum cæde piavit amor?  
 Quid-ve Clytemnestræ, propter quam tota Mycenis  
 Infamis stupro stat Pelopea domus?  
 Tuque ô Minoa venundata, Scylla, figura,  
 Tondens purpurea regna paterna coma?  
 Hanc igitur dotem virgo desponderat hosti!  
 Nise, tuas portas fraude reclusit amor.  
 At vos, innuptæ, felicius urite cædas:  
 Pendet Cretæa tracta puella raze.  
 Non tamen immeritò Minos sedet arbiter Orci:  
 Victor erat quamvis, æquus in hoste fuit.

---

## E L E G I A X V I I I.

H O R T A T I O A D A M I C A M.

**C**REPIDIS cum jam posse tuæ meminisse figuræ,  
 Vidisti à lecto quem dare vela tuo?  
 Durus, qui lucro potuit mutare puellam.  
 Tantisne in lacrymis Africa tota fuit?  
 At tu, stulta, Deos, tu fingis inania verba.  
 Forsitan ille alio pectus amore terit.  
 Est tibi forma potens, sunt castæ Palladis artes,  
 Splendidaque à docto fama refulget avo.  
 Fortunata domus, modò sit tibi fidus amicus.  
 Fidus ero: in nostros curre, puella, sinus,



## ELEGIA XIX.

DE AMICÆ CONTEMPTORÆ.

**N**Ox mihi prima venit: primæ dara tempora  
noctis.

Longiùs in primo, Luna, morare toro.  
Tu quoque, qui æstivos spatiosius exigis ignes,  
Phœbe, moraturæ contrahe lucis iter.  
Fœdera sunt ponenda priùs, signandaque jura,  
Et scribenda mihi lex in amore novo,  
Quàm mukæ antè meis cedant sermonibus horæ,  
Dulcia quàm nobis concitet arma Venus.  
Hæc Amor ipse suo constringit pignora signo:  
Testis fiderei tota corona chori.  
Namque, ubi non certo vincitur fœdere lectus,  
Non habet ultores nox vigilanda Deos;  
Et quibus imposuit, solvit mox vincla libido.  
Contineant nobis omina prima fidem.  
Ergo qui tactas in fœdera ruperit aras,  
Pollueritque novo sacra marita toro,  
Illi sint quicumque solent in amore dolores,  
Et caput argutæ præbeat historiæ;  
Nec flenti dominæ patefiant nocte fenestræ;  
Semper amet, fructu semper amoris egens.





## E L E G I A   X X .

A D   C Y N T H I A M .

**M**AGNUM iter ad doctas proficisci cogor Athenas,  
 Ut me longa gravi solvat amore via :  
 Crescit enim assidue spectando cura puellæ ;  
 Ipse alimenta sibi maxima præbet Amor.  
 Omnia sunt tentata mihi , quacumque fugari  
 Possit : at ex omni me premit ipse Deus.  
 Vix tamen aut semel admittit , cum sæpe negavit :  
 Seu venit , extremo dormit amicta toro.  
 Unum erit auxilium , mutatis , Cynthia , terris :  
 Quantum oculis , animo tam procul ibit Amor.  
 Nunc agite , ô socii , propellite in æquora navem ,  
 Remorumque pares ducite forte vices ,  
 Jungiteque extremo felicia lintea malo :  
 Jam liquidum nautis aura secundat iter.  
 Romanæ turres , & vos valeatis , amici ,  
 Qualiscumque mihi turque , puella , vale.  
 Ergo ego nunc rudis Adriaci vehar æquoris hospes ,  
 Cogar & undisonos nunc prece adire Deos.  
 Deinde per Ionium vectus cum fessâ Lechæo  
 Sedârit placida vela phaselus aqua ;  
 Quod superest , sufferte pedes , properate laborem ,  
 Isthmos qua terris arcet utrumque mare.  
 Inde ubi Piræi capient me litora portûs ,  
 Scandam ego Theseæ brachia longa viæ.  
 Illic vel studiis animum emendare Platonis  
 Incipiam ; aut hortis , docte Epicure , tuis :  
 Persequar aut studium linguæ , Demosthenis arma ,  
 Librorumque tuos , docte Menandre , sales :  
 Aut certè tabulæ capient mea lumina pictæ ,  
 Sive ebore exactæ , seu magis ære manus :

Aut spatia annorum, aut longa intervalla profundi  
 Lenibunt tacito vulnera nostra sinu.  
 Seu moriar, fato, non turpi fractus amore;  
 Atque erit illa mihi mortis honesta dies.

## ELEGIA XXI.

AD TULLUM.

**F**RIGIDA tam multos placuit tibi Cyzicus annos,  
 Tulle, Propontiaca qua fluit Isthmus aqua,  
 Dindymus, & sacrae fabricata juvenca Cybellæ,  
 Raptorisque tulit qua via Ditis equos.  
 Si te fortè juvent Hellei Athamantides urbes,  
 Nec desiderio, Tulle, movere meo:  
 Tu licet aspicias cœlum omne Atlanta gerentem,  
 Sectaque Persea Phorcidos ora manu;  
 Geryonæ stabula, & luctantum in pulvere signa  
 Herculis, Antæique, Hesperidumque choros:  
 Tuque tuo Colchum propeffas remige Phasim,  
 Peliacæque trabis totum iter ipse legas,  
 Qua rudis Argoa natat inter saxa columba  
 In faciem proræ pinus adacta novæ:  
 Et qua Gygæi visenda est ora Caystri,  
 Et qua septenas temperat unda vias:  
 Omnia Romanæ cedent miracula terræ.  
 Natura hîc posuit, quidquid ubique fuit.  
 Armis apta magis tellus, quàm commoda noxæ:  
 Famam, Roma, tuæ non pudet historiæ.  
 Nam quantum ferro, tantum pietate potentes  
 Stamus: victrices temperat illa manus.  
 Hîc Anio Tiburne fluis, Clitumnus ab Umbro  
 Tramite, & æternum Marcius humor opus;  
 Albanusque lacus socii Nemorensis ab unda,  
 Potaque Pollucis nympha salubris equo.

Z iv

At non squamoso labentur ventre cerasæ;  
 Itala portentis nec furit unda novis.  
 Non hîc Andromedæ resonant pro matre catenæ;  
 Nec tremis Ausonias, Phœbe fugare, dapes.  
 Nec cuiquam absentes arserunt in caput ignes,  
 Exitium nato matre movente suo.  
 Penthea non sævæ venantur in arbore Bacchæ;  
 Nec solvit Danaas subdita cerva rates;  
 Cornua nec valuit curvare in pellice Juno,  
 Aut faciem turpi dedecorare bove;  
 Arboreasque cruces Sinis, & non hospita Graiis  
 Saxa, & curvatas in sua fata trabes.  
 Hæc tibi, Tulle, parens, hæc est pulcherrima sedes:  
 Hîc tibi pro digna gente petendus honos.  
 Hîc tibi ad eloquium cives, hîc ampla nepotum  
 Spes, & venturæ conjugis aptus amor.

---

## E L E G I A X X I I.

## D E T A B U L I S P E R D I T I S.

**E**RGO tam doctæ nobis periire tabellæ,  
 Scripta quibus pariter tot periire bona!  
 Has quondam nostris manibus detriverat usus,  
 Qui non signatas jussit habere fidem.  
 Illæ jam sine me nôrant placare puellas,  
 Et quædam sine me verba diserta loqui.  
 Non illas fixum caras effecerat aurum:  
 Vulgari buxo sordida cera fuit.  
 Qualescumque mihi semper mansere fideles,  
 Semper & effectus promeruerunt bonos.  
 Forsitan hæc illis fuerant mandata tabellis:  
 Irascor, quoniam es, lente, moratus heri.  
 An tibi nescio quæ visa est formosior? an tu  
 Non bene de nobis crimina ficta jadis?

Aut dixit, Venias hodie, cessabimus unâ :  
 Hospitium tota nocte paravit Amor.  
 Et quæcumque dolens reperit non stulta puella,  
 Garrula cum blandis ducitur hora dolis.  
 Me miserum ! his aliquis rationem scribit avarus,  
 Et ponit duras inter ephemeridas.  
 Quas si quis mihi rettulerit, donabitur auro.  
 Quis pro divitiis ligna retenta velit ?  
 I, puer, & citus hæc aliqua propone columna ;  
 Et dominum Exquiliis scribe habitare tuum.


---

## ELEGIA XXIII.

AD CYNTHIAM SUPERBIENTEM.

**F**ALSA est ista tuæ, mulier, fiducia formæ,  
 Olim oculis nimium facta superba meis.  
 Noster amor tales tribuit tibi, Cynthia, laudes :  
 Versibus insignem te pudet esse meis.  
 Mistam te varia laudavi sæpe figura,  
 Ut, quod non esses, esse putaret amor.  
 Et color est toties roseo collatus Eoo,  
 Cum tibi quæsitus candor in ore foret.  
 Quod mihi non patrii poterant avertere amici,  
 Eluere aut vasto Thessala saga mari :  
 Hæc ego non ferro, non igne coactus, & ipsa  
 Naufragus Ægæa vera fatebar aqua.  
 Correptus sævo Veneris torrebar aheno :  
 Vinculus eram versas in mea terga manus.  
 Ecce coronatæ portum tetigere carinæ,  
 Trajectæ Syrtes, anchora jacta mihi est.  
 Nunc demum vasto fessi resipiscimus æstu,  
 Vulnera & ad sanum nunc coïtere mea.  
 Mens bona, si qua Dea es, tua me in sacraria donos  
 Exciderunt sardo. tot mea vota Jovi.

Risus eram positus inter convivia mensis,  
Et de me poterat quilibet esse loquax.  
Quinque tibi potui servire fideliter annos.  
Ungue meam morso sæpe querere fidem.  
Nil moveor lacrymis; ista sum captus ab arte:  
Semper ab insidiis, Cynthia, flere soles.  
Flebo ego discedens; sed fletum injuria vincit:  
Tu bene conveniens non finis ire jugum.  
Limina jam nostris valeant lacrymantia verbis,  
Nec tamen irata janua fracta manu.  
At te celatis ætas gravis urgeat annis,  
Et veniat formæ ruga sinistra tuz.  
Vellere tum cupies albos à stirpe capillos,  
Ah! speculo rugas increpitante tibi.  
Exclusa inque vicem fastus patiere superbos;  
Et quæ fecisti, facta queraris anus.  
Has tibi fatales cecinit mea pagina diras.  
Eventum formæ disce timere tuæ.



---

SEX. AURELII  
PROPERTII  
LIBER IV.

---

ELEGIA PRIMA.

DE URBE ROMA.



Oc, quodcumque vides, hœspes, quàm  
maxima Rœma est,  
Ante Phrygem Æneam collis & herba  
fuit;  
Atque ubi navali stant sacra palatia  
Phœbo,

Evandri profugæ procubuere boves.  
Fistilibus crevere Deis hæc aurea templa;  
Nec fuit opprobrio facta sine arte casa.  
Tarpeiusque pater nuda de rupe tonabat;  
Et Tiberis nostris advena bubus erat.  
Quo gradibus domus ista Remi se sustulit, olim  
Unus erat fratrum maxima regna focus.  
Curia, prætexto quæ nunc nitet alta Senatu,  
Pellitos habuit rustica corda Patres.  
Buccina cogebat priscos ad verba Quirites:  
Centum illi in prato sæpe Senatus erat.  
Nec sinuosa cavo pendebant vela theatro:  
Pulpita solennes non oluere crocos.  
Nulli cura fuit externos quærere Divos,  
Cum tremere patrio pendula turba saccos.

Annuaque accenso celebrare Palilia ferno,  
 Qualia nunc curto lustra novantur equo.  
 Vesta coronatis pauper gaudebat afellis;  
 Ducebant macrae vilia sacra boves.  
 Parva saginati lustrabant compita porci;  
 Pastor & ad calamos extra litabat ovis.  
 Verbera pellitus setosa movebat arator,  
 Unde licens Fabius sacra Lupercus habet.  
 Nec rudis infestis miles radiabat in armis:  
 Miscebant usta praelia nuda fude.  
 Prima galeritus posuit prætoria Lucmo;  
 Magnaque pars Tatío rerum erat inter oves.  
 Hinc Tities, Ramnesque viri, Luceresque coloni:  
 Quattuor hinc albos Romulus egit equos.  
 Quippe suburbanæ parva minus urbe Bovillæ,  
 Et, qui nunc nulli, maxima turba Gabi;  
 Et stetit Alba potens, albæ suis omine nata,  
 Hac, ubi Fidenas longè erat ire, via.  
 Nil patrium, nisi nomen, habet Romanus alumnus:  
 Sanguinis altricem nunc pudet esse lupam.  
 Huc melius profugos misisti, Troja, penates.  
 O quali vecta est Dardana puppis ave!  
 Jam bene spondebant tunc omnia, quod nihil illam  
 Læserat abiegni venter apertus equi,  
 Cum pater in gnati tremulus cervice pependit,  
 Et verita est humeros urere flamma pios.  
 Tunc animi venere Decî, Brutique secures,  
 Vexit & ipsa sui Cæsaris arma Venus,  
 Arma resurgentis portans victricia Trojæ.  
 Felix terra tuos cepit, Iule, Deos:  
 Si modò Avernalis tremulæ cœrtina Sibyllæ  
 Dixit Aventino rura pianda Remo:  
 Aut si Pergamæ serò rata carmina vatis  
 Longævum ad Priami vera fuere caput.  
 Vertite equum, Danaï; male vincitis: Iliæ tellus  
 Vivet; & huic cineri Juppiter arma dabit.  
 Optima nutricum nostris Lupa Martia rebus,

Qualia creverunt mœnia lacte tuo !  
 Mœnia namque pio conor disponere versu :  
 Hæi mihi, quod nostro est parvus in ore sonus !  
 Sed tamen exiguo quodcunque è pectore rivi  
 Fluxerit, hoc patriæ serviat omne meæ.  
 Ennius hirsuta cingat sua dicta corona :  
 Mî folia ex hedera porrige, Bacche, tua ;  
 Ut nostris tumefacta superbiat Umbria libris,  
 Umbria Romani patria Callimachi.  
 Scandentes si quis cernet de vallibus arces,  
 Ingenio muros æstimet ille meo.  
 Roma, fave, tibi surgit opus : date candida cives  
 Omina, & inceptis dextera cantet avis.  
 Sacra, dieſque canam, & cognomina prisca locorum :  
 Has meus ad metas fudet oportet equus.  
 Dicam, Troja cades, & Troica Roma resurges ;  
 Et maris, & terræ longa sepulcra canam.  
 Quò ruis imprudens vaga dicere facta Properti ?  
 Non sunt à dextra condita fila colo.  
 Aversis Charisii cantas : aversus Apollo  
 Poscitur ; ab invita verba pigenda lyra.  
 Certa feram certis auctoribus ; aut ego vates  
 Nescius ærata signa movere pila.  
 Me creat Architæ soboles Babylonius Horos,  
 Horos, & à proavo ducta Conone domus.  
 Dî mihi sunt testes, non degenerasse propinquis ;  
 Inque meis libris nil prius esse fide.  
 Nunc pretium fecere Deos, & fallitur auro  
 Juppiter : obliquæ signa iterata rotæ.  
 Dixi ego, cum geminos produceret Arria natos ;  
 ( Illa dabat natîs arma verante Deo )  
 Non posse ad patrios sua pila referre penates.  
 Nempe meam firmant nunc duo busta fidem,  
 Quippe Lupercus, equi dum saucia protegit ora ;  
 Heu sibi prolapsò non bene cavît equo.  
 Gallus at in castris dum credita signa tuetur,  
 Concidit ante aquilæ rostra cruenta sua.



Fatales pueri, duo funera matris avaræ;  
Vera, sed invito, contigit ista fides.  
Idem ego, cum Cynaræ traheret Lucina dolores;  
Et facerent uteri pondera lenta moram,  
Junoni votum facite impetrabile, dixi.  
Illa parit: libris est data palma meis.  
Hoc neque arenosum Libyci Jovis explicat antrum,  
Aut sibi commissos fibra locuta Deos;  
Aut si quis motas cornicis senserit alas,  
Umbra neque hæc magicis mortua prodit aquis.  
Adspicienda via est cœli, versusque per astra  
Trames, & ab zonis quinque petenda fides,  
Felicesque Jovis stellæ, Martisque rapacis,  
Et grave Saturni sidus in omne caput;  
Quid moveant pisces, animosæque signa Leonis,  
Lotus & Hesperia quid Capricornus aqua.  
Exemplum grave erit Calchas: namque Aulide solvit  
Ille bene hærentes ad pia saxa rates.  
Idem Agamemnoniæ ferrum cervice puellæ  
Tinxit; & Atrides vela cruenta dedit.  
Nec rediere tamen Danaï: tu diruta fletum  
Supprime, & Enboïcos respice, Troja, sinus.  
Nauplius ultores sub noctem porrigit ignes,  
Et natat exuviis Græcia pressa tuis.  
Victor Oïlide, rape nunc, & dilige vatem,  
Quam vetat avelli veste Minerva sua.  
Hactenus historiæ. Nunc ad tua devehor astra:  
Incipe tu lacrymis æquus adesse novis.  
Umbria te notis antiqua penatibus edit.  
Mentior? an patriæ tangitur ora tuæ?  
Qua nebulosa cavo rorat Mevania campo,  
Et lacus æstivis intepet UMBER aquis;  
Scandentisque arcis consurgit vertice murus,  
Murus ab ingenio notior ille tuo.  
Ossaque legisti, non illa ætate legenda  
Patris, & in tenues cogeris ipse Lares.  
Nam, tua cum multi versarent cura juveni,

Abstulit excultas pertica tristis opes.  
 Mox ubi bulla rudi demissa est aurea collo,  
 Matris & ante Deos libera summa toga;  
 Tum tibi pauca suo de carmine distat Apollo,  
 Et vetat infano verba tonare foro.  
 At tu finge elegos, fallax opus: hæc tua castra;  
 Scribat ut exemplo cætera turba tuo.  
 Militiam Veneris blandis patiere sub armis,  
 Et Veneris pueris utilis hostis eris.  
 Nam tibi viâtrices, quascunque labore parasti,  
 Eludet palmas una puella tuas;  
 Et bene cum fixum mento discusseris uncum,  
 Nil erit hoc: rostro te premet ansa suo.  
 Illius arbitrio noctem, lucemque videbis;  
 Gutta quoque ex oculis non nisi iussa cadet;  
 Nec mille excubiæ, nec te signata iuvabunt  
 Lâmina: persuasæ fallere rima sat est.  
 Nunc tua vel mediis puppis luctetur in undis,  
 Vel licet armatis hostis inermis eas,  
 Vel tremefacta cavo tellus diducat hiatum;  
 Ocipedis cancri terga sinistra time.

## ELEGIA II.

## FABULA VERTUMNI.

**Q**UOD mirare meas tot in uno corpore formas?  
 Accipe Vertumni signa paterna Dei.  
 Tusco ego, & Tuscois orior; nec poenitet inter  
 Prælia Volscinos deseruisse focos.  
 Hæc me turba juvat, nec templo lætor eburno:  
 Romanum satis est posse videre forum.  
 Hac quondam Tiberinus iter faciebat; & aiunt  
 Remorum auditos per vada pulsa sonos.  
 At, postquam ille suis tantum concessit alumnis,

Vertumnus verso dicor ab amne Deus :  
 Seu quia vertentis fructum percepimus anni ,  
 Vertumni rursus creditur esse sacrum.  
 Prima mihi variat liventibus uva racemis ,  
 Et coma lactenti spicea fruge tumet.  
 Hic dulces cerasos , hic autumnalia pruna  
 Cernis , & æstivo mota rubere dic.  
 Insuper hic solvit pomosa vota corona ,  
 Cum pyrus invito stipite mala tulit.  
 Mendax fama , nocet : alius mihi nominis index.  
 De se narranti tu modò crede Deo.  
 Opportuna mea est cunctis naturæ figuris :  
 In quacumque voles , verte ; decorus ero.  
 Indue me Cois , siam non dura puella ;  
 Meque virum sumta quis neget esse toga ?  
 Da falcem , & torto frontem mihi comprime feno :  
 Jurabis nostra gramina secta manu.  
 Arma tuli quondam , & memini , laudabar in illis ;  
 Corbis & imposito pondere , messor eram.  
 Sobrius ad lites : at cum est imposita corona ,  
 Clamabis capiti vina subisse meo.  
 Cinge caput mitra ; speciem furabor Iacchi :  
 Furabor Phœbi , si modò plestra dabis.  
 Cassibus impositis venor : sed arundine sumta ,  
 Faunus plumoso sum Deus aucupio.  
 Est etiam aurigæ species Vertumnus , & ejus ,  
 Trajicit alterno qui love pondus equo.  
 Suppetat hoc , pisces calamo prædabor , & ibo  
 Mundus demissis institor in tunicis.  
 Pastorem ad baculum possum curare , vel idem  
 Sirpiculis medio pulvere ferre rosam.  
 Nam quid ego adjiciam , de quo mihi maxima cura est ,  
 Hortorum in manibus dona probata meis ?  
 Cæruleus cucumis , tumidoque cucurbita ventre  
 Me notat , & junco brassica vineta levi.  
 Nec flos ullus hiat præter , quin ille decenter  
 Impositus fronti langueat antè meæ.

At mihi, quòd formas unus vertebar in omnes,  
 Nomen ab eventu patria lingua dedit.  
 At tu, Roma, meis tribuisti præmia Tuscis,  
 Unde hodie vicus nomina Tuscus habet.  
 Tempore quo sociis venit Lucomedius armis,  
 Atque Sabina feri contudit arma Tatî;  
 Vidi ego labentes acies, & tela caduca,  
 Atque hostes turpi terga dedisse fugæ.  
 Sed facias, Divûm sator, ut Romana per ævum  
 Transeat ante meos turba togata pedes.  
 Sex superant versus: te, qui ad vadimonia curris,  
 Non moror; hæc spatiis ultima meta meis.  
 „Stripes acernus eram, properanti fâlce dolatus,  
 „Ante Numam grata pauper in urbe Deus.  
 „At tibi Mamurî, formæ cælator ahenæ,  
 „Tellus artifices ne terat Oſca manus;  
 „Qui me tam dociles potuisti fundere in usus.  
 „Unum opus est, operi non datur unus honos.

## ELEGIA III.

## EPISTOLA ARETHUSÆ AD LYCOTAM.

**H**Æc Arethusa suo mittit mandata Lycotæ,  
 Cùm toties absis, si potes esse meus.  
 Si qua tamen tibi lecturo pars oblita deerit,  
 Hæc erit è lacrymis facta litura meis:  
 Aut si qua incerto faller te litera tractu,  
 Signa meæ dextræ jam morientis erunt.  
 Te modò viderunt iteratos Bactra per ortus;  
 Te modò munito Sericus hostis equo;  
 Hibernique Getæ; pictoque Britannia curru;  
 Ustus & Eoa discolor Indus aqua.  
 Hæcne marita fides, hæc pactæ sunt mihi noctes;  
 Cùm rudis urgenti brachia victa dedi?

A \*

Quæ mihi deductæ fax omen prætulit, illa  
 Traxit ab everso lumina nigra rogo;  
 Et Stygio sum sparfa lacu, nec recta capillis  
 Vitæ data est: nupsî non comitante Deo.  
 Omnibus heu portis pendent mea noxia vota.  
 Texitur hæc castris quarta lacerna tuis.  
 Occidat, immerita qui carpsit ab arbore vallum,  
 Et struxit querulas rauca per ossa tubas:  
 Dignior obliquo funem qui torqueat Ocno,  
 Aternusque tuam pascat, aselle, famem.  
 Dic mihi, num teneros urit lorica lacertos?  
 Num gravis imbelles atterit hasta manus?  
 Hæc noceant potius, quàm dentibus ulla puella.  
 Det mihi plorandas per tua colla notas.  
 Diceris & macie vultum tenuisse: sed opto  
 E desiderio sit color iste meo.  
 At, mihi cùm noctes induxit vesper amaras,  
 Si qua relictæ jacent, osculor arma tua.  
 Tum queror in toto non fidere pallia lecto.  
 Lucis & auctores non dare carmen aves.  
 Noctibus hibernis castrensia pensa laboro,  
 Et Tyria in radios vellera ducta suos.  
 Et disco, qua parte fluat vincendus Araxes,  
 Quot sine aqua Parthus millia currat eques.  
 Cogor & è tabula pictos ediscere mundos,  
 Qualis & hæc docti sit positura Dei;  
 Quæ tellus sit lenta gelu, quæ putris ab æstu;  
 Ventus in Italiam qui bene vela ferat.  
 Assidet una soror curis; & callida nutrix  
 Pejrerat hiberni temporis esse moras.  
 Felix Hippolyte! nuda tulit arma papilla,  
 Et textit galea barbara molle caput.  
 Romanis utinam paruiscent castra puellis!  
 Essem militiæ sarcina fida tuæ.  
 Nec me tardarent Scythiæ juga, cùm pater altas  
 Africanus in glaciem frigore nectit aquas.  
 Omnia amor magnus, sed aperto in conjuge major:

Hanc Venus, ut vivat, ventilat ipsa facem.  
 Nam mihi quò, Pœnis si purpura fulgeat ostris,  
 Crystallusque suas ornat aquosa manus?  
 Omnia surda tacent; rarisque assueta Calendis  
 Vix aperit clausos una puella lares.  
 Glaucidos & catulæ vox est mihi grata querentis:  
 Illa tui partem vindicat una tori.  
 Flore facella tego; verbenis compita velo,  
 Et erepat ad veteres herba Sabina focos.  
 Sive in finitimo gemuit stans noctua tigno,  
 Seu voluit tangi parca lucerna mero;  
 Illa dies hornis cædem denuntiat agnis,  
 Succinctique calent ad nova lucra popæ.  
 Ne, precor, ascensis tanti sit gloria Bactris,  
 Raprave odorato carbasa lina duci,  
 Plumbea cum tortæ sparguntur pondera fundæ,  
 Subdolanus & versis increpat arcus equis.  
 Sed (tua sic, domitis Parthæ telluris alumnis,  
 Pura triumphantes hasta sequatur equos)  
 Incorrupta mei conserva fœdera lecti:  
 Hac ego te sola lege redisse velim.  
 Armaque cum tulero portæ votiva Capenæ,  
 Subscribam: „Salvo grata puella viro.“



## E L E G I A I V.

## F A B U L A T A R P E I Æ.

**T**ARPEIUM nemus, & Tarpeia<sup>o</sup> turpe sepulcrum  
 Fabor, & antiqui limina capta Jovis.  
 Lucus erat felix, hederoso constitus antro,  
 Multaque nativis obstrepit arbor aquis:  
 Sylvani ramosa domus, quò dulcis ab æstu  
 Fistula poturas ire jubebat oves.  
 Hunc Tatius fontem vallo præcingit acerno,  
 Fidaque suggesta castra coronat humo.  
 Quid tum Roma fuit, tubicen vicina Curetis  
 Cùm quateret lento murmure saxa Jovis?  
 Atque ubi nunc terris dicuntur jura subactis,  
 Stabant Romano pilâ Sabina foro?  
 Murus erant montes: ubi nunc est curia septa,  
 Bellicus ex illo fonte bibebat equus.  
 Hinc Tarpeia Deæ fontem libavit; at illi  
 Urgebat medium fistilis urna caput.  
 Vidit arenosis Tatium proludere campis,  
 Pictaque per flavas arma levare jubas.  
 Obstupuit regis facie, & regalibus armis,  
 Interque oblitus excidit urna manus.  
 Sæpe illa immeritæ caussata est omina Lunæ;  
 Et sibi tingendas dixit in amne comas.  
 Sæpe tulit blandis argentea lilia Nymphis,  
 Romula ne faciem læderet hasta Tatî.  
 Dumque subit primo Capitolia nubila fumo,  
 Rettulit hirsutis brachia secta rubis;  
 Et sua Tarpeia residens ita flevit ab arce  
 Vulnera vicino non patienda Jovi:  
 Ignis castrorum, & Tatiae prætoriae turmæ,  
 Et formosa oculis arma Sabina meis.

O utinam ad vestros sedeam captiva penates,  
 Dum captiva mei conspicer esse Tati!  
 Romani montes, & montibus addita Roma,  
 Et valeat probro Vesta pudenda meo.  
 Ille equus, ille meos in castra reponet amores,  
 Cui Tatius dextras collocat ipse iugas.  
 Quid mirum in patrios Scyllam sævisse capillos?  
 Candidaque in sævos inguina versa canes?  
 Prodita quid mirum fraterni cornua monstri;  
 Cum patuit lecto stamine torta via?  
 Quantum ego sum Ausoniis crimen factura puellis;  
 Improba virgineo lecta ministra foco!  
 Pallados extinctos si quis mirabitur ignes,  
 Ignoscat: lacrymis spargitur ara meis.  
 Cras, ut rumor ait, tota pugnabitur urbe:  
 Tu cape spinosi roscida terga jugi.  
 Lubrica tota via est, & perfida: quippe tacentes  
 Fallaci celat limite semper aquas.  
 O utinam magicæ nôstem cantamina Musæ!  
 Hæc quoque formoso lingua tulisset opem.  
 Te toga picta decet, non quæ sine matris honore  
 Nutrit inhumanæ dura papilla lupæ.  
 Sic hospes, pariamne tua regina sub aula,  
 Dos tibi non humilis prodita Roma venit.  
 Sin minus; at raptæ ne sint impune Sabinæ;  
 Me rape, & alterna lege repende vices.  
 Commissas acies ego possum solvere: nuptæ;  
 Vos medium pallia fœdus inite mea.  
 Adde, Hymenæe, modos; tubicen fera murmura conde:  
 Credite, vestra meus molliet arma torus.  
 Et jam quarta canit venturam buccina lucem,  
 Ipsaque in Oceanum sidera lapsa cadunt.  
 Experiar somnum; de te mihi somnia queram:  
 Fac venias oculis umbra benigna meis.  
 Dixit, & incerto permisit brachia somno,  
 Nescia se furiis accubuisse novis.  
 Nam Vesta, Iliacæ felix turris favillæ,



Culpam alit, & plures condit in ossa facit.  
Illa ruit, qualis celerem prope Thermodeonta  
Strymonis abscisso fertur aperta sinu.  
Urbi festus erat, dixere Palilia patres:  
Hic primus corpit moribus esse dies.  
Annua pastorum convivium, lusus in urbe,  
Cum pagana madent fercula deliciis;  
Cumque super raros feni flammantis acervos  
Trajicit immundas ebria turba dapes.  
Romulus excubias decrevit in otia solvi,  
Atque intermissa castra silere tuba.  
Hec Tarpeia suum tempus rata, convenit hostem  
Pacta ligat, pactis ipsa futura comes.  
Mons erat adscensu dubius, festoque remissus:  
Nec mora, vocales occupat ense canes.  
Omnia præbebant somnos; sed Jupiter unus  
Decrevit pernis invigilare suis.  
Prodiderat portæque fidem, patriamque jacentem;  
Nubendique petit, quem velit ipsa, diem.  
At Tatius (neque enim sceleri dedit hostis honorem)  
Nube, ait, & regni scande cubile mei.  
Dixit, & ingestis comitum super obruit armis.  
Hæc, virgo, officiis dos erat apta tuis.  
Et satis una malæ potuit mors esse puellæ,  
Quæ voluit flammæ fallere, Vesta, tuas?  
A duce Tarpeio mons est cognomen adeptus.  
O Vigil, injustæ præmia sortis habes.



## ELEGIA V.

AD LENAM.

**T**ERRA tuum spinis obducatur, Lena, sepulcrum;  
 Et tua, quod non vis, sentiat umbra sitim;  
 Nec sedeant cineri manes; & Cerberus ultor  
 Turpia jejuno terreat ossa sono;  
 Docta vel Hippolytum Veneri mollire negantem,  
 Concordique toro pessima semper avis:  
 Penelopen quoque, neglecto rumore mariti,  
 Nubere lascivo cogeret Antinoo.  
 Illa velit, poterit magnes non ducere ferrum,  
 Et volucris nidis esse noverca suis.  
 Quippe & Collinas ad fossam moverit herbas,  
 Stantia currenti diluerentur aqua:  
 Audax cantatæ leges imponere Lunæ,  
 Et sua nocturno fallere terga lupo.  
 Posset ut intentos astu cæcare maritos,  
 Cornicum immeritas eruit ungue genas;  
 Consuluitque striges nostro de sanguine, & in me  
 Hippomanes fortæ semina legit equæ.  
 Exornabat opus verbis, ceu blanda perurat,  
 Saxosamque terat sedula culpa viam.  
 Si te Eoa, Dorixanium, juvat aurea ripa,  
 Et quæ sub Tyria concha superbit aqua:  
 Eurypylique placet Coæ textura Minervæ,  
 Sectaque ab Attalicis putria signa toris:  
 Seu quæ palmiferæ mittunt venalia Thebæ,  
 Murrheaque in Parthis pocula cotta focis:  
 Sperne fidem, provolve Deos; mendacia vincant;  
 Frange & damnosæ jura pudicitæ.  
 Et simulare virum, precium facit. Utere caussis:  
 Major dilata nocte recurrat amor.

Si tibi fortè comas vexaverit utilis ira,  
 Post modò mercata pace premendus erit.  
 Denique ubi amplexu Venerem promiseris emto;  
 Fac simules pueros Isidis esse dies.  
 Ingerat Apriles Iole tibi : tundat Amycle  
 Natalem Maiis idibus esse tuum.  
 Supplex ille sedet ; posita tu scribe cathedræ  
 Quidlibet : has artes si paver ille , tenes.  
 Semper habe morsus circa tua colla recentes,  
 Litibus alternis quos putet esse datos.  
 Non te Medæ delectent probra sequacis ;  
 Nempe tulit fastus ausa rogare prior :  
 Sed potius mundi Thais pretiosa Menandri ,  
 Cum ferit astutos comica mœcha Getas.  
 In mores te verte viri : si cantica jactat ,  
 I comes , & voces ebria junge tuas.  
 Janitor ad dantes vigilet : si pulset inanis ,  
 Surdus in obductam somniet usque seram.  
 Nec tibi displiceat miles non factus amori ;  
 Nauta nec , attrita si ferat æra manu ;  
 Aut quorum titulus per barbara colla pependit ,  
 Calati medio cùm saliere foro.  
 Aurum spectato , non quæ manus afferat aurum.  
 Versibus auditis , quid nisi verba feres ?  
 Quis versus , Coæ dederit nec munera vestis ,  
 Ipsius tibi sit surda sine ære lyra.  
 Dum vernat sanguis , dum rugis integer annus ,  
 Utere , ne quis eat liber amore dies.  
 Vidi ego odorati victura rosaria Pæsti  
 Sub matutino cocta jacere Noto.  
 His animum nostræ dum versat Acanthis amicæ ,  
 \* \* \* \* \*  
 Sed cape torquata , Venus ô regina , columbæ  
 Ob meritum ante tuos guttura secta focos.  
 Vidi ego rugoso tussim concrefcere collo ,  
 Spuraque per dentes ire cruenta cavos ;  
 Atque animam in tegetes putrem exspirare paternas.  
 Horruit

Horruit argenti petgula curta foco.  
 Exequiæ fuerant rari furtiva capilli  
 Vincula, & immundo pallida mitra situ;  
 Et canis in nostros nimis experrecta dolores,  
 Cum fallenda meo pollice claustra forent.  
 Sit ramulus lenæ curto vetus amphora collo:  
 Urgeat hunc supra vis, caprifice, tua.  
 Quisquis amas, scabris hoc bustum cædito saxis,  
 Mistaque cum saxis adjice verba mala.

---

## ELEGIA VI.

## DE PUGNÂ ACTIACA NAVALI.

SACRA facit vates: sint ora faventia sacris,  
 Et cadat ante meos ista juvenca focos.  
 Serra Phileteis certent Romana corymbis,  
 Et Cyrenæas urna ministret aquas.  
 Costum molle date, & blandi mihi thuris honores;  
 Terque focum circa laneus orbis eat.  
 Spargite me lymphis; carmenque recentibus aris  
 Tibia Mygdoniis libet eburna cadis.  
 Ite procul fraudes; alio sint aëre noxæ:  
 Pura novum vati laurea mollit iter.  
 Musa, Palatini referamus Apollinis ædem:  
 Res est, Calliope, digna favore tuo.  
 Cæsaris in nomen ducuntur carmina: Cæsar  
 Dum canitur, quæso, Juppiter, ipse vaces.  
 Est Phœbi fugiens Athamana ad litora portus,  
 Qua sinus Ioniz murmura condit aquæ,  
 Actia Iulæ pelagus monumenta carinæ,  
 Nautarum votis non operosa via.  
 Huc mundi coiere manus: stetit æquore moles  
 Pineæ, nec remis æqua favebat avis.  
 Altera classis erat Teucro damnata Quirino,

Pilaque feminea turpiter apta manu.  
 Hinc Augusta ratis plena Jovis omina velis,  
 Signaque jam patriæ vincere docta suæ.  
 Tandem acies geminos Nereus lunârat in arcus,  
 Armerum & radiis picta tremebat aqua;  
 Cùm Phœbus linquens stantem se vindice Delon  
 ( Nam tulit iratos mobilis una Notos )  
 Adstitit Augusti puppem super, & nova flamma  
 Luxit in obliquam ter sinuata facem.  
 Non ille attulerat crines in colla solutos,  
 Aut testudineæ carmen inerme lyre:  
 Sed quali aspexit Pelopceium Agamemnona vultu,  
 Egessitque avidis Dorica castra rôgis;  
 Aut qualis flexos solvit Pythona per orbis  
 Serpentem, imbelles quem timuere lyre.  
 Mox ait; ô longa mundi servator ab Alba  
 Auguste, Hectoreis cognite major avis,  
 Vince mari; jam terra tua est: tibi militat arcus,  
 Et favet ex humeris hoc onus omne meis.  
 Solve metu patriam, quæ nunc te vindice freta  
 Imposuit proræ publica vota tuæ:  
 Quam nisi defendes, murorum Romulus augur  
 Ire Palatinas non bene vidit aves.  
 Et nimium remis audent, proh turpe, Latinis,  
 Principe te, fluctus regia vela pati.  
 Nec te, quod classis centenis remiget alis,  
 Terreat: invito labitur illa mari.  
 Quoddque vehunt proræ Centaurica saxa minantes,  
 Tigna cava, & pictos experire motus.  
 Frangit, & attollit vires in milite caussa:  
 Quæ nisi iusta subest, excutit arma pudor.  
 Tempus adest; committe rates: ego temporis auctor  
 Ducam laurigera Julia rostra manu.  
 Dixerat, & pharetræ pondus consumit in arcus:  
 Proxima post arcus Cæsaris hæsi furit.  
 Vincit Roma fide Phœbi; dat femina potnas:  
 Sceptra per Ionias fracta vehuntur aquas.

At pater Idalio miratus Cæsar ab astro,  
 Sum Deus; en nostri sanguinis ista fides.  
 Prosequitur cantu Triton, omnesque marinæ  
 Plauserunt circa libera signa Deæ.  
 Illa petit Nilum cymba male nixa fugaci,  
 Hoc unum, jussu non moritura die.  
 Dî melius: quantus mulier foret una triumphus,  
 Ductus erat per quas antè Jugurtha vias!  
 Actius hinc transit Phœbus monumenta, quod ejus  
 Una decem vicit missa sagitta rates.  
 Bella satis coctini; citharam jam poscit Apollo -  
 Victor, & ad placidos exiit arua choros.  
 Candida nunc molli subeant convivia luto,  
 Blanditæque fluant per mea colla rosæ;  
 Vinaque fundantur pratis elisa Falernis,  
 Terque lavet nostras spica Cilissa comas.  
 Ingenium potis iritat Musa poëtis:  
 Bacche, solos Phœbo fertilis esse tuo.  
 Ille paludosos memores servire Sicambros:  
 Cepheam hic Meroen, fuscaque regna canat.  
 Hic referat seto confectum fodere Parthum;  
 Reddat signa Remi, mox dabit ipse sua.  
 Sive aliquid pharetris Augustus parcat Eois,  
 Differat in pueros ista trophæa suas.  
 Gaude, Crasse, nigras si quid sapis inter arenas:  
 Ire per Euphraten ad tua busta licet.  
 Sic noctem patera, sic ducam carmine, donec  
 Inficiat radios in mea vina dies.



## E L E G I A V I I.

## A D C Y N T H I A M.

**S**UNT aliquid manes : lethum non omnia finit ;  
 Luridaque evictos effugit umbra rogos.  
 Cynthia namque meo visa est incumbere fulcro ,  
 Murmur ad extremæ nuper humata viæ ;  
 Cum mihi ab exequiis somnus penderet amaris ,  
 Et quereretur lecti frigida regna mei.  
 Eosdem habuit secum , quibus est elata , capillos ,  
 Eosdem oculos : lateri vestis adusta fuit.  
 Et solitum digito beryllon adederat ignis ,  
 Summaque Lethæus triverat ora liquor ;  
 Spirantisque animos , & vocem misit : at illi  
 Pollicibus fragiles increpuere manus :  
 Perfide , nec cuiquam melior sperande puellæ ,  
 In te jam vires somnus habere potest ?  
 Jam ne tibi exciderunt vigilacis furta Suburræ ,  
 Et mea nocturnis trita fenestra dolis ?  
 Per quam demisso quoties tibi fune pependi ,  
 Alterna veniens in tua colla manu.  
 Sæpe Venus trivio commissa est pectore misto :  
 Fecerunt tepidas pallia nostra vias ,  
 Nec crepuit fissa , me propter , arundine custos ,  
 Læsit & objectum tegula curta caput.  
 Forderis heu taciti : cujus fallacia verba  
 Non audituri diripuerunt Noti ,  
 At mihi non oculos quisquam inclinavit hiantes ,  
 Unum impetrâssem te revocante diem.  
 Denique quis nostro furvum te funere vidit ?  
 Attram quis lacrymis incaluisse togam ?  
 Si piguit portas ultra procedere ; at illud  
 Jussisses , lectum lentius ire meum.

Cur ventos non ipse rogis, ingratus, petisti?  
 Cur nardo flammæ non oluere meæ?  
 Hoc etiam grave erat, nulla mercede hyacinthos  
 Injicere, & fracto busta piare cado.  
 Quæ modò per viles inspecta est publica noctes,  
 Hæc nunc aurata cyclade signat humum;  
 Et graviora rependit iniquis pensa quasillis,  
 Garrula de facie si qua locuta mea est.  
 Nostraque quod Petale tulit ad monumenta coronas  
 Codicis immundi vincula sentit anus.  
 Cæditur & Lalage tortis suspensa capillis,  
 Per nomen quoniam est ausa rogare meum.  
 Lygdamus uratur, candescat lamina vernæ:  
 (Sensu ego, cum infidiis pallida vina bibi)  
 Aut Nomas arcanas tollat versuta salivas.  
 Ducet damnatas ignea testa manus.  
 Te patiente, meæ conflagrat imaginis aurum,  
 Ardeat è nostro dotem habitura rogo.  
 Non tamen insector, quamvis mtereare, Propertij;  
 Longa mea in libris regna fuere tuis.  
 Juro ego factorum nulli revocabile carmen,  
 Tergeminusque canis sic mihi molle sonet;  
 Me servasse fidem: si fallo, vipera nostris  
 Sibilet in tumulis, & super ossa cubet.  
 Nam gemina est sedes turpem sortita per amnem,  
 Turbaque diversa remigat omnis aqua.  
 Una Clytæmnestræ stuprum vehit, altera Cressæ  
 Portat mentitæ lignea monstra bovis.  
 Ecce coronato pars altera vœta phaselo,  
 Mulcet ubi Elysiæ aura beata rosas:  
 Qua numerosa fides, quaque æra rotunda Cybelle,  
 Mitratisque sonant Lydia plectra choris:  
 Andromedeque, & Hypermnestre sine fraude maritæ  
 Narrant historiæ pectora nota suæ.  
 Hæc sua maternis queritur vivere catenis  
 Brachia, nec meritas frigida saxa manus.  
 Narrat Hypermnestre magnum ausas esse sorores:



In scelus hoc animum non valuisse sanari.  
 Sic mortis lacrymis vitæ sanamus amores.  
 Celo ego perfidie crimina multa tuæ.  
 Sed tibi nunc mandata damus ; si fortè moveris ,  
 Si te non totum Chloridos herba tenet ,  
 Nutrix in tremulis ne quid desideret annis  
 Parthenie : paruit , nec tibi avara fuit.  
 Delitiæque meæ Lætris , cui nomen ab usu est ,  
 Ne speculum dominae portigat illa novæ.  
 Et quoscunque meo fecisti nomine versus ,  
 Ure mihi : laudes desine habere meas.  
 Pelle hederam tumulo , mihi quæ pugnante corymbo  
 Mollia contortis alligat ossa comis.  
 Ramosis Anio qua pomifer incubat arvis ,  
 Et nunquam Herculeo numine pallor ebur ;  
 Hoc carmen media dignum me scribe columna ,  
 Sed breve , quod currens vester ab urbe legat :  
 „ Hic Tyburtina jacet aurea Cynthia terra.  
 „ Accessit ripæ laus , Amiene , tuæ. „  
 Nec tu sperne piis venientia somnia portis :  
 Cum pia venerunt somnia , pondus habent.  
 Noctæ vagæ ferimur. Nox clausas liberat umbras ,  
 Errat & abjecta Cerberus ipse sera.  
 Luce jubent leges Lethæa ad stagna reverti :  
 Nos vehimur ; vestræ nata recenset omnes.  
 Nunc te possideant aliæ ; mox sola tenebo :  
 Mecum eris , & mistis ossibus ossa tenam.  
 Hæc postquam querula mecum sub litte peregit ,  
 Inter complexus excidit umbra mea.



## ELEGIA VIII.

## DE CYNTHIA ET DRACONE.

**D**ISCE quid Esquilias hac nocte fugarit aquosas,  
Cum vicina novis turba cucurrit agris.  
Lanuvium annosi vetus est tutela Draconis,  
Hic ubi tam rare non perit hora moræ,  
Qua sacer abripitur cæco descensus hiatus,  
Qua penetrat virgo (tale iter omne cave)  
Jejuni serpentis homines, cum pabula poscit  
Annua, & ex ima sibila torquet humo.  
Talia demissæ pallent ad sacra puellæ,  
Cum tenera angustino creditur ore manua.  
Ille sibi admotas à virgine corripit oscas:  
Virginis in palmis ipsa canistra tremunt.  
Si fuerint castæ, redeunt in colla parentum;  
Clamantque agricolæ, fertilis annus erit.  
Huc mea detonsis avecta est Cynthia mannis:  
Causa fuit Juno, sed magis causa Venus.  
Appia, dic, queso, quantum te restet triumphum  
Egerit, effusus per tua saxa rotis  
Turpis in arcana somnit cum rixa taberna:  
Si sine me, fame non sine labe moræ.  
Spectaculum ipsa sedens primo testone peccedit,  
Ausâ per impuros frena movere locos.  
Serica nam taceo Volsci carpenta nepotis,  
Atque armillatos colla Molesta caros;  
Qui dabit immanæ venalia fata saginæ,  
Vincet ubi crassas barba pudenda genas.  
Cum fieret nostro toties injuria lectæ,  
Mutato volui castra movere toro.  
Phyllis Aventinæ quædam est vicina Dianæ:  
Sobria grata parum; cum bibat, omne decet:  
B b iv

Altera Tarpeios est inter Teïa lucos ,  
Candida ; sed potæ non satis unus erit.  
His ego constitui noctem lenire vocatis ,  
Et Venere ignota furta novare mea.  
Unus erat tribus in secreta lectulus herba.  
Quæris concubitus ? Inter utramque fui.  
Lygdamus ad cyathos , vitrique æstiva supellex ,  
Et Methymnæi Graja saliva meri.  
Nilotes tibicen erat , crotalistria Philis ,  
Et facilis spargi munda sine arte rosa.  
Nanus & ipse suos breviter concretus in artus  
Jactabat truncas ad cava buxa manus.  
Sed neque suppletis constabat flamma lucernis ,  
Decidit inque suos mensa supina pedes.  
Me quoque per talos Venerem quærente secundos ,  
Semper damnosæ subfluere canes.  
Canabant furdo , nudabant pectora cæco.  
Lanuvii ad portas heu mihi solus eram :  
Cum subito rauci sonuerunt cardine postes ,  
Et levia ad primos murmura facta lares.  
Nec mora , cum totas resupinat Cynthia valvas ,  
Non operosa comis , sed furibunda decens.  
Pocula mi digitos inter cecidere remissos ,  
Palluerantque ipso labra soluta mero.  
Fulminat illa oculis , & , quantum femina , sævit :  
Spectaculum capta nec minus urbe fuit.  
Phyllidosq; iratos in vultum conjicit unguis :  
Territa vicinas Teïa clamat aquas.  
Lumina sopitos turbant elata Quirites ;  
Omnis & insana semita nocte sonat.  
Illas direptisque comis , tunicisque solutis  
Excipit obscuræ prima taberna viæ.  
Cynthia in exuviis gaudet , victrixque recurrit ,  
Et mea perversa sauciat ora manus ;  
Imponitque notam collo , morfuque cruentat ;  
Præcipuèque oculos , qui meruere , ferit.  
Atque ubi jam nostris lassavit brachia plagis ,

Lygdamus ad plutei fulcra sinistra latens  
Exiit, Geniumque meum prostratus adorat.  
Lygdame, nil potui: tecum ego captus eram.  
Supplicibus palmis tum demum ad fœdera veni,  
Cum vix tangendos præbuit illa pedes;  
Atque ait, admittæ si vis me ignorare culpæ,  
Accipe, quæ nostræ formula legis erit.  
Tu neque Pompeia spatiabere cultus in umbra,  
Nec cum lascivum sternet arena forum.  
Colla cave inflectas ad summum obliqua theatrum,  
Nec lætica tuz sit adoperta moræ.  
Lygdamus in primis, omnis mihi causa querelæ,  
Veneat, & pedibus vincula bina trahat.  
Indixit leges: respondi, ego legibus utar.  
Riserat imperio facta superba dato.  
Dein, quemcumque locum externæ terigere puellæ,  
Sufficit, & pura limina tergit aqua;  
Imperat & totas iterum mutare lucernas,  
Terque meum tetigit sulfuris igne caput.  
Atque ita mutato per singula pallia lecto,  
Et sponda, & toto movimus arma toro.

---

## ELEGIA IX.

## DE HERCULE ET MORTE CACI.

**A**MPHITRYONIADIS qua tempestate juvencos  
Egerat à stabulis, ô Erythea, tuis,  
Venit ad invictos pecorosa palatia montes,  
Et statuit fessos fessus & ipse boves,  
Qua Velabra suo stagnabant flumine, quaque  
Nauta per urbanas velificabat aquas.  
Sed non infido manserunt hospite Caco  
Incolumes: furto polluit ille Jovem.  
Incola Cacus erat, metuendo raptor ab antro

Per tria partitos qui dabat ora Ionea.  
 Hic, ne certa forent manifestæ signa rapinæ,  
 Aversos cauda traxit in antra boves.  
 Nec sile teste Deo : furem sonuere iuveni ;  
 Furis & implacidas diruit ira fores.  
 Mænalio jacuit pulsus tria tempora ramo  
 Cacus ; & Alcides sic ait : ite boves,  
 Herculis ite boves, nostræ labor ultime clavæ,  
 Bis mihi quæsitæ, bis mea præda boves,  
 Arvaque mugitu sancite boaria longo :  
 Nobile erit Romæ pascua vestra forum.  
 Dixerat, & sicco torret siccis ora palato,  
 Terraque non ullas sortæ ministrat aquas.  
 Sed procul inclusas audit ridere puellas.  
 Lucus ab umbræso fecerat orbe nemus,  
 Femineæ loca clausa Deæ, fontesque piandos,  
 Impunè & nullis sacra retecta viris.  
 Devia puniceæ velabant limina vittæ :  
 Putris odorato luxerat igne casa :  
 Populus & longis ornabat frondibus ædora :  
 Multaque cantantes umbra tegebat aves.  
 Huc ruit in siccam congesto pulvere barbam,  
 Et jacit ante fores verba minora Deo :  
 Vos precor, ô luci sacro quæ luditis antro,  
 Pandite defessis hospita fana viris.  
 Fontis egens erro, circaque sonantia lymphis,  
 Et cava suscepto flumine palma fat est.  
 Audistisne aliquem, tergo qui sustulit orbem ?  
 Ille ego sum : Alciden terra recepta vocat.  
 Quis facta Hercules non audit fortia clavæ ?  
 Et nunquam ad notus itrica tela seras ?  
 Atque uni Stygias hominum lustrasse tenebras ?  
 \* \* \*  
 Quod si Junoni sacrum faceretis amare,  
 Non clausisset aquas ipsa moverca suas.  
 Sin aliquam vultusque meus, setæque leonis  
 Terrent, & Libyco sole perusta coma ;

Idem ego Sidonia feci servilia palla  
Officia, & Lyda pensa diurna colu;  
Mollis & hirsutum cepit mihi fascia pectus,  
Et manibus duris apta puella fui.  
Talibus Alcides: at talibus alma sacerdos  
Punico canas stamine victa comas:  
Parce oculis, hospes, lucoque abscede verendo:  
Cede agedum, & tuta limina linque fuga.  
Interdicta viris metuenda lege piatur,  
Quæ se summota vindicat ara casa.  
Magno Tiresias adspexit Pallada vates,  
Fortia dum, posita Gorgone, membra lavat.  
Di tibi dent alios fontes: hæc tympha puellis  
Avia secreti liminis tulla fuit.  
Sic anus: ille humeris postes concussit opacos,  
Nec tulit iratam janua clausa sitim.  
At postquam exausto jam flumine vicerat æstum,  
Ponit vix ficcis tristia jura labris.  
Angulus hic mundi nunc me mea fata trahentem  
Accipit: hæc fesso vix mihi terra patet.  
Maxima quæ gregibus devota est ara repertis,  
Ata per has, inquit, maxima facta manus,  
Hæc nullis unquam pateat veneranda puellis,  
Herculis eximii ne sit inulta sitis.  
Sancte pater, salve, cui jam favet aspera Juno:  
Sancte, velis libro dexter inesse meo.  
Nunc quoniam manibus purgatum sanxerat orbem,  
Sic sanctum Tatii composuere Curtes.



## E L E G I A X.

## QUARE JUPITER FERETRIUS DICTUS.

**N**unc Jovis incipiam causas aperire Feretrî,  
 Armaque de ducibus trina recepta tribus.  
 Magnum iter adscendo; sed dat mihi gloria vires:  
 Non juvat ex facili lecta corona jugo.  
 Imbuis exemplum primæ tu, Romule, palmæ  
 Hujus, & exuviis plenus ab hoste redis.  
 Tempore quo portas Cæninum Acrona petentem  
 Victor in eversum cuspide fundis equum.  
 Acron Hercules Cænina ductor ab arce,  
 Roma, tuis quondam finibus horror erat.  
 Hic spolia ex humeris ausus sperare Quirinis,  
 Ipse dedit, sed non sanguine sicca suo.  
 Hunc videt ante cavas vibrantem spicula turres  
 Romulus, & votis occupat antè ratis:  
 Juppiter, hæc hodie tibi victima corruiet Acron.  
 Voverat, & spoliū corruiet ille Jovi.  
 Urbis, virtutisque parens sic vincere suevit,  
 Qui tulit aprico frigida castra lare.  
 Idem eques & frenis, idem fuit aptus aratris;  
 Et galea hirsuta comta lupina juba;  
 Picta nec inducto fulgebat parma pyropo:  
 Præbebant cæsi baltea lenta boves.  
 Cossus at insequitur Veientis cæde Tolumni,  
 Vincere cum Veios posse laboris erat:  
 Nec dum ultra Tiberim belli sonus; ultima præda  
 Nomentum, & captæ jugera terna Coræ.  
 Et Vei veteres, & vos tum regna fuistis,  
 Et vestro posita est aurea sella foro.  
 Nunc intra muros pastoris buccina lenti  
 Cantat, & in vestris ossibus arva metunt.

Fortè super portæ dux Veius astitit arcem ;  
 Colloquiumque sua fretus ab urbe dedit.  
 Dumque aries murum cornu pulsabat aheno ,  
 Vineaque inductum longa tegebat opus ,  
 Cossus ait , forti meliùs concurrere campo.  
 Nec mora fit , plano sistit uterque gradu.  
 Dî Latias juvere manus : desecta Tolumni  
 Cervix Romanos sanguine lavit equos.  
 Claudius à Rheno trajectos arcuit hostes ;  
 Belligerans vasti parma relata ducis  
 Virdomari : genus hic Rheno jactabat ab ipso ,  
 Nobilis erectis fundere gesa rotis.  
 Illi virgatis jaculantis ab agmine braccis  
 Torquis ab incisa decidit unca gula.  
 Nunc spolia in templo tria condita : caussa Feretrî ,  
 Omne quòd certò dux ferit ense ducem.  
 Seu , quia victa suis humeris hæc arma ferebant ,  
 Hinc Feretrî dicta est ara superba Jovis.

---

## ELEGIA XI.

CORNELIA PAULO.

**D**ESINE , Paule , meum lacrymis urgere sepulcrum :  
 Panditur ad nullas janua nigra preces.  
 Cum semel infernas intrârunt funera leges ,  
 Non exorato stant adamanre viæ.  
 Te licet orantem fuscæ Deus audiat aulæ ,  
 Nempe tuas lacrymas litora surda bibent.  
 Vota movent superos : ubi postitor æra recepit ,  
 Obserat herbosos lurida porta rogos.  
 Sic mœstæ cecinere tubæ , cum subdita nostrum  
 Detraheret lecto fax inimica caput.  
 Quid mihi conjugium Pauli , quid currus avorum  
 Profuit ? aut famæ pignora tanta meæ ?



Num minùs immites habui Cornelia Parcas?

En sum quod digitis quisque levatur onus.  
Damnatae noscitur, & vos vada lenta paludes,

Et quaecumque meos implicat unda pedes,  
Immatura licet, tamen huc non noxia veni.

Det pater huic umbræ mollia jura meæ.

Aut si quis posita iudex sedet Æacus urna,

In mea sortita vindicet ossa pila.

Affideant fratres juxta Minoia sella, &

Eumenidum intento turba severa foro.

Syphisbe, mole vacet; taceant Ixionis orbes;

Fallax Tantaleo corripiare liquor;

Cerberus & nullas hodie petat improbus umbras,

Et jaceat tacita lapsa catena sara.

Ipsa loquor pro me: si fallo, potius sororum

Infelix humeros urgeat urna meos.

Si cui fama fuit per avira trophæa decori,

Afra Numantinos regna loquuntur avos.

Altera maternos exæquat turba Libones;

Et domus est titulis utraque fulta suis.

Mox ubi jam facibus cessit pretexta maritis,

Vinxit & acceptas altera vitta comas,

Jungor, Paule, tuo, sic discessura, cubili.

In lapide hoc unæ nupta fuisse legas.

Testor majorum cineres tibi, Roma, colendos,

Sub quorum ritulis, Africa, tonsa jaces;

Et Persen proævi simulantem pectus Achillis,

Quique tuas proævus fregit, Achille, domos;

Me neque censuræ legem moluisse, nec ulla

Labe mea vestros erubuisse focos.

Non erat exuviis tantis Cornelia damnata:

Quin & erat magnæ pars imitanda domûs.

Nec mea mutata est ætas; sine crimine tota est:

Viximus insignes inter utramque facem.

Mî natura dedit leges à sanguine dictas,

Ne possim mellior judicis esse metu.

Quælibet austeras de me ferat urna tabellas,

Turpior affectu non erit ulla meo ;  
Vel tu , quæ tandem movisti fune Cybellem ,  
Claudia , turritæ rara ministra Deæ ;  
Vel cui , commissos cum Vesta reppereret ignes ,  
Exhibuit vivos carbasus alba focos.  
Nec te , dulce caput , mater Scribonia , læsi.  
In me muratum quid , nisi fata , velis ?  
Maternis laudor lacrymis , urbisque querelis ;  
Defensa & gemitu Cæsaria ossa mea.  
Ille sua nata dignam vixisse sororem  
Increpat ; & lacrymas vidimus ire Deo.  
Et tamen emerui generosos vestis honores ,  
Neq; mea de sterili facta rapina domo.  
Te , Lepide , & te , Paule , meum post fata levamen ,  
( Condita sunt vestro lumina nostra sinu )  
Vidimus , & fratrem sellam geminasse curulem :  
Consule quod facto tempore rapta soror.  
Et bene habet : nunquam mater lugubria sumsi.  
Venit in exsequias tota caterva meas.  
Nunc tibi commendo communia pignora natos :  
Hæc cura & cineri spirat iniusta meo.  
Fungere maternis vicibus , pater : illa meorum  
Omnis erit collo turba ferenda tuo.  
Oscula cum dederis tua flentibus ; adjice matris.  
Tota domus cœpit nunc onus esse tuum.  
Et si quis doliturus eris , sine testibus illis :  
Cum venient , siccis oscula falle genis.  
Sat tibi sint noctes , quas de me , Paule , fatiges ;  
Somniaque in faciem credita sæpe meam.  
Atque ubi secretò nostra ad simulacra loqueris ,  
Ut responsuræ singula verba jace.  
Seu tamen adversum mutarit janua lectum ,  
Sederit & nostro cauta noverca toro ;  
Conjugium , pueri , laudate & ferte paternum ;  
Capta dabit vestriq; moribus illa manus.  
Nec matrem laudate nimis : collata priori  
Vertet in offensas libera verba suas.

Seu memor ille mea contentus manserit umbra ;  
 Et tanti cineres duxerit esse meos ;  
 Discite venturam jam nunc sentire senectam ,  
 Cœlibis ad curas nec vacet ulla via.  
 Quod mihi detractum est , vestros accedat ad annos.  
 Prole mea Paulum sic juvat esse senem.  
 Filia tu specimen censuræ nata paternæ ,  
 Fac teneas unum , nos imitata , virum.  
 Ex serie fulcite genus : mihi cymba volenti  
 Solvitur aucturis tot mea fata malis.  
 Hæc est feminei merces extrema triumphï ,  
 Landat ubi emeritum libera fama rogam.  
 Causa perorata est : flentes me surgite testes ;  
 Dum precium vitæ grata rependit humus.  
 Moribus & cœlum patuit : sum digna merendo ,  
 Cujus honoratis ossa vehantur equis.



C N. C O R N E L I I  
G A L L I  
F R A G M E N T A ,  
E T  
M A X I M I A N I  
E L E G I A R U M L I B E L L U S ,  
*Perperam GALLO attributus.*

GERARDUS JOANNES VOSSIUS  
DE  
POETIS LATINIS.

EUSEBIUS IN CHRONIC.

OLYMPIAD. CLXXXVIII. AN. II.

**C**ORNELIUS GALLUS FOROJULIENSIS  
*Pœta*, à quo primum *Egyptum rectam* suprâ  
diximus, *quadragesimo ætatis suæ anno propria se manu*  
*interfecit*. Similiter Donatus in *Vita Virgilii*. At  
Maximiani sunt, quæ Cornelio Gallo tribuuntur  
vulgò: etiam à Petro Osimio, lib. de Pœtis, Rob.  
Titio lib. 1. *Controversorum locorum* cap. xv.  
& Sebastianus Foxius lib. 17. de *Imitatione*, sive  
*Ratione styli* fol. 1. qui eum Tibullo & Propertio  
non inferiorem ait in carmine Elegiaco. Quantò  
rectius Maximianum hunc Pœtam barbarum vocat  
Vvo Villiomarus, adversus Titium, quem dixi. Et  
sanè in Manuscripto nostro, non Gallo, sed Ma-  
ximiano attribuitur, &c.

## CN. CORNELII GALLI VITA.

**C**ORNELIUS GALLUS FOROJULIENSIS Orator, ac Poëta clarissimus, ex infima fortuna in Augusti amicitiam susceptus, Ægyptum Provinciam Romanorum primus obtinuit: mox quum quædam in convivio per merum fassus esset, in suspicionem conjurationis adductus, damnandusque Senatui traditus, ob pudorem, propria se manu interfecit, anno ætatis suæ LXXII. Hunc P. V. Maro usque adeo sibi amicissimum habuit, ut Bucolica & Georgica in ejus laudibus terminârit. Verum quia in Georgicis pleniores de eo laudes continebantur, jubente Augusto, in Aristei fabulam commutavit. Scripsit Cornelius Gallus Elegiarum libros IV. de Cytheride quadam P. Volumnii liberta, quam ficto nomine Lycoporida appellavit; inque iis imitatus est Euphorionem Chalcidicum Poëtam. Lasciviusculus semper fuit: in compositione tamen cæteris, qui Elegiam Latinè scriptitârunt, durior à Fabio non temerè judicatus. Ejus scripta penitus interciderunt, præter hunc unum libellum, quem paulò ante mortem in Ægypto visus est perscripisse. Nam quum ibi Græcam quandam puellam adamâisset, nec propter ingravescentem jam ætatem ejus libidini satisfacere potuisset, materia satis opportunè objecta est, ut senectutis incommoda describens, juveniles suos amores recenseret, seque in suis carminibus multò melius quàm in nummo, spectandum effingeret. Nam quòd fuerit Hetruscus, quòd Orator, quòd Poëta, quòd etiam vinolentus, quòd Lycorida adamârit, quòd Legatus Ægypto præfuerit, hinc manifestissime colligitur: quæ si quis diligenter animadverterat, fatebitur hunc libellum Cornelii Galli non alterius fuisse, ut quidam parùm prudenter existimârunt.

ASINII  
 CORNELII GALLI  
 ELEGIA:  
 EJUSDEM  
 EPIGRAMMATA TRIA,  
 EDENTE ALDO MANUTIO JUNIORE.

**C**ORNELIUS Gallus, Asinii Pollionis filius, inter primos elegiarum scriptores connumeratur. Tibullo, & Propertio, ut carminis suavitate non comparandus, ita exquisitissima Græcorum imitatione, sententiarum pondere, & beatissima præterea verborum copia, utroque major, & splendidior. *Virgilium Maronem* unice dilexit: à quo Bucolico carmine bis laudatus est; & extremum Georgicorum in illius nomine principio apparuisse constat: verum, jussu Augusti & partium odio, in *Aristæi* fabulam postea mutatum. Quæ in hac Elegia vitio temporis corrupta videbantur, ea intacta reliquimus. Cornelii Galli quæ extant edita, *Maximiani* esse, qui avorum nostrorum memoria vixit, testatur Lilius Gregorius Gyraldus Dialogo IV. *de Poëtis*. Librum ego scriptum habeo, in quo *Gallæ Maximiani* nomine ea leguntur.

GALLI  
ELEGIÆ  
ARGUMENTUM.

*Militabat Gallus adversus Parthos sub Ventidio ;  
Imperatore clarissimo. Certior verò factus de valetudine  
Lycoridos, quam in Urbe reliquerat, hanc in castris  
Elegiam scripsit, in qua mirabiliter amantium affectus  
exprimit. Creber est sententiis non vulgaribus ; magni-  
ficè assurgit, nec otiosè digreditur : oratione præterea  
suavissima, & verè Romana utitur ; ita ut Quintilia-  
ni judicium mirari subeat, qui Gallum paulò durius-  
culum Poëtam interdum vocet.*

GALLI ELEGIA.

**N**ON fuit Arfacidum tanti expugnare Seleucen,  
Italaque ultori signa referre Jovi ;  
Ut desiderio nostri, curaque Lycoris  
Heu jaceat menses pænè sepulta novem.  
Nec tantùm morbus, quantùm gravat ira parentis.  
Sic premitur geminis una puella malis.  
Æqua tamen matris causâ est : cupit ille paternam  
Impleat ut pulcra filia prole domum.  
Quid, quòd Lena meos avertere tentat amores,  
Portat & occulto grandia dona sinu ;  
Et juvenem laudat, qui munera misit ab alta  
Indole  
Candida quòd nulla lanugine vestiat ora ;



Quòd fluat ex toto vertice flava coma ;  
 Quòd citharæ cantûsque sciens ; deinde horrida bella ,  
 Atque ingrata notat tempora militiæ.  
 Me quoque jam canis narrat splendere capillis ,  
 Et quòd . . . vulnere tardus eam.  
 Multa quoque effingit , mentitur & omnia : fluxa  
 Quàm vereor ne sit nostra puella fide.  
 Formina natura varium , & mutabile semper ;  
 Diligat ambiguum est , oderit anne magis :  
 Nil adeò medium . . . . .  
 Et tantùm constans in levitate sua.  
 Filius Europæ Minos , seu poneret arcum ,  
 Sive comam premeret casside , pulcher erat.  
 Non prius è muris pugnantem regia virgo  
 Viderat , ac dirus crimina fuisset amor.  
 Acer Amor Dens est : fetus donat ille leonas.  
 Excuser facinus vindice Scylla Deo.  
 At pius æternam servet nî Juppiter urbem ,  
 Scilicet occiderat Virginis illa dolo.  
 Sic pereat patrias quicumque insanus in arces  
 Mente ruit , pœnas ut scelerata dedit.  
 Obruta virgo jacet ; servat quoque nomina turris  
 Illa , triumphator Juppiter unde tenat.  
 Quid loquor ah demens ? roseæ nec flore juventæ ,  
 Nec capitur missis lux mea muneribus.  
 Non patris imperium , matris non aspera jussa  
 Sollicitant ; firmo pectore durat amor.  
 Non secus Ægeo moles objecta fragori ,  
 Illa manet , frustra ventus & aura furit.  
 Nec minùs , ut vires paulatim colligit ignis ,  
 Purior accenso fomite flamma micat.  
 Illa meos reditus spe non præsumit inani ,  
 Et fovet in tacito gaudia certa sinu.  
 Me vocat absentem , me me suspirat in animum ,  
 Et de me noctes cogitat , atque dies.  
 Quin etiam argento , puroque intexit in auro ,  
 Altera jam castris parva laceria meis.

Illic bellantum juvenum studiosa figuras,  
Atque audita levi praelia pingit acu.  
Pingit & Euphratis currentes molliùs undas,  
Victricesque Aquilas sub duce Ventidio;  
Qui nunc Crassorum manes, direptaque signa  
Vindicat Augusti Caesaris auspiciis.  
Parthe tumens animis, & nostra clade superbe,  
Hic quoque Romano stratus ab hoste jaces.  
At mea cum primis viceris apparet imago;  
Exigit hoc pietas, & bene sedus amor.  
Ipsa quoque exprimitur; dejecto pallida vultu  
Stat lacrymans, & me pœnè vocare pater.  
Quàm bene, cùm ferrum nondum prodiret in auras,  
Omnia pacis erant, & sua cuique satis.  
Dives erat, si quis parvi possessor agelli:  
Severat ille priùs, deinde coquebat olus.  
Non locus invidiæ, quamvis vicinus abundè  
Et pecus, & messes, mustaque haberet ager.  
Liber amor, nulli mulier suspecta marito,  
Casta satis, norat si qua negare palam.  
Tunc Venus . . . spirabat dulciter ignes,  
Spiculaque in silvis tuta vibrabat amor.  
Cur mihi non illis nasci, mea vita, diebus  
Contigit? invidit quis bona tanta Deus?  
O niveas luces, ô tempora dulcia! verè  
Aurea Saturni sæcla fuere senis.  
Nunc ferrum erupit, rabiesque asperrima ferri:  
Nunc furor, & cædes . . .

Forfan & hic noster tinget cruor hospitis arma,  
Aut cadet unanimis frater ab ense meo.  
Quid mihi cum bello? pugnent quibus incolita regna,  
Aut quibus ingentes Marre petuntur opes.  
Nos alias pugnas alitis pugnemus in armis:  
Inflet amor lituos, & fera signa canat.  
Fortis ad occasum si pugnam Solis ab ortu,

Detrahat ignavo protinus arma Venus.  
 Sin cadat ex votis, & res bene gesta feratur;  
 Cesserit è merito cara puella mihi.  
 Quam . . . . . sinu, aut basia jungam,  
 Dum lateri vires, nec sit amare pudor.  
 Tunc me vina juvent nardo confusa, resisque;  
 Sertaque, & unguentis sordida facta coma.  
 Nec Dominae pudeat gremio captare soporem,  
 Surgere nec media jam veniente die.  
 Si quis amore vacans irriserit, imprecor illi  
 Ardeat, &, quid sit, discat amare senex.  
 Servus & ux nostros incassum laudet amores,  
 Ex sapit hic, dicat, saucius igne novo.  
 Heu male (crede mihi) si quis sua gaudia differt.  
 Dum loquimur, nox est mortis, & umbra subit.

## EPIGRAMMA, SINE TITULO.

O CECURRIS cum manè mihi, nì purior ipsa  
 Luce nova exoreris, lux mea, dispeream.  
 Quòd si nocte venis, jam verò ignoscire, Divi,  
 Talis ab occiduis Hesperus exit aquis.

*De duabus Sororibus meretriculis ex Illyrico, Ger-  
 sia, & Chloë, quæ Romanæ castra cum matre  
 Lena sequerentur.*

. . . matris amor, delictumque meum.  
 Ne verò inter vos odio certare, sorores,  
 Utrius alba magis, vel minùs atra cutis.  
 Hoc unum certate, suos magis urat amores,  
 Altera nonne oculis, altera nonne comis.  
 Anne coma ex auro flava est tibi, Gentia? an auti  
 Ex

Ex ipsa magis est bractea fiava coma?

E Beronica detonsum vertice crinem

Rettulit esuriens Græcus in astra Conon.

Gentia, rapta tibi fiat coma protinus astrum,

Et regat Illyricas certior ursa rates.

Cum quatit, & caudam Junonius explicat ales,

Mille oculos, gemmas mille decenter habet.

. . . . . huc illuc flectat ocellos:

Hinc illinc videas currere mille faces.

# IN IMAGINEM PUELLÆ.

SOPRIDES, si virgo faces jacularis ocellis,

Et tua nescio quo murmure labra sonant;

Cur non ora mihi jamdudum in verba resolvis?

*Sequens Epigramma, de Virgilii morte ad Augustum, quia Galli à plerisque creditur, hic adjungere volumus, quamvis ab aliis omissum.*

TEMPORIBUS latis tristamur, maxime Cæsar,  
Hoc uno amisso, quem gemo, Vergilium.

Sed vetuit relegi, si tu patiere, libellos,

In quibus Æneam condidit ore sacro.

Roma rogat, precibus totus tibi supplicat orbis,

Ne pereant flammis tot monumenta ducum.

Atque iterum Trojam, sed major flamma, cremabit:

Fac laudes Italum, fac tua fata legi.

Æneamque suum fac major nuncius ornet.

Plus fatis possunt Cæsar's ora Dei.



## EX DIALOGO IV.

*Historia Poëtarum Lili Gyraldi.*

**M**IAOR quorundam impudentiam, ne dicam amentiam, qui tralaticios quosdam & ementitos versus sub Galli Poëtæ nomine ediderunt; cum in iis neque phrasis, neque tempus Gallo conveniant; qui tertio & quadragesimo ætatis anno, sua sibi met manæ, teste Dione, Eusebio, & Ammiano, mortem accersit: in iis autem senem describit. Sed nec in plerisque versibus purus est & sincerus sermo Latinus, quin & syllabarum moræ, & tempora metri leges nonnunquam excedunt. *Maximiani* verò nugatoris cujusdam, & nebulonis potius, eorum versus plurimi sunt. Ex vetustioribus enim adhuc quibusdam exemplaribus, in quibus *Maximiani* ipsius nomen legitur, illius, inquam, Maximiani, cujus & insignis Grammaticæ nugator Alexander nugas irridet. Unam verò vel alteram Elegiam Galli esse non abnuerim. Sic & illud Galli Epigramma à plerisque creditur, quod de Vergilii morte ad Augustum legitur:

Temporibus lætis tristatur, maxime Cæsar,  
& reliqua, quæ mox legisti, & quæ etiam leges in  
Cataloëis Vergilianis.



---

CN. CORNELII GALLI,

VEL POTIUS

MAXIMIANI

ELEGIARUM LIBELLUS.

---

ELEGIA PRIMA.

SENECTUTIS DESCRIPTIO.

ÆMULA cur cessas finem properare Senectus?  
 Cur & in hoc fesso corpore tarda sedes?  
 Solve precor miseram tali de carcere vitam;  
 Mors est jam requies, vivere poena mihi.  
 Non sum qui fueram; periit pars maxima nostri:  
 Hoc quoque quod superest, languor, & horror habet.  
 Lux gravis in luctu, rebus gratissima lætis;  
 Quodque omni est pejus funere, velle mori.  
 Dum juvenile decus, dum mens sensusque manebat,  
 Orator toto clarus in orbe fui.  
 Sæpe poëtarum mendacia dulcia finxi;  
 Et veros titulos res mihi ficta dedit.  
 Sæpe perorata percepi lite coronam,  
 Et data sunt linguæ præmia grata meæ,  
 Dd ij

Quæ cum defunctis jam sunt immortua membris:

Heu senibus vitæ portio quanta manet!

Nec minor his aderat sublimis gratia formæ:

Quæ, vel si desint cætera multa, placet.

Quin etiam virtus fulvo pretiosior auro,

Per quam præclarum plus micat ingenium.

Si placuit canibus densos circumdare saltus,

Occubuit telis præda petita meis.

Si libuit celes arcu tentare sagittas,

Prostravi multas non sine laude feras.

Dulce fuit madidam si fors versare palæstram,

Implicui validis lubrica membra toris.

Nunc agili cursu, eunctos anteire solebam:

Nunc tragicos cantus exsuperare meo.

Augebat meritum dulcis mistura bonorum:

Ut semper varium plus micat artis opus.

Nam quæcunque solent per se perpensa placere,

Alternò potiùs victa decore placent.

Has inter virtutis opes, tolerantia rerum

Spernebat cunctas insuperata minas.

Vertice nudato ventos pluviasque forebam:

Non mihi solstitium, non grave frigus erat.

Innabam gelidas Tyberini fluminis undas;

Nec metui dubio credere membra freto.

Quamvis exiguo poteram requiescere somno,

Et quamvis modico membra fovere cibo.

At si me subito vinosus repperit hospes,

Aut fecit lenis fumere vina dies;

Cessit & ipse pater Bacchus, stupuitque bibentem,

Et qui cuncta solet vincere, victus abit.

Haud facile est animum tantis inflectere rebus,

Ut res oppositas mens ferat una duas.

Hoc quoque virtutum quondam certamine magnum

Socratem palmam promeruisse ferunt.

Hinc etiam rigidum memorant valuisse Catonem:

Non res in vitium, sed male facta cadunt.

Intrepidus, quæcunque forent, ad utrumque forebar:

Cedebant animo tristia cuncta meo.  
 Pauperiem, modico contentus, semper amavi ;  
 Et rerum dominus, nil cupiendo, fui.  
 Tū me sola tibi subdis, miseranda Senectus,  
 Cui cedit quidquid vincere cuncta potest.  
 In te corruimus : tua sunt quæcunque fatiscunt ;  
 Ultima quæque tuo conficis ipsa malo.  
 Ergo his ornatum meritis Erruria nostris  
 Optabat natis me sociare suis :  
 Sed mihi dulce magis resolutio vivere collo ,  
 Nullaque conjugii vincula grata pati.  
 Ibam per mediam vernali corpore Romam,  
 Spectandus cunctis undique virginibus.  
 Quæque peti poterat, fuerat vel fortè petita ,  
 Erubuit vultus visa puella meos.  
 Et nunc subridens latebras fugitiva petebat ,  
 Non tamen effugiens tota latere volens.  
 Sed magis ex aliqua cupiebat parte videri ,  
 Latior hoc multò, quòd male testa foret.  
 Sic cunctis formosus ego, gratusque videbar  
 Omnibus, & sponsus sic Genialis eram.  
 Sed tantum sponsus : nam me natura pudicum  
 Fecerat, & casto pectore durus eram.  
 Nam dum præcipue cupio me jungere formæ ,  
 Permansi viduo frigidus usque toro.  
 Omnis sorda mihi, atque omnis mihi rustica visa est,  
 Nullaque conjugio digna puella meo.  
 Horrebam tenuis, horrebam corpore pinguis :  
 Nec mihi grata brevis, nec mihi longa fuit.  
 Cum media tantum dilexi ludere forma :  
 Major enim mediis gratia rebus inest.  
 Corporis has nostri mollis lascivia parteis  
 Incolit : has sedes mater amoris habet.  
 Quærebam gracilem, sed non quæ macra fuisset :  
 Carnis ad officium carnea membra placent.  
 Sic quod in amplexu delectat stringere corpus,  
 Ne lædant pressum quælibet ossa latus.



Candida contempsit, nisi quæ suffusa rubore  
 Vernarent propriis ora serena rosis.  
 Hunc Venus ante alios sibi vendicat ipsa colorem,  
 Diligit & florem Cypris ubique suum.  
 Aurea cæsaries, demissaque, lactea cervix,  
 Vultibus ingenuis visa decere magis.  
 Nigra supercilia, & frons libera, lumina nigra,  
 Urebant animum sæpe notata meum.  
 Flammea dilexi, modicumque tumentia labra,  
 Quæ mihi gustanti basia plena darent.  
 In tereti collo visum pretiosius aurum,  
 Gemmaque iudicio plus radiare meo.  
 Singula turpe seni quondam quæstira referre,  
 Et quod tunc decuit, jam modò crimen habet.  
 Diversos diversa juvant : non omnibus annis  
 Omnia conveniunt ; res prius apta nocet.  
 Exultat levitate puer, gravitate senectus :  
 Inter utrumque manens stat juvenile decus.  
 Hunc tacitum, tristemque decet ; sit clarior ille  
 Læticia, & linguæ garrulitate suæ.  
 Cuncta trahit secum, vertitque volubile tempus,  
 Nec patitur certa currere quemque via.  
 Nunc quia longa mihi gravis est, & inutilis ætas,  
 Vivere cum nequeam, sit mihi posse mori.  
 O quàm dura premit miseros conditio vitæ,  
 Nec mors humano subjacet arbitrio.  
 Dulce mori miseris ; sed mors optata recedit :  
 At cum tristis erit, præcipitata venit.  
 Me verò heu tantis defunctum partibus olim  
 Tartareas vivum constat inire vias.  
 Jam minor auditus, gustus minor, ipsa minora  
 Lumina, vix tactu noscere certa queo.  
 Nullus dulcis odor, nulla est mihi grata voluptas.  
 Sensibus expertem quis superesse putet ?  
 En Lethæa meam subeunt oblivia mentem,  
 Nec confusa sui jam meminisse potest.  
 Ad nullum confurgit opus, cum corpore languet ;

Atque intentæ suis obstupet ipsa malis.  
Carmina nulla cano : cantandi summa voluptas  
Heu fugit , & voci gratia vera perit.  
Non fora sollicito , nec blanda poemata fingo ;  
Litibus , heu , rapidis commoda dura sequor.  
Ipsaque me species quondam dilecta reliquit ;  
Et videor formæ mortuus esse meæ.  
Pro niveo , rutiloque prius , nunc inficit oræ  
Pallor , & exsanguis , funereusque color.  
Aret sicca cutis , rigidi stant undique nervi ,  
Et lacerant uncæ tabida membra manus.  
Quondam ridentes oculi : nunc fonte perennis  
Deplangunt pœnas nocte , dieque suas.  
Et quos grata prius ciliorum serra tegebant ,  
Desuper incumbens hispida silva premit.  
Ac velut inclusi cæco conduntur in antro :  
Nescio quid torvum , vel furiale vident.  
Jam pavor est vidisse senem ; nec credere possis  
Hunc hominem , humana qui ratione caret.  
Si libros repeto , duplex se littera findit ;  
Largior occurrit pagina nota mihi.  
Claram per nebulas videor mihi cernere lucem :  
Nubila sunt oculis ipsa serena meis.  
Eripitur sine nocte , dies : caligine cæca  
Septum Tartareo quis neget esse loco ?  
Talia quis demens homini persuaserit auctor ,  
Ut cupiat voto turpior esse suo ?  
Jam subeunt morbi , subeunt discrimina mille :  
Jam dulces epulæ , deliciæque nocent.  
Cogimur à gratis animum suspendere rebus ;  
Atque ut vivamus , vivere desinimus.  
Et jam me dudum , cui nulla adversa nocebant ,  
Ipsa , quibus regimur , nunc alimenta gravant.  
Esse libet saturum , saturum mox esse pigebit.  
Præstat ut abstineam , ast abstinuisse nocet.  
Quæ modò profuerat , contraria redditur esca :  
Fastidita jacet , quæ modò dulcis erat.

Non Veneris sunt grata mihi, nec munera Bacchi,  
 Nec quidquid vitæ fallere damna solet.  
 Sola jacens natura manet, quæ sponte per horas  
 Solvitur, & vitio carpitur ipsa suo.  
 Nec toties experta mihi medicamina profunt,  
 Non ægris quidquid ferre solebat opem.  
 Sed cum materia pereunt quæcunque parantur,  
 Fit magis & damnis tristior urna meis.  
 Non secus instantem cupiens fulcire ruinam,  
 Diversis contrâ nititur objicibus,  
 Donec longa dies, omni compage soluta,  
 Ipsum cum rebus subruat auxilium.  
 Quid, quod nulla levant animum spectacula rerum,  
 Nec mala tot vitæ dissimulare licet.  
 Turpe seni vultus nitidi, vestesque decoræ,  
 Atque etiam est ipsum vivere turpe senem.  
 Crimen amare jocos, crimen convivia, cantus:  
 O miseri, quorum gaudia crimen habent!  
 Quid mihi divitiæ, quarum si demeris usum,  
 Quamvis largus opum, semper egenus ero?  
 Imò etiam pœna est partis incumbere rebus,  
 Quas cum possideas, est violare nefas.  
 Non aliter sitiens vicinas Tantalus undas  
 Captat, & appositis abstinet ora cibis.  
 Efficior custos rerum magis ipse mearum,  
 Conservans aliis, quæ periere mihi:  
 Sicut in auricomis pendentia plurimus hortia  
 Pervigil observat non sua poma draco.  
 Hinc me sollicitum torquent super omnia curæ:  
 Hinc requies animo non datur ulla meo.  
 Quærere quæ nequeo, semper retinere laboro,  
 Et retinens semper, nil tenuisse puto.  
 Stat dubius, tremulusque senex, semperque malorum  
 Credulus; & stultus, quæ facit ipse, timet.  
 Laudat præteritos, præsentem despicit annos:  
 Hoc solum rectum, quod sapit ipse, putat.  
 Se solum doctum, se judicat esse peritum;

Ex quòd sit sapiens, desipit inde magis.  
Multa licet nobis referens, eademque revolvens  
Horret, & alloquium conspuat ipse suum.  
Deficit auditor, non deficit ipse loquendo.  
O sola fortes garrulitate senes!  
Omnia necquidquam clamorosis vocibus implet.  
Nil satis est; horret, quæ placuere modò.  
Arridet de se ridentibus, ac sibi plaudens,  
Incipit opprobrio lætior esse suo.  
Hæ sunt primitiæ mortis: his partibus ætas  
Defluit, & pigris gressibus ima petit.  
Non habitus, non ipse color, non gressus euntis,  
Non species eadem, quæ fuit antè, manet.  
Labitur ex humeris demisso corpore vestis;  
Quæque brevis fuerat, jam modò longa mihi est.  
Contrahimur, miroque modo decrescimus ipsi:  
Diminui nostri corporis ossa putes.  
Nec cælum spectare licet: sed prona Senectus  
Terram, à qua genita est, & reditura videt.  
Fitque tripes, prorsus quadrupes, ut parvulus infans;  
Et per sordentem flebilè serpit humum.  
Ortus cuncta suos repetunt, matremque requirunt;  
Et redit ad nihilum, quod fuit antè nihil.  
Hinc est quòd baculo incumbens ruitura Senectus,  
Assiduo pigram verberare pulsat humum;  
Et numerosa moyens crebro vestigia passu,  
Talia rugato creditur ore loqui:  
Suscipe me, genitrix, nati miserere laborum;  
Membra velis gremio fessa fovere tuo.  
Horrent me pueri; nequeo velut antè videri.  
Horrendos partus cur sinis esse tuos?  
Nil mihi cum superis, explevi munera vitæ;  
Redde, precor, patrio mortua membra solo.  
Quid miseros variis prodest suspendere pœnis?  
Non est materni pectoris ista pati.  
His dictis, trunco titubanteis sustinet artus,  
Neglecti repetens stramina dura tori.

Quo postquam jacuit, misero quid funere differt?  
 Heu, tantum attriti corporis ossa vides.  
 Cumque magis jaceam semper, vivamque jacendo,  
 Quis sub vitali me putet esse loco?  
 Jam perna est totum quod vivimus: urimur aestu;  
 Officiunt nebulae; frigus, & aura nocet.  
 Ros laedit, modicoque etiam corrumpimur imbre:  
 Veris, & autumnus laedit amena dies.  
 Hinc miserum scabies, hinc tussis anhela fatigat;  
 Continuos gemitus agra Senectus habet.  
 Hos superesse reat, quibus & spirabilis aër,  
 Et lux, qua regimur, redditur ipsa gravis?  
 Ipsa etiam cunctis requies gratissima somnus  
 Abvolat, & sera vix mihi nocte redit.  
 Vel si lassatos nunquam dignabitur artus,  
 Turbidus in quantis horret imaginibus?  
 Mollia fulcra tori duris sunt cotibus aequa:  
 Parva licet, magnum pallia pondus habent.  
 Cogor per mediam turbatus surgere noctem,  
 Multaque, ne patiar deteriora, pati.  
 Vincimur infirmi defectu corporis; & qua  
 Nolucro infelix, hac ego parte trahor.  
 Omnia naturae solvuntur viscera nostrae,  
 Et tam praeclarum quod male mutat opus.  
 His veniens onerata malis inopina Senectus,  
 Cedere ponderibus se docet ipsa suis.  
 Ergo quis has cupiat per longum ducere pernas?  
 Paulatimque anima deficiente mori?  
 Morte mori melius, quam vitam ducere mortis,  
 Et sensus membris sic sepelire suis.  
 Non queror, heu, longi quod totum solvitis anni:  
 Improba naturae dicere jura nefas.  
 Deficiunt validi longaevo tempore tauri;  
 Et quondam pulcher, qui modò turpis, equus.  
 Fracta diu rapidi compescitur ira Leonis;  
 Lentaque per senium Caspia tigris erit.  
 Ipsa etiam veniens consumet saxa vetustas;

Et nullum est, quod non tempore cedat, opus.  
 Sed mihi venturos melius prævertere casus,  
 Atque infelices anticipare dies.  
 Pœna minor, certam subito perferre ruinam;  
 Quod timeas, gravius sustinuisse diu.  
 At quos fert alios, quis possit dicere casus?  
 Hoc quoque difficile est commemorasse seni.  
 Jurgia, contemptus, violentaque damna sequuntur;  
 Nec quisquam ex tantis præbet amicus opem.  
 Ipsi me pueri, atque ipsæ sine lite puellæ,  
 Turpe putant dominum jam vocitare suum.  
 Irrident gressus, irrident denique vultum,  
 Et tremulum, quondam quod timuere, caput.  
 Cumque nihil videam, tamen hoc spectare licebit,  
 Ut gravior misero pœna sit ista mihi.  
 Felix qui meruit tranquillam ducere vitam,  
 Et lætos stabili claudere sine dies!  
 Dura satis miseris memoratio prisca bonorum;  
 Et gravius summo culmine missa ruunt

---

## ELEGIA II.

## NON DESPICIENDA SENECTUS.

**E**N dilecta mihi nimium formosa Lycoris,  
 Cum qua mens eadem, res fuit una mihi:  
 Post multos quibus indivisi viximus annos,  
 Respuit amplexus, heu, stupefacta meos;  
 Jamque alios juvenes, aliosque requirit amores:  
 Me vocat imbellem, decrepitumque senem.  
 Nec meminisse volet transactæ dulcia vitæ,  
 Nec quod me potius reddidit ipsa senem.  
 Imò etiam causas ingrata, ac perfida fingit,  
 Ut spretus vitio judicer esse meo.

Hæc me præteriens cum dudum fortè videret ,  
 Expuit , obductis vestibus ora regens.  
 Hunc ego dilexi ? meque hic complexus amavit ?  
 Huic ego sæpe , nefas , oscula blanda dedi ?  
 Nauseat , & priscum vomitu ceu fundat amorem ,  
 Imponit capiti plurima dira meo.  
 Heu , quid longa dies nunc affert ? ut sibi quisquam  
 Quondam dilectum prodere turpe putet !  
 Nonne fuit melius tali me tempore fungi ,  
 Quo nulli meritò despiciendus eram :  
 Quàm postquam periit quidquid fuit antè decoris ,  
 Extinctum meritis vivere criminibus ?  
 Jam nihil est totum quod viximus : omnia secum  
 Tempus præteriens , horaque summa trahit.  
 Et quamvis nivei circumdant tempora cani ,  
 Et jam cæruleus inficit ora color ,  
 Præstat adhuc , nimiumque sibi speciosa videtur ,  
 Atque annos mecum despicit illa suos.  
 Et fateor , primæ retinet monumenta figuræ ,  
 Atque inter cineres condita flamma manet.  
 Ut video , pulchris etiam vos parcitæ anni ,  
 Nec veteris formæ gratia tota perit.  
 Reliquiis veterum juvenes pascuntur amorum ,  
 Et si quid nunc est , quod fuit antè , placet.  
 Ante oculos statuunt primævi temporis actus ,  
 Atque in præteritum luxuriantur opus.  
 Et quia nos totus membrorum deserit usus ,  
 Nullos amplexus , quos remoretur , habet.  
 Sed miseris solus superest post omnia luctus.  
 Quot bona tunc habui , tot modò damna fleo.  
 Ergo velut pecudum præsentia sola manebunt ?  
 Nil de transactis , quod memoretur , erit ?  
 Cum fugiant & bruta novos animalia campos ,  
 Et reperant celeres pascua nota greges ;  
 Sub qua decubuit requiescens diligit umbram.  
 Taurus , & amissum quærat ovile pecus ;  
 Dulcius in solitis canter philomela rubetis.

Sirque suum rapidis dulce cubile feris ;  
 Tu tantum bene nota tibi , atque experta relinquis .  
 Hospitia , & potius non manifesta petis ?  
 Nonne placet melius certis confidere rebus ?  
 Eventus varios res nova semper habet .  
 Sum grandævus ego , nec tu minus alba capillis :  
 Par ætas animos conciliare solet .  
 Si modò non possum , quondam potuisse memento :  
 Sit satis , ut placeam , me placuisse prius .  
 Permanet in validis reverentia prisca ælonis :  
 Quod fuit in verulo milite , miles amat .  
 Rusticus expertum deflet cecidisse juvencum :  
 Cum quo consenuit , miles honorat equum .  
 Nec me adeò primis spoliavit floribus ætas ;  
 En facio versus , & mea facta cano .  
 Sit gravitas , sitque ipsa tibi veneranda Senectus :  
 Sit quòd te nosti vivere velle diu .  
 Quis suam in alterius condemnet crimine vitam ?  
 Et quo prætendit claudere certet iter ?  
 Dicere si fratrem , seu dedignaris amicum ,  
 Dic patrem ; affectum nomen utrumque tenet .  
 Vincat honor luxum , pietas succedat amori :  
 Plus ratio , quamvis cæca , valere solet .  
 His lacrymis longos , quantum fas , flevimus annos :  
 Est grave , quod doleat , commemorare diu .

---

## ELEGIA III.

NARRAT FACTA JUVENTUTIS .

**N**unc operæ pretium est quædam memorare  
 juventæ ,  
 Atque Senectutis pauca referre meæ :  
 Quò lector mentem rerum vertigine fractam



Erigat , & mortuum noscere curet opus.  
 Captus amore tuo , demens Aquilina , ferebar  
 Pallidus , & tristis , captus amore tuo.  
 Nondum quid sit amor, vel quid Venus ignea , noram :  
 Torquebar potius rusticitate mea.  
 Nec minùs illa mea percussa à cuspide , flagrans  
 Errabat tota non capienda domo.  
 Stamina pensa procul , nimium dilecta , jacebant :  
 Solus amor cordi , curaque semper erat :  
 Nec reperire viam , qua cæcum pasceret ignem ,  
 Docta , nec alternis reddere verba notis.  
 Tantùm in conspectu studio perstabat inani ,  
 Anxia vel solo lumine corda fovens.  
 Pædagogus adit me : illam tristissima mater  
 Servabat , tanti pœna secunda mali.  
 Prensabantque oculos , natusque per omnia nostros ,  
 Quique solet mentis ducere signa color,  
 Dum licuit , votum tacitè compressimus ambo ,  
 Et varia dulcis teximus arte dolos.  
 At tandem teneram rupit verecundia frontem ,  
 Nec valuit penitus flamma recepta tegi.  
 Mox captare locos , & tempora cœpimus ambo ,  
 Atque superciliis , luminibusque loqui ;  
 Fallere sollicitos , suspensos ponere gressus ,  
 Et tota nullo currere nocte sono.  
 Nec longum , genitrix furtivum sensit amorem ,  
 Et medicare parans vulnera vulneribus ,  
 Increpitat , cæditque ; ignes in pectore crescunt ,  
 Ut solet adjecto crescere flamma rogo.  
 Concipiunt geminum flagrantia corda timorem ,  
 Et sic permisto sævit amore dolor.  
 Tunc me visceribus perterrita quatit anhelis ,  
 Emptum suppliciiis quem putat esse suis.  
 Nec memorare pudet , turpisque revolvere versas ;  
 Imò etiam gaudens imputat illa mihi.  
 Pro te susceptos juvat , inquit , ferre labores ;  
 Tu præmium tanti dulce cruoris eris.

Sit modò certa fides, atque inconcussa voluptas:  
 Quæ nihil imminuit passio, nulla fuit.  
 His egomet stimulis angebar semper, & ardens  
 Languebam; nec spes ulla salutis erat.  
 Prodere non ausus, carpebat vulnere cæco:  
 Sed stupor, & macies vocis habebat opus.  
 Hic mihi, magnarum scrutator maxime rerum,  
 Solus, Bobeti, fers miseratus opem.  
 Nam cum me curis intentum sæpe videres,  
 Nec posses causas noscere tristitiæ:  
 Tandem prospiciens tali me peste teneri,  
 Mitibus alloquiis pandere clausa jubes.  
 Dic, ait, unde novo correptus carperis igne?  
 Dic precor, & dicti sume doloris opem.  
 Non intellecti nulla est curatio morbi,  
 Ut magis inclusis ignibus antè fremunt.  
 Dum pudor est tam fœda loqui, vitiumque fateri,  
 Agnovit taciti conscia signa mali.  
 Mox ait: occultæ satis est res prodita causæ;  
 Pone merum, veniam vis tibi tanta dabit.  
 Prostratus pedibus verecunda silentia rupi,  
 Cum lacrymis referens ordine cuncta suo.  
 Fare, ait, ut placidæ potiaris munere formæ;  
 Respondi: pietas talia velle fugit.  
 Solvitur in risum, exclamans, prò mira voluptas!  
 Castus amor Veneris, dicito, quando fuit?  
 Parcere dilectæ, juvenis, desiste puellæ;  
 Impius huic fueris, si pius esse velis.  
 Unguibus, & morsu teneri pascuntur amores:  
 Vulnera non refugit, res magis apta plagæ.  
 Interea donis permulcet corda parentum,  
 Et pretio facilis in mea vota trahit.  
 Auri, cæcus amor nativum vincit amorem:  
 Cœperunt gnatæ crimen amare suæ.  
 Dant vitiis, furtisque locum: dant jungere dextras,  
 Et totum ludo concelebrare diem.  
 Permissum sit vile nefas, & languidus ardor,

Vicerunt morbum languida corda suum.  
 Illa nihil quæsitâ videns procedere, causâ  
 Odit, & illæso corpore tristis abit.  
 Projeci vanas sanato pectore curas,  
 Et subito didici quàm miser antè fui.  
 Salve sancta, inquam, semperque intacta maneto  
 Virginitas, per me plena pudoris eris.  
 Quæ postquam perlata viro sunt omnia tuto,  
 Meque videt fluctus exsuperasse meos:  
 Macte, inquit, juvenis, proprii dominator amoris;  
 En de contemptu sume trophæa tuo.  
 Arma tibi Veneris, cedantque Cupidinis arcus:  
 Cedat & armipotens ipsa Minerva tibi,  
 Si tibi peccandi studium permissa potestas  
 Abstulit, atque ipsum talia velle fugit.  
 Ingrati, tristes pariter discessimus ambo;  
 Discidii ratio vita pudica fuit.

---

## ELEGIA IV.

INITIA SUI NARRAT AMORIS.

**R**ESTAT adhuc alios, turpeisque revolvere casus,  
 Atque aliquo molli ludere corda joco:  
 Conveniunt etenim deliræ ignava Senectæ,  
 Aptaque sunt operi carmina vana meo.  
 Sic vicibus variis, alternisvolvimur annis,  
 Et mutata magis tempora grata mihi.  
 Virgo fuit, species dederat cui candida nomen,  
 Candida, diversis stat bene compta modis.  
 Huic ego per totum vidi splendentia corpus  
 Cymbala multiplices edere pulsa sonos.  
 Nunc niveis digitis, nunc pulsans pectine chærdas,  
 Argute

Arguto quidquid murmure dulce loqui.  
 Hanc ego salrantem subito correptus amavi,  
 Et corpi tacitus vulnera grata pati.  
 Sic me diversis tractum de partibus, una  
 Carpebat variis pulcra puella modis.  
 Singula visa semel, semper memorare libebat,  
 Hærebantque animo nocte, dieque meo.  
 Sæpe velut visæ lætabar imaginæ formæ,  
 Et procul absentiæ voce, manuque frui.  
 Sæpe velut præsens fuerit, mecum ipse loquebar:  
 Cantabam dulceis, quos solet illa, modos.  
 O quoties demens, quoties sine mente ferebar!  
 Nec, puto, fallebar, nec bene sanus eram.  
 Atque aliquis, cui cæca foret bene nota voluptas,  
 Cantat cantantem, Maximianus amat.  
 Certè difficile est abscondere pectoris æstus,  
 Panditur & clauso sæpius ore furor.  
 Nam subito inficiens vultum pallorque, ruborque,  
 Interdum certæ vocis habebat opus.  
 Nec minùs ipsa meas prodebant somnia curas,  
 Somnia secreti non bene fida mei.  
 Nam cùm sopitos premerent oblivia sensus,  
 Confessa est facinus conscia lingua suum.  
 Candida, clamabam, propera: cur, Candida, cessas?  
 Nox abit, & furtis lux inimica venit.  
 Proximus ut genitor mecum comitatus amatæ  
 Virginis, in gelida fortè jacebat humo:  
 Illius ad nomen turbatos excitat artus;  
 Exilit, & natam credit adesse suam.  
 Omnia collustrans, toto me pectore somnum  
 Prospicit afflantem, nec meminisse mei.  
 Vana putas? an vera sopor ludibria jactat?  
 Et te verus, ait, pectoris ardor habet?  
 Credo equidem assuetas animo remeare figuras;  
 Et fallax studium ludit imago suum.  
 Stat tamen attonitus, perplexaque murmura captat,  
 Et tacitis precibus dicere plura rogat.

Sic ego qui cunctis sanctæ gravitatis habebar,  
 Proditus indicio sum miser ipse meo.  
 Et nunc infelix tota est sine crimine vita,  
 Et peccare senem non potuisse pudet.  
 Deserimur vitiis, fugit indignata voluptas;  
 Et quod non possum, non potuisse juvat.  
 Hoc etiam meminisse licet, quod serior ætas  
 Impulit, & gemitus quos mihi læta dedit.  
 Has sed quis possit naturæ adstringere parteis?  
 Gnarus, & ut sapiens noxia sæpe velit?  
 Interdum rapimur vitiis, trahimurque volentes;  
 Et quæ non capiunt, pectora bruta volunt.

---

## ELEGIA V.

## MULIER FINGENS AMOREM.

**M**ISSUS ad Eoas legati munere functus,  
 Tranquillum cunctisnectere pacis opus;  
 Dum studeo geminæ componere fœdera pacis,  
 Inveni cordis bella nefanda mei.  
 Hic me suscipiens Etruscæ gentis alumnum  
 Involvit patriis Graia puella dolis.  
 Nam cum se nostro captam simularet amore,  
 Me potius vero fecit amore capi.  
 Pervigil ad nostras astabat nocte fenestras,  
 Nescio quid Græco murmure dulce canens.  
 Nunc aderant lacrymæ, gemitus, suspiria, pallorque;  
 Et quidquid nullum fingere posse putes.  
 Sed velut afflictam nimium miseratus amantem,  
 Efficior potius tunc miserandus ego.  
 Hæc erat egregiæ formæ, vultûsque modesti,  
 Grata, micans oculis, nec minus arte placens.  
 Docta loqui digitis, & carmina fingere docta,

Et responsuram sollicitare lyram.

Illam Sireniis stupefactus cantibus æquans,

Efficior demens alter Ulysses ego;

Et quia non poteram tantas evadere moles,

Nescius in scopulos, & vada cæca feror.

Quid referam gressus certa se lege moventis?

Suspensosque novis passibus ire pedes?

Grande erat inflexos gradibus numerare capillos;

Grande erat in niveo pulchra colore coma.

Urebant oculos duræ, stantesque papillæ,

Et quas astringens clauderet una manus.

Ah quantum mentem stomachi fultura movebat,

Atque sub exhausto pectore pingue femur!

Urebar teneros adstringere fortiter artus:

Visa per amplexus ossa sonare meos.

Grandia clamabam nimium me brachia lædunt,

Non tulerant pondus subdita membra suum.

Dirigui, quantusque fuit calor iste reliquit;

Et nata est veniæ causa pudenda meæ

Non sic lac tenerum permixta coagula reddunt,

Nec liquidi mellis spuma liquoris erit.

Succubui, fateor, Graiæ tum nescius artis:

Succubui Tusca simplicitate senex.

Qua defensa suo superata est Hectore Troja,

Unum non poterat fraus superare senem.

Muneris invicti curam, studiumque reliqui,

Deditus imperiis, sæve Cupido, tuis.

Nec memorare pudet tali me vulnere victum;

Subditus his flammis Juppiter, ipse fuit.

Sic mihi prima quidem nox affuit, & sua solvit

Munera, grandævo vix subeunda viro.

Proxima destituit vires, vacuusque recessit

Ardor, & in Venerem segnis ut antè fui.

Illa, velut proprium repetens infesta tributum,

Instat, & increpitans, debita reddis? ait.

Sed nihil hic clamor, nil sermo mitis agebat:

Quod natura negat, reddere nemo potest.

E c ij

Erubui, stupuique: omnes veretundia motus.  
 Abstulit, & blandum terror ademit opus.  
 Conrectare manu corpit frigentia membra,  
 Meque etiam digitis sollicitare suis.  
 Nil mihi torpenti, nil tactis profuit illis:  
 Restitit in medio frigus, ut antè, fœco.  
 Quæ te crudelis rapuit mihi femina, dixit?  
 Cujus ab amplexu fessus ad arma redis?  
 Jurabam curis animum mordacibus uri,  
 Nec posse ad luxum tristitia corda trahi.  
 Illa dolum credens, non falles, inquit, amorem:  
 Plurima cæcus amor lumina semper habet.  
 Quin potiùs placido noli unquam parcere ludo:  
 Projice trilitias, & renovere jocos.  
 Obtundunt siquidem curarum pondera sensus:  
 Intermissa minus sarcina pondus habet.  
 Tunc egomet toto nudatus corpore lecto,  
 Effusus lacrymis talia verba dedi:  
 Cogimur, heu, segnes crimen, vitiumque fateri,  
 Ne meus extinctus fortè putetur amor.  
 Me miserum, cuius non est culpanda voluptas!  
 Judicor infelix debilitatis ope.  
 En longo confecta situ tibi tradimus arma,  
 Arma ministeriis quippe dicata tuis.  
 Fac quodcunque potes, nos cedimus: hoc tamen ipse  
 Grandior est hostis, quò minùs ardet amor.  
 Protinùs Argivas admovit turpiter arteis,  
 Meque cupit flammis vivificare suis.  
 Ast ubi dilecti persensit funera membri,  
 Nec velut expositum surgere vidit opus,  
 Erigitur, viduoque toro lacrymata recumbens,  
 Vocibus his luctus, & sua damna fover:  
 Mentula festorum cultrix operosa dierum,  
 Quondam divitiæ, delitiæque meæ,  
 Quo te dejectam lacrymarum gurgite plangam?  
 Quæ de tot meritis carmina digna feram?  
 Tu mihi flagranti succurrere sæpe solebas,

Atque æstus animi ludificare mei.  
 Tu mihi per totam custos gratissima noctem,  
 Consors lætitiæ, tristitiæque meæ.  
 Conscia secreti semper fidissima nostri,  
 Astans in nostris pervigil obsequiis.  
 Quò tibi fervor abijt, per quem feritura placebas?  
 Quò tibi cristatum, vulniferumque caput?  
 Nempe jaces nullo, ut quondam, suffusa rubore;  
 Pallida demisso vertice nempe jaces.  
 Nil tibi blanditiæ, nil dulcia carmina profunt;  
 Non quidquid mentem sollicitare solet.  
 Sic velut exposito meritam te funere plango.  
 Occidit, assiduo quod caret officio.  
 Hæc ego cum lacrymis deducta voce canentem  
 Irridens, dictis talibus increpui:  
 Dum desles nostri languorem, femina, membri,  
 Ostendis morbo te graviore premi.  
 Vade, inquam, felix, semper felicibus apta,  
 Et tibi cognatis utere deliciis.  
 Illa furens, credo, quòd nescis, perfide, dixit:  
 Non fleo privatum, sed generale Chaos.  
 Hæc genus humanum, pecudum, volucrumque,  
 ferarumque,  
 Et quidquid toto spirat in orbe, creat.  
 Hæc sine diversi nulla est concordia sexûs:  
 Hæc sine conjugii gratia summa perijt.  
 Hæc geminas tanto constringit fœdere menteis,  
 Unius ut faciat corporis esse duos.  
 Pulcra licet, pretium si desit, femina perdit;  
 Hæc si defuerit, vir quoque turpis erit.  
 Hæc si gemma micans rutilum non conterat aurum,  
 Æternum fallax, mortiferumque genus.  
 Tecum pura fides, secretaque certa loquuntur,  
 O verè pretium, fructiferumque bonum.  
 Cedunt cuncta tibi, quodque est sublimius, ultrò  
 Cedunt imperiis maxima quæque tuis.  
 Nec subtracta gemunt, sed se tibi subdere gaudent;



Vulnere sunt iræ prosperiora tuæ.  
 Ipsa etiam totum moderans sapientia mundum,  
 Porrigit invitas ad tua jura manus.  
 Sternitur ista tuo votivo vulnere virgo,  
 Et percussa novo læta cruore jacet.  
 Flet tantum, ridetque suum laniata dolorem,  
 Et percussori plaudit amica suo.  
 Non tibi semper iners, non mollis convenit actus;  
 Mistaque sunt ludis fortia facta tuis.  
 Nam nunc ingenio, magnis nunc viribus usa,  
 Nunc his, quæ juveni sunt inimica, malis.  
 Nam tibi pervigiles impendunt sæpe dolores,  
 Imbres, insidiæ, jurgia, damna, pudor.  
 Tum mihi sæpe feri commendas corda tyranni;  
 Sanguineus per te Mars quoque mitis erit.  
 Tu post extinctos, debellatosque Gigantes,  
 Excutis irato tela trifurca Jovi.  
 Tu cogis rapidas affectus discere tigres:  
 Per te blandus amans redditur ipse leo.  
 Mira tibi virtus, mira est patientia: victos  
 Diligis, & vinci, vincere sæpe volens.  
 Cum superata jaces, vires, animosque resumis,  
 Atque iterum vinci, vincere rursus amans.  
 Ira brevis, longa est pietas, recidiva voluptas;  
 Et cum posse perit, mens tamen una manet.  
 Conticuit tandem longo satiata dolore,  
 Ac velat expletis desinit exequiis.



## ELEGIA VI.

## CONSILIUM SENIBUS DATUM.

**C**LAUDE; precor, miseras ætas verbosa querelas,  
 Nunquid adhuc vitium vis referare tuum?  
 Sit satis indignum leviter tetigisse pudorem:  
 Contrectata diu crimina crimen habent.  
 Omnibus est eadem lethi via: non tamen unus  
 Est vitæ cunctis, exitique modus.  
 Hac pueri, atque senes pariter, juvenesque ferentur;  
 Hac par divitibus pauper egenus erit.  
 Ergo quod astrictum, quodque est vitabile nulli,  
 Festino gressu vincere præstat iter.  
 Infelix ceu jam defleto funere surgo;  
 Hac me defunctum vivere parte puto.

## VII.

*Sequens Lyricum, quia à plerisque Cornelio Gallo  
 attribuitur, hinc adjicere libuit, quamvis inepti  
 ejuspiam, ut Scaliger ait, Poëtices Lib. VI.*

**L**YDIA, bella puella, candida,  
 Quæ bene superas lac, & lilium,  
 Albamque simul rosam rubidam,  
 Aut expositum ebur Indicum.  
 Pande, puella, pande capillulos  
 Flavos, lucentes ut aurum nitidum.  
 Pande, puella, collum candidum,  
 Productum bene candidis humeris.

Fande, puella, stellaros oculos,  
 Flexaque super nigra cilia.  
 Pande, puella, genas roseas,  
 Perfusas rubro purpuræ Tyrizæ.  
 Porrige labra, labra corallina;  
 Da columbatim mixta basia.  
 Sugis amentis partem animi:  
 Cor mihi penetrant hæc tua basia.  
 Quid mihi sugis vivum sanguinem?  
 Conde papillas, conde gemipomas,  
 Compresso lacte quæ modò pullulant.  
 Sinus expansa profert cinnama:  
 Undique surgunt ex te deliciæ.  
 Conde papillas, quæ me fauciant  
 Candore, & luxu nivei pectoris.  
 Sæva, non cernis quòd ego languco?  
 Sic me destituis jam semimortuum?



## V E R B A

OBSOLETA QUÆ LEGUNTUR  
I N C A T U L L O.

## A.

<b>A</b> Bhorret, à se diversus est,	pag. 14
Adepta's, pro adepta es,	pag. 60
Æstues, id est agiteris,	pag. 16
Æstuosi, ibi enim sunt procellæ arenosæ,	pag. 5
Amastri, urbs Paphlagoniæ,	pag. 3
Ambrosium; hic est adjectivum,	pag. 80
Apeliotes, id est Eurus, unus è quatuor ventis principibus,	pag. 17
Aptis Sarcinulis, colligatis Sarcinulis,	pag. 17
Argutatio, est crepitatio lecti,	pag. 5
Arido pumice; sic Mss. Plautus & Cicero pumicem masculini fecerunt generis,	pag. 1
Asinius Pollio, vir facetiarum plenus,	pag. 9
Assulis stantis, Pontis scilicet qui stabat assulis, id est, fragmentis ligneis; vel legas Assulis tantis, quasi pons iste non staret nisi ope multorum assulorum,	pag. 12
Attractis pedibus; criminis enim rei pedibus sursum attrahebantur,	pag. 12
Aurunculeia, cognomen familiæ Cottarum,	pag. 40

## B.

Batti, Regis Cyrenes conditoris,	pag. 5
Beta, id est, languida,	pag. 64
Bythinia, Asiæ Provincia,	pag. 7
Bythini, populi Asiæ minoris,	pag. 20

## C.

Ceruleo creata ponto; Venerem invocat,	pag. 23
Cæsius & Aquinus pessimi Poëtæ,	pag. 11

F f

Caprimulgus, quia insulsa erant Suffeni carmina, p. 14	
Carbatinas crepidas lingere ; mos iste loquendi creditur obscœnus ,	pag. 80
Caram quid ; seu carmen ad Lesbiz solatium ,	pag. 2
Catagraphos Thinos , id est Linthei picti à Thyniz incolis ,	pag. 16
Cinædiorem , id est molliorem ,	pag. 8
Cinædus , homo libidini deditus ,	pag. 16
Cinæde , ita Cæsarem appellat ,	pag. 18
Cincerarius , id est tonsor ,	pag. 42
Citarier , id est citare , verbum cantantium ,	pag. 39
Clienti , ipsius nempe Calvi , cui dati fuerant mali illi Poëtæ ,	pag. 10
Colonia , urbs juxta Veronam in paludibus ,	pag. 12
Componier , aut componi , id est , comparare ,	pag. 68
Continenter , id est , uniter quasi in circulo ,	pag. 23
Contribillent , id est premant , à tribulo ,	pag. 16
Corneli ; is est Cornelius Nepes , qui res Saturni in Italia gestas scripserat , teste Laetantio ,	pag. 1
Crura Ponticuli ; seu Columnæ Pontis ,	pag. 12
Curuli sella , quia summi Romanorum magistratus curru eburno ornato vehebantur ,	pag. 32
Cyclades , insulæ in mare mediterraneo ,	pag. 3
Cythorius mons & Cythore , in Ponti Regno ,	pag. 3

## D.

Decoctoris ; loquitur de Mamurra , qui patrimonium consumpserat in re libidinosa ,	pag. 27
Deposivit , pro deposuit ,	pag. 21
Descendit , verbum obscœnum ,	pag. 85
Die Saturnalium , apud Romanos omnia licita , p. 11	
Diva mulier , est saga mulier , quæ ex avium cantu divinatur tanquam si divina esset ,	pag. 16
Dominam ; Lesbiam intelligit ,	pag. 3
Dyndimus , mons Phrygiæ , cujus Cybelle domina erat ,	pag. 22

## E.

Elevase , hic est minasse ,	pag. 16
-----------------------------	---------

**Esuritio** ; est aliquid fame majus , pag. 13  
**Expatriavit** , libidinibus absumpsit , pag. 18

## F.

**Fascinare** , id est nocere , pag. 5  
**Ferreo ore** ; quod enim semel arripuit canis , mordaciter tenet , pag. 26  
**Fescennina locutio** , id est joci & obscœna verba , quæ in nuptiis canebantur , pag. 42  
**Flammeum** , velum erat rubri coloris , quo virgines tegebantur in nuptiis , pag. 38  
**Furcillis** , id est furcis ejicere , pag. 82

## G.

**Gemelle Castoris** , is erat Pollux , pag. 4  
**Glubere** , proprium est meretricum , pag. 35  
**Gravis ardor** , amotis scilicet , pag. 2

## H.

**Hadriaticum mare** est sævissimum ; Phæelus autem ille fragilis erat , pag. 3  
**Hamadryades** , Nymphæ erant quæ cum arboribus nascebantur & peribant , pag. 38  
**Have & vale** , verba tumulis inscripta , pag. 81  
**Hiberum** , & Hiberorum , seu Hispanorum , pag. 7  
**Hiscas** , id est os aperias , ab hiscere , pag. 80  
**Horribiles** , quia in hospites erant feri , pag. 8  
**Hydrochoi proximus** , id est pluviosus , pag. 62

## I.

**Illa rumpere** , proprium est meretricum , pag. 9  
**Imago** , nasum ; id est quæritis ejus faciem & imaginem ? nasum inspicito , pag. 26  
**Impiorum** , nefariorum scriptorum , pag. 10  
**Impotentia** , id est æstiosa , pag. 3  
**Inambulatio** , verbum in obscœnis tritum , pag. 5  
**Inrumasti** , metaphoricè pro illusisti , pag. 18  
**Inrumatio & inrumare** verba obscœna , pag. 14  
**Inrumator** , libidinosus , luxu perditus , pag. 7  
**Inger proingere** , ita biber pro bibere , pag. 17  
**Insubis flagra** , id est injucunda , pag. 16

Insapiens, rectè ex mss. pro insipiens, pag. 27  
 Jovis Ammonis, prope urbem Cyrenem, pag. 9  
 L.

Lasercipiferis, herba laserpitio abundans, pag. 9  
 Lacum, Benacum, ad quem Sirmio, pag. 4  
 Lectica, lecti genus ab hominibus exportati, pag. 7  
 Lepidum, id est molliculum, lascivum, pag. 8  
 Lignea conjux, quia macra & arida erat, pag. 15  
 Liguri, id est in agro Liguriæ, ubi non montes solum, sed & fossæ ac paludes alnis refertæ, pag. 13  
 Lintea, id est mappas & mantilia, pag. 9  
 Litterator, id est grammaticus, pag. 10  
 Lucelli, id est accepti, pag. 18. & Lucello, seu refero datum lucello, id est pro lucro damnum refero, pag. 18  
 Ludere, verbum obscœnum, pag. 2. 3. &c.  
 Lufinus, id est, versus scripsimus, pag. 30  
 Luteum Soccum, erat calceamentum lutei coloris, qui color in nuptiis sacer erat, pag. 38  
 Lutum, verbum contemptus, pag. 26  
 Lydiæ lacus; hîc comparat lacum Benacum cum Pactolo, quia uterque arenam auream habebat, pag. 20

## M.

Male poëtis, id est malis poëtis, pag. 10  
 Malignè, id est parcè, pag. 7  
 Mamurra, eques Romanus libidinosus, pag. 18  
 Mantica, &c. proverbium erat, ut videtur tum ex Phædro, tum ex Persio. pag. 14  
 Mentula, Mamurram intelligit, quia valde erat libidinosus, pag. 18. &c.  
 Meridiatum, in obscœnis est rem cum puella post prandium habere, pag. 20  
 Mi, in vocativo, id est, mi Calve, pag. 30  
 Millia basiorum, alludit ad Epigramma V. pag. 12  
 Miser, quia miseri sunt amantes, pag. 6  
 Misti, prœ misisti, pag. 11  
 Μνηστρον, pignus memoriæ causa, pag. 2

Molestè, id est ineptè,	pag. 26
Movere lumbos, locus totus obscœnus,	pag. 12
Moveto, verbum obscœnum,	pag. 13
Mukus, hic est corpulentus,	pag. 85
Municipem, is creditur fuisse Lesbiz maritum, quem hic injuriis laceffit poëta,	pag. 13
Muricè, formidolosè, per allegoriam,	pag. 26
Mutari, id est redimere,	pag. 9

## N.

Noctes viduas, id est expertes Venere,	pag. 5
--	--------

## O.

Oblita's, pro oblita es,	pag. 60
Ocelle, id est, mihi cara,	pag. 19
Octo homines, qui scilicet exportarent in collo aut super humeros,	pag. 7
Odio Vatiniiano, id est odio quo Vatinius oderat ipsum-met Calvum,	pag. 10
Olive Syrio, quia erat odoris suavis,	pag. 5
Oricilla imula, est infima pars auris; proverbium etiam apud Ciceronem,	pag. 16
Orion cum fulget, tempus est serenum,	pag. 62

## P.

Pædicare, verbum obscœnum,	pag. 13
Pædicabo & inrumabo, verba obscœna,	pag. 12
Palimpsestus, membrana erat in qua ad parcimo- niam pluries scribi poterat,	pag. 14
Palmula, extrema pars remorum,	pag. 3
Patrona virgo, Minervam intelligit.	pag. 2
Pedirum, res obscœna; inde derivatur pedex,	pag. 32
Perenne; optat suis carminibus æternitatem,	pag. 2
Phaselus, navigii genus,	pag. 3
Phrygius judex; is Paris erat,	pag. 38
Pila, seu ad notum lapidem ab urbe Roma,	pag. 23
Pileati fratres; Castor & Pollux,	pag. 23
Pili facere, est nil æstimare,	pag. 7
Piplæus, & Pimplæus mons idem est,	pag. 82
Plenus arancarum, propter paupertatem,	pag. 10



rangebant,	pag. 43
Tripudiis, velocibus saltationibus,	pag. 46
Trufantem, verbum obscœrum,	pag. 34
Turpè, lentè, à torpeo,	pag. 26
Turpiculus nasus, pusillus nasus,	pag. 25


## V.


Vappa, homo egens,	pag. 18
Venustiorum, id est amorì deditorum,	pag. 2
Venustus, per ironiam in Suffenum,	pag. 14
Verpa, libidinosus præcipuè in pueros,	pag. 18
Verpus, recutitus ut Judæus,	pag. 29
Vincier, id est vinciri,	pag. 40
Uncta patrimonia, id est pretiosa,	pag. 19
Unctius referret; alludit ad morem quo in corna caput ungebatur,	pag. 7
Unctu' pro unctum, id est res pretiosas,	pag. 18
Unguentum, vide unctius.	
Vorabit, celerrimè conficiet,	pag. 22
Urbanus, hic est scurra,	pag. 14


## Z.

Zona & Zonula: Zona signum <sup>2</sup> erat virginitatis; virgines cum in matrimonium tradebantur, earum Zona solvebatur,	pag. 2. 39
--	------------

F I N I S.









This book should be returned to the Library on or before the last date stamped below.

A fine of five cents a day is incurred by retaining it beyond the specified time.

Please return promptly.

